

NICOL. CRAGII
HISTORIA REGIS
CHRISTIANI III.

Cum Continuatione
STEPHANI JO. STEPHANII
&c.

1871

1871

1871

1871

1871

1871

1871





7
NICOLAI CRAGII

Qvibus

RES DANICÆ

Ab Excessu

Ac deinde

A

GLORIOSISSIMO REGE

Gestæ

Ad Annum usque MDL.

enarrantur.

His additi

STEPHANI JO. STEPHANII

HISTORIÆ DANICÆ

LIBRI DUO

Qvibus reliqua Laudatissimi REGIS A&æ
describuntur.

Cum Prefatione, Indicibus, & aliis qvibusdam

H A F N I Æ,

Apud Viduam Hieronymi Christiani Pauli

MDCCXXXVII.



12



AUGUSTISSIMO POTENTIS-
SIMOQUE REGI AC
DOMINO

**DN. CHRISTI-
ANO VI.**

DANIÆ, NORVEGIÆ, VANDALORUM
GOTHORUMQUE REGI HERE-
DITARIO,

DUCI SLESVICI, HOLSATIÆ, STORMA-
RIÆ AC DITMARSÆ,
COMITI IN OLDENBURG ET DELMENHORST

PIO, SAPIENTI, FELICI,

DOMINO SUO CLEMENTISSIMO.



istoriæ magni Tui Tritaui, DIVI
CHRISTIANI TERTII, Ma-
jestatis Tuæ nomen ut inscriberem,
poterat quidem tum consuetudo
& mos publicus, tum argumenti
fiducia, tum denique Tua, Regum indulgen-
tissime, bonitas me adducere. Verum & alia
quædam erat causa, quæ in hoc ipso potius,
quam alio quocunque opere, religionem istius
officii injungebat. Cum enim ad hoc unum pa-
rata habebam omnia ac intentata, ut quodcunque
apud nos extaret, ad memoriam tantæ virtutis
in mortalium animis redintegrandam aptum, col-
lectum undique & exornatum, in æternitatis
templo collocarem, Tuumne, AUGUSTE, no-
men poteram præterire; unde quantum accessio-
nis proposito meo afferretur, næ summæ foret
imprudentiæ non agnoscere? Equidem magna
fateor & suspicienda esse merita præclarorum ho-
minum, quorum labores hic offero, quod ab il-
lis jam olim Regis gloriosissimi tum virtutes haud
leviter adumbratæ, tum res pace belloque ge-
stæ fideliter dilucideque sunt expositæ. Verum
qui Majestatem Tuam intuentur, quanto illustri-
us existimabunt, quod Tu illi monumentum sta-
tuisti, atque in mentibus Tuorum aggressus es
per-

perpetua quadam cura excitare ? Qvippe quod nobis non umbram quandam , aut delineatam artificis manu picturam , non erutam ex annalibus & memoriis factorum commemorationem , quasi è longinquo ostendit , sed rem ipsam repræsentat , vivamque & spirantem imaginem ante oculos nostros sistit. Augustius profecto & divinius laudationis genus , quam quod ulla historicorum diligentia , ullum oratorum ingenium concinnaverit. Neque vero aliud , sed hoc ipsum est , quod sanctum & beneficentissimum Numen a cultoribus suis poscit ; quandoquidem nostra beneficiorum suorum memoria ista unice delectatur , quæ in eorundem imitatione se exerit , eosque præ ceteris laudatores sanctissimi sui nominis gratos acceptosque habet , qui se totos actionesque suas omnes ad sanctitatis studium & exemplum conferunt. Ipsi in humanarum rerum fastigio collocati Heröes , publico mortalium bono & ornamento nati , quorum nomina promeruerunt ut per gentium annales fastosque evoluantur , si illis optio detur , utrum mortuos se malint disertissimorum scriptorum monumentis honestari , an progeniem sibi contingere , eadem , qua ipsi fuerunt , optime merendi cupiditate incensam , ac unde non tam sui nominis , quam recte & sapienter constitutorum perpetuitatem sperent , haud dubitem , quin hujus felicitatis

X 2

decus,

decus, illius cupiditati ac illecebris sint prælaturum. An vero quicquam vel illustrius, vel, inter morientium exempla, publicâ magis fama celebratum, quam quod de magno illo Tritavo Tuo refertur? Ejus nempe divini animi excellentiam nunquam gloriosius eluxisse, quam cum, quem admodum per omnem vitam honorum ac laudis despicientia prope incredibili fuerat, ita in extremo ejusdem actu, qui toti humano generi tam admirabilem ipsum reddidit, non memoriam sui, non gratiam ingentium meritorum recordationem, verum illorum duntaxat, quæ cælestibus consiliis ductus, ad Divini Numinis gloriam, æternaque civium suorum commoda ordinaverat, curam conservationemque commendaret? O excelsam mentem, ac supra terrena omnia evectam! O Regem seculorum prædicatione majorem! cui hæc sola in terris, & post fatum, pulchra fuit & honorifica æstimata curarum & benefactorum merces, non præcones virtutis suæ, sed imitatores adipisci! Itaque Divina providentia est factum, ut, quod in sacra historia legimus sapientissimo Israëlitarum Regum contigisse, cui nimirum non ea tantummodo, quæ rogaverat, largissime impertivit Deus, sed & insuper ceterorum, quæ tanquam postulatu indigna nullo loco habuerat, insignem affluentiam adjunxit, id pariter in isto genere, de quo agimus,
CHRI,

CHRISTIANO TERTIO acciderit. Namque & vivus tantum ubiqve gentium amoris & venerationis collegerat, ut in omnium ore & prædicatione versaretur, & post obitum haud est passa pietas posterorum, ut immortalī ejusdem gloriæ careret fructu. Ceterum quodcunqve in hac desideratum, aut infra meritum & expectationem fuit, abunde ipse retulit compensatum præstantia eorum atqve copia, in quibus optimus maximusqve Deus castissimæ illius animæ votum ac desiderium omne implevit. Etenim si cogitatione nostra velimus uniuersas orbis terrarum partes peragrare, an putemus ullam posse facile nominari, ubi pietatis, justitiæ & sanctitatis studia, non legibus constituta modo, verum ad exactissimam viuendi normam ipsorum Principum composita, tam constanter, quam in his terris, in hac patria nostra viguerint? An credamus, aliam florere Domum Regiam, in qua justiore titulo conueniat hæc ornamenta appellare hereditaria? Siquidem ea Filii omnes & Nepotes, ad laudatissimum illud Progenitoris sui instar, per longam annorum seculorumqve seriem, propagarunt: donec ad hæc tempora, quibus Tua, REX AUGUSTIS-SIME, incomparabilis illuxit virtus, peruentum est. Obscurauit hæc, quicquid antea ætates in Majoribus Tuis prælustre, aut communem regnantium sortem egressum, suspexerunt; atque

X X

ex

ex omni Heroum numero, qvi propositam admirationi ac imitationi suæ vitam habuerunt CHRISTIANI III. unum Te ejus exemplar, quale ante Te nullum, constituit. Argumento est ille Tuus felicitatis suæ intelligens animus, illa pura & ab omni labe splendida mens, excelsa & proxima cælo pietas, incredibilis & supra Principem divinarum rerum cognitio, perpetua denique sollicitudo & cura de iis omnibus, per quæ uniuerfis imperio Tuo subiectis, cum cetera beatitudinis affluentia genera, tum præcipue, quæ ad æternam illam præ omnibus expetendam itur, aperta usquequaqve via efficiatur. Adeo hucusque in votis piissimi Tui Tritaui nihil penitus reliquisti; nostra certe occupasti, imo jamdudum excessisti. Quis enim nostrum est, nisi aut Te aut illum minus, quam fas ciui, aut pietatis studio, nouerit, aut præ immani stupore nondum didicerit utriusque vitam inter Ecclesiæ bona numerare, cui non fidem fecerint actiones Tuæ, religionis illum reique publicæ statorem, a Deo maioribus nostris datum, in Te nobis certissime restitutum esse? hoc felici discrimine, quod iste bellis agitatus, crebrisque potentissimi toto terrarum orbe Principis minis laceffitus, quæ velut procella aduersum feriente impediverunt aliquamdiu cursum tendentis in portum placidæ gubernationis, coactus sit ferro acquirere, quod juri debebatur,

bebatur , viamque ad populi sui securitatem per
victorias & triumphos patefacere : TIBI vero
lereniora tempora obtigerint , iis amplificandis
apta , quibus de cetero fundandis & extruendis
magnus CHRISTIANUS III. totum , quod re-
gnando confecit , ætatis suæ curriculum impen-
dit . Atque hæc quidem tempora , in confesso
est , non Illum , non quemvis alium imperantium
potuisse rectius dispensare , quam Tu facis : ut-
pote cujus nobile & jam olim ad superos compo-
situm ingenium nullam laborum gloriam , a Divi-
na sejunctam , respicit , nullis æque occupationi-
bus , ac quæ in eandem intenduntur , se oblectat ,
nullum diem vacuum ab egregio aliquo facinore ,
parentibus sibi populis salutare , finit effluere .
Talem vero cum Tibi animum , istamque exag-
geratæ mentis altitudinem iniecit Deus , Tu au-
tem ab ipsis regni Tui primordiis declarasti , ejus
Te totam rationem habere ad sapientiæ , mode-
rationis publicæque utilitatis leges comparatam ,
cui mirum videbitur , quod in augusta Majorum
Tuorum serie nullius memoria tanta Tibi venera-
tione colitur , quam CHRISTIANI III. eandem
omni vitæ tempore viam ac rationem persecuti ?
Cui etiam , quod altero abhinc anno , in con-
spectu totius populi , imo Christiani orbis , edidi-
sti pietatis erga illum maximæ documentum , fe-
storum celebritate & sacrorum solennibus glorio-
sum,

sum , non mirifice approbatum ? Qvis mirabitur ,
fi quæ , Ipsius vestigia prementi , ieu , quod
idem est , Dei ductu progredienti , res magnæ ,
& cum salute populi Tui conjunctæ suscipiuntur ,
ex sententia Tibi succedant ? Neque enim potest
aliunde , præterquam a Divino consilio procede-
re , quod , quæ ille æterni Numinis auspiciis ,
applaudente universo piorum cœtu , inchoavit
& condidit , Tu perficias ; Quæ ille incredibili
cura constituit , Tu confirmes ; Quæ ille , sub-
latis erroribus , eliminata superstitione , emen-
davit , Tu nitere facias , deterfaqve omni rubi-
gine perpolias ; Quæ ille de Divino cultu , ad
sanctissima Redemptoris instituta , & cælestium
virosum , qvi hujus saluberrimæ doctrinæ maje-
statem per orbem diffuderunt , exempla revocan-
do , sancivit , Tu inviolata serves , sartaqve &
tectâ custodias ; Quæ eximia Illius religione ,
de sementi virtutis & sanctitatis in imperitorum
facienda animis , provisa erant , procurata a Te
uberius accumulataqve animaduertantur ; Quæ
ab Illo ; ad profligandam barbariem , excitatæ
fuerant bonarum artium officinæ , Tu admirabili
& Te digna munificentia , non solum temporis
diritate afflictas instauraveris , sed resectas am-
pliterqve reconcinnatas novis fructibus locuple-
taveris , novo splendore circumfuderis ; Quæ
deniqve , & qvis omnia fando enumeraverit ?
pater-

paterna Illius fuit diligentia & sollicitudo , in pro-
vehendis sibi subje&torum civium opportunitati-
bus , in augendis negotiantium commodis , in
licentia luxus sumptuumqve immanitate refræ-
nanda , in pauperum necessitatibus sublevandis ,
in eandem Tu tota mente omniqve cogitatione
incumbas , nihil habens antiquius , qvam felici-
tatis nostræ auctorem non appellari tantum , sed
esse. Qvis itidem , his omnibus consideratis ,
admirabitur , aut ad inopinata referet , si , cum
in oculis geris & in pectore circumfers Deum ,
severa qve & perpetua lege obsequio ejus Te
obstrinxisti , neqve ad populum duntaxat , sed
domi Tuæ intimisqve in secessibus diversam a
plurimorum Principum moribus vitæ rationem
tenes , Rex castus , sanctus , continens , sobrius ,
omnibus voluptatum blandimentis , omnibus tur-
pitudinis illecebris intactus , tam præsentis vicis-
sim Deo uteris , Teqve ille ornamentis ac opi-
bus , quæ sunt iis Principibus constitutæ , qui
omnia vitæ consilia ad patriæ salutem contule-
re , accumulat ? Adeo ut , consumtis in Te jam-
dudum votorum publicorum argumentis , pos-
simus tum Ipsi Tibi , Regum felicissime , secun-
da quævis ac prosperrima , fortunatum conjugium ,
florentem sobolem , populorum studia , verissi-
mas laudes , famam , nomen , tum parentibus
Tibi civibus , quæ ceteris illis non inferiora præ-

X X X

mi

mia Tuæ virtutis agnoscis, pacem, otium, securitatem, non optare amplius, sed gratulari. Quorum nihil est utique, non pariter de cælesti Tuo Tritavo & a majoribus nostris, & ab externis hominibus prædicatum, & in hoc præsertim memoriæ ejus consecrato volumine eximia fide perscriptum. Unde & in certissimam spem ingredimur, fore, ut quæ hucusque Tua incredibilis fortuna & fors extitit in mensura virtutum ejus implenda, fructibusque illarum consequendis, eadem potro in iis, quæ restent, cum in hac vita tum in æterna illa, potiundis, ad cunctorum, quæ Regi, quæ homini Christiano fas concipere, votorum fastigium, obtingat. Ita fiet, ut postquam hæc ætas nostra multiplicatam in terris satis istam gloriam propriamque Tibi factam contemplata est, Tuque jam, humanitatis legibus liber, inter exempla maxima numeraris, ventura sit illa dies, quæ apud posteros natorumque nostrorum natos, ob alteram summe raram & singularem, vixque alibi terrarum reperendam, felicitatis partem, futuram quoque, ut auguror, cum **CHRISTIANO** Tuo **TER-TIO** communem, celebraberis. Hanc dico, ut, quemadmodum Eum inter progenitores suos universæ, quibus populus Christianorum paret, Regiæ Domus, (ne jam ceteras istas memorem Principum pene innumerorum,) suspiciunt, ita


TU

Tu ex illis , quos Tibi incomparabile Reginarum decus SOPHIA MAGDALENA peperit, excellissimæ indolis Principibus , FRIDERICO & LOVISA Tuis , aliquando non minore succinctus Regum & Reginarum multitudine , quam quæ in subiectis tabellis cernitur , repræfenteris. Ac denique , quod primum omnium atque maximum , ut , quæ Tu illum dexteritate Tuo sæculo , multoque melius , quam vel in his chartis , vel in omnibus historicorum libris , descriptum expressumque reddidisti , eadem & heredes Tui ac posterius ad utriusque imaginem sese componant ; Neque unquam in Vestro folio desiderentur Vestra illa prognati stirpe regnatores , & quibus nunquam non tanta nomina , & hæc decora imitari , excellens , & admirandum , & vere Regium ducatur , & fulgori omnium orbis terræ diadematum anteferendum. Sic voveo , ex subiectorum Tibi civium & fervorum numero ,

REX AUGUSTISSIME,
SACRÆ TUÆ REGIÆ MAJESTATI

devotissimus , omniqve fide , obsequio
& religione devinctissimus

Joannes Grammius.



STEMMATA
REGIARUM DOMUUM

IN

CHRISTIANO ORBE HODIE IM-
PERANTIUM,

A

GLORIOS. MEM.

CHRISTIANO III.

DAN. NORVEG. VANDALOR. GOTH.

REGE

DEDUCTA.

POTENS IN TERRA ERIT SEMEN EJUS : GENERATIO
RECTORUM BENEDICETUR. PII. CXII.

I. STEMMATA REGIS DANIÆ ET NORVEGIÆ.

I. CHRISTIANUS III.

|
FRIDERICUS II.

|
CHRISTIANUS IV.

|
FRIDERICUS III.

|
CHRISTIANUS V.

|
FRIDERICUS IV.

CHRISTIANUS VI.

III. CHRISTIANUS III.

|
ANNA, nupta AUGUSTO, El. Sax.

|
CHRISTIANUS I, El. Sax.

|
JOH. GEORG. I, El. Sax.

|
MARIA ELISABETHA, nupta FRIDERICO, D. Sl. Holst.

|
MAGDAL. SIBYLLA, nupta GUST. ADOLPHO, D. Megap.

|
LOVISA, Regina D. N.

CHRISTIANUS VI.

II. CHRISTIANUS III.

|
FRIDERICUS II.

|
AUGUSTA, nupta JOH. ADOLPHO Duci Slesv. Holst.

|
FRIDERICUS, Dux Sl. Holst.

|
MAGDALENA SIBYLLA, nupta GUST. ADOLPHO Duci Megap.

|
LOVISA, Regina Dan. Norv.

CHRISTIANUS VI.

IV. CHRISTIANUS III.

|
DOROTHEA, nupta WILHELMO, Duci Brunsv. Luneb.

|
GEORGIUS, Dux Br. Luneb.

|
SOPHIA AMALIA, Regina D. N.

|
CHRISTIANUS V.

|
FRIDERICUS IV.

CHRISTIANUS VI. II.

II.
STEMMA REGINÆ DAN. ET
NORVEG.

CHRISTIANUS III.

JOHANNES, Dux Slesv. Holst.

PHILIPPUS, Dux Slesv. Holst.

MARIA ELISABETHA, nupta GEO. ALBERTO March. Brand.

CHRISTIANUS HENRICUS, March. Brandenb.

SOPHIA MAGDALENA.

III. STEMMA IMPERATORIS RO- MANORUM.

CHRISTIANUS III.

ANNA, Conjux AUGUSTI, Elect. Sax.

CHRISTIANUS I. Elect. Sax.

JOHANNES GEORGIUS I. El. Sax.

SOPHIA ELEONORA, nupta GEORGIO II. Landgr. Hass. Darmst.

ELISABETHA AMALIA, Conjux PHIL. WILHELMI, El. Palat.

ELEONORA MAGDALENA, nupta Imperat. LEOPOLDO,

CAROLUS VI.

IV.

IV.
STEMMA IMPERATRICIS RO-
MANORUM.

CHRISTIANUS III.

JOHANNES, Dux Slesv. Holst.

FRIDERICUS, Dux Slesv. Holst.

ELISABETHA JULIANA; nupta ANTON. ULR. D. Brunsv. Lun. Wolff.

LUDOVICUS RUDOLPHUS, Dux Brunsv. Luneb.

ELISABETHA CHRISTINA.

V.
STEMMA REGIS GALLIÆ.

CHRISTIANUS III.

FRIDERICUS II.

ANNA, Regina M. Britanniar.

CAROLUS I. Rex M. Brit.

HENRICA MARIA, nupta Duci Aurelian.

ANNA MARIA, nupta VICTORI AMADEO, Duci Sabaud.

MARIA ADELHAIDIS, nupta Duci Burgund.

LUDOVICUS XV.

VI.

VI. STEMMA REGINÆ HISPANIÆ.

CHRISTIANUS III.

ANNA, AUGUSTI Elect. Sax. Conjux

CHRISTIANUS I. Elect. Sax.

JOHANNES GEORGIUS I. El. Sax.

SOPHIA ELEONORA, nupta GEORGIO II. Landgr. Ha't Darmst.

ELISABETHA AMALIA, Conjux PHIL. WILHELMI, El. Palat.

ELEONORA MAGDALENA, nupta ODOARDO II. Duci Parm.

ELISABETHA.

VII.

VII.

STEMMA PRINCIPIS ASTURIÆ.

CHRISTIANUS III.

FRIDERICUS II.

ANNA, Regina M. Britannie.

CAROLUS I. Rex M. Brit.

HENRICA MARIA, nupta PHIL. I. Duci Aurelian.

ANNA MARIA, nupta Duci Sabaud.

MARIA LOVISA GABRIELA, Regina Hisp.

FERDINANDVS.

VIII.

IIX.

STEMMATA CONJUGIS PRIN- CIPIS ASTURLÆ.

I.

Vid. Stemma REGIS Portugalliæ.

II.

Vid. Stemma REGINÆ Portugalliæ.

IX.

..

IX. STEMMA REGIS PORTUGAL- LIÆ.

CHRISTIANUS III.

ANNA, AUGUSTI Elect. Sax. Conjux.

CHRISTIANUS I. Elect. Sax.

JOHANNES GEORGIUS I. El. Sax.

SOPHIA ELEONORA, Landgr. Hass. Darmst.

ELISABETHA AMALIA, Conjux PHIL. WILHELMI, El. Palat.

MARIA SOPHIA, nupta PETRO Regi Portug.

JOANNES V.

X.

X.
STEMMA REGINÆ PORTU-
GALLIÆ.

CHRISTIANUS III.

ANNA, Conjux AUGUSTI Elect. Sax.

CHRISTIANUS I. Elect. Sax.

JOHANNES GEORGIUS I. El. Sax.



SOPHIA ELEONORA, nupta GEORGIO I. Landgr. Hass. Darmst.

ELISABETHA AMALIA, nupta El. Palat.

ELEONORA MAGDALENA, Imperatrix Rom.

MARIA ANNA.

XI. STEMMATA REGIS MAGNÆ BRITANNIÆ.



XII.

STEMMATA PRINCIPIS WAL- LIÆ.

I. CHRISTIANUS III.

|
FRIDERICUS II.
|
ANNA, Regina M. Brit.
|
ELISABETHA, Regina Bohem.
|
SOPHIA, El. Hannov.
|
GEORGIUS I.
|
GEORGIUS II.
|
FRIDERICUS.

II. CHRISTIANUS III.

ANNA, Conj. AUGUSTI, El. Sax.
|
ELISABETHA, nupta JOH. CÄSI-
MIRO, Com. Pal. Sümmer.
|
DOROTHEA, Conj. JOH. GEORG. I.
Princ. Anhalt Dess.
|
ELEONORA DOROTHEA, nupta
WILHELMO, Duci Sax. Vinar.
|
JOH. GEORGIUS, D. Sax. Ifenac.
|
ELEONORA ERDMUTH SOPHIA,
nupta JOH. FRID. March. Brand.
|
WILHELMINA CHARLOTTA,
Regina M. Brit.
|
FRIDERICUS.

III.

Vid. Stemma REGIS M. Britanniz II.

IV.

Vid. Stemma REGIS M. Britanniz III.

XIII. STEMMATA CONJUGIS PRIN- CIPIS WALLIÆ.

I. CHRISTIANVS III.

FRIDERICUS II.

ELISABETHA, nupta HENR. JULIO, Duci Br. Luneb.

ELISABETHA, nupta JOH. PHILIPPO, D. Sax. Altenb.

ELISABETHA SOPHIA, nupta ERNESTO PIO, Duci Sax.

FRIDERICUS, Dux Sax. Goth.

FRIDERICUS, Dux Sax. Goth.

AVGVSTA.

II. CHRISTIANVS III.

ANNA, Conj. AUGUSTI El. Sax.

CHRISTIANUS I. El. Sax.

JO. GEORG. I. El. Sax.

AUGUSTUS, Dux, Sax. Hall.

MAGDALENA SIBYLLA, nupta
FRIDERICO, D. Sax. Goth.

FRIDERICUS, Dux Sax. Goth.

AVGVSTA.

III. CHRISTIANVS III.

ANNA, Conj. AUGUSTI El. Sax.

CHRISTIANUS I. El. Sax.

JOHANNES GEORG. I. El. Sax.

AUGUSTUS, Dux Sax. Hall,

SOPHIA, nupt. CAR. WILH. P. Anh. S.

MAGDALENA AUGUSTA, nupta
FRIDERICO, D. Sax,

AVGVSTA.

XIV.

XIV.

STEMMATA REGINÆ SVECIAE.

I.
CHRISTIANVS III.

FRIDERICUS II.

CHRISTIANUS IV.

FRIDERICUS III.

ULRICA ELEONORA, Regina
Sveciae.

II.
CHRISTIANVS III.

FRIDERICUS II.

AUGUSTA, nupta JOH. ADOL-
PHO Duci Slesv. Holst.

FRIDERICUS, Dux Sl. Holst.

HEDWIGIS ELEONORA, Regina
Sveciae.

CAROLUS XI. Rex Svec.

ULRICA ELEONORA. ULRICA ELEONORA.

III.
CHRISTIANVS III.

FRIDERICUS II.

ANNA, nupta AUGUSTO, El. Sax.

CHRISTIANUS I. El. Sax.

JOH. GEORG. I. El. Sax.

MARIA ELISAB. nupta FRIDER-
ICUS, D. Slesv. Holst.

HEDWIGIS ELEONORA, Reg. Svec.

CAROLUS XI.

IV.
CHRISTIANVS III.

DOROTHEA, nupta WILH. Duci
Br. Luneb.

GEORGIUS, Dux Brunsv. Lun.

SOPHIA AMALIA, Regina Dan.
Norv.


ULRICA ELEONORA, Regina
Sveciae.

ULRICA ELEONORA. ULRICA ELEONORA.

XV.

XV.

STEMMATA REGIS POLONIÆ.



XVI.

XVI. STEMMATA REGINÆ POLO- NIÆ.

I. CHRISTIANUS III.

ANNA, El. Sax. AUGUSTI Conjux.

CHRISTIANUS I. El. Sax.

JOHANNES GEORGIUS. El. Sax.

SOPHIA ELEONORA, Landgr. Hass.

ELISABETHA AMALIA, El. Pal. PHIL. WILHELM I Conjux.

ELEONORA MAGDALENA, Imperatrix Rom.

JOSEPHUS I. Imperator Rom.

MARIA JOSEPHA.

II. CHRISTIANUS III.

DOROTHEA, D. Br. Luneb.

GEORGIUS, Dux Br. Luneb.

JOHANNES FRIDERICUS, Dux
Brunsv. Luneb.

WILHELMINA AMALIA, Imp.
Rom.

MARIA JOSEPHA.

III. CHRISTIANUS III.

FRIDERICUS II.

ANNA, Regina M. Brit.

ELISABETHA, Regina Bohem.

EDVARDUS, Com. Pal. Simmer.

BENEDICTA HENRICA, nupta
JOH. FRID. D. Br. Luneb.

WILHELMINA AMALIA, Imp.

MARIA JOSEPHA.

XVII.

XVII.

STEMMATA REGIS BORUS- SIÆ.

I.

CHRISTIANUS III.

FRIDERICUS II.

ANNA, Reg. M. Brit.

ELISABETHA, Reg. Bohem.

SOPHIA, Conj. ERN. AUG. El. Hann.

SOPHIA CHARLOTTA, Reg. Bor.

FRIDERICUS WIL-
HELMUS.

II.

CHRISTIANUS III.

DOROTHEA, nupta WILHELMO
jun. D. Br. Luncb.

GEORGIUS, Dux Br. Luncb.

ERNESTUS AUGUSTUS, El. Hann.

SOPHIA CHARLOTTA, Regina
Boruffia.

FRIDERICUS WIL-
HELMUS.

XVIII.

XVIII.

STEMMATA REGINÆ BORUS- SIÆ.

I. CHRISTIANUS III.

FRIDERICUS II.
|
ANNA, Reg. M. Brit.
|
ELISABETHA, Regina Bohem.
|
SOPHIA, El. Hannov.
|
GEORGIUS I. Rex M. Brit.
|
SOPHIA DORO-
THEA.

II. CHRISTIANUS III.

DOROTHEA, D. Br. Luneb.
|
GEORGIUS, Dux Br. Luneb.
|
ERNESTUS AUGUSTUS, El. Hann.
|
GEORGIUS I. R. M. Brit.
|
SOPHIA DORO-
THEA.

III. CHRISTIANVS III.

DOROTHEA, nupta WILH. Duci Br. Lun.
|
GEORGIUS, Dux Br. Luneb.
|
GEORGIUS WILHELMUS, Dux Br. Lun. Cell.
|
SOPHIA DOROTHEA, El. Hannov. GEORG LUDOV. Conjux.
|
SOPHIA DOROTHEA.

XIX.
STEMMA REGIS NEAPOLIS ET
SICILIÆ.

CHRISTIANUS III.

ANNA, nupta AUGUSTO El. Sax.

CHRISTIANUS I. El. Sax.

JOHANNES GEORGIUS I. El. Sax.

SOPHIA ELEONORA, nupta GEORGIO II. Landgr. Haff. Darmst.

ELISABETHA AMALIA, nupta PHIL. WILH. El. Pal.

DOROTHEA SOPHIA, nupta ODOARDO II. Duci Parm.

ELISABETHA, Regina Hispan.

CAROLUS.

XX.

STEMMATA REGINÆ NEA- POLIS ET SICILIÆ.

I.

Vid. Stemma REGIS Polon. I.

II.

Vid. Stemma REGIS Polon. II.

III.

Vid. Stemma REGIS Polon. III.

IV.

Vid. Stemma REGIS Polon. IV.

V.

Vid. Stemma REGINÆ Polon. I.

VI.

Vid. Stemma REGINÆ Polon. II.

VII.

Vid. Stemma REGINÆ Polon. III.

XXI.
STEMMA REGIS SARDINIÆ.

CHRISTIANUS III.

FRIDERICUS II.

ANNA, Regina M. Brit.

CAROLUS I, Rex M. Brit.

HENRICA MARIA, nupta PHILIPPO I. Duci Aurel.

ANNA MARIA, nupta VICTORI AMADEO II. Duci Sabaud.

CAROLUS EMANUEL.

XXII.

XXII.

STEMMA REGINÆ SARDINIÆ.

CHRISTIANUS III.

FRIDERICUS II.

ANNA, Regina M. Brit.

ELISABETHA, Reg. Bohem.

CAROLUS LUDOVICUS, Elect. Pal.

CHARLOTTA ELISABETHA, nupta PHILIPPO I, Duci Aurel.

ELISABETHA CHARLOTTA, nupta JOSEPHO LEOPOLDO, Duci
Lotharingæ.

ELISABETHA TERESIA.

ANIMA EJUS IN BONIS DEMORABITUR : ET SEMEN
EJUS HEREDITABIT TERRAM. Psal. XXIV.



AD LECTOREM.



ius cuius unquam boni Principis res gestæ, vitæ morumque exemplar, & in populum suum beneficia efflagitant, ut seculorum venerationi, perenni consecrata opere, exponantur, ea laus est propria CHRISTIANI III. incomparabilis olim Daniæ Norvegiæque Regis, ut nullius potius historia cognosci & versari in publico mereatur. Cum enim summorum hominum historia

præcipue duo habeat spectanda, unum, ut illustria eorum facta meritis laudis perpetuitate donet; alterum, ut erectos ad virtutem legentium animos instruat; utque demum auctores præclare existimentur officio suo fungi, qui utrumque accuratissime exequantur; haud memini profecto, quos in magno illo numero. Regum Principumque res exponentium, oporteat præferre illis, quos nunc edimus. At quem nobis illi Principem descripserunt? Nempe talem, de cuius immortalibus & divinis meritis qui commemoratum videbit, nullum facile desiderabit eorum, in quæ veræ gloriæ amatores desigant oculos intendantque: in permulta vero incidet, dubitationem relictura, possint ex omni ætatum, temporum, & regnorum memoria quicquam gloriosius, vel sanctius, vel persona illa, quam dominator rerum DEUS ministris in terra suis imposuit, dignius, quod quidem ad historię fidem scriptum sit, inveniri. Sive enim imperatorias illas laudes volumus, sive celestis animi virtutes ac pietatem summam & constantissimam, sive salutem populi, incredibilibus modis & successibus procuraram, seu denique universa, quæ cum publice sapientem, tum familiari ac interiore vita sanctum absolvunt Regem. cognoscere lubet, extant hic omnia & comparent. Ea quippe copta & magnitudo, is splendor admirabilium actionum in tota CHRISTIANI III. vita excellit ac eminet, quæ lectores non tantum inusitata quadam pulchritudine alliciat, sed etiam a multorum, quos benignior nobilitavit fama, Heroum exemplis ad unius hujus admirationem traducat. Nihil hic nimium affirmamus, nihil ina-

(A)

ni

ni prædicatione extollimus, securi reprehensionis omnis & censuræ, si quis forte, ex præjudicato, nobis suspensionem intemperantis illius studii, quo non raro homines ad exaggeranda domestica impelluntur, excitaverit. Potest quidem ista sollicitudo interdum, ad patriæ gloriam incumbentes afficere, quatenus magnificentius quædam, ac sine auctoritate idonea, exornata immodicæ laudis opinionem vix effugiunt. Tunc omnino non potest, quum ad præstandam dictorum fidem auctores graves, sinceri, omnique parte incorrupti proferuntur. Talesque omnino esse, quotquot hic collecti exhibentur, ita credimus, ut de multis etiam magnæ celebritaris scriptoribus idem affirmari æque certo posse dubitemus. Quanquam enim non ii sumus, qui nostratium amore inducti, obtere aliorum laudes volumus, quas summas ex hoc ipso scribendi genere multi retulerunt, id tamen concedi nobis arbitramur, haud uniuscujusque esse, eandem diligentiam declarare, quam suspicere licet in his nostris. Quippe quorum aperta dilucideque explicata narrationes non secundis rumoribus sunt innixæ, non ad populares auras respexerunt; sed ex veris probatissimisque memoriis erutæ, nullis æque ornamentis, atque simplicis rectique cura commendantur. Et vero, sicut ad ipsorum fidem infirmandam difficile erit quicquam excogitare, etiam iis, qui perraro ad res patriæ hujus nostræ animum attendentes, nihil magnum putant, nisi quod in magna jam pridem fama collocatum sit; ita apud nos ipsos infelix profecto error, vixque excusandus foret; non inter primos, quorum immortalitati consulendum, scriptores egregios æstimare. Inprimis, cum, quæ eisdem impendatur, opera non possit ullo modo sejuncta esse a pietate. Pietatem vero quum dicimus, non eam tantum nominamus, quæ in amore patriæ sita, quæcunque ad gloriam ipsius pertinent, omnibus studiis completitur, verum & hanc cum maxime, quæ religiosa & grata adversus optimi Numen justitia continetur, quæque ad beneficia ejus agnoscenda cunctisque concelebranda modis obligatur. Si enim a DEO in terras commodati veniunt Reges; si castus & sanctus & populi sui amantissimus Princeps singulare DEI munus est, atque in eis, quæ dare mortalibus solet, summum & utilissimum, relinquitur, ut qui hanc gratiam, hujusque muneris laudem senescere in animis posterorum & obscurari patiuntur, neque eam, quocunque pote studio, ab oblivione hominum silentioque vindicatum eunt, in istis utique neglectæ pietatis crimen hæreat. Quod in aliis quidem, quibus benefici & salutares principes obtigerunt, gravissimum & neutiquam ferendum, in nobis vero, supra quam dici potest, detestandum foret; nimirum si Regis, omnium, qui populis unquam imperitarunt, optimi dignissimum æternis memoriis nomen honore suo fraudaremus. Præsertim, quando in promptu nobis sunt monumenta, unde non solum externi, sed & nostrates, multo plenius ac luculentius, quam per ea, quæ in popularium manibus versantur, edoceri queant. qualis quamque admirabilis Rex fuerit CHRISTIANUS III. quantisque regna sua ac ditiones tum sanctitatis exemplis, tum justitiæ

opi-

opibus, tum clementiæ & moderationis commodis, tum invictæ virtutis ornamentis affecerit. Proferamus igitur, quæcunque de rebus ejus consignata, atque in publico, vel nunquam plane, vel rarius, (ita ut quædam vix amplius apparerent,) visa, fatum ætati nostræ non invidit. Neque committamus, ut nobis valeat imputare posteritas, parcius de tanto Principe dictum esse memoriæve proditum. Et quoniam postulari exigique a nobis credimus, non modo ut rationem consilii nostri explicemus, sed etiam ut, quod ad cognoscendos facere possit auctores, quos conscripavimus in hoc volumen, aperiamus, ad istud quoque persequendum nunc accingimur.

Primus, jureque ac merito suo præcipuus est NICOLAUS CRAGIUS: ille ipse, cui Respublica Lacedæmoniorum, quatuor libris illustrata, jam olim apud doctos nominis celebritatem peperit. Is, cum historiæ rerum Danicarum scribendæ munus suscepisset, haud rectius se illud posse præstare atque sustinere credidit, quam si a rebus sub CHRISTIANO III. gestis auspicaretur. Cujus consilium alias habuerit rationes, quam quæ cuique facile, virtutis & patriæ amantissimo, à summa ejus Regis meritorum altitudine suggererentur. haud dixerimus: Potuit enim, antequam ab eo susceptum ac propositum, de quo in sequentibus dicitur, approbatio Regis confecta est, singulare quoddam incitamentum accessisse. Hoc certum, illustrissimum Arnoldum Hvirsfeldium, regni Senatorem atque Cancellarium, in præfatione commentariorum, quos de rebus CHRISTIANI III. patria lingua composuit, ac eodem ipso anno, quo Cragius provinciam illam accipiebat, in lucem emisit, diserte & graviter fuisse questum de ætatis suæ negligentia, ista scilicet, quod in tanto apud nos doctorum & sapientum virorum numero nemo esset aggressus laudatissimi Regis gesta enarrare: se vero eas sibi partes sumsisse, non quidem pro dignitate peragendas, verum ut suo exemplo alios ad plura investiganda, quæ ad nobilissimum facerent argumentum, atque ad meliorem perfectionemque historiæ latinæ lingua elaborandam, excitaret. Unde propemodum non licet dubitare, quin tanti viri auctoritas nostro Cragio, si non primam illam cogitationem injecerit, saltem stimulos tam acres admoverit, ut ad nullam prius scriptiorem, quam hanc ipsam, studium & laborem omnem suum conferret. Verum, ut ut illa sint, optaremus sane, ut, quod magno animo vir doctissimus, luculentoque instructus apparatu, occipit, perfectum ejus manu & sine suo conclusum exitisset. At quo minus ista felicitate potiremur, intercesserunt fata, quibus intra paucos annos & ipse, & tanta cum eo spes, non hoc solum, sed etiam plura alia, in historia nostra, perpolitæ atque exornatæ videndi, est extincta. Neque enim, ex quo istud agere ingressus esset, is fuit vitæ ipsius status, qui ad ejusmodi multa, tam brevi consicienda tempore, adjunctum satis haberet otii: quippe quod, præter Academici officii munus, graviora multo, & magni momenti negotia, variæque obitæ legationes interpellabant. Et quoniam in istorum omnium mentionem nunc incidimus, haud ingrati

gratam putamus rem lectori nos esse facturos, si quæ de egregio viro comperta habemus, plura utique & copiosiora, quàm quæ in Vindingii *Academia Hafniensi* narrantur, commemorata hoc loco proferramus. Tametsi minime profitemur, in omnibus nos posse illorum desiderio satisfacere, qui minutatim cognoscere volunt singula. Nam ne annum quidem, quo in hanc lucem noster editus, penitus licuit explorare: & nisi fratris Andreae Kragii, Medicinæ professoris haud incelebris, vita in laudato libro paulo uberiore filo texeretur, ex programme Academico repræsentata, ne parentes ejus quidem hodie scirentur. Hos vero dicto loco nominatos legimus Petrum Kragium, honestum Ripsis Cimbrorum civem, & Catharinam Clyniam. Atque Andrea fratre, qui anno MDLVIII. natus, nostrum fuisse aliquot annis majorem, hinc aperte putamus colligendum esse, quod, cum ille anno MDLXX. a D. Paulo Marthiæ, qui orphanum, & e patris bonis fere ejectum, in familiam suam receperat, ad scholam Hafniensem deduceretur, Nicolaus biennio ante in civium Academicorum numerum esset adscriptus, atque octavo post anno, qui fuit MDLXXV. ipsis Calendis Martii in Academia Wittenbergensi, Magisterii, quod vocant, philosophici honores consecutus sit. Est in manibus nostris carmen græcum, heroici generis, impressum Wittebergæ typis Joannis Cratonis, anno MDLXXV. cujus auctor, M. Nicolaus Laurentii Ripensis, honores istos, & Cragio, & alteri una civium, qui fuit Christiernus Michaëlis Coagius, collatos, celebravit. Cumque ibidem Nicolai Cragii nomen constanter loco digniore collocatum, cum in inscriptione tum in versibus, observetur, possumus existimare, quod ætate etiam antecesserit Christiernum illum Michaëlis, cujus natales apud Vindingium referuntur ad annum MDLXIX. Fuit enim & iste Christiernus in Universitate hac professor, docendique græcas litteras spartam, ab excessu laudati jam Nicolai Laurentii Ripensis, ornavit ad annum usque MDXCII. quo & ipse extinctus, successorem nactus est Nicolaum Cragium nostrum. Vt & eo nomine videri queat carmen, de quo loquebamur, singulare quiddam continere; quod nempe uno tempore, tres ejusdem nationis, ingenio & eruditione florentes juvenes, in eadem extra patriam Academia constituti, ei studiorum generi darent operam, quod in patria aliquando singuli, inque eadem cathedra, unus post alterum, cum laude essent professuri; & quod, qui primus officium aditurus esset, ceteris duobus, eadem lingua, in cujus tradendâ ac propogandâ munere habiturus ipsos foret successores, gratularetur. Ceterum a quo tempore in exteris noster versatus sit, quasque in hac prima sua peregrinatione regiones aut Academias, præter Wittebergensem, accesserit, nobis adhuc incomptum. Reversus sane est in patriam vergente anno MDLXXVI. tuncque uni & alteri procerum, in quibus Cancellarius erat Nicolaus Kaas, magnus ille præ ceteris ingeniorum æstimator, ita eruditionem suam probavit, ut sponte benevolentiam suam offerrent, seque de commodis ejus & ornamenti omnem curam suscepturos esse pollicerentur. Desiderabat forte Hafniæ ludus literarius virum,

qui in rectoris, ante aliquot menses defuncti, locum succederet. Ad hoc muneris cum nosser idoneus & sibi & aliis crederetur, neque tamen ulla in spe esset ejusdem obtinendi a professoribus, penes quos judicium omne & auctoritas erat rectorem constituendi, quique jamdudum alteri, adhuc peregrinanti, (erat hic Christianus ille Michaëlius, cujus nuper mentio injecta,) provinciam reservabant, litteras ad eos regias impetravit, die xxxi. Decembris scriptas. His vero edicebatur, ut Academia quamprimum loco illi prospiceret, ne juvenus, tanto jam tempore moderatore suo orbata, majus caperet detrimentum: atque, ut Nicolai Cragii, cujus eruditionem commendari Rex audivisset, ante alios haberetur ratio. Nihilominus in aliquod tempus res dilata, excusantibus professoribus cessationem, quod de illius, cui ludam regendum destinassent, & cujus reditus brevi expectaretur, constaret nondum voluntate: addito, in juvenutis institutione nihil esse per negligentiam peccatum, binis Academiae professoribus per vices quondie in ludo docentibus. Verum, cum alter ille nequitiam rediret, admittitur tandem ad officium Cragius. Qui, ut eidem haud impari se ostenderet, sequenti anno *Grammaticam Latinam* in lucem edidit, novis suisque observationibus multo ampliorum ea, cujus usus ad id temporis obtinuerat. Discessit ex hac provincia post quinquennium. Quam vero alteram ejus loco receperit, nondum mihi exploratum. Memini quidem traditum audivisse a non nemine, qui utrum ex fama acceperit, an certis documentis hoc didicerit, equidem nescio, in aulam fuisse evocarum, ut Principem CHRISTIANUM, qui postea gloriosissime regnavit, primis litterarum elementis imbueret. Sed cum in hunc diem, quamvis studiosae perquirenti, nusquam mihi aliquid oblatum sit, unde indubitata res fieret: contra vero M. Johannem Michaëlium unum ac solum, cui ista cura, CHRISTIANUM IV. adhuc puerum instimendi, demandata fuerit, complura monumenta nominent, non ausim incertae narrationi fidem atque auctoritatem meam adjungere. Asseveratur quidem in bibliotheca regia parvum volumen, manu Cragii nostri scriptum, in quod brevium quarundam illustriumque sententiarum, ex latinis auctoribus selectarum, insignem numerum conjecit, atque in hunc usum, ut a Principe puero ediscerentur, litterarum ordine disposuit: docente hoc etiam inscriptione, in libelli involucro conspicua. Ex eo itaque famam, de qua locuti sumus, primum fuisse ortam, suspicamur. Sed quam debile sit & infirmum hoc argumentum, nisi potiora accedant alia, nihil opus ostendere. Solum, quod affirmare nunc possumus, est, quod in patria Cragius, ac, si fallor, in hac urbe restitit adhuc anno MDLXXXIV. & quod peregrinatus demum, summos, qui in-juris peritos ab Academiae conferuntur, honores extra patriam consecutus sit. Hoc vero apud Bituriges, aut in alia quaptam Galliae Univeritate factum esse, perquam nobis verisimite. Etenim, quicumque consideraverit, quanta istis temporibus celebritate per universam Galliam florebant juris consultorum schole, quantaque apud plerosque existimatione erant, qui decorati do-

Storis titulo ab illis revertebantur, ut jam nihil dicam de nostratum more, etiam isto ævo in Galliam, cum lingvæ tum severiorum studiorum causa, itantium, is neque dubitare potest, quin hac etiam parte Cragius, ut qui nihil humile spirabat, suo nomini consultum voluerit. His adde, quod non facile videamus, qua alia idem potuerit opportunitate aditum habere ad amicitiam Scaligeri, de qua in *Republ. Laced. lib. II. c. 4.* gloriatur; cum sane, quando scribebantur ista, necdum licebat Scaligerum alibi terrarum, præterquam in Galliis convenire. Possetne vero, ad idem stabiliendum, etiam ex adversario, ut solent rhetores, hoc est, ex calumnia Keckermanni, nulli fere litteratorum ignota, & de qua pluribus posthac agemus ipsi, argumentum duci? Etiam si enim illam in sese credimus a veritate tam esse alienam, quam quæ maxime; nihil tamen obstat, quo minus ex vero nonnulla eandem accepisse, quæ deinde, fundamenti loco, ad construenda falsissima usurpari, quemadmodum sæpenumero usu venit in mendaciis, putemus. Ita nempe, dum nobis est persuasissimum, id quod de *Republ. Lacedæmoniorum* opere quondam Keckermannus sparsit, quasi illud non Cragium nostrum, sed Cujacium haberet parentem, haud aliud, quam maligni invidique animi suspitionem continere, licebit nihilo minus arbitrari, commentum ex eo profluxisse, quod animadvertissent multi, nostrum magno illo viro usum aliquando esse familiarius, atque in amicitia ejus singularem quandam locum ingenio & eruditione sua acquisivisse. Verum hæc parum explorata relinquamus, certiora, etsi non æque grata & amœna, narraturi. Dum scilicet noster apud externos ita honoribus & angendæ nominis claritati dat operam, relicta domi uxor, quam anno MDLXXVIII. duxerat, Kœnna nomine, diversam vivendi viam ingressa, ea in se admisit, quæ pudica matrefamilias indigna, maritum dolore, ipsam vero dedecore & infamia cumularunt. Quam ille indignitatem, ne sibi aliqua inde labe aspergeretur, minime æquo tulit animo, sed statim, ut erat reversus, actionem adulterii ei intendit, convictamque judicio, ejecit e domo sua, una cum duobus filiis, quos nunquam ex eo tempore pro suis voluit agnoscere. Id factum esse anno MDLXXXIX. ex actis Academicis didicimus. Atque, ut eadem nos docent; appellatus subinde, etiam multis post annis, de alimonio filiis istis suppeditando; constanter recusavit. Illorum alterum postea in manus Jesuitarum incidisse, & cum eorundem commendatione in Hispaniam missum esse anno MDCIV. testis nobis est Vindingius. Qui etiam alterius meminit conjugii, quod noster inivit cum honestissima matrona Elisa Mullenia, nobilis in Fionia viri Joannis Mule Domini de Nisleugaard filia. Hanc prius in matrimonio habuerat M. Jvarus Bartholinus, quondam professor, postea cœnobii Sorensi ac Ringstadiensi præfectus; cujus vitam & singularia admodum fata ex parte describit laudatus Vindingius *Acad. Havn. p. 100.* Ex ista conjuge, quam semper obsequentissimam expertus est, liberos suscepit aliquot: inter alios Ivarum Cragium, albo Universitatis anno MDCI. a patre, tunc Rectore, inscriptum, postea ludi literarii Slagendorpii rectorem, ac de-

inde

inde in Fionia ecclesiae alicujus rusticanae pastorem: filiamque Mariam, M. Jacobo Jacobæo, lectori theologiae in Gymnasio Otthinien-
si, nuptam. Quae quidem de utroque viri matrimonio atque liberis
placuit conjuncta hoc loco tradere. Reliqua, de muneribus gestis
& negotiis quae tractavit, non tantum plenius quam alii, sed distin-
ctius persequemur. Illi enim & doctoratum, ut vocant, juris, & pro-
fessionem Academicam, & regii historici officium in uno videntur
anno collocare, atque post rectoratum demum, quem gessit anno
MDXI, referunt varias legationes obiisse. Quorum tamen singula
tempore sibi disjunctissima, longeque aliter ordinanda sunt. De
doctoris quidem titulo jam actum; quem adunctum Cragii nomini pri-
mum animadvertere nobis licuit anno MDLXXXVIII. in causa illa di-
vortii cum priore uxore. Hinc omnino quatuor anni intercesserunt,
antequam in Univeritate docendi provinciam capesseret: quae obligat
ei demum ab obitu M. Christiani Michaelii; ejusdem scilicet, cui
olim, ut diximus, assignatum a professoribus munus in ludo Hasni-
ensi praeputerat. Ille Christiannus ultimis annis graecam eruditionem
professus erat; easdemque noster partes, quantum temporis dabatur
hic exigendum, sustinuit. Nullae vero in historicis adhuc mandatae;
quippe quae tandem post triennium accesserunt. Ac dubitari profe-
cto non potest, quin pergratum inprimis acciderit Cancellario Nico-
lao Kaas, constantissimo, qui unquam vixit, eruditorum patrono,
quod clienti tantis ornamentis instructo honestum in Academia locum
invenisset. Neque vanis compertum mihi iudiciis, eundem excellen-
tem virum, non illas tantummodo nostri dotes, quarum in schola est
usus, fructusque ad juventutis pertinet emolumentum, respexisse, sed
etiam in amplioris momenti rebus solers hominis ingenium antea ha-
buisset exploratum. Mos consuetudoque erat isto seculo, cum hujus
regni, tum & plerorumque omnium, ut, quoties inter Principes &
Reges graviora quaedam magnique ponderis negotia peragenda essent,
ad quae insignis cura & prudentia requireretur, non soli mitterentur
ii, qui natalium splendore fortunaeque bonis civium aliis praestarent,
verum & aliquis praeterea adfisceretur e literatorum ordine, facien-
dia rerumque agendum dexteritate pollens, ac in scribendo inpri-
mis exercitatus, eique ut plurimum, quicquid suscipiendum esset la-
boris, imponeretur. Tales vulgo oratores nuncupati, haud raro eti-
am legatorum vocabulo honestabantur. Cum ergo mittenda legatio
esset in Scotiam, ad quam nominatus erat vir primariae nobilitatis,
Steno Bilde, ac de istiusmodi collega ipsi adjungendo deliberaretur,
proceres, qui minore annis CHRISTIANO III. gubernacula te-
nebant regni, oculos conjecerunt in Nic. Cragium. Legationis au-
tem, cui decreta quidem anno MDXII. nescio quarum rerum inter-
ventu protraxum est tempus usque in sequentem annum, hic finis
erat, ut jura Reginae Scaevae vindicatum irent, Regemque & proce-
res ad praestanda, quae ipsi per stipulationem, dotis ac redituum an-
nuorum nomine, promissa fuerant, inducerent. Cum enim anno
MDXIX. Anna Regis Daniae & Norv. FRIDERICI II. filia in ma-
trimonium

num conveniret Jacobi Scotorum Regis, in illa, quæ per nuptiarum dies facta solenni more fuit, donatione certas quasdam possessiones acceperat, cum prædiis fundisque amplissimis, quorum ab ea quotannis fructus perciperentur, certa pecuniæ summa æstimati, atque in ipsius donationis tabulis diserte verbis declarati. Verum, cum ex his duntaxat quædam portio, sane haud magna, Reginæ rationibus inferretur, deprehensum fuit, alios jamdudum in potiorem possessionum partem irrepsisse, Regemque insigni dolo à Cancellario Mætelano circumventum. Ille enim vir cum donationis tabulas conficeret, nonnulla fortasse amicis, ac eis, qui ad regendam fraudem adjuvarent, sibi vero ipsi luculentiora prædia attribuerat. Quod iniquissime ab illo factum esse, Scotorum præcipui, in quibus aliquid fidei justitiæque erat, agnoverunt. Arduum erat negotium, multisque difficultatibus implicitum; ad quas autem inspiciendas Cragius non minore sagacitate, quam ad perumpendas industria solertiaque erat. Et quanquam elevare quodammodo famam rei & magnitudinem videretur Jacobus Malavillius, in fine *commentariorum* suorum, de hac Danica legatione loquens; tamen haud veremur dicere, mirabile cuius futurum esse visu & considerari, cui daretur, quemadmodum nobis, perlustrare, quot fuerint quantique ponderis negotia a legatis nostris transacta, quantos intra unius alteriusque mensis spatium labores in ea infuserint, quantas molestias devorarint; usque eo, quo ad, Reginæ in memoratas possessiones jure, cum per publicas ipsorum, quæ invaserant, abrogationes, tum per parlamentaria, ut vocantur, aliaque varii generis acta, in integrum restituto & confirmato, nec non augustæ Principis aula ministeriis omnibusque necessariis ordinata, mandata legationis exhausta viderent singula. Verum, in quo magis adhuc enituit alia Cragii nostri indoles animique magnitudo, erat illud perquam insigne studium erga salutem Regis Regiæque, turbulento inprimis & periculoso tempore præstitum, quo utriusque libertati & vitæ à Francisco Bothuello insidiæ parabantur. Nam & caput suum periculis objectavit, Comitique, in palatium conanti per seditionem irrumpere, fortiter se opposuit; & auctor Jacobo Regi fuit consiliorum, ex quibus deinceps cum Bothuello actum, quorumque, summa moderatione susceptorum, hic exitus fuit, ut factiosum istum Comitem, cujus indomita & effrenata audacia non parvum aulæ terrorem injecerat, prostratum ad pedes suos Rex videret, supplicemque ad omnes condiciones descendere, quæ a legatis Danicis consignatæ, ipsi imponerentur. Hujusque rei testes excirare possumus, ex monumentis autographis, inter cetera legationis acta repertis; in quibus & libellus extat ipsius Bothuellii manu subnotatus, quo delicti veniam orat, Regisque se potestati, dummodo sibi de imposito veneficii crimine æquam reddatur judicium, permittit. Sed nescio an amplius insigniusque ullius memorabilis rei afferri possit testimonium, quam quod de hac ipsa, quam exposuimus, a Jacobo Rege post aliquot annos impertitum est, quodque eandem extra dubitationem omnem collocat. Habetur id in litteris ad Regem glor. mem.

mem. CHRISTIANUM IV. scripsit: quas, quia totæ ex laudibus Cragii sunt compositæ, ac nihil quicquam illis præterea continetur, non dubitamus hoc loco, in honorem nostri, inferere:

„JACOBUS Dei Gratia Rex Sotorum, Serenissimo Principi Domino CHRISTIANO QUARTO, Danizæ, Norvegiæ, Vandalorum Gothorumque Regi, Duci Slesvici, Holstatiz, Stormariæ, Dithmariz. Comiti in Oldenburg & Delmenhorst, Consanguineo, affini, fratri & compatri charissimo, salutem & continuum, felicitatis incrementum.

„Serenissime Princeps, consanguinee, affinis, frater, & compater charissime. Cum nobis in mentem venit, qua fide & diligentia Nicolaus Cragius, Serenissimæ Vre subditus, legationem in regione nostra obivertit, non potuimus non ejus reminisci, & gratum nostrum erga eum animum his nostris literis palam facere. Si nihil aliud, fortunatus certe successus, qui in charissimæ nostræ conjugis rebus, dicti Nicolai maxime opera & consilio, sapienter constitutis, apparet, ejus fidem prudentiamque abunde testatur. His accedit insignis animi magnitudo, qua turbulento & periculoso tempore, seditiosis aliquot, qui in palatium nostrum per insidias tum forte irruerant, Serenissimæ Vre nomine sese fortiter opposuit, quod nobis magno usui fuit. Quocirca eum, ut virum doctum & prudentem Sæ Vre enixe commendamus: Rogantes ut Sæ Vre ejus studia foveat, & benevolæ animo tueatur. Gratissimum certe nobis erit, si commendationem hanc nostram sibi honori & emolumento fuisse intelligat: paratque erimus, Sæ Vre omnibus frateris officiis vicissim demereri, quam ut Deus opt. max. quam diutissime incolumem conservet, ex animo precamur. Datæ e regia nostra Falcolandia, quarto die mensis Augusti MDCXCVII.

„S. V. frater amantissimus,

„Jacobus R.

Reversus ex Scotia noster, priora studia resumit Hafniæ, & ad curandum, quod in Academia habebat, officium totus aliquamdiu incubuit. Accidit autem, ut non adeo multo post, vere scilicet anni MDCXCV. in hanc urbem accederet illustris vir Petrus Junius, à Jacobo Rege missus, ut de nato illi primogenito filio lætum ad anam Danicam perferret nuntium. Atque iste vir, quem singularis & eximia virtus, cum præstanti eruditione conjuncta, venerabilem cunctis fecerat, non parvus vero usus, ex variis, quibus apud nos functus erat, legationibus, meliori gentis nostræ parti concillarat, quem admodum nuper in Scotia multis Cragium honoribus officiisque erat complexus, ita &, dum hic fuit, congressum ejus & sermones fere quotidie requirebat. Aderat iisdem sæpe etiam alii docti homines, quos ad patriæ nostræ gloriam insignes istud ævum protulerat:

(C)

inrer

inter eos Jonas Jacobus Venusinus, acerrimi ingenii vir; (in cujus epistola quadam, olim inspecta, memini hoc, quod refero, mihi observatum.) Erant autem ut plurimum colloquia ista de utriusque gentis historia; de ea præcipue, quæ tum ante haud multos annos edita, ac a Georgio Buchanano, Junii quondam in Jacobo Rege erudiendo collega, fuerat de rebus Scoticis, præclaro studio divinaque & incredibili eloquentia conscripta. In qua cum nonnulla nostri animadverterent, de Danicis Norvegicisque rebus, secus quam veritati conveniret, tradita, ita ut simul neutriquam inficiarentur, magnam culpæ istius partem in nostris hominibus residere, quippe quibus neglectum hoc nimis fuisset descriptionis genus, diuque aliquis desideratus, cujus industria, si non similes, ejusmodi saltem commentarii in publico conspicerentur, unde, in posterioribus præsertim sæculis, lux aliqua nostræ historiæ affligeret: hortari eos Junius, ut in hac parte ipsi aggredierentur dignitati & gloriæ patriæ suæ servire, neve committerent, ut de eodem aliquando neglectu apud posteritatem rei fierent. Inprimis autem non destitit Cragium impellere & urgere, ut, quoniam suppetebant ei omnia, ex quibus comparatam esse oporteret boni historici facultatem, eo studium suum cogitationemque omnem conferret. Quod a Junio quidem dictum, ceterorum, a quibus exceptum fuit, facile approbationem meruit. Ex sane haud multis opus erat stimulis ad incitandum nostrum; quippe cui nequaquam animus deerat ad hanc gloriæ laudisque viam ingrediendam, deerat autem illorum, penes quos esset eandem aperire scilicet, auctoritas. Sed neque diu hæc desiderata. Vix enim ad aures procerum, qui pro Rege cuncta administrabant, res pervenerat, quum hi ipsi, laudato impense nostri studio & erga patriam pietate, omnia ea facerent, ex quibus quantum proposito ejus faverent, quantumque a facultate ejus & industria expectarent, perspiceretur. Enim de historiographi munere ei deferendo, Regis nomine, amplissimum ornatumque, decretum fecere: Cujus tabulam, pridie Cal. Sextil. perscriptam vidimus, in hanc sententiam: ut à describendis proximorum Regum CHRISTIANI III. & FRIDERICI II. rebus, (siquidem hoc ipse prior proposuerat,) initium faceret, absolutisque iis, ad superiora tempora aggredieretur; ut ad Frothonem usque ascendendo, cuncta, quæ in Saxonis Grammatici libris vel præterita, vel parum diligenter enarrata observaret, tum & quæ a Saxonis ævo relicta essent, suppleret; ut latino sermone omnia, summa fide summaque veritatis cura exqueretur, neque in momentis rerum aut negotiorum causis & rationibus quicquam memoria dignum omitteret; ut toti operi perficundo haud plus temporis quam sexennium impenderet, diligentissime vero daret operam, ut illud, quantum fieri posset, breviori spatio abfolveretur; in mercedis locum sexcentos unciales nummos perciperet, singulis annis ex ærario regio numerandos; ac denique, ut liberum ad tabularia regni haberet accessum, nihilque ipsi, unde ad instruendos annales aliquid posset erui, occlusum foret. Ceterum in annis postea aliquid immutatum, sic tamen, ut haud quicquam ex

emo-

emolumentis nostro detraheretur, quod aliunde non reciperet certius. Nam quod Ripis Cimbrorum habebatur apud ecclesiam cathedralē sacerdotium amplum & opulentum (Decanatum appellabant,) & ab Andrea Severini Vellejo fuerat, sub ea conditione, ut historiam ille Danicam perficeret, ultra xx. annos possessum, Cragio sequenti anno, qui fuit MDXCV. litteris regiis transcribitur, eadem lege, atque ut de pecuniā, antea constitutā, summa quingenti unciales decederent, reliquum vero quotannis ex aerario solveretur. Simul & iungitur Vellejo. ut quodcunque apud se esset scriptorum ad res patriæ spectantium, nostro omne mitteret. Quod & sine mora præstitisse, ex ejusdem ad Senatores regni litteris, de ea re diligentissime scriptis, cognovimus. At non magno certe fuerant adjumento, quorum indidem noster compos factus. Uberiorem multo omnique modo ampliorem sibi materiā propria diligentia comparavit; utpote quam non tantum ex secretis tabularum excerptam. verum etiam, ex cunctarum fere gentium annalibus monumentisque, quotquot in publico tunc extabant, incredibili studio conquistam, in adversaria sua referebat. Horum adversariorum pars quædam in bibliotheca Academiæ asservabatur, priusquam feraleam ante paucos annos destruxerunt. Inter istas chartas cum nonnulli forte offendissent dissertationem admodum memorabilem, quam per epistolæ modum scripserat eadem ætate Andreas Fossius, Bergensis in Norvegia episcopus, vir insigniter doctus, & admiranda historiæ omnis scientia conspicuus, eaque ipsā de Saxone Grammatico peracre judicium fecerat, neque adscripsum veri esset auctoris nomen, in eam devenerunt opinione, esse opus Cragianum; ita ut deinceps descripta a studiosa exempla, sub hujus nomine spargerentur: Quale etiam unum ipse possideo. Sed non, ita qui opinati, diligenter epistolam perlegerunt. Est vero eadem, cujus partem aliquam Stephanius in *prolegom. ad Sax. cap. XXI. pag. 36.* protulit. Quamvis non dubitem, Cragium nostrum, in ferenda de parente historiæ Danicæ sententia, haud adeo multum a Fossio discessisse.

Atque ad ista dum noster assidue est intentus, dum in iis totus est, omnique cogitatione & cura hanc unam artem persequitur, de aliis sollicitus esse rarius, parumque oppido ad negotia, quibus diversi aliquid inesset, mentem advertere; ita ut neque græcas illas amplius obiret scholas, neque professorum cœtus frequentaret, neque in ulla, quæ quidem ad Academiā pertineret, officii parte esset diligens. Quæ res, quoniam abhorre a majorum consuetudine & concessis apparebat, & spectare nimis ad licentiam credebatur, homini vehementer invideri cœpit. Et quidem mustare inter se primum collegæ ejus, ii maxime, quos jamdudum publicus ille favor & gloria fulgore suo urebat. Deinde & palam in consistorio, id enim professorum conventus nomen habet, de neglecto ipsum, munere admonere; imo etiam rectorem increpare, quod in re tanta, ubi fama Academiæ agebatur, tamdiu non vereretur connivere. Ad quæ

quæ noster, nihil tam acerba reprehensione dignum admisisse, neque in eo tam graviter a se peccatum, quod aliquando valetudine impeditus, nonnunquam mandatis procerum evocatus, ut plurimum vero in colligendis atque excerptis, quibus opus ad annualium regni conscriptionem foret, laboriosissime occupatus, haud eadem, qua ceteri, diligentia, ejusmodi rebus nullis districti, Academicas leges observasset. Etenim perfacile sibi futurum, illam, quæ a collegis suis tanta verborum asperitate denegabatur, a supremo magistratu veniam impetrare. Neque aliud hoc dicto jactabatur, quam quod effectum iri noster certo confidebat. Et re ipsa brevi post effecit, allato ad professores diplomate regio, Aarhusii d. xvi. Octob. mxcv. scripto, de partibus suis in Academia. quoties vel abesset, vel aliis negotiis distineretur, alteri cuidam imponendis. Arramen, quod mireris, nihilo illi magis præbere se indulgentes; quin potius rigidius multo præfractiusque adversari, nimis iniquum hoc dictitare, si ejusmodi edicto eis, quæ lege sancita essent, & ad juris omnium æquabilitatem facerent, obrogaretur. Nihilque ægrius factum est multo rectoris labore, quam ut a consilio desisterent ad proceres rem omnem deferendi, & cum eisdem de iniquitate mandati exposulandi. Erat autem, qui, hoc consilium suggererebat maximeque urgebat, Ivarus Scrubæus: homo doctus quidem, sed pervicacis ingenii, quique aliorum plenius fortunæ secundæ invidebat, dum sibi ipse moribus & vivendi ratione fabricabat pessimam. Verum pervicit tandem noster, ut in schola, quoties sibi ex urbe egrediendum foret, officium suum aliis collegarum fungeretur: hocque ut fieret, non paucis diebus post dictam altercationem, cum in Scaniam proficisceretur, obtinuit. Spectabat illud iter ad colligenda & inspicienda, quæ per Scaniam vicinasque provincias reperirentur, sive scripta historica, sive alia antiquitatis monumenta. Præcipue vero, ut cum Magno Marthia, doctissimo Lundensium antistite, sermones & consilia sua conferret, & ejus generis essent, quibus egregius iste vir instructus, varia in patria historia exorsus esset ac moliretur, memoriæ, præsens cognosceret. At, ne in alias regni partes ejusmodi professionem intruderet, tum valetudo obstabat, quæ per sequentem annum subinde ei infirma, tum, quod credimus, haud æque necessarium judicatum. Et præterea, quod supra omittebamus dicere, provisum negotio illi erat per mandata regia, quæ jam anno mxciv. perlata erant ad cunctos regnorum Daniæ Norvegiæque cives, tum equestris, tum literarii & sacri ordinis, tum etiam magistratus urbium: quibus, quodcumque ipsis foret cognitum, alicujus in re historica nostrate usus, indicare Cragio, aut descriptum ad eum mittere, imperatum. Acceperunt deinceps etiam ejusdem generis mandata Islandi, de quorum monumentis magna semper nostris opinio fuit: seorsim vero Arngrimus Jonas, ejus diligentia hæc potissimum cura ab ipsis proceribus commendata. Et quidem ad eundem jam anno antea scripserat Cragius, nec non ad Gudbrandum Thorlacium, Islandiæ australis præfulem, rogans imprimis eos obtestansque, ut in parandis, emendis &

exponendis historiæ, quæ apud ipsos inquirerentur, monumentis institutum suum adjuvarent. Exant hac de re epistolæ ad Arngrimum Cragianæ: quas ille, una cum quibusdam aliorum, evulgavit in libro, *Apostrophe calumnia* inscripto, & Hamburgi an. MDCCXXX, typis excuso. Qui liber, quoniam in paucissimorum hodie est manibus, fortassis nihil abs re facturi sumus, si eorum in gratiam, qui quo noster fuerit ingenio ad unamquamque rem existimandam, quantæque in studio antiquitatum apud animam suam proposuerit, avebunt scire, nonnulla ex dictis litteris excepta, ad paginæ hujus oram adscripserimus. (a)

(D)

Interea

(a) In epistola anno 1796. d. 24. Aprilis scripta sic ad Arngrimum Cragius: *impetravi a gubernatoribus regni mandata ad Islandos vestros & seniorum ad te, de inquirendis & exhibendis historiæ monumentis quæ apud vos extant. Subscribere iis, qui aderant, Sieno Brabe & Huisfeldius, ut vides. Nam Kosacrantzius extremo fato defunctus est; Pasherpjus & Sefeldius in Julia erant. Spero te jam aliquod opera pretium allaturum, ut propositum nostrum adjutes. Chronicon illud Norvagicum, cujus postremis literis mentionem facis, nimis quam concisum & breve, præsertim initio, ubi de origine & propagatione gentium septentrionalium agit. Quacunque igitur haberi poterunt, vel de hisce, vel de Regum historiis, communicari mihi cupio. Adjungas etiam Baronum & Comitum Heslandiorum, Orcadensium, aliorumque res gestas, ex quibus emendari & locupletari historia Norvagicæ possunt, utpote his immixta. Nec contemnenda puto Apophædegmata & Scita magnorum virorum: ut suo quaque loco in Historia Regum inserantur. Horum omnium, quam fecisti spem, ut præstando succursus, rogo. Potissimum vero in id elabores, si forte Danorum aliqua reperire eris, quæ vel cum Norvagiis, vel cum Scotis, aut etiam cum vestrastris, Heslandis, Orcadensibus, intercesserunt. Et in aliis litteris, seq. anno, Hafniæ Nonis Maji datis: Gratissima mihi fuit opera tua, quam præstitisti in rebus historicis gentium nostrarum septentrionalium, & eam spero magno mihi adjumento futuram &c.*

Id modo age, ut tum de Danicis rebus, tum de Norvagiis, Svecicis, & imprimis de vestris certa & luculenta documenta habeamus. Omnes nostros spes habes, tu veteri historia nusquam certiora & veriora, quam apud vos extare; propter ea quæ Saxo de vestris scripsit. Et supersunt tum opud alios, tum apud me libri MSS. in membrana, vestra lingua, quosidem ei rei faciunt. De gentibus septentrionalibus earumque ortu præcipuo, mihi semper aqua hæsit. Invenio in Scythiis, Neuros, Gelones, Budinos, Melanchlenos, multa habuisse communia in moribus cum Norvagiis & vicinis insularibus. Invenio etiam Oviæ apud Strabonem, & Vitis latine, quo nomine Jumi nostri Anglicis scriptoribus appellantur. Hinc ego de nostris aliquam conjecturam, facio, quam tamen non evulgo, antequam a te & aliis doctis viris firmetur. In Geographicis etiam multa deidero, & de gentium migrationibus, quæ omnia ignorantis crassa caligine involuta. A te aliquam lucem expecto, quæ hanc disculat. Et quæ fortassis videntur maxime fabulosa, huc aliquid conferre possunt, ut ipsi eruamus, quod verum est. Itaque quicquid de his penes te est, seras secum ad nos, ut ne jota quidem tibi reserves, nisi autographa, &c. ||

Interea, quantumcunque erat, quod in istis collocabat temporis, tunc hand amplius tamen id videtur professorio muneri nimis offecisse; aut collegis ejus ansam præbuisse ad idem, quod prius, reprehendendum. Certe jam multo frequentior conventibus ipsorum consiliisque interfuit. Atque, ut alia omittamus, in una re præcipue insignem Academiæ navavit operam, cujus magna semper comprobata fuit utilitas & adhuc existit. Hæc vero fuit, quod, cum aucta nimis sæpe incidere inter professores novos, & decessorum viduas aut hæredes, de partitione reddituum, (vocat peculiari vocabulo *annum gratia*.) contentiones graves & permolesta, easdemque raro contingeret, nisi ad longum tempus pertinacia partium extractas, aut sine aliqua alterutrius partis querimonia dirimi, tandem Cragio annitente effectum, ut de ea re certi aliquid lege præscriberetur. Et sane nihil æquius prudentiusque excogitari potest, quam quod hic ipse deinceps scivit, & ad tollendas omnes de *anno gratia* lites brevi scripto dilucideque comprehendit: quod &, postquam illud ratum habuissent ceteri, perpetuæ sanctionis vim obtinuit. Circa eadem tempora decanus philosophici ordinis designatus est; hocque ad calendæ Jul. anni MDXCVI. acta nostra referunt.

Anno autem MDXCVII. exeunte, legationi novæ destinatur. ad Regem remque publicam Polonorum. Erat in Senatorum regni Danici numero Henricus Ramelius, Dominus de Beckeskow, Regi CHRISTIANO IV. percarus, cujus etiam regundæ pueritiæ formandisque moribus præfectus fuerat. Huic cum Sigismundus Augustus. Poloniæ olim Rex, grandem pecuniam debuisset, de qua & ipse, & successor ejus Rex Stephanus, & nepos Sigismundus III. frustra fuerant appellati, tandem a suo domino Ramelius id gratiæ beneficique loco impetravit, ut mitteretur eo Cragius, tentatum, an ad dissolvendam ejus nominis obligationem posset Regem & Senatores, congregandos in comitiis Warsawiensibus sequenti vere, adigere. Sed & præter hæc, alia in mandatis nostro data, quæ cum ad Svecicæ solum, non vero Polonicæ, attingerent, erant seorsim cum Sigismundo agenda: nimirum inter alia instandum, ut, quod sæpius fuerat flagitatum, in controversos illos fines, quibus Finmarchia Norvegicæ, & Lapponia Svecicæ dirionis, determinandæ, detecti quam primum arbitri mitterentur. In utroque negotio, tam hoc ultimum memorato, quod præcipuum erat scilicet, quam Rameliano illo, diligenter laboravit noster, neque improspere, ut videtur, successu. Quantum enim apparet ex iis, quæ Regi nostro Sigismundo referripit, de utroque, intra breve tempus finiundo, magnam spem secum domum retulit. Reversus ex Polonia adulto vere ann. MDXCVIII. ortum non nisi semestre est sortitus: antequam enim ad finem annus decurreret, in Angliam ablegatur. Ad hanc vero missionem optimum Regem permoverant querelæ plurimorum civium, aliorumque, qui in dirione ejus erant, mercatorum, qui, cum superioribus annis, per exardescens inter Anglos & Hispanos bellum, infestum haberetur mare,

re, a præfectis navium Anglicis vexati graviter miserumque in modum spoliati, sæpius deinde tentaverant apud Anglos causas suas in judicium deducere; sed successu semper irritò. Ut igitur finis tandem aliquis statueretur tot injuriis & querimoniis, quibus undique e Dania Norvegiæque Regis aures obrundebantur, consultissimum est visum, istud Cragio negotium imponere; ut nempe in Angliam profectus, causam afflictorum ageret, ac eo usque in petitione insisteret, donec obtineri posset, Reginæ auctoritate, ut extremum juris auxilium adhiberetur. Quam autem & studiose egerit, & acriter insistere, oratio docet, quæ ab eo in Westmonasteriensis aula, coram Regina ipsa, Senatu & compluribus nobilibus præsentibus, est habita, die XVII. Decemb. an. MDCXVIII. atque non tantum apud nos, inter cetera dictæ legationis acta occurrit, sed etiam in Rymeri Sylloge Tom. XVI. ex bibliotheca Cottoniana legitur evulgata. Verum, quod fortassis non multi expectarent ab umbratice homine & in scholis cunctro, quam eleganti factoque ad aulam ingenio fuerit, brevis illa & arguta declarat epistola, quam eidem orationi, cum Regina posita descriptam, ex iterata ipsius flagitatione, miraretur, adjunxit. In qua nimirum, inter alia, videre licet *florantis ætatis venustatem & gratiam*, in Heroïna jam verula & sextum ac sexagesimum agente annum, collandari, quod utique à venusto oratore & perito de aliis prædicandi, quæ ipsis essent operatissima, nemo, qui modo Elisabetham nôrit, inficiabitur. Interim ab incomparabili eadem Regina haud levia in nostrum exiterunt honoris & gratiæ documenta. Neque enim tantum ad colloquia ejus admissus est sæpe, in quibus solebat illa latinitatem suam excusare, multaque non verebatur festiva sermonibus istis immiscere; sed &, eadem jubente, multo digniore loco, quam ei fuerat a proceribus destinatus, habebatur. Attamen in negotio, quod agebat, haud expropter ad voluntatem fluxerunt cuncta, adversantibus imprimis, ex optimarum numero, qui jampridem in partem spoliatorum, quæ scilicet reperebantur, venerant. Ita ut, quantumcunque noster adlaboraret, judicesque ad eam rem delectos urgeret assidue, tamen spoliatorum perpauca aliquid ad recuperanda sua profecerunt. Quodque ad alterum mandatorum caput attinebat, in quo de piscatu Anglorum prope Norvegiam, ab omni tempore, edictis nostrorum Regum pactisque inter Daniam & Angliam, vetito, disceptabatur, etiam in aliud tempus hoc rejectum. Atqui Cragius sibi Reginæ animum ad ultimum usque benevolam expertus, cum discessum ex Anglia pararet, torque aureo insignis pretii donatur. In reditu autem ei accidit, ut, cum in Belgium pervenisset, ac Lugdunum Batavorum a. d. III. Non. Maji an. MDCXIX. ingressus esset, sequenti die ulterius in viam se daturus, a consulibus urbis, honoris & benevolentia ergo accedentibus, totum diem retineretur, magnifico exciperetur convivio: cui rector Academiæ pluresque docti & illustres viri interfuere. Meminit etiam hujus diei, in erudita Batavorum urbe actæ, Jo. Meursius, qui tunc admodum juvenis, nec facie quidem nostro, sed ex scriptis & clarescente supra ætatem fama

fama notus, uno alteroque post mense particulam *Exercitationum Criticarum*, quas eodem anno publicavit, ad ipsum in Dantiam misit, hac, quæ & in impressis exemplaribus legitur, epistola exornatam :

„Nobilissimo Viro NICOLAO CRAGIO, Sereniss. Daniæ Regis Consiliario, & in Angliam Exlegato Joannes Meursius S.D. Cum nuper hic esses Vir Nob. meique videndi perquam cupidus, ut ex amico utriusque nostrum Paulo Merula intellexi, vehementer dolui fortunam ejusce diei colloquium mihi tuum invidisse. Eidem tamen gratias ago, quod viam mihi straverit, ad amicitiam tuam, quam ego Crassi divitiis porioiem habeo. Amo autem (& quis non doctorum?) atque colo te plurimum: ita insignis eruditio tua meretur, quam edvis de Rep. Lacedæmoniorum libris præclare declarasti. Amoris mei observantiæque testimonium hic signare visum. Tu hæc pauca ad Epidicum discere. & miniata tua cerula nota.

Ceterum hæc ipsa Anglica est legatio, de qua mentionem in *Annalibus* suis facit Guil. Camdenus, ad annum mdc. (b) ubi Cragium elogio *Viri literatissimi* exornat. Etsi de primario ipsius negotio nusquam in commemorat, contentus exaggerasse, quæ de piscatu Norvegico & Islandico contra libera maris jura, vult credi, a nostris fuisse disputata; quorumque componendorum causa, conveniebat deinceps, ut delegati utrimque Emdam mitterentur. Quemadmodum e diverso idem auctor iniquus sane, ac nimius deprehenditur in extenuanda Anglorum culpa, quod illorum legati non ad statum diem Emdæ comparuissent. Quum vel ex ipsis Danicorum ad Angliæ Reginam literis (c) constet apertissime, nostros ista mora indigne ludificatos, postquam Emdæ integrum hæssissent mensem, neque vel literis aliquid vel nuntiis ad ipsos esset de Anglorum adventu allatum, credidisse longiorem expectationem parum Regis sui dignitati convenire: haudquaquam vero, quod futiliter ille subjicit, quia res annonaria defecerat, domum properasse. Idque ipsum aliis literis ad CHRISTIANUM IV. quæ, dum hæc scribo, in manibus meis sunt, declararunt, in quibus nulla annonariæ, nec pecuniariæ rei, sola vero Anglicanæ insolentiae extat mentio. Ac in eo legatorum numero a nostra parte etiam fuisse Nic. Cragium, iisdem literis edocemur. Ceteri fuere Christianus Frisius Cancellarius, Manderupius Parsberg, Henricus Ramel, & D. Jonas Charitius. Cum his una Hafniam rediit noster mense Majo anno mdc. brevique post fratri Andrææ Kragio, Med. D. Physicesque professori, exequias ivit.

Et, quasi fatum ita cum eo decrevisset agere, ut nullum videret annum domi quietum indulgeri, denuo circa calendas Januariæ mandatum de revisendis Polonis accipit. Neque tamen solus nunc

c6

(b) *Eag. 825. edit. Tb. Hearne*, in 8vo.

(c) *Vid. Th. Bymeri Aſſa & Fadra Vol. XVI, pag. 396.*

eo proficiscitur, sed Henrico Luckio, illustri viro regniq[ue] Daniæ Senatori, adjungitur. (Fuit Henricus iste, ut hoc obiter injiciamus, filius inclyti illius Georgii Luckii, qui, antequam & ipse in Senarum Danicum cooperaretur, in militia atq[ue] in aula Francisci I. Galliarum Regis per diu vixerat, ejusq[ue] nomine, minimum quater, (d) in Daniam legatus ad CHRISTIANUM III. ierat.) Hujus etiam legationis causam, quoniam idem in prioribus a nobis factum, indicabimus. Conquestus plus semel apud CHRISTIANUM IV. fuerat Elector Brandenburgicus Joachimus Fridericus, de iniquitate Polonorum, quibus jamdudum id agebatur, ut illum a jure, quod in Borussia hereditarium habebat, excluderent, aut, si interverti omnino hoc non posset, adeo tamen duræ Brandenburgicis leges impingerentur, ut potissima pars beneficii, quo Albertus I. filiusq[ue] ejus usi fuerant, ceteris ex eadem domo deperiret. De quibus conditionibus ac legibus cum subinde ab Electore esset recusatum, Rex Poloniæ Sigismundus III. hanc detractionem in suam convertere commodum, instigatusq[ue] a satraparum nonnullis, omnem conferendi beneficii, sive, ut loquuntur, investituræ spem adimere, usq[ue] adeo, ut in literis etiam ad Electorem, inter ditionum nomina, ad titulum adhiberi solita, Borussia mentionem omitteret. Itaq[ue] Joachimus Fridericus, excelsi Princeps animi, postquam nihil precibus missionibusq[ue] se proficere, sed eludi jam tertium in annum expectationem suam videret, constituit alia via rem aggredi, atq[ue] jus illud suum armis vindicare & persequi. Id consilium cum cognatis Principibus, præcipue vero cum genero suo, Rege CHRISTIANO IV. communica- rit, simulq[ue] ab eo ccm. nummorum uncialium in belli usum expetit. At id neuriquam comprobatum CHRISTIANO. Qui potius, ut molliori via res tentaretur, cum maxime vero, ad Polonorum animos expugnandos, officia precesq[ue] amicorum adhiberentur, auctor exiit. Hocq[ue], ut periculo magis vacuum, secutus Elector, non solum plures exoravit alios, ut ad comitia Warfawiensia legatos suos destinarent, sed & Regi nostro, idem ut faceret, persuasit. Quo vero plus ponderis ac auctoritatis inesset legationi, placuit quendam Senatorum regni, cum oratore cumprimis idoneo, qui Brandenburgicis fideliter ad omnia præsto forent, mittere. Equidem perfecta nobis sunt diurna istius legationis acta, Cragii manu exarata; nec non oratio, qua coram Rege & Senatu Polonico, in magna frequentia recitata d. xvi. Febr. an. mdc. jus domus Brandenburgicæ in Borussia meritaq[ue] ejus erga Polonos huculenter, nec vulgari facundia exposuit; & quam parum Regi rei q[ue] publicæ consulere ab illis, qui contraria suadere non veriti, tot amicorum Principum petitiones & desideria nullo esse habenda loco censuerunt, demonstravit. Atqui certe nihil in oratione ista, quantum judicare possumus, vel exaggeratum nimis, vel minaciter ira expostularum, quemadmodum

(E)

Rein-

(d) Vid. *Annal. Nic. Cragii*, ad an. 1535. pag. III. ad ann. 1537. p. 164. ad an. 1538. p. 184. &c.

Reinholdus Heidensteinus in historia sua scripto prodidit. (c) Neque, ut ibidem additur, aliquid ejusmodi culpæ derivare in Cragium jure poterant Brandenburgici; utpote quibuscum jam ante tota ratio dicendorum fuerat deliberata, quique sibi in mandatis datum esse, si nihil impetraretur, Regi & Senatui Polonico denunciare, Illustrissimum Electorem causam tam justam deferere non posse, ac sperare ab amicis auxilia haud defutura, (t) coram Legatis Danicis erant tassi. Sane hunc eventum res habuit, ut, quæ noster in eam sententiam, ac ex mente Brandenburgicorum, etsi lenissimis verbis & quodammodo recte, promulerat, tanta tamen vi & efficacia illaberetur in Senatorum animos, tot pariter ex diversis locis legatorum adventu, qui operam eidem rei omnes darent, perculos, ut paucis post diebus decreverint, negotium haud longiore deliberatione producere. Atque, cum deinceps ad id, quod caput erat, veniretur, controversiæ eadem ferre, quæ antea, renascebantur, de conditionibus. Et cum ad eas descendere, quales ferebantur a Polonis, minime Brandenburgicis esset integrum, & hi, & nostri, (quibus interea temporis peculiaria quædam, Regis sui nomine, cum Sigismundo fuere transacta,) domum reditionem pararunt. Redierunt autem Luckins & Cragius Hafniam circa medium Aprilem, atque, (quod ipsis eorum verbis liceat ex scripto, superius laudato, referre,) „ita fuerunt accepti, ut „legationem cum fide & diligentia obitam, non ingraram Regiæ Majestati fuisse appareret.“

Et Cragius, cui jam ultimo triennio, ne quid de superioribus annis dicamus, divise inter Academiam & aulas Regum curæ fuerant, nunc totum sese ad illam denuo vindicare, Rectorisque munus, ex ordine sibi quod obtingebat, suscipere. Factum vero, ut, cum rector inauguraretur, antiquis ritibus, ipse Rex maximus CHRISTIANUS IV. celebritatem illam præsentia sua illustravit, una cum fratre ULDARICO, ac in amplissima procerum & aulicorum corona solennes istas pompas duxerit: quod quidem totum honori datum Cragio. Quemadmodum etiam, cum haud multis post diebus, (erat VII. Cal. Julii,) nova Academiæ basilica dedicaretur, quæ auditoria professorum omnia, tam superius, quam interiora tria continebantur, idem augustus Rex, Senatus regni & nobilium multitudine stipatus, ad festivas ceremonias accessit, & facientem verba Cragium, cum magna favoris testificatione, audivit. Ceterum eodem anno alia indulgentissimo Regi occasio Cragii augendi atque honestandi se obtulit. Cum enim Johannes Michaëlius, scholæ Soranæ præses, is, quem antea fuisse Regi a studiis memoravi, diem suum idibus Decembr. obierat, noster protinus in ejus locum sufficitur.

Erat

(c) Hist. rerum Polonicar. ab excessu Sigism. Aug. lib. XII. p. 171.

(f) Sunt ipsa eorum verba, ex actis legationis desumpta. Et præterea Brandenburgicis communicata fuit ad perlegendum oratio Cragii prædie, quam recitaretur.

Erat autem Soranæ scholæ præfectura, antequam in eo loco Academicam CHRISTIANUS IV. erigeret, cum eximiae dignitatis, tum locupletissima provincia omnium, ad quas isto seculo aditus literato homini, nullis majorum imaginibus claro, pateret. Itaque nihil facile reperiebatur, quod Cragio fructui majori gloriæque esse, nihil, quo melius commoditari consuli ejus posset, in scribenda præsertim historia occupari. Eidemque numquid putamus opatius contingere potuisse, quam a desultoria illa, multisque & itineribus distracta, & negotiis operosissimis implicata vita, ad ejusmodi locum se recipere, ubi in amenissimo secessu, sedata magis & tranquilla studia exerceret, satisque deinceps consequeretur otii ad perficiendum, quod omnino magni interesse ad patriæ honorem existimavit, nempe ut res ipsius memoria dignas insigni quodam opere enarraret? Ex hoc ipsum fuisse, cujus cum maxime rationem Rex habuerit, quando eum hinc amandabat, pro certo existimatur: quod & Vindingio in *Academ. Hæstu*, animadversum. Sed quæ in eodem libro occurrit narratio temporis, quo Cragius præses Soranus factus sit, nescio quomodo accipienda: cum sane in commentariis actorum regni exemplum vidimus literarum, diem xxi. Decembris præferentium, quibus Rex mandarat nobilibus viris Jacobo Windio & Holgero Gæge, ut Soram irent, ibique D. Nicolao Cragio, jam consensu libera & regia scholæ præfidi (hæc enim verba sunt) præfecturam loci traderent, cum ædificiis, sylvis, rusticiis, rationumque libris & indicibus, quicunque eo pertinerent. In actis autem Academicis legitur, ipsum die xxii. Februarii anni mdcii. sese rectoris munere abdicasse, quod tunc Joanni Pauli Resenjo demandatum: ac ultimum die x. Aprilis in professorum cœtu adfuisse, hereditarie litis cum fratre vidua componendæ causa. Unde apparet, ne tantillum quidem ei temporis, quod ad ordinandas res suas sufficeret, Soræ adhuc obtigisse, cum a morte opprimeretur. Obiit enim ibidem die xiv. Maji, id recte annotante Vindingio; quamquam idem superius pag. 153. scripserat, successorem ejus, D. Andreæ Christiani, *Calendis Majian. MDCII.* ad præfecturam Sorensem admotum esse. Ubi rescribendum haud dubie *Calendis Junii*: siquidem in iisdem, quos nuper citavi, commentariis simile mandatum legitur, de scholæ rebus D. Andreæ tradendis, cui adscriptus dies iv. Junii. Sed hæc levia profecto, & facillime excusanda. At, quod omnino fieri oportuerat, ut nimirum memoria tanti viri, qualis fuit Nicolaus Cragius, monumento quodam publico, aut saltem programme Academico ex more celebraretur, unde non pauca de ipso addiscere, quæ ignorari supra diximus, licuisset, id vero ab illis, quibus maxime officium incurvebat, fuisse neglectum, quomodo excusationem invenerit, non videmus.

Scripta Cragiana, quotquot adhuc mihi se obtulerunt, eordine, quo in lucem publicam sunt edita, enumerabo. Primum, quantum constat, quod prodit, fuit *Grammatica Latina*, in usum scholæ Hafniensis concinnata, & anno mdcxxviii. impressa; de qua in præceden-

cedentibus mentionem feci, plura fortassis additurus, nisi exemplum ejus, post ultimum scilicet incendium, quo & unum penes me, & alterum in biblioth. Reseniana periit, nunc frustra desiderarem. Alterum, *Tui Lioti Patavini sententiose dicta, ex libris historiarum ejus, qui supersunt, excerpta studio NICOLAI KRAGII PETKEJ, Kipensjs. His accesserunt sententiae Sallustianae ab eodem adjectae. Hassiae, impressae Laur. Benediktus 1582. in 12.* Libellus Principibus Regiis inscribitur, CHRISTIANO IV. & fratri ejus HULDERICO, Regis FRIDERICI II. adhuc superstitis filiis, quos haud ineleganti praefatione, de utilitate ex historiarum lectione capienda, alloquitur. In dicta inscriptione CHRISTIANUM nuncupat *Electum Regem Daniae & Norvegiae*: Quod quidem accepimus visum fuisse nonnullis singulare & animadversione dignum, existimantibus eo nomine appellari non nisi post annum MDLXXXIV. potuisse. Qui tamen debuerant meminisse, electionem CHRISTIANI jam anno MDLXXX. in comitis Othinianis a Senatu regni decretam, ac ab eo tempore pro rata approbataque habitam, etiamsi anno demum MDLXXXIV. plena eadem confirmatio, per solenne ab universis regni civibus sacramentum, accessit. III. *Differentiae Ciceronis, seu quae verius a Grammatico quodam in Dania olim conscriptae sunt, nuper ex Bibliotheca quadam eruta, & ex ff. de V. M. S. in lucem evulgata, edente NIC. KRAGIO Kipensj. Hassiae impr. Laur. Benediktus, 1589. in 8.* Hunc, si nihil aliud, librum insignis certe raritas commendaverit. Paucissimis enim, etiam in his terris, visum esse nobis persuasum. Omiserunt eum, sicut & Grammaticam jam laudatam, Vindingius in *Acad. & Alb. Barthol. de Scriptis Danorum*. Sed hos saepe fugerunt inventu non aequae difficultatis: Lipenio tamen nominari videas in *Bibliotheca Philos.* inter eos, qui de *Differentiis* scripsere. Et qui duntaxat ex *Catalogo Reseniano* habent cognitum, vix aliter opinari poterunt, quam ipsius Cragii opus esse, cumque in enotandis Cicerone verborum differentis laborasse: cum tamen editoris duntaxat partes egerit, & membranas, ex quibus descriptis, satis inepte praefere Ciceronis nomen, ipse agnovit. Pertinet nempe libellus ad scriptores medii aevi, in quorum ordine tanto ei minus locum invidemus, quanto pauciores obscurioribus istis seculis scriptores nostra ostendendos habet patria: Modo primum hoc certum fuerit, ac extra dubitationem positum, auctorem illum in Dania vixisse; de quo nihil videmus Cragium, praeter conjecturam, aut nescio quam animi persuasionem, asserre. Neque enim ex eo, quod in Dania repertus, vel quod codex librarii ex nostra gente fuerit manu exaratus; res conficitur. Argumentum, quod facile colligas, est grammaticum: idem scilicet, quod tractarunt veteres illi, a Geo. Fabricio, Vulcanio, Dion. Gothofredo & Putschio quondam editi, de *proprietas & differentis latini sermonis*, Cornelius Fronton, Nonius, Agrætius, aliique. Et sane haud pauca cum iisdem habet noster hic communia, iisdemque pene verbis expressa; hoc vero solum peculiare, quod dispositas litterarum ordine voces repraesentat; quemadmodum in Ammonio Græco, atque iis, qui Servio Honorato & Pompejo Festo adscribuntur, similibus libellis conspicimus. In-

Inscripsit Regi Cragius præfationem suam, memorabilem sane illam, ipsique libro oppido præferendam. Exque ea, inter alia, edocemur, tunc temporis ipsum in manibus habuisse præstantius quoddam opus hominis Dani, Esbèrni nomine, de *historia Romana* scriptum, quod sibi ab Erico Langio, viro nobili communicatum, decreverat ad editionem adornare. Verum cur promissis non steterit, & quid postea de Esberniano codice sit factum, æque nobis ignotum.

IV. De Republica Lacedæmoniorum Libri IV. &c. apud Petrum Sant-andreamm c161. xcii. in 4. Hoc vero insigne illud est opus, quod Cragianum nomen æternitati famæ inferuit, ac optimæ eorum partii, qui interiores illas litteras colunt, reddidit perjucundum. De quo ineptum foret, quicquam hoc loco addere, librumque nulli non doctissimarum studio cognitum, supervacua laude ornare, nisi ad nonnulla de eo dicenda nos adigerent iniquidæ unus alteriusque scriptoris iudicia. Horum primus est Bartholomæus Keckermannus, celebris olim apud Gedanenses professor, qui in *Systemate suo Systematum*, illa, qua politica tractavit, parte, non contentus methodum atque ordinem, quo usus Cragius, reprehendere, etiam totum ab eo scriptum abjudicavit, & ad Cujacium, ex ficto & commenticio rumore, quem ab aliis se ait inaudivisse, refert. In priore accusatione parum urique est, quod nos moveat: Qui etiam lubentes eam laudem relinquimus Keckermanno, quod, quæ ex Cragii aliorumque scriptis levi opera corrasit, tali deinde methodo disposuerit, qualem, qui philosophantur, scholis suis iudicant convenientissimam; præsertim postquam in Cragii opere nihil istiusmodi desideratum a primariis viris, & quorum in republ. litteraria auctoritas Keckermanniana longe major est. Et eorum sane nonnullos novimus, in argumentis id genus occupatos, sese nihilo magis, quam Cragium, existimasse ad severas illas dialecticorum leges astringi; modo utilia neque alibi temere quaerenda lectores suos docerent. Sed bonum factum: ne quis philosopho Gedanensi succensere velit, in Cragio methodi neglectum culpanti; siquidem hoc ipsum virum objecit Sigonio; at quanto viro! Sic enim in præfatione *Reipubl. Athen.* loquitur: *Inter recentiores eminet Carolus Sigonius, magnus acque politicus & historicus, qui de republica Atheniensi insignes libros scripsit. Insignes dico, materia & rebus, nam formam & methodum, qualis esse debuit, frustra ibi quaeras.* Posterius in Cragium illud, nempe de plagio, ad mentita manifesteque falsa pertinet: ad quæ constanter etiam ab universo eruditorum sensu rejectum fuit. Sane usque adeo omnes fabulam despiciatui habuerunt, ut fortassis haud alia excogitata fuerit calumnia, cuius eventus inajis auctorem suum sit frustratus. Pene ut hoc addamus, nunquam minus necessariam susceptam defensionem esse, quam quæ eo nomine ab Henrico Ernstio (g) instituta est. Quod & ipsi clarissimo huic viro non potuit non animadverti, quando ex Cujacii familiaribus, in quorum plures se ait incidisse, neminem unum inveniebat, qui librorum de *Republ.*

(F)

Lace-

Lacedæm. scriptorem esse Cujacium, non prorsus abjuraret. Et qui credas hoc persuaderi cuiquam posse de summo illo viro, ullam ipsum in argumento, de quo sermo est, operam collocasse; quum etiam haud dubitem affirmare, in universis Cujacii operibus, tanta eorum, qui ultimis editionibus præfuerunt, cura, conquisitis collectisque, nihil ex tota antiquitate esse; cujus rarior parciore exte mentio, quam quod Lacedæmoniorum leges remque publicam attingit? Verum, qui Nic. Cragium norunt, ejusque studiorum rationes quodammodo perspectas habent, his neque poterit obscurum esse, eum, postquam ad juris studium animum appulisset, magnorum virorum, Sigonii, Postelli, Perionii, exemplis excitatum, non solum illam, quam diximus, Græcarum antiquitatum partem sibi elaborandam summis-
sed & de aliis urbium Græciæ institutis, nec non Persarum, Ægyptiorum, Cathaginen-
sium, Massiliensium rebuspublicis, simili labore illustrandis, cogitasse. Et hoc erat scilicet, quod jam aliquot annis, antequam illud de republ. Spartanorum opus exiret, in præfatione libelli *de Differentiis Ciceronis* prodidit, quanquam nomine suo tunc quidem dissimulato. Ubi & inter consilia rationes hanc professus est, quæ ad Danicæ reipublicæ constitutionem, qualis ista ætate erat, ab externorum calumniis defendendam, pertineret. Quæ locum, quoniam, ut supra diximus, summo rarus est liber, lectori-
torum dabimus expendendum: *Non desunt* (in patria nostra,) *qui studio latine dicendi delectantur: Non desunt, qui ætate rationem didicerunt: Non desunt, qui antiquitates, cum aliis, tum etiam politicis, quibus illi* (ex aliis nationibus) *merito primas tribuunt, tractare possent. Et forte non minore dexteritate, quam vel Sigonius, vel Bodinus, vel Postellus, vel Perionius, vel alii qui a litteris nomen gerunt. Multa enim ad illius perperam tradita possunt emendari, multa omissa suppleri, puta de legibus, de judiciis, de præmiis & poenis, atque alia quædam, quæ illi aut prorsus præterierunt, aut levi manu, ut ajunt, attigerunt. Nam quid de iis dicam politicis, quarum antiquitates, non cuiusvis obvia, jussis quodammodo commentariis illustrari possunt, Spartanorum, inquam, & Græcorum aliorum, itemque Persarum, Ægyptiorum, Cathaginen-
sium, Massiliensium, & plurium, de quibus illi nihil fere lueris prodere ausi, certe quod constat non sunt aggressi? Quas omnes & alias qui describet, passim poteris, tanquam in præcipio vel aliud agendo, iis respondere, qui non secus ac jurati nominis Danici hostes, reipubl. nostræ constitutionem quavis ratione impudenter traducunt. Ac conveniens admodum, ut arbitror, nostræ modestiæ ea ratio convicia in auctores regerendi, si demonstrare possumus, in laudatissimis illis antiquis rebuspublicis usurpata & approbata fuisse, quæ in nostris moribus tantopere sugillant. Ultima verba quo reipræstant, ignorare non possunt, qui Bodini libros legerint: quem etiam, ut hoc pariter indicemus, tangunt ista in *Rep. Laced.* lib. I c. 4. *Nec enim ex unius aut alterius seculi consideratione, prorsus de tota Republ. judicium ferri potest, quod quidam conficiunt nimis, ut fere omnia, facit.* Cæterum & plura, quam enumeravi, in civili doctrina nostrum fuisse meditatam, videbis hinc inde in laudatissimo opere patefactum. Inter ea commentarium pollicetur in Platonis libros de Legibus, quando, de poëtis agens Spartana e civitate eiectis, lib. III. p. 172. *Plato, inquit, videtur hanc legem a Spartanis sumam in suam**

suam *reputat* retulisse, quos & in multis aliis imitatus, quod prolixè demonstrasse potui, nisi animus esset, alio huic rei dicato commentario, id argumenti persequi. Ad summam; non fuit Cragius ex illorum numero, qui ignavi tanquam fuci aliorum laboribus insident, & quicquid eximium arbitrantur, surripientes, in gloriam suam vertunt. Et qui vel unam alteramque ejus epistolarum legerit, quales illæ ad Nic. Krasium, & utrumque Rosencrantzium, agnoscent eo virum ingenio eaque eruditione fuisse, ut posset e sua ipse penu depromere, quæ propriam sibi laudem vindicarent. Gedanensem autem philosophum quid induxerit, ut fabulæ de Cujacii scriniis compilatis, si modo ralem unquam audiverit, fidem haberet, non inquirimus. Certe qui sapientiam proficerebatur, ac virtutum præceptis adolescentium animos imbuebat, illo neque indignum erat fallacissimis rumoribus credere, iisque ad detrahendum famæ hominum abuti. Veruntamen plurimum absumus ab ea suspitione, quam fovebat Thomas Crenius, in libello *de furibus librorum*, sectæ nempe ac patriæ diversitatem Keckermanno causæ loco fuisse, ut tam facile aures suas, & deinde operam calumniæ commodaret. Quam enim non modo amarulentum hoc, sed putidum, docto viro tam abjecti animi vitium, sine clarioribus indiciis affingere? Sed de plagii insimulatione ista plus satis actum. Nam quæ alias in nostri opere de Reipubl. Spartanz forma tradita, minus arriserunt Keckermanno, nunc sponte præterimus; utpote retutata jam olim ab Henningo Arniseo *Recess. Polit. lib. II, cap. 6.* cujus erudita disputatio multa in eam rem habet, atque his verbis concluditur: *Neque tamen eo inficias, si de statu Reip. Laced. ex historia & rebus gestis judicium ferendum sit a posteriori, quin inde a momento reformationis Lycurgi illæ prædominata fuerit democratia, ut recte tradit Nic. Cragius lib. I. de Rep. Lac. cap. 3. & immerito reprobatur Nicolaus Sennicius, seu Keckermannus lib. II. de Rep. Spartana, cap. 1.* Nempe Keckermanniani scripti de Rep. Spartana ulus fuerat Arniseus editione prima, quæ Nicolai Sennicii nomen præfert, nobilis ex Polonica gente adolescentis, & quæ Dantisci anno MDCIX. prodiit, una cum *Politia Atheniensis*, cui Clementis Colmeri Dantiscani nomen præfixum. Quod in transcurso ideo monere libuit, quia in istis nonnunquam errasse deprehenduntur, qui catalogos librorum historicorum concinnarunt, Struvius, Menckenius, Langletus Fresnovus, alii. In quibus, quem ultimum nominavi, haud tantopere necesse habuit mirari, cur Jacobus Gronovius nullum in *Thesaurio Antiquitatum Græc.* locum Sennicii libro dedisset, (h) quum, si a methodo discesseris, liber nihil fere contineat, cujus ratio a Gronovio habenda esset. Sunt enim ex Cragio transcripta tantum non omnia, alio vero ordine digesta, atque primum sub juvenis istius Poloni nomini, qui eisdem erat thesauri loco

(h) Sic enim in nova edit. Paris. MDCXXX. in 4to. Tom. III. pag. 211. Fresnovus scribit: *Nicolaus Sennicius de Politia seu Rep. Spartana, in 4to. Dantisci MDCVI. Livre curieux & peu commun. Je m'en souviens que M. Gronovius, qui a mis dans sa collection sans de grâces, communs, n'y ait pas mis celui-ci.*

co ad disputandi exercitationem usus, evulgata, sed postea inter auctoris sui, Keckermanni, opera, atque in grandi illo *Syſtemate* demum Hanoviae impressa.

Id denique etiamſi leve non prætermittendum, vocari plerumque Keckermanno noſtrum, non Cragium, ſed Crajum. errore facile ad librariorum menda referendo, niſi & ſæpius occurreret, & in Arnſæi quoque libris, & in Reinholdi Heidenſteini Polonica hiſtoria (i) eſſet conſpicuus; ut idcirco ex pronunciato ortum cenſeamus. Interim, qui ſcripta noſtri verſarunt, eos neque latere poteſt immutatio unius litteræ, ab ipſo in gentilitio cognomine ſuo facta, quippe quod ad annum uſque MDLXXXIII. Kragium, quemadmodum ſemper etiam frater D. Andreas Kragius, ſcribebat: a C. vero inſalutis poſtea incipere, huncque morem conſtanter, dum vixit, retinuit. Porro, (ut obiter & hoc addamus.) de altero viro cognomine, qui ſiſdem in Dania vixit, ſed gente Germano, ut a noſtro diſtinguatur, non multum opus monere; cum ille, etiam ante natum Nicolaum noſtrum, ut puto, ſenex, CHRISTIANO III. aliquando ſuerit à concionibus aulicis, etiam in *Annalibus* noſtri ad an. MDXLIV. pag. 272. nominatus, nihilque in lucem, quantum comperi, ediderit. Ac de iſto quidem homine, cujus ceteris dotibus & inſigni præferri eloquentiæ vita & mores haud plane reſpondebant, unde etiam aula juſſus fuit exire, prodita leguntur nonnulla apud Hamelmannum in *Hiſtoriæ renati Evangelii apud Høyenſes & Mindenſes, Operum* pag. 798. & 1113. ſeqq. & apud Ubbonem Emmium *Kſtrum Friſcar. Hiſt. lib. LVII. pag. 391.*

Dimiſſo Keckermanno. alter nobis reſtat haud paulo doctior illo celebriorque, æque vero inconfideratus cenſor. Quod enim aliud, quam inconfiderantiæ & temeritatis vocabulum merebitur ea, quam de noſtri opere ſententiam tulit vir alioqui magnæ famæ excellentiſque doctriæ Hermannus Conringius? Extrat illa in libro ejus *de Civilis prudentia cap. XIV. pag. 308.* ubi recentiores illos enumerat, qui in deſcribendis antiquis Rebuspublicis ſingularem induſtriam adhibuere. De quibus ſic judicare ipſi placuit: *Græcas potiores, illæ paulo ante memoratus chois meus Ubbo Emmius, eximio ſimul prudentiæ civilis lumine illuſtravit. Jam ante vero temp. Aſſicam Guil. Poſſellus, & Car. Sigonius egregie, hic cumprimis, deſcripſerunt: & circa Latonicam moniſſi, quamvis minus ſeliciter, tentaveras Nicolaus Cragius.* Diceret, ne lectum quidem viro, aut perluſtratum fuiſſe Cragii laborem. quando iſta in charram conjiciebat; ſed ex aliis ita accepſiſſe. Cujus moris Conringium haud magis fuiſſe inſolentem, ac nonnullos alios doctos viros, qui cenſuram volunt peragere quam laſiſſime. & judicium de pluribus libris fere, quam pernoſcere uni homini eſt datum, in facile eſſet, etiam aliis exemplis, oſtendere. Ita vero fit, ut quod

(i) *Loc. ſupr. cit. p. 171.* ubi & elogium additur, hac occaſione non retinendum: *Legatus Regis Dania Crajus erat, elegantis doctriſina vir.*

apud unum legas, pluribus sæpe imputandum sit. Quid? quod, dum alter alterius excribit dicta, tam secure nonnunquam id faciant atque oscitanter, ut corrumpant eadem, verbaque illis adjiciant vel demant, quorum sensus primis judiciorum auctoribus in animum nunquam venerat. Atque hoc est, quod in sententia jam allata à Conringio perpetratum. Nempe censuram de Nic. Cragio, quam apud Ubbonem Emmium deprehenderat, suam cum facere institueret, non dubitavit de suo affingere & adjicere ea, quæ cum a doctissimi Emmii verbis, tum a veritate ipsa dissident. Audiamus Emmium: *Ætate nostra Atheniensem temp. Carolus Sigonius Italus, antiquitatis sagacissimus indagator & felicissimus illustrator, bono rei literariae prolixè quatuor libris descripsit. Spartanam Nicolaus Cragius Damus, pari ausu & industria, utinam pari quoque felicitate.* Scilicet, quod comparate ab eo dictam, ac de utriusque scriptoris meritis judicatum fuit, Conringius simpliciter extraque comparisonem accepit, omnique illo omisso, quod cum Cragii laude aliqua conjunctum, non descripsisse Spartanam republ. sed nonnihil circa eam *tentasse*, & quidem *minus feliciter*, pronuntiavit. Fatemur equidem, videri posse in Emmiano elogio aliquid inesse obliqui: iis vero tantum videri, qui negligenter intuentur, vel qui nihil putant laudari, nisi quod simul perfectissimum omnibusque absolutum numeris vocetur. Nam quod omnino non iliberalis fuerit in commendando, agnoscimus ex eo, quod citra ullam exceptionem cum Sigoniam nostrum industria exæquarit, inferiorem tantum felicitate arbitratus: quod de summa Sigoniani operis perfectione intelligimus. Hæc enim si spectetur, quo minus professori Groningano candidus & peritus lector adstipuletur, neutiquam intercedimus. Quamvis, qui considerare velit, quid in eadem palæstra Emmius, adjutus, ut ibidem proficitur ipse. Cragii laboribus, præstiterit, nihil adeo magnum sint inveniri, quo superari ab ipso nostrum dixerint. Ordinem sane immutavit, & tractandi modum: sed eandem quoque in Sigonianis viam tenuit. Interim neminem præterea novimus, quem, si laudatum Emmium excipias, feriant illa Casparis Barthii, ad Claudianum pag. 149. *Opus Nicolai Cragii de Rep. Laced. cur contemnunt, qui post eum meliora non invenerunt, nondum nos docuerunt.* Justissime hæc quidem, si eadem in Emmii verbis contemtus haberemus signa, quæ in Conringio. At quis erit, cui non liquido apparebit, plurimum inter se distare hæc duo: illud scilicet, *in negotio, magnis ausibus suscepto, laudatissima industria versari, & hoc tentare in eodem nonnihil, sed infelicitè?* Neque vero, quia non universas Cragius virtutes magni illius Itali expresserit, sequitur statim, licere Conringio de laboribus ejus abjectius iniquiusque sentire, quam judicavit is, quem securus est, vir certe, quantuscunque etiam in aliis studiis Conringius fuerit, ad talia censenda haud parum aprior peritiorque. Cui si nonnulla fuerint in nostri opere animadversa, non adeo ad perfectum unguem castigata, atque Sigonii illa sunt pleraque, sciendum, multum Cragio adhuc apparatus atque subsidiorum defuisse, quando scriptionem illam suscipiebat, quemadmodum & ipse haud uno in loco fatetur. Sed quærat aliquis, unde istud affirmari

tam certo queat de Conringio, quod sententiam suam non propriæ cognitioni, sed Ubboni debeat, siquidem iste inter eos reperitur dissensus? Cui respondemus, injuriam majorem fieri Conringio, si putemus eum, perlecto demum Cragii libro, tale judicium protulisse, quam si existimetur alterius illius verbis, animo parum attento lectis, confusus. A me profecto nemo hoc obtrinebit, ut crediderim, si modo temporis aliquid sui dedisset vir magnus perlustrandis atque expendendis nostri de rep. Laced. libris, tam inconsultum quid ei scribi potuisse, aut cogitari saltem. Quod vero auctoritate inductus civis sui, viri cumprimis docti, & cui in rebus ad eruditionem pertinentibus diffidere nullus poterat, a recta via declinaverit, id neque mirum nobis, neque, si utriusque verba comparemus, ambiguum habetur. Uti neque hoc mirandum, si & aliis deinde pluribus Conringii auctoritas imposuerit. Quidni enim faceret, præfertim si & virum intueamur, & illam, quæ jamdiu regnavit, præjudicandi consuetudinem, ac censendi aliena fide quodcunque etiam nunquam visum aut lectum, consideremus? Quanto autem æquiores alii, ac id quidem, tum Conringio, tum civi ejus, hoc certe, quod ad rem attinet, eruditionis genere, præferendi? Ex quibus unum sufficiat appellare Joan. Meursium, quandoquidem in his ipsis studiis nullius nunquam diligentia progressi est longius. Cujus candidissimi judicii testimonium facile potest quemvis, diversa opinione imbutum, nisi Musis iratis natus sit, confundere ac in ruborem dare. Is nimirum, præterito Egmio, cujus neque alias unquam meminit, suos *Miscellanearum Laconicarum* libros a laudibus Cragii exorditur: *De republica Lacedæmoniorum egregium opus scripsit Nicolaus Cragius, magnum Læonia ornamentum. Ego, quæ neglectæ illæ, seu minutæ, ut sunt cæcæ, nec ad institutum suum pertinentiæ, hic proponam: quædam etiam, quæ exposuit, pluribus illustraturus.* Ac ejusdem operis lib. II. cap. 2. sic incipit: *De ephoris, senatoribus, & harmostis, legibusque, multa accurate Cragius, nisi cetera: ego pauca, seu indicia, seu auctorum aliorum testimoniis confirmata &c.* quæ & ipsa verba in alio ejusdem libro, illo nempe, quem de Regno Lacedæm. scripsit, capite XXIII. repetuntur. Ut taceamus quam plurima loca alia, quibus mentionem de nostro, nunquam fere nisi honorificam, nisi plenam æquissimi judicii, facit. Denique cum in ea Meursius incidit, quæ noster ille, conjectando, ut solet nonnunquam, hallucinatus est, videre est, quam & mollior eum excipit, & castigat modeste. Cujus rei, quod eodem cap. (est hoc ultimum de regno Lacedæm.) habetur exemplum, itidem adscribemus: *Sed, priusquam finem imponam, de Regum quoque adibus aliquid hic dicendum puto: quia Cragium falli video, ubi de regibus illi sermo, lib. II. cap. 2. At, domos regiarum fuisse Sparta publicas quasdam, ubi semper habitarent, qui ad id honoris fastigium erecti essent. Ego contra edocebo, errare virum eruditum; ac privatim sibi unumquemque habuisse, &c.* Hæc ille, & ex vero quidem, cujus & probationes adfert minime inficiandas. Dormitavit ergo Cragius: Neque vero is tanta cura, vel pari attentione animi vigilantiaque, atque Meursius, auctores omnes triverat, ut oculatum factis se ostenderet in argumenti sui hac particula. Quid vero in eadem ipsa

ipsa Ubbo Emmius? is, qui tam lynceus fuit in Cragii nævis detegendis, (quorum tamen nullum nominatim potuit ostendere,) qui videri etiam voluit maturiore consilio & meliore ordine rem absoluisse, quique a Conringio supra quoscunque alios, qui lucem istis rebus intulerunt, laude attollitur, viditne is errorem nostri, ac evitavit? Falleris. Ne suspicatus quidem est scopulum hic latere. Itaque secure in eundem impegit, & quancunque alias infelicitatem in Cragiano opere deprehenderit, heic saltem partibus suis felicissime functum credidit, & auctorum verba, quæ errorem istum pepererunt, dextre interpretatum. Ita enim de Spartanis Regibus loquitur: (k) *Erant omnium sacrorum administrari, quasi sacerdotes. Ad hæc habitabant domo publica.* Quenadmodum quando ephorum magistratum scribit durasse non nisi ad Cleomenem (l), itidem videtur Cragium secutus, non satis in eo accuratum, ostendente pariter Meursio, *Miscell. Loc. lib. II. cap. 4.* quamvis non dissimulandum, hæc de sublaro illo magistratu sententiam pluribus communem fuisse, de quo inprimis consulendus Scaliger *Animadv. ad Euseb. MCCLIII.* (m) Non libet, neque huius loci est, plura accumulare, unde cognosci queat amplius, quam inique ab iis agatur, qui censura sua præcipites ac cæci, libros de rep. *Laced.* Cragii vilipendunt, atque infra aliorum labores depriment. Sufficere enim potest, illis omnibus, ad quos iure pertinet hæc cognitio, & qui, in iudicando studiorum id genus, exercitatos usu rectosque animi sequuntur sensus, Cragium in magna existimatione habitum, visumque, cuius testimonia in iuramentis æterni nominis uterentur, dignissimum. Ad quorum numerum referendi, præter Jo. Meursium jam laudatum, Seldenus in opere de *Synedrüs Hebræorum*, Ezechiel Spanhemius, in *notis ad Orationes Juliani*, ac de *Præstantia & usu Numismatum*, Barthius in *Adversariis*, nec non in *commentariis ad Statium & ad Claudium*, Perizonius ad *Ælianum*, Posterus ad *Clementem Alexandr.* Olearius ad *Philostratos*, Humphr. Prideaux ad *Marmora Oxon.* Fabricius in *Biblioth. Græca*, ac in *Bibliotheca Antiquaria*. Andr. Schottus, multique alii, quos brevitate causa nunc omittimus.

Editiones tres omnino extant. Prima Heidebergenfis, apud Petrum Santandreanum an. MDXCIII. in forma quarta, Secunda Lugd. Batav. an. MDCLXX. in 8vo. ex officina Joannis a Gelder; qui raros jam tum fuisse libros illos, nec nisi carissimo pretio comparandos, in præfat. ad lectorem testatur. Tandemque in magno *Antiquitatum Græc. Thesaur*o eisdem locum dedit celeberrimus Jac. Gronovius. Is etiam, acerrimus talium, sed aptus inprimis idoneusque censor, quam dignationem crederet operæ Cragii assignandam, non tantum in præfatione, *utilem & præclaram* appellando, sed & elogio Casparis Barthii

(k) Emmius de Rep. *Laconum*, edit. primæ ap. Elsevir. in 8vo pag. 119.

(l) Pag. 118.

(m) Pag. 72. b.

thii apposito, coram erudito orbe declaravit. Ceterum, quod in syl-
labo scriptorum *Tom. V. Theſauri Gronoviani* promittitur, exhiberi nem-
pe ibidem libros istos *emendatiores & auctiores*, quam in prioribus edi-
tionibus legebantur, cave sic accipias, quasi eisdem sit quicquam ad-
ditum, præter capitum lemmata; utili quidem accessione, quis enim
neget? atque etiam latinam eorum, quæ ex græcis auctoribus repræ-
sentantur, versionem, quam Cragius non curavit, nisi admodum
raro, apponere. Cetera omnia editioni primæ ita perfectè conſo-
nant, ut ne verbum quidem vel additum reperiatur, vel mutatum,
typographi menda si excipias. Tamen si maxime fuisset optandum,
ut isto tempore, quo Gronovio hæc cura susciperetur, nostrarium ali-
quis cogitasset de subministrando ipsi exemplari, quod aderat in bi-
bliotheca Hafniensi publica, inter libros Academiæ olim donatos ab
egregio illo Joanne Georgio Molenio (n): quippe quod auctoris pro-
prium, plurimisque ab ipsius manu supplementis ac emendationibus
ad paginarum oras refertum, fuerat novæ editioni destinatum. Nunc
illud, cum tot aliis raris atque caris, nulloque unquam pretio redi-
mendis, frustra lugemus a feralibus flammis absumptum. Superfunt
duo tantum epigrammata, quæ olim, dum forte codicem evolve-
bam, e fronte ejus, cui ipsis auctorum manibus adscriptæ erant, ex-
cepi, & quæ, ut porro ab interitu vindicentur, hæc apponam:

„Ad auctorem.

- „Cur antiqua adeo, cur tempore diffusa, & orbe.
„Nunc Lacedæmonion, Cragie, jura novas?
„Et cur non potius patriæ mage cognita gesta,
„Vel, quam nunc habitas, Urbis, aperta facis?
„Tutius est forsitan veterum monumenta referre.
„Nostra, ut scire juvat, sic meminisse nocet.

„Tycho Brahe f.

„Ad eundem.

- „Quod fuit, hoc soli debebat Sparta Lycurgo.
„Quod nunc est, tota est gloria lausque Cragi.
„Joh. Isaacius Helsingius.

Temporis nulla erat nota addita. Videntur tamen scripta es-
se anno mdcxv. aut eum secuto. Nam & in Tychonis illo animad-
vertuntur, quæ ad exulcerati animi indicia referas; adeoque tempo-
ri ascribenda, quo erumpere iste jam coeperat ejus invidorum livor,
isque de patria relinquenda cogitare. Et iisdem annis in familia ma-
gni viri vixisse novimus Joannem Isaacium Pontanum, is enim est,
qui sese natali ab urbe Helsingium appellavit. Erat autem Tycho.

ut

(n) Vid. *Catal. Biblioth. Molenianæ* pag. 298. num. 33.

ut aliis plerisque popularium, aliqua eminentibus doctrina, familiaris, ita a longo tempore inter fautores Cragii præcipuos: atque hic vicissim illum colebat perpetuo, sæpeque Uraniburgi invisebat. Accessit, quod in familia Moleniana, ex qua alteram suam conjugem noster duxerat, erant quidam Tychoni amicitia conjunctissimi. Quod in transitu non prætereundum duximus. Nam de utriusque epigrammatis elegancia nihil quidem opus addere, in qua haud multum, credo, desiderabunt censes, etiam minime indulgentes. & ad hoc genus deliciarum gustu non plane hebeti. Etenim ad laudes illustrissimi Brahæ & hoc spectat, non tantum in sapientiæ studiis naturæque arcanis supra seculum suum excelluisse, sed & in poliorie literaturæ pulcherrimos fecisse progressus, ac sæpe carmine lussu culto & profluenti. Pontanus etiam, quamvis in epigrammatis habitus plerumque frigidiusculus, in hoc uno disticho incaluisse videtur haud infeliciter. Ac nescimus equidem, qui factum, ut hoc ipsum postea in poematum suorum editione (o) non adjecerit.

Eodem anno, quo *Respublica Lacedæmoniorum*, eademque ex officina, noster in lucem emisit *Heraclides Pontici de Politis* libellum, vel fragmenta potius, & ex *Nicolai Damasceni universali historia*, seu *de moribus gentium libris excepta Joannis Stobæi Collectanea*. Utrique operi versionem latinam addidit, ac prodire tali curavit forma, ut commode majori illi operi subjungerentur, unde & ejusdem exemplaribus semper fere videbis adherere. Suntque expropter ad calcem librorum de *Republ. Laced.* recusi à typographo Leidensi Jo. a Gelyder, de quo supra meminimus. Sed dudum ante hanc editionem auctores isti, & græce & latine, quemadmodum a Cragioconversis erant, in publicum, & bis quidem, exierant. Anno enim MDCCXII, Tornæus eos publicavit, usus ad hoc sine dubio docti alicujus viri opera; cui quantum eo nomine debeatur, atque num ille pluribus in latina illa Cragii animadversionibus, quam una illa a Jacobo Gronovio memorata, paginarum oras distinxerit, haud promerum nobis est dicere, utpote exemplari, dum hæc scribimus, destitutus. Saltem dissimulatum in ea Cragii fuisse nomen, vix credimus. At dissimulavit profecto Daniel Heinsius, cum anno MDCCXI, eosdem libellos subjeceret Aristotelis *Politici*, *paraphrasi* sua illustratis; neque tamen alia eis latina adjungeret, quam Cragiana, eaque in nullo uspiam loco, ne apice quidem, immutata, sive emendata. Quod silentium nescio an eis probari possit, qui candorem & ingenuitatem etiam in minimis doctorum hominum actionibus volunt conspici. Notum præterea, in Constantini Porphyrogeniti excerptis, Nicolai Damasceni illa *de moribus gentium* esse collocata, eodem modo atque ordine, quo legenda jam olim dederat Cragius. Quod ex consilio Hug. Grotii esse

(H)

fa-

(o) Hanc ipse curavit, impressam *Amstelod. apud J. Jansson. 1634. in 12.* ubi ad Tychonem, Venusinum, aliosque eo ævo nostratum non pauca, nulla vero Cragii mentio.

factum, (neque enim in codice Constantini penes cetera Nicolai excerpta reperiebantur,) discimus liquido ex epistola summi illius viri ad Peirescium (p). Unde & ibidem Cragii latina verba retinuit editor, paucisque admodum locis castigatiora reddidit. Quid? quod interpretem nominavit semel; in notis scilicet: occasione sumpta ab iis, quæ haud procul ab initio de Arionis memoratur, quod nempe τὰ κείμενα τῶν χρησίων ἐν χροσίοις ἐλλήτοις φυλάττει. Quum enim hæc erat interpretatus Cragius: *Oracula sua testis inscripta habent, quæ in aureis involucribus custodiuntur*, Valesius corruptum elie censuit τὴν χρησίων, ac legendum τῶν χρησίων, aut quid simile. Quid enim, pergit, ineptius, quam *oracula hic interpretari, ut fecerat N. Cragius, cujus versionem cum hic, tum alibi emendavimus*. Equidem video in *Excerptis* locum a Valetio expositum verbis aliis, quibus nimirum *figulina vasa, ad quosidianum usum parata* indicantur, non *oracula*. At per ejusmodi versionem omne istud dubium sublatum esse, certamque aliquam loco emendationem accessisse, non video. Præterea, si ineptivit Cragius, si in loco tenebricoso offendit, quid hic solus culpam sustinebit & luer; quando in eodem anre eum erroreprehenditur Conrad. Gesnerus, qui similiter, ac eisdem pene verbis, reddiderat in Stobæo? Nobis sane, etiamsi non abnuimus, alio ea verba sensu accipiendæ esse, quam Gesnerus nosterque ille intellexerunt, nondum tamen persuasum, vitæ aliquid latere in vocabulo *χρησίων*, uti neque hoc: Valesum, quamvis magna eruditione virum, quid sibi ista de Arionis dicta velint, vel penitus perpexisse, vel declarare ad liquidum potuisse. De quo nihil nunc attinet disputare; cum res alium locum postulet, neque alio, si fors ita rulerit, nobis negligenda. Vellemus quidem, nonnihil ex suæ doctrinæ penu Jac. Gronovius attulisset ad Nicolaum Dancaſcenum, quemadmodum ad alterum illum fecit; in *Præfatione Tomi VI. Antiquitatum*, ubi non solum de Heraclidæ fragmentis, quam a librariis male essent tractata, indicavit, sed & latinæ versionis nostri Cragii, (cujus nihil, ex utroque opusculo, ne dedicationes quidem, prætermisit,) unam alteramque maculam absterſit. De Nicolao vero Damasceno haud quicquam monuit, usque adeo ut oblitus etiam videatur, in laudatis ejus excerptis Valeſium aliquando defudasse.

V. Panegyricus CHRISTIANO QUARTO, Danicæ, Norvegiæ, Vandalorum, Gotorumque Regi &c. dictus, in dedicatione augustissima Basilicæ seu novæ Academia, D.E. & Musis consecrata A. D. VI. Calendas Junii Anno 1604. a Nic. Cragio Acad. Haf. R. Hafniæ, typis Henrici Waldkirchii in 4. In qua oratione si non eadem ubique dictionis cura animadvertitur, qua cetera viri scripta sunt expolita, de brevitate temporis cogitandum, qua scilicet a præstando jam pari ornatu fuit exclusus. Nam inter auspicia reſtoratus, quem, ab ultima legatione quodammodo recens, aggressus est, & hunc actum pauci admodum dies interceſſerunt. Attamen nemo diffitebitur, apte illam congruenterque

enterque scriptam esse, varioque cum eloquentiæ artificio distinctam, tum sapientiæ & eruditionis apparatu instructam. Subjunguntur ei duo ad Regem epigrammata; quæ, ut iudicium haberi possit de poetica nostri facultate, præsertim cum alias nihil ab ipso vidimus profectum in isto genere, non dubitamus, cum bona lectoris venia hic adicere:

Ad

CHRISTIANUM QVARTUM,
Novam Basilicam in Academia Hafniensi DEO &
Musis exstruentem.

- „Ergis excelsas magno molimine tutes,
„Martiaque æthereos mœnia ad usque polos.
„Ædificas arces; armamentaria condis;
„Suntque opportunis oppida stracta locis.
„Singula miramur, quæ tantis ausibus urges,
„Fallor ego, aut laude hac exsuperamur avi.
„Cuncta tamen cedunt Musarum & Palladis ædi;
„Unum hoc præ reliquis fama loquetur opus.
Nicol. Cragius.

Ad eundem.

- „Magnus Alexander dum paucas exstruit urbes,
„Idem armis vastat plurima regna suis.
„Utra sit, in facili est decidere, gloria major:
„Humanum hinc perdit, servat at inde genus.
„Nempe ergo CHRISTI referens de nomine nomen.
„O REX, o gentis spesque decusque tuæ.
„Quam vastare alios, tu propria condere mavis,
„Macte esto; Auctorem res habet ista DEUM.
Nicol. Cragius.

Atque hæc illa sunt, quæ descripta esse typis ex operibus nostri constat. Neque, an aliis plura, in lucem edita, se obtulerint, certo adhuc licuit explorare. Nam *Töfser Physica*, quarum Erasmus Vindingius meminit, haud credere possumus, recte Nicolao Cragio attribui, sed potius ad Andream itarem pertinere, Physices professorem, & multarum ejus disciplinæ thesaurum auctorem; Cum, si aliæ quæ Nicolao scriptæ sint, fuerint haud dubie vel juridici argumenti, vel philologici aut historici. Ceterum videmus in magno *universa historia Lexico*, ut inscribitur, Lipsiæ germanice edito, nec non in minore altero, quo *de Hi viri* commemorantur, nostræ præterea ad-

scribitur

scribi *Jus feudale*, atque illud opus singulari laude efferri. Citantur-
que ibidem testes Wittenius & Alb. Bartholinus: quorum tamen neu-
ter hujus crassi erroris particeps. Certe, quisquis erroris auctor, con-
fudit Nicolaum nostrum cum Thoma Cragio IC. Scoto, cujus illud
tanopere aestimatur *Jus feudale* Londini editum est anno MDCLV. in
Fol. ac denuo, cum praefatione Luderi Menckenii IC. Lipsiae anno
MDCCXVI, in 4to.

Tandem, ordine sic ferente, ad reddendam operis, quod nunc
praesens in manus damus, rationem progrediamur. Nihil vero re-
petemus eorum, quae de proposito scriptoris, postquam in rebus pa-
triae ex auctoritate publica versari coepit, in praecedentibus expostu-
imus. Sed nec opus, amplioribus verbis causas ac impedimenta illa
ennarrare, quae non identidem aut ex intervallo, sed continuo fere
laboribus viri moram injecerunt. Unde factum, ut intra sexennii
spatium, quantum ei scilicet fuerat ad elaborandam regni Regum-
que universorum historiam praefinitum, nec quidem hoc, quod ex-
hibere primum decreverat, mandati operis specimen absolveret. E-
tenim, qui, his consideratis, nihilominus virum promissi reum a-
gi, pluraque ab ipso, quantumvis aliis occupato, potuisse exigi con-
tenderit, nae severam nimis censuram alienae diligentiae instituit, id-
quid agit, ut sanis hominibus videatur, quid sit bonam scribere hi-
storiam, ignorare, quantumque in eam operae & studii infumendum,
ut praeclari aliquid exurgat, nondum satis intelligere. De eo utique
dolendum, quod, postquam istud, ei omnibusque aliquid cum cura
scripturis, tam necessarium obrigerat otium, tantopere festinavit Par-
ca filium vitae ejus incidere, neque siverit, ut in suscepto *Annalium*
opere, a morte FRIDERICI I. Regis deducto, septendecim an-
nis, quos elaborarat, novem illos, qui ex regno CHRISTIANI III.
restabant, adjiceret. Unde factum, ut postea nullus egregio labori
honor haberetur, nemine eorum, qui post auctoris fata, historiae con-
dendae munus obiverunt, aliquam famae Cragianae curam suscipiente:
cum unusquisque propriae mallet, quam alienae gloriae studere. Non
tamen, nisi neglectum ita jacebat, latere praestantia ejus potuit ipsos
illos, qui occultabant. De Jona tamen Venusino nihil affirmare li-
cet, proximo nostri successore. Etenim huic viro, quantum indaga-
re potuimus, totus animus, omnisque diligentia in antiquitatibus po-
nebatur; ut ne quidem cogitasse ipsum puremus de recentiore historia.
Verum, ab excessu Jonae, qui contigit anno MDCIX, transivit, cum
ceteris omnibus, quae collegerat Cragius, vel adversariis suis inferu-
erat, etiam hoc *Annalium* opus, primum ad Claudium Christophori Ly-
schandrum, ipsoque factis functo, ad Joan. Meursium: ut scilicet inde
in demandata descriptione adjuvantur. Usos vero esse, si nihil aliud
testaretur, nonnullis utriusque manus vestigiis, in exemplari auro-
grapho, quod solum superest, (ab eo, qui Nic. Cragio a manu fuit,
exaratum, & ab auctore hinc inde correctum,) adhuc conspicuis, de-
prehenditur. Sed & longe alia nobis indicia prodiderunt, quam uter-
que

que parum fuerit sollicitus de Cragii nomine. dummodo ex ipsius laboribus suo possent consulere, & quæ ille magno studio, monumentis instructus ad gestorum notitiam, necessarijs. conscripserat, ad suos usus, haud admodum difficili opera, transferre. Quæ quidem res, utrique haud eodem modo suscepta, Meursio multo felicius atque elegantius, quam Lyschandro cessit. Atque de hoc, quoniam tempore antecessit, primum dicemus. Erat Claudius Christophori Lyschander in pago Herfoglem in Selandia divini verbi minister, ac Præpositus Bieverskovensis, vir mediocriter doctus, nec indiligens, patriæ inprimis rerum studiosus. Dum vero in his exquirendis supra modum curiosus, sæpe minus veritati, quam gloriæ Daniæ nominis daret operam, ac præterea nulla propemodum facultate in discernendo vera a falsis uteretur, effecit, ut nullus vel ante eum, vel postea, ad hoc munus inepriorem se præstiterit. Nam quod ad vetustas res attinet, primus ille fuit, qui in iusto opere, genealogiam Regum complexo, signum extulit ad sequenda monumenta Gothlandica, & ad Nicolai iustius Perreji (seu quicumque alius eorum auctor) somnia adoptanda. Evolverunt nunc illa penitus; neque unquam apud nos commentitiæ istæ, fabulæ gravibus & emunctæ naris hominibus imposuerunt, prius etiam explosæ, quam futilitatem earum sive Ol. Verelius (q) sive Thormodus Torfæus (r), ut de Jo. Mollero Flensburgensi (s) nihil dicam, demonstrarunt; qui sane pluribus quam necesse erat ad rem adeo puridam ac spernendam, argumentis usi. Verum nec levia erant, quæ Lyschander, nisi occupassent fata, ausus fuisset in historia recentiore. Et audaciæ jam permulta dederat in genealogijs, seu *Synopsi*, ut vocat. *Historiarum Danicarum*, specimen, quorum partem viventi adhuc & spiranti ob oculos posuit Jo. Isaac Pontanus (t). Inprimis autem acerrimus fuit plagiarius, qui a supplantandis aliorum laboribus nulla religione aut verecundia repellebatur. Atque solebat eis, quibus manus intentabat; hominum jam defunctorum scriptis, nonnulla de suo nunc præmittere, nunc attexere, pauca etiam hinc inde inferere; sine dubio ad melius contegendam fraudem, quæ tamen eo ipso manifestabatur. Neque enim ita stylum valuit attemperare, ut saltem ad similitudinem auctoris accederet, quem expilabat. Quod facinus, aliquando in quodam Erasmi Læti opere perpetratum, de quo luculentos citare testes possumus, Olavum Wormium & Steph. Stephanium (u), etiam non dubitavit suscipere, postquam Annalium Nicolai Cragii se compotem videret factum. Asservatur adhuc in bibliotheca regia iste inter manuscriptos codex, quo posteritati fidem facere destinaverat, historiam Regis CHRISTIANI III. suoapte studio elaboratam esse. In isto titulus fronti

(1)

appictus

(q) In notis ad *hystor. Gothrici & Rolfi* pag. 6. &c.

(r) *Ser. Regum Dan. lib. I. cap. 8.*

(s) *Isagog. ad hystor. Cimbr. P. I. pag. 44. seq. & alibi.*

(t) *Epistol. 101. & 102. in Sylloge Ant. Matthæi, d. pag. 274. - 284.*

(u) In epistolis mutuis, nondum editis,

appictus est a manu Lyschandrina, quemadmodum ab ejusdem stylo ingenioque non solum ea, quæ in prioribus quatuor pagellis leguntur, pleraque, sed & nonnulla hinc inde alia interspersa, quibus diducere scilicet amplificareque opus studuit. Longe vero maximam partem ad verbum descripsit a Cragio; neque tamen optima fide; verum ea libertate, qua apertissime, quantum illo esset inferior, prodidit. Sape enim in voces incidens aut dicendi formulas, quarum vim ac elegantiam non satis assequeretur; homo nullis propemodum literis tinctus, ac doctrinæ quidem non nihil, perpaulum autem eruditionis habens, eas non verebatur inducere ac immutare, atque ut plurimum optimis eque medio petitis Latio, inficere nescio quæ & plebeja, aut ex deteriore ævo hausta, substituere. Unum tantummodo dicemus egisse laudandum: hocque est. quod a suscepto opere destiterit, fatone interceptus, an aliis impeditus causis, non dixerimus. Nam quod illius extat, in paginis circiter centum exaratum, in verba desinit, quæ in hac Cragii editione nostra pag. 57. leguntur, quæque incipiunt ab hisce: *Tum Christianus regni certus &c.* Istaque versus mediam abrupta paginam, quam plures scriptura vacuæ sequuntur, indicio nobis sunt. haud ulterius progressum in compilando. Ceterum nacti sumus volumen *Adversariorum*, ut inscribitur, ipsius Lyschandri manu perscriptum, quo indices & capita rerum, quarum rationem in historiis utriusque Regis CHRISTIANI III. & FRIDERICI II. habendam duxit, enotata, ad annorum seriem redegerat, adscriptis ad omnia ista nominibus & signis, ubi & in quo scilicet auctore querenda essent, indicantibus. Atque in eo nobis non tantum hoc animadversum, fuisse Lyschandro eundem codicem Cragianum, quo nos ipsi modo usi sumus, adhibitum. convenientibus ubique paginarum numeris: verum & præterea observatum, alias ei ad manum extitisse memorias, quas idem Cragius noster, pro materia historiæ suæ, porro continuandæ, collegerat, etiam ultra tempora CHRISTIANI III. deductas. Verum, quin hæc ultimæ fuerint indigestæ, ac stylo nondum explicatæ, nullum nobis dubium.

Quod deinde Jo. Meursium nominavimus, absit ut a nobis credatur factum, quod ad hunc tantæ eruditionis, tamque excellentem virtute, meritis & scriptorum celebritate hominem, comparandum ullo modo censeamus illum, de quo nunc egimus. Quid enim, quæso, hoc foret, nisi iudicio tam iniquo non illi quidem summo viro, atque etiam supra laudes nostras posito, sed nobis ipsis ignominiam imponere? Atque levius sane multo is peccat,

Qui confert fulcas cygnis & ædona parvæ,
Castaneis corylos æquat, viburna cupressis.

Id vero tantummodo omittendum haud erat. indicare, eos quos nunc edimus, Cragianos annalium libros, in quos occurrerat Lyschander nimis indigne grassari, Meursio postea omne illud arquetotum suppeditasse, quod in suam historiam, a morte FRIDERICI I. Regis usque ad annum MDL. contulit; atque, si Lyschandrinum illud,

lud, de quo loquebamur, fragmentum excipias, nihil quicquam aliud adfuisse, unde ipsam amplius instrueret ac adornaret. At, quamvis ita videri possit laborem non magnum subisse, tamen in eodem versatum esse, quemadmodum virum doctum decebat, hoc est, caste, continenter ac honestissime, haud fas est dissimulare. Nihil enim Cragio debere, præter materiam & res, voluit. Quas quidem suo, scribendi genere, quod ipsi simplex fuit & candidum, & concinna: quadam æquabilitate decorum, sic tractavit, ut nihil fere ejus, quod necessarium esset, prætermiserit, interdum autem nonnulla pressius, quam ille, & brevior verborum ambitu sit complexus. Igitur, qualem in ceteris, qui in publica luce versantur, historiarum libris se præstitit Meursius, talis etiam hic agnoscitur. Hoc vero nescio quomodo excusari debeat, quod tam parum sollicitus fuerit de supplenda & continuanda hac historia, cum perspicere nequeam, quid admodum ipsi potuerit ad negotium desiderari, subsidiorum præferri, quæ a Lyschandro fuerant, in *adversariis* supra dictis, enumerata, & quorum nihil tum temporis, sive Meursio, sive aliis, in hoc studio laudis se exercentibus, suberactum, jampridem posito. Nam certe, quum totum istud, quod in historia Danica ipsi elaboratum, & a primo nostrorum Regum usque ad exilium CHRISTIERNI II. perductum, ex officinis typographorum prodiit, integris quatuor annis ante mortem viri paratum fuerit, (quamvis, quæ operarum lentitudo fuit, multo serius evulgatum,) atque hoc cum aliunde, tum ex ipsius ad Ger. Jo. Vossium epistolis constet; quumque præterea auctor anno MDCCXXII. à quo septenas ætates vidit, aperte profiteretur, se prope metam antiquioris historiæ, quæ Reges Oldenburgicos præcedit, jam tum constitutum, in eo mox futurum esse, ut quæ in Domo Oldenburgica inchoarat, persequeretur, oportet alia ipsi omnia, quam tempus ad hoc pensi defuisse. Nisi dicendum fortassis, peractum istiusmodi laboris, cui jam satis datum crederet, totum se philologicis suis deliciis immeruisse; neque, nisi extremo vitæ anno, ad perrexendum illud, ut vocabat, *austarium rerum Friderici I. Interregni, & Christiani III.* serio animum convertisse. Cumque hoc ipsum etiam ex ultima ejus ad Vossium epistola, Cal. Junii MDCCXXIX. scripta, quodammodo verisimile reddatur, nolumus contradicere Johanni Svaningio, operis Stephani Stephanii, quo Meursianum illud supplevit, editori, quando in præfatione ait, fuisse magnum virum istud, quod imperfectum reliquit, *felicissime absoluturum, modo sua illum superstitem voluissent.* Quicquid vero sit id quod solum superesse novimus exemplum tamdiu desiderari monumenti, illud ipsum scilicet, quod olim penes Laurentium Wilseldium servabatur, Wilseldique propria manu, ad mediam fere partem, descriptum est. nunc in nostram possessionem transiit, ex bibliotheca nuper defuncti amplissimi viri Nicolai Slange, ære modico redemptum. Sed & antea ego ab laudato viro, pro insigni ejus non tam in me, quam historiæ & res patriæ affectu, descriptum idem opus obtinueram, ut Florentiam ad egregium & celeberrimum Joan. Lamium, professorem ibidem &

biblio-

bibliothecæ Riccardianæ præfectum, destinarem operum Meursianorum editioni, quæ jamdudum felicibus auspiciis præla exercere cœpit, inferendum. Itaque, cum brevi sit proditurum, integrum cuiuslibet posthac futurum erit, examinare & contendere, uter melius ac luculentius de memoria rerum CHRISTIANI III. Cragius noster, an qui eum suo scribendi genere usus reformavit, Jo. Meursius, sit promeritus.

Cum vero, ut indicavimus, tota, quantacunque fuit, industria Meursiana, rotusque labor, quem in dictum opus infumfit, ex stylo spectari debeat, (nam quod ex Lyschandri chartulis unius alteriusque facti mentio accesserit, pro nihilo fere habendum,) non videmus tamen, quid ei in hac parte gloriæ à Cragio concedendum. Quamvis enim, ut in his opiniones valent haud raro, fieri vix possit, quin plurimum nostratis hujus nomini perampla alterius illius gloria & celebritas officiat, vix tamen possumus dubitare, futuros esse, quæis videbitur, satis fuisse facultatis Cragio, ut bene eruditeque scriberet, quique adeo haud leviter ferent, si audiverint omnem elegantiam laudem ab ipso abjudicari. Sane diligenter eum veteres illos in historia Romana principes, Sallustium, Livium, Tacitum legisse, nec infeliciter imitatum esse, iustissimus quisque æstimatorum agnoscer. Nihilo minus nolumus inficias ire, posse in ipso interdum styli & dictionis latinæ intelligentes quædam offendere, haud æque tersa aut perpolita, & quibus ultima illa manus non accessit. Hic vero obsecro & vos rogo, qui æqui estis, mirumne id videri potest in opere, cujus auctor, dum in prima illa scriptione defudat, & antequam possit de intentanda lima cogitare, multum adhuc viæ & itineris decurrendum habet, ab occupante faro opprimitur? Neque tamen eo esse numero arbitramur, qui nunc pulcro corpori inhaerent, naves, quin plures etiam a cordato, ac non nimis iniquæ mentis lectore veniam impetraverint. Quod si in ipsis Thuano, & Famiano Strada, (ne nunc alios illos memorem,) a quorum manibus, cum adhuc vita fruebantur, nihil nisi longo studio conceptum, & meditarum, & extrema perpolitum cura, exiit, tam multa tamen deprehendit Scioppius, quæ critico suo obelo configeret; profecto dura ultraque modum rigida foret censura, quæ, ob non multa, hinc inde, in labore interrupto, paullo negligentius tractata loca, sævire vellet inclementer, scriptorique, quam tor alia ingenii, solertiae insignisque literaturæ specimina exornant, grandem dicam impingere. Nos sane, quanto attentius in imperfecto hoc opere egregias auctoris virtutes intuemur ac consideramus, tanto majores nobis dari causas arbitramur admirandi eos & laudandi, quorum excellenti judicio commendatus noster, istam provinciam acceperat. Quemadmodum contra, ut eadem provincia tam impari homini, ac Lyschander fuit, traderetur, nunquam possumus intelligere qui effectum: nisi usque adeo valuisse dicamus auctoritatem & commendationem Chytræi, ad FRIDERICUM II. olim per-

perscriptam (x). De cetero novimus, magnum quandam e veteribus illis scriptorem pronunciasse, historiam quoquo modo scriptam delectare (y). At si alicui non obesse naris ad manus istiusmodi quædam veniret, quæ à Lyschandro condita ejusque stylo elaborata esset, non veremur dicere, perparvum quiddam fore, quod inde delectationis perciperet, & quo tedium in ea certissime devorandum pœnsaret. Quid? quod magnopere dubitem, annon præstaret, nullam prorsus latina lingua habere nostrarum rerum historiam, quam sic scriptam. Quod ne acerbè nimis dictum videatur iis, qui in mortuorum magis, quam viventium famam indulgentes, quæcumque ejusmodi animadversionem interpretantur ad meram detrahendi de aliorum gloria libidinem pertinere, dabimus elegantiarum Lyschandri gustum, atque illud totum fere, quod in principio operis immatibus suis furtis præmittendum duxit, lectorem impertiemus.

Postquam autem Fridericus humana imbecillitatis pensum absolvisset, & terrena ac temporanea hæc regna pro caligantibus & æternis commutasset, variis & graves deliberationes, in religionis, regni & reipublicæ negotiis inciderunt, quæ aquilonaris hujus mundi & præcipue Danici imperii provincias multis ac periculosis motibus ac turbis totum triennium involverunt. Quod illusterrima Regina & Christianus, adhuc Dux Holsatæ, (quamvis in recenti & acerbissimo luctu versarentur,) facile præagientes, eo omnes conatus & consilia direxerunt, ut mature hostibus ac turbulentioribus quibusvis ingentiis, simultatum ac seditionis occasionem atque viam intercluderent. Ceperuntque cum Johanne Frisio, qui tum in aula aderat, & Regni Regisque secretiora negotia & consilia apprime omniumque optime noverat, & iudicio ac auctoritate plurimum pollebat, cumque nonnullis aliis procerum, Domino Claudio Bille & Truedero Ulfandio, qui paucos dies ante Regis obitum, & Norvagicæ legatione (ubi feliciter omnibus peractis, Regno cum pacem & Regi incolarum obedientiam & fidem restitissent,) ad referenda Domino responsa, Gottorpiam accesserant, consilia communicare, & prolixè ac prudenter de periculoso & quasi vacillante moderno Regni statu deliberare, quæ illi externis internisque hostibus & amulis expostis, quam tempora, negotia totiusque regni incolumitas magnopere requireret, ut eminentibus hinc malis omni cura & diligentia imprimis pectus obiceretur, ut insidiatibus movendi ac promovendi ansa, prudentia potius quam armis, cædæ vel sanguine moture præscinderetur. Et quamvis res magna inter magnos principes & proceres agebatur, non tamen sine totius senatus omniumque statuum consilio & suffragiis aliquid serio vel tuto constituendum duxere. Væras autem & contrivatas dilataciones cum magnis, ut plurimum, rebus & imperiis noxiis & exitiosis fuisse satis compertum: Consuevit tandem, illos pariter concilio cursu in Daniam redituros, Magnates, potissimum in præsidio Holsatensium, a Rege in Cimbram descedente, reliquos, & quosque alios ex vicinis feudis ac aulis pro temporis ratione convocatos, de Regis morte certiores redderent; de publicis ac necessariis, inter ipsos perplexe ventilitatis negotiis, serio seduloque edocerent; illusterrimæ etiam Regina & Ducis concredita negotia curiose exponerent; & autem omnia in memoriam revocarent Regis modo

(K)

fatis

(x) Extat in epistolis Dav. Cbytræi, pag. 12. seq. conf. & Pontani epist. ad Lyschandrum, in Ant. Matthei Sylloge, pag. 271.

(y) Plin. lib. V. epist. VII.

fatis sancti præclara merita, quibus periculis, curis & arumnis turbulentum Regni ac Reipublicæ statum a Christierno profugo retulit, & modis quasi Cerberi & omnis calamitatis faucibus eripisset &c.

Ac talis cum eruditio hominis fuerit, iisque oratio ejus floribus & pigmentis ornata, quid mirum, si in illis, quæ Cragio sublegebat, & quibus ira totum opus suffarcinatum, ut vix septimam ejus partem vere Lyschandrini dixeris, non pauca animadverterit litem suam exposcentia, atque aliis & melioribus commutanda; sive obscura illa nimis, sive parum polita arbitraretur, sive etiam solæcismi haberet suspecta. Neque hoc fortassis nonnulli ægre ferent lectores, si & quædam ex istis delibemus. Pag. 2. scripserat Cragius: *Senatus, qui nec Johanni quicquam decedere, nec Christiani potentiam augere voluit, ut utrumque horum vitaretur, in parte gubernationis, Johannis nomine, barere satagebat.* Ubi postquam priora verba Lyschander, plurimosque eadem præcedentes versus descripserat, ultimam phrasin, quamvis optimam, repudiens, hæc reponit: *Johanni fidem & tutelam non denegandam statuerunt.* Atque ira neque infusum verbum Cragi, neque mentem Senatorum plane est affecutus. Pag. 3. Cragius decora dici: *Christiani, viro principe digna, in perniciem suam antistites accepisse.* Sed Lyschander, quasi obicuum foret, quid per decora significaretur, licet omnino hoc satis ex antecedentibus pateret, immo ut eo loco nota, sensumque ex elegantissimo reddidit inelegantem. Mox ead. pag. in Cragio est: *Neque aliud quicquam sibi arrogabat, integer omnis ambitionis atque injustitiæ.* Sed & rancus hic alterius fuit stupor, ut rescriberet: *Neque aliud quicquam sibi arrogabat interea ambitibus.* Post paucos deinde versus, hæc: *quam grave autem sit, sub ipsorum citione degenti, eos inimicos capere, haud ignotum, sic immutat: quam grave autem & periculosum sit, sub eorum ditione quiescere, quorum gratia & favore exciderat, haud ignotum: cum tamen nusquam legatur, nec dici possit, Principum gratia Sietvicensem antistitem excidisse.* Pag. 8. legitur in nostro: *Æquum quidem, merita parentum suffragari liberis oportere; sed ut potissimum, qui parentum quam simillimos se præstant.* Quibus verois quid pulchrius? quid indem clarius & apertius? Verum non ita ad pilatum fuerunt expilatori, ut præferret suis hæc: *Æquum quidem, ut merita parentum in liberos refundantur, in ut potissimum &c.* Porro ibidem: *Nec delictum juvenutis inigne ad notitiam venisse, vel si quod fuerit, haud dubie in majus, quam par est, fama autem;* variavit per belle scilicet h. m. *Nec delictum ullum juvenutis notorium ad notitiam venisse; vel si quod fuerit, haud dubio, fama vanitate, veritatem longe excedat.* Fit etiam, licet petraro, ut, post inegram paginatam ad verbum bona fide transcriptum, incidat ei, unum alterumque versum fastidire, totumque suo stylo refigere. Cujus exemplum habemus, ubi Cragius pag. 10. scripsit: *Sed neque hoc Senatusconsultum in scriptum redactum, a Goyao & Bannero est signatum.* Nihil enim hujus tenuit Lyschander, qui, si omnia sic egisset, neutiquam habendus esset plagiarus. Audi eum: *Sed cum hæc ad evidentiorum fidem in libellum essent redigenda, Dn. Magnus Goye & Ericus Bannerus annulos recusarunt.* Ubi per-

persuasum mihi, multos, nisi adhibito textu Cragii, ægre divi-
natos; quid rei potissimum ista phrasi, *annulos recusare*, plusquam
unum virum complectente, designetur. Pag. 17. in eorundem, Goy-
æi & Banneri. oratione posuit Cragius: *Videre se nihil a patribus agi*,
quod in rem publicam pertineat. Lyschander autem, verens fortassis, ut
ultima haud satis forent intellectu facilia, illustrat hisce: *Videre se n. a.*
p. a. quod ad confirmandam reipublicæ incolumitatem concernat. Ac ne
quis putet præpositionem ad, verbo satis ipsi improbatæ adjunctam,
semel per errorem excidi se offendimus eundem loquendi modum
postea, ad pag. 25. ubi hæc legas: *Comprehensa eo (scilicet) omnia, quæ*
præcipue ad regnorum conservationem & mutuum incolarum excolendam ne-
cessitudinem & sinceritatem concernent, quando scripserat ibidem Cra-
gius: *Comprehensa eo omnia, quæ ad benevolam officiorum communicationem*
pietatis regnis intercedere possunt. Pag. 18. antistites queruntur, quod
Taufani liber convitiis scateat: sed, Lyschaudri phrasi, liber iste *con-*
viitiis hoc & illac perfluebat. Sequenti pag. apud Cragium, Senatorum
oratione, qua furentem & irritam plebem studuerunt placare, *plebs*
nihil sedator, in antistites probra & convitia ingerebant. Itaque patres hoc
audaci petulantia acerbati, sonantior voce, quam ira expressit, ad panas ex-
petendas inardescunt. Verum desiderare ista plus aliquid ornatus &
emphaticos Lyschandro visa, unde sic expolivit: *Sed plebs nihilominus*
intumuit, verum libere in præfules projicit ampallas & sesquipedalia verba.
Itaque patres hoc audaci petulantia acerbati, stentorea voce &c. Pag. 25.
Lubecenses, Cragii loquendi modo, *Svecorum naves attinuerant*: Sed
Lyschander illo significantiore, *naves illas in arresto posuerant*. Quare
etiam apud hunc (seq. pag.) *initium relaxanda arrestationis legas*, ubi
ille, *initium detenta relaxandi*, habet. Pag. 31. quando Christophorus Co-
mes Oldenburgicus, literis minarum plenis poscit a Christiano, ut
Christiernum carcere extractum exhibeat, & sibi in manus tradat,
addit: *hoc ni fiat, Deum testem facere, invitum se sociosque eam viam ac*
rationem inturos, quæ cum vi conjuncta; placuit Lyschandro, prioribus
illis intactis, ultima ita amplificare, *eam viam rationemque inturos, ut,*
si non calamo vel precario liceat, pbalange & armis cum hisce malis eripiant,
& favente fortuna pristinae dignitati restituant. Pag. 35. apud Cragium
extat: ubi nuntiatum Andrea Billeo, Maonia insula præfidi, classem ad-
ventare, inermis ac contra hostes imparatus, ingenti terrore percellitur.
Verum plus quiddam inest his Lyschandri & sonantius: *Ubi autem in-*
foeta multitudinis vela in extremo Maonia litore incolis emittunt apparuis-
sent, id Vn. Andrea Bille, insula præfidi, ocius nuntiatum; qui inermis &
contra hostes imparatus, ingenti & quasi panico terrore percellitur. Ac ne
existimemus, in Poëtarum lectione minus fuisse versatum, eadem pa-
gina ad ea Cragii: *hortatur, exsensionem in terrorem facere baud differant*,
appendiculam hanc, sive caudam dixeris, annectit: *in mora cum peri-*
culum esse, nec occasionem a Poëtis fronte capillatam temere appellari Pag. 37.
pacta inter Angliæ Regem & Lubecenses in exitium regni Danici com-
parata, Nostro dicuntur, sed Lyschanoro, in exitium regni Danici colli-
mare. Qui & sibi simillimus, quando ad pag. 40. refertur, *Veraban-*
tur tanta auctoritatis virum conceptæ conjurationis successum averruncatu-
rum; expunctis scil. his Cragii: Timebant, ne vir tanta auctoritatis co-
natiibus

natibus suis intercederet. Sed omnino ridiculum, quod in verbis nostri pag. 41. Nam ut ille inermis nullo negotio apprehensus, ita contra potentiores vix oppida potentia defendi posse; poterit delabi ad cogitandum de potentia, cum potentia palam & clarissime ante oculos esset in codice, neque hoc neque aliis locis meudoso. Quomodo ergo mutarit, accipe: Nam ut inermes n. n. o. i. e. p. dilatazione vel potentia defendi posse. Denique, ut alia ejusdem farinae longe plurima transiliam, duo tantum subiciam loca, ex ultimo folio Lyschandrini fragmenti. Eorum prior pag. 56. Cragiana hæc, utpote nimis brevia: *Christiano fidem, obedientiam in omnibus obligarunt Senatus populusque Danicus; magnifice illustrat scilicet: Christiano fidem & obedientiam, omnes & singuli, Senatus populusque Danicus, flexis genibus & erectis manibus, sanctæ ligæ & obligationis juramento, unanimiter, non sine cohortis júbilo & applausu maximo, religiose servandam vovere.* Alter vero istis adaptatus, pag. 57. *qui ex Valdemari legibus, quatenus in russicorum conciliabulis vel curia publica provinciam usum habere possunt, jus dixerunt; sic concipitur: qui ex Valdemari codice. (quatenus in provincialibus placitis, & terra publico parlamento usum habere possit,) controversias dirimerent.*

Hucusque ergo gustandas dedimus locutionis Lyschandrinae delicias. Neque dissimulamus ea nos fini hoc fecisse, ut nostratibus omnem dolendi causam præcidamus, si, quemadmodum nonnumquam comperimus, invenirentur adhuc, qui moleste ferrent, non plura ab illo viro, alias minime indigenet, elaborata esse, vel forsitan elucubrata non commune scriptorum nostrorum farum effugisse. Cum profecto nunquam nobis rectius fecisse farealem legem arbitremur, quam quum illius laboribus intercessit, ac detestabiles ejusmodi conatus, quandoquidem ad scriptra aliorum, non solum sibi supponenda, sed etiam deturpanda, destruenda, omnique conspurcanda sorde spectabant, opportunissime evertit. Et demus, hominem tam parvum laboris non fuisse, quin aliquid in historia patriæ emisisset latine scriptum, ac suapte Marte conditum & lucubratum; Dii boni, cujusmodi opus extrinset! quale ad posteritatis memoriam monumentum! in bibliothecis scilicet Pontano, & Meurfio, & Cragio adjungendum! Nunc illud, quod solum ejus atque unicum, quantum nobis constat, in ætatem nostram perduravit, (nam de ceteris, quæ vernacula lingua evulgavit, deque libro, adhuc inedito, quo nonnullos scriptores Danicos enumeravit, nunc non loquimur,) sinamus porro bibliothecæ angulum quendam occupare. Quod si etiam istic latitans, in epulum quandoque cineis trubicusque blatis cesserit, quam minimo id fiet historicæ rei detrimento; certe minore multo, quam si in lucem protrahatur, auctoris cum ignominia.

Neque etiam tanti apud nos fuerint singularia quædam capita & momenta a Lyschandro ibidem Cragianis narrationibus interspersa. Nam ut illa & paucissima, neque magni profecto sunt ponderis, ita haud parum rectius ex Huisfeldio, (quo etiam ex fonte derivata,) cognoscuntur. Unum tamen licebit hic excipere. Agitur

eo de re nentiquam levi, nec nullius in interregni historia momenti: quippe quæ brevi tempore post obitum FRIDERICI I. acta sit, atque in illud, quod inter conventum Chiloniensem & comitia Hafniensia, (de quibus Cragius pag. 3. & 4. commemorat,) medium fuit, incidere. Nempe traditur a Lyschandro, misisse hoc ipso tempore CHRISTIERNUM, olim Regem, e custodia sua ad Senatores regni & eximios quosdam e nobilitate, de quorum benevolentia aliqua ei spes erat, litteras suppliciter scriptas, quibus ut in regnum restitueretur, petebat. His ampla inserta erat prioris vitæ excusatio, magnæque promissiones additæ, ad persuadendum scilicet, si quid olim per errorem aut temporum perturbationem deliquisset, illud modo a se omne summa æquitate, clementia & moderatione compensandum fore. Rem deinde fuisse in conventu, adhibitis ad deliberationem nonnullis ceterorum ordinum, varie agitatam: neque paucos, non solum plebei ordinis, verum etiam e nobilibus, in CHRISTIERNUM magnis studiis propendisse. At restituisse plerosque procerum, ac, ne aliquid adhuc decerneretur, pervicisse; ostendit, non esse amplius integrum, recedere ab edicto antehac facto, uti neque a fide, quam FRIDERICO filiisque ejus obligassent. Et cum iidem proceres, ut nihil rescriberetur, contenderent, tamen sententiam aliorum, quibus nonnulla nimirum inhærebat in captivum Regem misericordia, obtinuisse, ut saltem responderetur aliquid, etiam si haud gratum prorsus litterarum argumentum foret. Etenim in istis perscriptum, quam & inviti olim ab ipso defecissent, & nunc calamitatibus istis & miseris, quas sibi culpa sua quærivisset, commoverentur. Jam vero eo rem loco esse, ut de restitutione ejus nihil certi constitui posset, sine consentiente procerum omniumque ordinum consilio. Sed & hoc obstat, quod penes tutores regni Danici, nunc Rege suo orbat, nulla eum liberandi potestas esset; cum ea potius ad CHRISTIANUM Holsatiæ Ducem, in cujus ditione locus ille & carcer quo asservaretur esset, pertineret. Atque hoc solum ibidem commemoratione dignum, quod dicere possumus diligentia Lyschandri debui; & in quo ille enarrando tantum verborum profudit, ut integras sex paginas impleverit. Quamvis autem de negotio isto nihil, vel apud Hvitsfeldium, vel in CHRISTIERNI *Historia* per Jo. Svaningium legatur, vel alibi nobis observatum sit, hocque tam obstinato nostratum omnium silentio. Meursius forte sit inductus, ut, cum reliqua illa panca, quibus Cragium Lyschander interpolavit, in historiam suam inferret, istam narrationem prætermitteret; hanc tamen ejusmodi esse existimamus, cui non temere fides abjudicanda sit. Nam, quantacunque alias ad fingendum audacia, & quam facili ad aliorum figmenta animo Lyschander fuerit, hic nihil adeo animadvertimus, quod fabulam redolet; ut etiam commemorata ab ipso simul extent eorum nomina, qui, quod ad CHRISTIERNUM rescriptum, sigillis & manibus suis, facta a ceteris potestate, confirmarint. Nominantur autem numero xxxv. e præcipua nobilitate omnes: interque eos nonnulli primo ordini adscripti, Axelius Brahe,

(L)

Axe:

Axelius Ugerup, Magnus Guldenstiern. Canutus Bille, Holgerus Ulstandius. At vero in alium quendam locum incidimus, quem, nisi valde fallimur, ille noster commento quodam, vel suo, vel ab aliis accepto, exornavit. Nempe de nummis scribens, quos notum est Christophorum Comitem, cum in Dania esset, cudisse, in parte una CHRISTIERNI, in altera, suum nomen representantes, perhibet hanc eis fuisse inscriptionem: CHRISTIERNUS QUONDAM REX DANIAE. Nimirum ut fidem faciat lepidæ, quam ibidem subnectit, fabellæ, & quam minime pigebit lectori ipsius verbis impertire: *Hæc moneta* (Lyfchandri verba sunt) *cum aliquando Christierno oblato, de liberatione exultans, titulum mirari cepit. Quis est ille QUONDAM? insit; (latina enim lingua non adeo peritus,) non enim aliquem ejus nominis; in tota familia & cognatione nostra memini.* Nugæ meræ. Exiant adhuc illi & supersint ad nostrum ævum nummi, varii moduli, neque unius formæ aut inscriptionis, ut quidem ex Museo Regio, Oligeri Jacobæi & Jo. Laurentii opera illustrato, discitur: In nullo vero eorum istud *Quondam* observaveris. Et quam absurdum fuisset, si hoc Comes Christophorus voluisset addere, haud necesse putamus ostendere. Ne quid dicamus de illa, quæ CHRISTIERNUS affingitur, latinæ lingvæ imperitia; cujus contrarium nobis haud paulo certioribus documentis persuasum. Quod si vero aliquando eidem infelici Principi tale aliquid per jocum exciderit, (siquidem ventus interdu erat, ac facetiis ærumnas suas levabat,) cujus fama ad Lyfchandrum aliosque pervenerit, fuerit fortasse, cum anno MDXLVI, illam ultro pactionem cum CHRISTIANO III. faceret, qua regnis & omni in ea jure sese abdicavit. Tunc enim litteris, seu diplomati membraneo, quo abdicatio, germanica lingua, die XIV. Julii scripta continebatur, appensum fuit sigillum his verbis insigne: SIGILLUM. CHRISTIERNI. QUONDAM. DANIE. SVECIE. NORVEG. ZC. REGIS. SLE. ET. HOL. DUCIS. ZC. nec non anni nota 1. 5. 4. 6. in spatiolo inter coronam & regnorum insignia inserta. In hanc igitur inscriptionem, quum verisimile est haud fuisse de ipsius consilio conceptam, fieri potest, ut illuserit. Sed de Lyfchandro jam dispeximus plus quam satis.

Exspectat nunc forte aliquis, ut quid de Cragii nostri narratione sentiendum sit; ex quibus ea fontibus hausta, qua fide & religione contexta, quæque in illa sese forte obrulerint, quibus censoria apponenda sit nota, explicemus. Et sane lubentes profitemur, & candide affirmamus, neque in his nostram fuisse operam desiderandam, si modo, dum in evolvendis his annalibus eisdemque subinde cum memoriis temporum, quorum res enarrant, comparandis, haud levem curam adhibuimus, aliquid in oculos nobis incurrisset, quod reprehensionem vereretur. Verum hanc tantum abest nosse ut sit promeritus, ut potius nihil tam æquum videatur, quam incorruptum ejus animum laudare, nihilque tam expeditum nobis, quam acerrimam in eo veritatis curam diligentiamque agnoscere. Et hoc quidem

dem ipsi præconium non modo tribuimus perlibenter, sed & testimonium boni, fidelis & præclari historici merito ac scientes imperimur. Quid? quod nobis persuasum est, fore, ut, quicumque parem, atque nos, laborem, aut forsitan ampliorem, in conferendo opere ejus cum tabulis & commentariis publicis, aliisque eorum temporum monumentis subire velit, haud magis dubitaverit eundem virtutibus ipsius honorem perhibere. Habuit noster quidem, cujus vestigiis insisteret; ac in eodem curriculo nuperrime prægressus erat illustri Hvitsfeldius; cujus viri si insignis illo ævo industria ac pietas non enituisse, & cujus annalibus, quamvis impolite ac rudiore stylo, nonnunquam etiam negligeret scriptis, si caruissemus, male profecto hodie cum historia nostra esset actum. Verum quantum alter alteri præstiterit, facultate, copia, ornatu, cunctisque ad descriptionem, quæ artem ferat, necessariis & historico expetendis donis, quis non videt? Quam enim præ illo noster disertus, gravis, floridus! Quam multa hic non solum digesta melius ac disposita, sed & luculentius enarrata, atque istuc, animadvertuntur? quam in iis, quorum verbosa explicatione ab altero detinemur, pura & illustris nostro brevitas? ac vicissim, ubi ille haud opportune abrupit, & lectorem destituit, quam locuples & copiosus noster? Atque hæc quidem, non tam dicendi ubertas, quam rerum & negotiorum frequentia, in iis præsertim elucet, quæ bellum intra regni fines gestum, Regisque inaugurationem consecuta sunt. Ubi qui nostri copiam velint cum Hvitsfeldii paupertate contendere, mirabuntur, tam multas Cragium nobis res & actiones & consiliorum & temporum explicari dare, ac qui fieri possit, ut de iisdem persæpe alium in Cancellarii annalibus sit silentium. Quæso a vobis, cives, (neque enim alii de his queunt, quum Hvitsfeldius patria lingua scripsit, cognoscere,) an facile in cogitationem alicujus caderet, tot tantaque in omnibus tere annis magno viro, cui nihil, sive in tabulariis regni, sive alibi, esset occultum, non dicam leviter attracta, sed vel studiose esse neglecta, vel oscaranter præterita, vel denique prorsus lapsisse? Horum nihil nobis futurum esset facilius quam hic longam designationem edere, si existimare possemus, in dubium alicui fidem nostram venturam, & in eo quidem, cui tam prompta modo animadversio, tamque unicuique exposita. Nunc vero paucos dumtaxat annos perlustrabimus, ex illorum numero, quos hæcenus videri posset Hvitsfeldius diligentissime tractasse, ac ubi nemini forsasse sterilis fuisset vel creditus vel deprehensus, nisi jam Cragius exiisset. Faciamus periculum in anno MCCCXVII. ad quem nihil observamus omissum Cragio ex iis, quæ Hvitsfeldius narravit. Verum quomodo hic tacere potuerit de fœdere & amicitia, Regi nostro à Gallo pariter & Scoto oblata, cujus causa Georgius Luckius tunc rursus in Daniam venerat, (postquam neque de prima ejusdem legatione; de qua noster egit pag. cxi. ad annum MCCCXV. quicquam meminerat;) quomodo omittere illas a Maria, quæ Belgium regebat, insidias regno CHRISTIANI structas, irritas, quæ infelici Ubelacheri expeditione factas; quomodo, quæ cum civi-

ratibus Vandalicis acta, pag. 172. & seq. nostro commemorata; ac denique, tum quæ Legatus Scoticus Joannes Bartunus, & a Gallo jam quartum missus Geo. Luckius, tum quæ ex nostri Regis mandato Suavenius & in Gallia & in Germania, obierunt negotia, ne attingere quidem cogirant, vellem edoceri. Sic & in anno MDCXXXVIII, Hviefeldius non solum omnia a legatis Danicis in Gallia acta, quorum accuratam rationem reddit Cragius a pag. 184. ad pag. 188. sed & illa cum civitate Hamburgensi & collegio sacerdotum ibidem, per Casp. Fuchsum tractata; & quæ curavit CHRISTIANUS, ante iter Brunsvicensis, ad Gustavum Regem perferri, satis notabilia, neque Svecicis scriptoribus tacita: & Comitis Oldenburgici, nec non Alberti Megalopolitani conatus, cum infesti iterum in Daniam ferebantur, & epresso; & iniqua Pomeraniæ Ducum molimina: & cum Fuggaris Augustanis, non hoc tantum anno, sed & sequentibus actirata: &, quod magis etiam mireris, ea, quæ in Comitibus regni, de FRIDERICO Principe, modoque gubernationis, si Rex ante justam ejus ætatem defungeretur, nec non de petitione Alberti Borussii, insulæ Gothlandiæ inhabitantis, fuerunt disceptata, præterivit cuncta. Annon vero diligentiores se præstitit in anno, qui hunc excepit? Dubito profecto. Exposuit ibi noster, legati ab Henrico VIII. missi Roberti Barns negotia, quæ ad CHRISTIANUM habebat, ad sociandam cum Anglo & cum Protestantibus in Germania amicitiam spectantia: subiecit etiam responsionem, à CHRISTIANO in Comitibus Othinianis datam, nec non quæ deinde cum Saxone & Landgravio de ista re deliberata: Neque tacuit, Regem nostrum in conventu Francofurtensi legatos suos habuisse, omnia periclitaturos, ut a Cæsare & Palatino æqua obtinerent. De istis vero quid Hviefeldius? ne verbum quidem. Porro, quæ a pag. 197. in Annalibus Cragii, usque ad 203. leguntur, multæ res, & variæ, & permagnæ, de Cæsaris & Palatini apparatu bellico; cum constituissent, ille mari, hic terra Regem adoriri, Daniamque invadere: CHRISTIANUS vero, & Albertus Borussiae Dux; qui una perebantur, classibus instructis, & præclusa Belgis in mari Balthico navigatione, consilia ista disturbarent; tum de Poloniae Regis opera, in componendis his dissidiis frustra insumpta: deque Palatini & Christophori Oldenburgici in Angliam processionem, ut Henricum adversus Daniam excitarent, non meliorem quam cetera eorum incepta successum sortita; de Pomeranis denique, & Fuggaris, in vernacula illa historia habentur nusquam. Sed & de fodinis Norvagicis, quamvis domestica sint minusque oblivioni opportuna, altum, cum in hoc anno, tum in MDCXLV. silentium. Si quæ vero sunt, quæ Cancellarius videri possit haud indiligenter curasse, sunt omnino, quæ ad negotia cum Svecis pertinent; quippe quæ præ cæteris solet studiose persequi, Cragique in iis ipsis breviter, nonnunquam nimiam, pensare. Et tamen illud, quod noster hic memorat pag. 196. de fluxa Gustavi Regis fide, quando is, omni amicitia, societatis & necessitudinis jure posthabito, non verebatur cum Burgundis pacta inire, & conjungere cum Palatino vires, ad oppri-

mendum CHRISTIANUM, meditabatur, frustra apud Hvitsfeldium quaesiveris. An ergo ex hujus taciturnitate, utrum probandum an improbandum sit, quando de facti hujus fama & veritate sermo est, judicemus? Minime. Scire enim cupio, quid habear argumenti silentium in historico, cui non unum alterumque factum in toto opere, tam multa vero in singulis annis capita & momenta rerum praetermissa? Verissimum autem fuisse, quod de perfidia Gustavi perlatum erat ad CHRISTIANUM, satis multae rationes, & tum temporis & postea, ostendebant. Nam quod effectum consilia caruere, & quod Gustavum postea tantopere eorum puduit, ut infamiae, quam ex re ista verebatur, invidiam in Danos transferre, quasi ab eis confictus rumor & in Germania disseminatus fuisset, voluerit, (de quo legi possunt Ericus Georgii in historia Gustavi I. (z) & Loccenius (aa) Ericum in omnibus secutus,) vel eo minus crediderim debuisse ab historicis nostris taceri, sed potius, quam falso Gustavus calumniae insinulari Danos, declarari. Servantur enim adhuc Philippa Landgravii & Alberti Borussiae Ducis litterae, quibus per certos nuntios huc missos, CHRISTIANUM, nihil tale opinantem. diuque haud istis credulum, de eo, quod strueretur, graviter admonuerunt. Ita ut, non à Danis ad Germanos fama, sed ex Germania ad nos venerit, per eos scilicet, qui ex hominibus gente Germanis, a Gustavo ad rem adhibitis, sed arcana celandi ignaris, veritatem facti compererant. Quibus & ne facile fides adimatur, intercessit jampridem lucleus ad altera parte testis, à Palatinis scilicet. Est ille Hubertus Thomas Leodius, qui *Annalium libro XIII.* (bb) totum negotium, ut actum fuit, clara & aperta narratione exponit, docens simul atque nominans, quo praecipue auctore detectum & revelatum, fama apud Germanos percrebuerit. Nimirum id ipsum etiam causae erat, quod anno MDXLVI. legatus Gustavi, ad Caesarem & comitia Germanica missus, fuit in media Wormatiae urbe captus atque abductus: de quo narrantes Suecorum historicos, in dicto anno, nemo ullus intellexerit, nisi adhibito, quem laudavimus, Leodio, aut si quis alius eodem modo explicatam rem dederit. Sed ad Hvitsfeldium reverramur: qui in ultimis praesertim annis, tanquam si scribendo jam esset defatigatus, tam macilentus evadit, tantaque paupertate notabilis, ut integri nonnunquam anni memorabilia dimidia pagellae spatio incluserit & absolverit. Talem nimirum se dedit, quod non sine admiratione, ac prope modum indignatione observatur, in anno MDXLV. qui annus etiam non ex fertilissimis eventuum magnorum fuit, potuisse tamen Cancellario multa suppeditare, ad ejusdem enarrationem dignius instruendam, atque ad ostendendum, non magis isto, quam ceteris, sapientissimo Regi defuisse, quae domi forisque curas ejus exercerent, ex Cragio nostro perpiscitur. Ac idem fere de sequentibus pronunciamus.

(M)

andum.

(z) *Part. II. pag. 112.*

(aa) *Lib. VI. pag. 321. edit. Upsal. in 8vo.*

(bb) *Pag. 162.*

andum. Ubi enim apud Hvítfeldium invenies, in anno MDXLVI. aliquid de conveniſſiſſimo principum Germanorum memoratum, in quo ſuos etiam legatos CHRISTIANUS habuit? ubi de commutatis cum Svecorum Rege de religionis negotio conſiliis? ubi de conventibus Hannoverano & Luneburgenſi, ad purgandas a graſſantium milium colluvie inferiores Germaniæ partes inſtitutis? in quorum prior Rex noſter, inferioris Saxoniæ princeps & Capitaneus (ut vocabant,) declaratus fuit; quemadmodum ex tabulis conſociationis ibidem factæ, vulgo *Receſſu*, quem integrum nobis ſervavit Goldaſtus in *Conſtit. Imp.* (cc) eſt conſpicuum. Sed quis crederet, hiſtorici partes ſecure adeo & otioſe gerere tam inſignem virum voluiſſe, ut in anno allucineretur, quo Elector Saxoniæ & Landgravius fuere capti? Quis & Cragii narrationem intruens ſerat, Hvítfeldium, cum leges illas, quibus CHRISTIERNUS liberationem ſuam pactus eſt, vulgaret, tranſiſſe rem digniſſimam memoratu, quæ hoc pactum præceſſerat, CHRISTIANI cum captivo Rege in arce Sunderburgica colloquium, & quibus videlicet hic verbis voluntatem ſuam de abdicando omnino regno declarabat? Taceo reliqua, quibus omnes in Cragio noſtro paginæ, ab illa quæ numeratur 288. ad 294. repletæ ſunt, æque Hvítfeldio vel ignorata, vel, quod nemo non gravius exiſtimarit, ſpæta atque neglecta. Finem facerem comparationis, niſi nonnulla magni ſane ponderis adhuc reſtarent, neceſſario, quia hanc ſemel telam exorſus ſum, de anno MDXLVII. atrendenda. Quod ſi enim ulla pars eſt hiſtoriæ, quam nunc edimus, in qua ſpectari oportet ſcriptoris ſtudium & cautiæ ac diligentis integritatis curam, ut nimirum omnia candide in veritatis luccm proferat, atque ad eam traducat lectores, ſi adverſis forte opinionibus, quas aliorum hiſtoricorum ſiniſteritas malignitasque inſeverit, imbuti reperiuntur, eſt hæc certe, quæ dicto anno continetur. Agitur enim de bello, quod inter Cæſarem Carolum V. & Proteſtantes geſtum, a loco initii quondam fœderis, Smalcaldici appellationem traxit; quo quidem nullum in tota iſtius ſæculi hiſtoria eſt celebrius. In illo partes Regis noſtri quod fuerint deſideratæ, a quibusdam in aliquam invidiam eſt vocatum. Ad quam vero, ſive exſtinguendam, ſive elevandam ſaltem, quicumque de ea alicunde cognoverit, dubito an queat pervenire, ſi ad nullius ſeſe, præterquam Hvítfeldii, ductum applicuerit. At ſi ad Cragium ſe convertat, ea certe, ab initio dicti anni, pag. 294. & ſeqq. adducta & commemorata inveniet, præter quæ nihil admodum, ut credo, exquiſitiſſe deſiderabit. Poſſentque adeo hæc ipſa ſufficere iis omnibus, qui veritatis ſimplicis amantes, neque ad vulgi ſermones & præiudicia attendentes, rectam ad æſtimanda aliorum conſilia atque facta intelligentiam adferunt. Verum cum identidem novi exoriantur ſcriptores, qui, etiamſi candorem magnumque veritatis ſtudium profeſſi, tamen, dum nec omnibus ſunt inſtructi, quæ requiruntur ad propoſita ſibi argumenta, ſubſidiis, neque in iis, quæ fortaliſſe ad-

ſunt,

sint, cum cura diligentiaque versantur, facile ab illa via abducti aliis quoque semitam ad prava judicia aperiunt. Accidit enim, ut quod in uno alterove insigniore libro animadverterunt, breviter strictissime dictum, arreptum aggrediantur diducere, & iis, quas vel divinando credunt se assecutos, & in quibus nequaquam falli se opinantur, causis rationibusque exornare; quo videantur nimirum plus sapere antecedentibus. Unde aliquando id exurgit, quod fama hominum, ipsorumque Regum Principumque apud posteritatem officit. Et, quoniam in Smalcaldici belli historia observavimus ita cum CHRISTIANO nostro a nonnullis actum, & ab illis quidem, quibus ad errorem videtur nihil æque valuisse, quam Sleidani, Thuani, & Chytræi concisa brevitas, ignoscat lector, si parumper digressione usi, in eo nonnihil operæ ponamus; ut quam fidem illi scriptores mereantur, qui non veriti sunt optimum & piissimum Regem de violato cum Protestantibus fœdere accusare, explicemus.

Accesserat ad fœdus Smalcaldicum CHRISTIANUS anno M^{DCXXXIX}, quemadmodum noster meminit pag. 183. & ad præstandum pecunia; vel, si commodius esset, milite, auxilium, si quando sociorum aliquis bello invaderetur, unde religioni periculum immineret, sese obligarat, paria, si oppugnaretur ipse, accepturus a Protestantibus. Jam vero, cum hi constituissent primi arma sumere, inducti rationibus, quas utique nostrum non est examinare, postquam de iisdem tanto scriptorum in utramque partem numero integrisque voluminibus disputatum est, dissuadente multum CHRISTIANO, semperque, ut certiora de animo & consiliis Cæsaris opperirentur, contendente, agitatum inter eos fuit de auxiliis, quæ Elector Saxonix & Landgravius Hassiæ ex Dania deberi sibi, ubicunque & quandocunque postulerent, communium sacrorum causa, arbitrabantur. Jamque haud ea tantummodo, quæ in tabulis fœderis expressa erant, petere, sed &, ob magnitudinem discriminis, quod religioni impenderet, plura & majora multo exigere, omnique opera laborare, ut ad belli istius consortionem allicerent CHRISTIANUM. In quo dicti Principes nulli precii & efflagitationi, nullique litterarum & legatorum missioni pepercere. Verum Rex noster minime libenter credulum se præbens eorum argumentis, quippe quibus diversa a Cæsare confirmabantur, (perpetuo asseverante, nequaquam religionis rem agi, sed hanc saltem obtentui esse artibus certorum hominum, qui imprudentiæ Principum illudere, & cupiditatem ambitionemque eorum fovendo omnia turbare & miscere in quæstu habebant,) nihil non pacatum moderatumque suadere, &, nequicquam illis reclamantibus, calida ista & periculosa consilia averfari. Itaque non mirum, si talia Regis responsa minus eis probabantur; ac deinde si uterque Princeps, & quotquot ipsorum societati implicari in eadem se molestias induerunt, graviter ferebant, haud magis facili aut desideris suis parato usos esse CHRISTIANO. Et cum, ut ille ait, omnes, quibus res minus secundæ, magis sunt suspiciosi, & credentes se negli-

gi, omnia ad contumeliā accipiunt, potuit fieri, ut criminati sint, à Rege amicitiae Caesaris hoc datum, quod non adeo promte subsidium expediretur. Quāquam dicere possumus, haud quicquam ejusmodi nos in ullis laudatorum Principum litteris aut scriptis offendisse: contra vero omnia amicitiae & officiorum, tam durante bello, quam finito eo, plenissima. Quemadmodum neque a gravibus & melioris notae historicis, qui eorum temporum res gestas memoriae prodiderunt, plus aliquid vel acerbius ea de re scriptum reperimus, quam hoc saltem, *Regem, etsi erat confederatus, nullam tamen Smalcaldicis opem tulisse*. At vero, confecto demum bello, exacerbatis, ut fit, miserrimo ejus exitu multorum animis, verisimile admodum est extitisse, praesertim in civitatibus foederi illi adscriptis, (quales nimirum prono ad maledicendum vulgo semper sunt affluentes,) quibus ea de Rege nostro per dolorem & indignationem exciderint, quae cordatus quisque sentire poterat falsa esse & iniquissima (dd). Ac ad talia quidem adoptanda promptus jam olim fuit paratusque Hubertus Thomas Leodius, ut etiam quasi insultans Protestantibus objiceret, quod *ab eo, in quem summam spem reposerant, derelicti*, ut loquitur, *proditi ac deserti* essent (ee). Quem scriptorem, aut forte impuros illos rivulos, quorum jam meminimus, licet suspicari confectum esse eruditum virum, qui *Commentarios rerum gestarum seculo sexto decimo* scripsit, ac undetriginta abhinc annis edidit, nequaquam vero genuinis historiae fontes adiisse; quando haud uno in loco in sanctum & innocentissimum Regem effudit, quae sane, si de iis fuisset appellatus, nulla potuisset ratione confirmare. Hujus nomini, etiam si frustra id occultatur, ut tamen inpraesentia parcamus, efficere apud nos debent cetera probatissima viri scripta, & in republicam literariam merita perquam insignia. At haud utique ea impediunt, quo minus hominis diacritatem & inverecondum animi ingenium ostendamus, Principumque omnium qui fuerunt optimi manes a tanta injuria & calumniae acerbitate vindicemus. Et qui poterit hoc quicquam vitio nobis vertere, nisi qui forte animo fuerit tam corrupto, ut qualicumque ex litterarum studiis collectae famae & existimationi omnem virtutis, justitiae & veritatis gloriam postponendam, atque isti e schola polito & ad perfradendum concinno hominum generi quamcunque impunitatem, omnemque saevienti libidinem in famam, non

(dd) Ita ne quidem, durante bello, ipsi parcebatur Landgravio, quem mirum est nonnullos etiam federatorum proditoris & occultae cum Caesare amicitiae suspectum habuisse. Sic enim scribit Georg. Arnoldi in *Vita Maur.* El. col. 1187. Mencken. *Scriptor. Germ.* T. II. *Quod vero nihil feliciter contra Caesarem gessissent, ejus rei culpam omnem in Landgravium transferebant. Itaque multi ipsum accusare, & proditorem parvia nominare, quasi quod pecunia a Caesare accepta, a praelio abstinuisse, quod commode committere, facileque Caesarem a principio profigere potuisset. Agnosceis ingenium vulgi: cui illud viri docti, quicum mox nobis res erit, persimile.*

(ee) *Annalium de vita & reb. gestis Fridr. II. El. Pal. lib. XII. p. 240.*

non tantum sui ordinis, sed summorum mortalium, Regum Principumque, concedendam putet? Nos vero, quibus contrarium istis est perſuaſiſſimum, id inſuper credimus ac tenemus, quanto celebriore ab auctore obtreſcatio ſit orta ac propagata, tanto maiorem dandam eſſe operam ut reſellatur, & qua fieri unquam poſſit, ex animis hominum extirpetur.

Nam, ad Hubertum Thomam quod attinet, falluntur magnopere, qui putaverint, verba, quæ ex eo allegavimus, poſuiſſe nobis pariter indignationem commovere, ac quæ philologus iſte Batavus, incertum qua mentis intemperie actus, protulit. Quæ enim huic eſſe ratio ejus poſuit, non ſolum tanto ætatum & temporum intervallo, ſed a ſuſpicionem omni amoris ac odii remotiſſimo? Quorum propiores multo cauſas Huberto adſuiſſe quis neſcit? ſiquidem Friderico ille Palatino addiſtus, calamum, quem obnoxium manciparumque habebat, poterat quodammodo exiſtimare juſtiſſime in illum ſtringendum, quem hoſtem heri ſui omnium acerrimum judicaret. & quo nemo potentius atque efficacius votis ejus obſtiſſet. Itaque ea, quam hinc ſtudium, illinc ira inferre ſolet, mentis cæcitate abreptus, ſæpenumero, de rebus noſtris loquens, in vitio deprehenditur. A quo neque in aliis, quæ nequaquam noſtra attingunt, eum immunem dixeris; quandoquidem de domino ſuo narrans, agit ſubinde diſſimulanter, neque ſemper, quantacumque etiam ei a quibusdam laus deſertur, veritatis viam inſiſtit (ff).

Verum, eo miſſo, excutiamus commentatorem Batavum, & nonnullos ex eo ſoſcuculos delibemus. Atque ipſum primum interrogabimus, unde hauſit, quod utroque loco, ubi in Regem noſtrum invehitur, ſcripſit, ac eiſdem pene verbis repetivit, CHRISTIANUM, ut ſœderi Smalcaldico aſcriberetur amice deſideraſſe? & quis auctor, ex illis quidem, quorum copia poruerit eſſe commentatori, iſtud eum docuit tam diſerre? Solum enim ac totum, quod a Sleidano diſcimus, eſt, Proteſtantes Regem in ſœdus ſuum accepiſſe. Chytræus, peſtiſſe Regem, jam Brunſvigæ præſentem, ut reciperetur, reſert; non vero, quod ad ſolicitas & ambitioſas preces deſcenderit. Et perierit illud, ſequè obrulerit in ſocietatem illorum, quorum præcipuos jamdudum amicos & neceſſarios habebat? Quid inde? An etiam petendi verbo credemus ſemper notationem vehementis deſiderii affixam? Non opinor; niſi quando alicui forte grammatico, qualis ille noſter eſt, placuerit ita iſtud ad rem exaggerandam accumulandamque invidiam explicare. Sed dices, vehemens in Rege deſiderium eluxiſſe

(N)

ex

(ff) Poſſunt, ut nunc alia taceamus, ſpeciminis loco eſſe, multa in lib. XIII. narrata, quibus propenſum Friderici in Evangelicam religionem animum diſſidetur, ac negat plane, vid. pag. 264. 266. 266, cum alia nos docuerint Saxonis & Haſſi litteræ MSS. ad Chriſtianum III. quibus plane conſonant Altingius in *Hiſtor. Eccl. Palat. inter Monumenta Pleratis & Literaria*. & Seckendorf. *Lutheranijm*. L. III. S. 34. §. 111. p. 616. ſeq.

ex itinere, quod suscepit, molesto ac sumtuoso, Brunsvigam versus. Credisne ergo, eo usque petitionem ejus dilatare? vel iter aut ini-
visse, aut suscepturum fuisse, dubia & incerta spe, ac antequam sci-
ret, sese id, quod quæreretur, affecuturum sine repulsa? Sane, ut quod
res est dicamus, id quod expetebatur, & quod profectio locum
dabat, desideratum æque fuit ab utraque parte, neque majori studio
se rogantem exhibuit CHRISTIANUS, quam quo rogatus accessit.
Cumque dictam urbem ingrederetur, veniebat non tam rogatoris
personam, quam consultoris & deliberatoris gesturus; urpote quam
hoc tempore haud sine ratione ipsi imposuerunt, qui istarum partium
duces erant. Eoque res devenerat, ut eisdem nihil magis curæ ha-
beretur, quam CHRISTIANO quæcunque sua studia & officia ap-
probare. Imo vero non parum intererat, ut caverent, ne qua par-
te in dubium fides & sinceritas sua veniret, neve illa inconstantia, cu-
jus in pristino fœdere, ante decennium cum FRIDERICO Rege ini-
to, comperti fuerant, nunc in suspensionem evalesceret. Tunc enim
toto sexennio, quod fœderi definitum, nullus eorum vel erga FRIDERICUM,
vel filium ejus CHRISTIANUM, pacta ex conventu
observarat, duobus exceptis; qui fuerunt Ernestus Dux Brunsvicen-
sis & Philippus Landgravius Hassiæ. Nam hi soli excusationem,
qua ceteri utebantur, neutiquam approbantes, difficillimis temporibus,
cum parenti, tum filio, consiliis suis aliaque opera proficere. At-
que iidem postea conari reliquos ad renovandum fœdus excitare, non
ita tamen facilem rem factu esse experiebantur, antequam de CHRI-
STIANO, qua in regno sibi vindicando fortuna usus esset, constaret. Ve-
rum, expugnata Hassia, & pacato regno, sublata omnis mora, resque nul-
lo egebat amplius hortatore. Itaque eodem statim anno, qui fuit MDXXXVI,
quod distulerunt antea fœdus, nunc festinabant. Eique subscribere,
præter Regem, Johannes Fridericus Elector Saxoniarum, Philippus Dux
Brunsvicensis, Ernestus & Franciscus, fratres, Duces Brunf. & Lu-
neb. Philippus Landgr. Hassiæ, Wolfgangus Princeps Anhaltinus,
Gebhardus & Albertus, fratres, Comites Mansfeldici. Prætermise-
runt hoc fœdus, (quod ut tempore XIX. mensium Brunsvicensi illo
antiquius, ita ab eo in quibusdam capitibus diversum) scriptores no-
stri. Verum integer libellus habetur in Hortlederi *Tom. I. cap. XI.* (gg)
cui etiamsi nulla adjecta loci mentio, uti nec in tribus, quæ nobis se
obtulerunt, exemplis manu scriptis; recte tamen annotavit Seckendor-
fius, (hh) intelligendum esse conventum hoc anno Smalcaldiæ
habitum; ex quo prodierunt etiam, quæ idem Hortlederus paulo ante,
Cap. VIII. & IX. repræsentat. Exinde iidem Principes, præcipue Saxo,
Hassius, & Brunsvicenses, non destiterunt ceteros fœderatorum
urgere, CHRISTIANUM quoque sollicitare, ut religionis communis-
que securitatis causa in majus illud fœdus transfiret. Ac in Principum
quidem ordine omnes eo inclinavere. Adeo eorum mentes ceperat
Regis

(gg) *Pag. 1514. nec non in Lunigii Reichs-Archiv P. Spec. Contin. I.*

(hh) *Lib. III. pag. 174. b. in addit.*

Regis spectata armis fortitudo, ardens religionis studium, &, quæ prudentiam ejus sequebatur, inaudita plane felicitas: Cum etiam hæc ipsa non leviter oculos adversæ partis præstringerent; quam in rem legi meretur auctor litterarum, quas exhibet Jo. Wolfius *Centur. Memorabil. Tom. II. (ii)* ac germanice Hortlederus *Tom. I. lib. I. cap. 34.* Et CHRISTIANUS ad assentiendum tanto promptior, quanto id putabat & sacrorum libertati tutius, & declinandæ Pontificis Romani auctoritati, si forte ad concilium invitaretur, aptius, & præterea majori rebus suis stabilimento fururum. Quapropter iis, qui rem proponebant, constituendi, quæ in eam essent, potestatem fecit; missusque eo nomine anno MDCXXVII. ad conventum Smalcaldicum Wolfgangus Utenhovius, de conditionibus cum Saxone & Hasslo acturus, (quam tamen video legationem Cragium nostrum omisisse.) Cumque inter alia Rex rogaretur, accommodaret operam ut Suecus pariter ad societatem posset attrahi, neque hoc intentatum reliquit; quemadmodum plenius pluribusque, quam Cragius noster, verbis exposuerunt scriptores Svecici, Ericus Georgii (kk) & Loccenius (ll). Verum cum Brunsvicensis ille dies adesset, omnesque convenissent; accidit aliquid Principibus improvisum inopinatumque, nempe quod majori urbium numero minus consultum videbatur, Regem, nisi certis conditionibus eique minus commodis, ad societatem fœderis admittere (mm). Pertimescebant enim de suis fortunis & periculis, si quando CHRISTIANUS ab ipso Cæsare lacefferetur. Sed ceserunt tamen rationibus, quas Principes ceteraque urbes afferebant, ac ita, post dierum haud multorum deliberationem, fœdus coit. Hoc tamen, cum in tabulas relatum esset, noluit subnorare Rex, utpote adhuc animo, quæ parenti evenerant, infixæ gerens; antequam plenissime sibi caveretur aliis litteris, ac sponione cunctorum fere Principum confirmaretur, omnia bona fide peragenda. Erat id nempe; quod voluit, ut quamvis fœdus ad sacra spectaret præcipue, nihilominus, si contingeret, ut ipse aut heredes ejus in alia quacunque, quam religionis causa infestarentur, vel diriones ejus invaderentur; tamen auxilia, quorum in fœdere mentio, semper parata & suppeditanda forent. Est nunc commentator, suumque illud invidiosum, *Regem enixe desiderasse in fœdus recipi*, lectori hæc nostra, ex monumentis omni exceptione potioribus desumpta, consideraturo, quantum possit, perfvadeat.

Ad ipsas deinde criminationes progredimur. In quibus nihil mitius offendimus dictum, sed acerba omnia, & qualia a maledico obrectatore potius, quam a bono historico & humanitatis professore, expe-

(ii) *Ad. an. 1540.*

(kk) *Part. II. pag. 104.*

(ll) *Lib. VI. pag. 318. edit. Upsal.*

(mm) De ista urbium tergiversatione nonnulla etiam habet Rehtmeyer *Hb. stor. Ecclesiast. urbis Brunsv. P. III. Cap. V. pag. 123. seqq.*

expectaveris. Etenim CHRISTIANUM, sicuti nuper Gustavum in communi adversus Lubecenses bello, ita nunc Smalcaldicos destruisse; contra fidem & officium egisse (nn); susque deque habuisse Societatis leges, & communem Lutheranae religionis causam, eaque arte Caesaris gratiam tunc quassuisse, a quo, profligatis jam Smalcaldicis, Holsatiae, Stormariae, & Diemarshae feudum, desertae Societatis praemium, amplissimis verbis obtinuerit (oo); verba sunt, quae non possunt, nisi a malo animo, & ab homine non nisi mediocriter rerum, quas instruit tradere, intelligenti, profecta esse. Ostenderit idem scriptor alias haud inficiendam vereris historiae notitiam, maxime cum in alterius celebris viri opere insignem illum numerum lapsuum & navorum indicaret; certe in recentiore non habere ipsum, quo magnopere se efferat, nisi de aliis rectoria, quam de Danicis rebus nos docuerit, minime laboriosum est monstrare. In bello adversus Lubecenses, ac tractatione cum ipsis quae accidissent, haud sane necessum erat nunc repetere; postquam de eis satis fuerat dictum pag. 184. Et apparet nimis quam manifeste, ista ex calumniandi studio repetita, ac intrusa hoc loco, ad persuadendum scilicet, CHRISTIANO nihil sancti, nihil veri adfuisse, eique fidem dare & violare ludum jocumque habitum. At de illis, quantumvis odiosis & gravibus, nolumus certamen nobis cum obrectatore instituire; cum quaecunque ad rem pertinent, vix aliam explanationem exposcunt, quam quae & ex nostris & ex Svecorum monumentis in publica luce versantibus peti possit, & prudentiori cuivis, sine omni detrimento gloriae & existimationis CHRISTIANI Regis, dijudicari. Obrectatorem vero, cui, ut videtur, ne Loccenii quidem historia nota fuit, ex solo Chytræo (pp) de Lubecensi negotio edoctum, multa necesse fuit ignorare. Quod si vel solum Pufendorffii epitomen inspexisset, quae & germanica, & gallica, & ni fallor, pluribus lingvis edita, potuisset inde discere de Gustavo, causam ei indignationis fuisse hanc praecipuam, quod suspicaretur, ideo inter Danos ac Lubecenses coaluisse pacem, se inconsulto, ut illi horum opibus adjuti, Svecos aggrederentur & subigerent (qq). Accesserant iræ, quas ille Rex iustis de causis conceperat adversus Comitem de Hoja, & Bernardum Milenum. Verum, quum & heic juri Gustavi satis provisum esset a CHRISTIANO, & nulla dari posset ratio, cur istorum duorum causa, (quibuscum nullam unquam reconciliationem facere, praesertim cum Mileno, certum habebat Gustavus,) in longius esset bellum extrahendum, cum certissimo utriusque regni Danici Svecicique periculo; Svecus, re diligentius considerata, se revocans, non solum acquievit. sed & (quod omiserat Chytræus commentatorem docere,) renovata sine ulla mora amicitia, in mittendis auxiliis, & suppeditando aere, omnia ad votum CHRISTIANI egit:

(nn) Pag. 347.

(oo) Pag. 125.

(pp) Lib. XIV. ad an. 1536, pag. 422. ed. Lips. 1593. f.

(qq) Pufend. Introduc. P. II. pag. 359, ad an. 1536.

egit: Usque adeo, ut eadem ætate detentas hucusque Lubecensium naves dimitteret, iisque liberam in Sveciam navigationem concederet, testatus scilicet gratiæ & amicitia CHRISTIANI id totum dare. Hæc autem omnia Gustavum, si in fœdere destitutum, si desertum, si periculo hostiumque incurfioni se expositum credidisset, aut si tantopere, ut cum Lubecensibus continuaretur bellum, tunc concupivisset, facturum fuisse tam promptè tamque incunctanter, nemini, qui Regis ejus ingenium noverit, saltem verisimile reddetur. Svecos omittimus. Ad Smalcaldicos redimus. Non puduit obreſcatorem, hos etiam desertos ac destitutos dicere a Rege nostro, cumque isto facto *contra fidem & officium egisse, & societatis leges suasque deſe haviſſe.* Quæreret hic iterum aliquis, quibus commentariis lectis, quibus tabulis perlustratis, quo causæ hujus cognitore consulro, tam doctus iste homo evaserit, ut sententiam ferre audeat, eaque pronunciare, quæ per centum & nonaginta annos haud quisquam ex omnibus iis, quos propius ista attigerunt, sive recenti adhuc facto, sive postea, legitur scripto aut verbis protulisse? Monſtret nobis aliquod saltem à Principibus fœderatis aut ordinibus, quorum res agebatur, monumentum, quo de injuria hac Regisque nostri perfidia sint conquesti. Promar libellos editos, quales in istiusmodi causis nunquam fuerunt desiderari; & qualium ingens multitudo, tum per ipsos belli, quod Smalcaldicum vocant, motus, tum finito illo, publicata, Germaniam inundabat. Ostendat, inquam, vel unum ex iis aliquem, qui adversus nostrum Regem prodierit. Inspiciat & excutiat, quæ, cum istæ agerentur, & imperium Germanicum quam maxime turbatum æstu flagraret, a Lutheranis, a Catholicis, a Cæsariis, a Smalcaldicis, jactabantur. Præsertim cum haud defuerint, qui talia peculiari studio anxieque investigata, ne cantuunculis quidem naniisque neglectis, in volumina constiparint. Offendimus ibi ad satietatem & fastidium, quibus aliorum quorundam Principum fama proſciſſa & lacerata: Num vero vel in iis, vel aliis, quæ opposita his fuerint, usquam deprehenditur CHRISTIANUS vel accusatus, vel in suspicionem neglectæ societatis adductus? Non quod ex talibus velimus existimationem optimi sanctissimique Regis pendere, aut quicquam tam infirmis testimoniis, ac sunt vel adversariorum suæque causæ patrocinantium scripta, vel dicaculorum ex plebe libelli, opinemur excelſissimæ ejus famæ vel detrahi posse, vel astrui. Sed, ut tantummodo istud obreſcatori, tam docto, tamque in historica re versato, objiciamus, de quo is ne quidem cogitavit fortasse; etiamſi nihil in historicis controversis est vulgariis, quam argumenta a negatione, vel silentio ejusdem ævi depromta. Verum, quid? inquires. Annon historicos habuit, quos sequeretur? Habuit sane; & quis nescit? eosque non e vulgo, sed primos, sed summæ auctoritatis & gravissimos, Sleidanum, Thuanum, & quem ipse non dubitavit his duobus anteponere, Chytræum. Quid ergo tradiderunt illi, audiamus. Primus, qui & fons omnium, hoc strictim: *Dania Rex, eſſi confederatus erat, tamen nullam opem Smalcaldicis tulit.* Quæ ipsa, neque verbo auctiora Thuanus reddit.

reddit. Tertius, in anni MDXLVIII. narratione, de feudo Holfati-
co loquens. commemorat, *Rege Christiano opem nullam Joanni Frideri-
co Saxoni & Hassio confederatis suis in bello Germanico ferente, benevolenti-
am Caesaris erga ipsum auctam esse, atque idco petenti, feudum Holfatiæ hoc
tempore in amplissima forma Casarem contulisse* (rr). Et jam omnes, qui-
bus vel usus ille, quicum nobis res est, vel, cum etiam diligentissime
rem ageret, sibi in Germanicis utendum credidit, nominati. Nam
Lamb. Hortensii (ss) verba nihil aliud, quam Thuani & Sleidani
ista, significant. Quorum vero nullus est, qui Regem *contra fidem
& officium egisse*, nullus, qui *societatis leges violasse*, nullus qui *commu-
nem Lutherana religionis causam prodidisse*, vel verbo refert: cum tamen,
si cum obrectatore sensissent in CHRISTIANUM quidvis harum re-
rum convenire, à multis tamen judicaretur, ejusmodi censuræ poti-
us in majori quodam opere, qualia sunt laudatorum scriptorum illa,
quam in epitome & consarcinato ex iisdem opusculo, insistendum.
At hic noster criticus, quamvis *commentarios* instituerit, non *historiam*;
quamvis non *historico stylo*, qui in *disputationes & observationes, sive politi-
cas, sive ethicas effunderet se solet, scripserit*, (quæ ipsius in præfatione
sunt verba,) tamen, cum meminisset, se sapientiæ profectiorem esse,
noluit nimirum juvenuti, *ethicas* non minus quam *historiarum* the-
diotæ, ista sua deesse opera, unde scilicet addisceret, eos qui fœde-
ratis nullam opem ferunt, turpiter se gerere, *societatis leges violare*,
contraque fidem & officium agere. Quod ut recte se habere axioma sim-
pliciter & absolute spectatum, omnes sciunt, ita illico non sequitur,
nullam exceptionem dari, qua fœderati auxilium exposcentes ju-
stissime excludantur. Possunt enim casus incidere, quibus nec pete-
re opem decorum, neque justum honestumque sit adeo eam peten-
tibus præstare. Possunt in ipsis societatis legibus talia extare expressa,
quæ legitimam excusationem dant neganti. Possunt & ipsi subsidia
ex pactis exigentes, in culpa esse fœderis violati, ac postea, cum al-
tera ab eo pars discesserit, imputare sibi; ea denique objecta audire,
quæ olim a Corinthiis Lacedæmonii, apud Thucydidem: *λίγοι τὰς
ἐπὶ τοῖς καὶ ἐν δὲ ἱερῆς ἀλλοῖς προσόντες, ἀλλ' ἐν μὲν βοηθῶντες οἷς αὖ
ἐπιτίμωσι*. Quæ omnia haud necesse est, ut argumentis ulterius
exemplisque illustrentur, cum id centies aliis occupatum, qui hanc
ipsam de fœderibus materiam pertractarunt. Id autem non possumus
non mirari, censorem nostrum, tantæ eruditionis virum, & cui
hæc omnia ex ipsis sapientiæ civilis fontibus perspecta erant & cogni-
tissima, usque adeo tamen de Rege præjudicatæ suæ opinioni indul-
gisse, ut eorum nihil ipsi in mentem venerit suspicari. Nonne vero
melius fuisset, se sustinere paulisper a reprehendendo, donec in re
tanta, in qua magni Principis fama & existimatio vertebatur, expli-
carius aliquid, quam quod in suis auctoribus repertum, occurrisset?
Et, quamdiu nihil usquam proditum inveniret, unde constaret, qui-
bus qualibusque de causis pro defendenda religione nulla induisset ar-

(rr) Chytræi Saxon. lib. XVI. ad an. 1548. pag. 491.

(ss) Lib. II. pag. 44. prim. edit.

ekeni-

ekenius (rr); non negligat Lamb. Hortensii libros; attendat denique ad ea, quæ in rem habet excellens *Concilii Tridentini* scriptor (uu); quæ Georgius Arnoldi in *Vita Mauriti Electoris* (xx); quæ Jacobus Thomafius in *Orat.* de eodem (yy); quæ Burnetus in *Hystor. Reformat. Angl.* (zz); quæ Ubbo Emmius in *Hystoria Frisica lib. LIX.* (aaa); quæ Schurtzleischius in *Disput. de Friderico III. Sapiente* (bbb) &c. atque tunc demum judicet. Perusissimum enim habeo, quemlibet mortalium, qui primum ista imbutus sit rerum noticia, non posse ulterius admirari, cur tam segnis fuerit CHRISTIANUS ad credendum, a Cæsare insidias strui religioni; aut vitio Regi vertere, si ad placandum Carolum & tentandam honestæ compositionis viam, potius quam ad incertissimam belli fortunam periclitandam, auctor fuerit: sique deinde, cum se nullum videret posse momentum facere ad Smalcaldicorum, maxime inter se dissidentium, res iuvandas, fortunam expectare maluerit, quam irritare (ccc). Id interim probe observandum, per id tempus, quo ab utraque parte ad Regem frequentes litteræ mittebantur, quibus a Cæsare quidem, ut quiesceret pactumque anno MDXLIV. initum servaret, a Saxone autem & Hassio, ut consociaret cum ipsis arma, interpellabatur, (quæ missiones per maximam anni MDXLVI. partem durarunt,) duas res cumprimis ad Regis notitiam pervenisse, haud æquo ci animo acceptas. Harum prima erat, quod præter alios, Regi parum amicos, in exercitu Smalcaldicorum militantes, bini insensibilissimi ejus hostes, Fridericus Palatinus, & Christophorus Comes Oldenburgicus, eisdem sese adjunxissent, validis instructi copiis, quas dubitandum non esset, quin ex successibus istius belli augere vellent, atque ex more suo in Holfatiam aliasque Regis provincias infundere forent tentaturi. Neque a Rege illud in litteris, Saxoni & Landgravio scriptis, dissimulatum; & præterea quod constaret, quosdam earundem partium, Holfaticis nuper finibus imminentes,

(rr) Ac præsertim quæ habet col. 1384. segg. Tomo III. *Scriptor. Rer. Germanicar.*

(uu) Per librum secundum hinc inde.

(xx) Tomo II. *Scriptor. rerum German.* Menckenii a col. 1277. ad 1285.

(yy) Pag. 100. seg. 103. *Ec. edit. Lips.* 1683.

(zz) Pag. 190. b. *edit. Lat. Genev.*

(aaa) Pag. 930.

(bbb) Pag. 15. seg. Possent quidem plures enumerari, sed qui non æque obvi. Inter hos satis memorabilis & digna lectu est Thomæ Naageorgi Consutatio carminis de bello Germanico Jo. Pedionæ, five, ut in fronte titulus exprimitur, *De bello Germanico in laudem Joannis Pedionæ, ejusdem belli scriptoris, Carmen jambicum trimetrum scazon, auctore Tb. N. S.* sine loco & anno, in 8vo. pagg. 48. Dedicatio vero ad Jo. Jac. Fuggerum scripta est Cal. Januar. 1548. Non neglexisset, puto, illud Horstlederius, si cognitum habuisset.

(ccc) Legatur in hanc sententiam, inter Bocleri *Dissertationes, ad Commentationem Grotianam adjunctas*, ultima, quæ inscribitur *Quies in turbis*. Eadem & inter collectas vici *Dissertationes* extat Tomo I. num. 34.

nentes, Dithmaricam plebem ad rebellionem contra Regem sollicitasse: Ad quæ Elector & Hassius A. D. VI. Augusti responderunt, Christophorum quidem Oldenburgicum, & Tidonem Cniphufium (ddd) nomina dedisse militiæ Protestantium, & cum insigni equitum pediturumque numero indies expectari (eee): Palatinum autem in fœderis societatem nondum receptum esse; ac, si fuisset, neutriquam tamen CHRISTIANI rebus id fraudi futurum. Altera res fuit, quod illi ipsi Principes, quamvis subinirium belli de repellenda vi tantum loquerentur, talia tamen nunc agerent & susciperent, quibus necesse foret odia alienationesque fieri majores. Neque enim mediocriter displicuit CHRISTIANO, qui superioribus annis, tunc quum ipse maxime a Cæsare premebatur, ac vicissim Cæsaris ditionibus inferebat bellum, tamen ejusdem nunc tam reverentiam deposuerat, nunc de Electore & Landgravio percipere ea, quæ parum pios aut sobrios viros arguebant; nempe, quod majestatem Cæsaris studerent virulentis dictis imminuere; quod officia, quibus ei devincti essent, cuncta ejurarent; quodque abrogare ei Cæsaris & Imperatoris nomine, omnem, quantum in ipsis, spem reconciliationis intercluderent (fff). Ast, inquit, etiamsi dubitasset CHRISTIANUS de casu fœderis, deque justitia belli; & quamvis inirio aliquid a Smalcaldicorum parte esset peccatum, tamen potuisse postea proscripris, rebus præsertim ipsorum in maximum discrimen adductis, subveniri, atque Regem, qui id non fecerit, sed *facturas desistuerit, contra fidem & officium egisse*. Nos autem queremus, quomodo tam affirmate scribitur hoc ac dicitur, non subvenisse CHRISTIANUM? & cujus demum testimonio accusatio hæc instructa? Sleidani scilicet? Quasi hunc nihil potuerit latere, nihil etiam celatum sit ab iis, a quibus acta ista & scribendi materiem obtinuit. Ceteri enim, Thuanus, Horrensius, Chytræus, & si qui plures sunt, universi, illius ore loquuntur, illiusque fide commemorant. Verum, qui candide velit agere, qui *maximam diligentiam bonamque illam fidem*, quam in ore commentator habet Batavus, adhibere, is, antequam aggrediar sententiam tam acerbam, atque ille protulit, enunniare, debet minimum omnia illa collata habere & observata, quæ in Sleidani labore, ab aliis suppleta sunt & correctæ. Epitomen poterit, aut, si ita placet, commentariorum libros quilibet instituere, modo auctorum, quos sequendos sibi elegerit, fideliter insistat vestigiis, nihilque eorum verbis aut judiciis adjiciat vel affingat. At si ultra procedere, & laxare interdum habenas animo, ad censendum nimirum proclivi,

(P)

(ddd) Is antea Regi nostro stipendio obligatus, postea fidei renunciarat. Vid. Cragii *Annal.* pag. 279.

(eee) Adduxerunt nempe illi 6000. pedites, equitesque 600. teste Seb. Schertelino *hystor. Belli Smalcald.* cal. 1418.

(fff) Hinc & legatus Gallicus in litteris ad Regem suum scripsit, nihil tam graviter ac acerbe Catolum V. in tota vita tulisse, quam ista contumeliosa in se dicta & scripta Saxonis & Hassi. Ribier *Memoires d'Etat T. I. lib. 5.*

commotus hujus vel illius facti indignitate, velit, qui possit secure id facere, quandiu aliquid restet sollicitius inquirendum, ego profecto non video. Itaque, si, quæ, post fata Sleidani, editiones historiarum ejus germanica lingua prodierunt, variis ad paginarum oras annotatis instructæ, inspiciantur, non solum præstantissima illa Osee Schædæi, sed & hac antiquiores (ggg), occurret inter ea, quæ Michaël Beutherus margini illevis, aliquid in hanc rem notabile, & quo forte omnibus famæ & gloriæ piissimi Regis inimicis oculi doleant. Nempe illud, quod Sleidano ignoratum fuit, atque, ut verisimillimum mihi videtur, Beutherus acceperit a Joanne Sturmio: cui viro nihil eorum fere, quæ a CHRISTIANO III. suscepta & cum externis fuerunt acta, lauerunt, & qui ultra viginti annos, de gravissimis sæpe rebus constans cum Rege & ministris ejus litterarum commercium habuit. Hoc vero est, „Regem apud confederatos usum fuisse excusatione eorum, quæ ante biennium cum Cæsare esset pactus, & „tamen eisdem quadragies mille anreos misisse.„ Quod quidem verum si fuerit, (ut quidem nobis est persuasissimum,) clarum etiam manifestumque erit, errasse omnes & allucinatos esse, quorum dixerunt, nihil a Rege nostro fœderatis Protestantibus auxilii esse præstitum. Præstitum certe ita omne ac totum illud, ad quod obstrictus fuit ex ipsis societatis legibus. Neque amplior aliqua, verum hæc nominatim summa erat definita, si, quod arbitrarui cujusvis focii relictum erat, in pecunia, non milite, auxilium exhiberetur: quemadmodum ex tabulis fœderis, apud Hortlederum & Lunigium, intelligitur. Ergo, quid velint adversarii, nescio, aut quid possint, nisi ipsius Sleidani sese ignorance hujus rei tueri, ejusque incientie inædificare omnem istam obreftationem & calumniam. Sed qui tam turpiter abutuntur præclari historici incientia, videant, quo pacto suam excusare velint & ignorantiam & socordiam, idem scilicet ea negligunt cognoscere, quæ ad tollendos ex candidissimo opere paucos hinc inde navos, (quod enim talibus immune unquam exiit?) aliorum contulit industria. Adeone illis exiguo loco habetur Princeps, ob pietatem, moderationem insignesque alias dotes per orbem clarissimus, ut de eo scripturi, non curent, ne ad temerarium judicium delabantur, plures libros consulere, aut in variis evolvendis editionibus eandem operam impendere, quam tamen, vilis cujusdam vocabuli rem sæpe omnium, contemptissimam significantis causa susciperent perlubenter, multasque etiam bonas horas in comparando ingenti codicum & editionum numero collocarent. Sed, ut in viam redeamus, de pecunia, quam diximus, submissa, & quod hæc summa in Principum fœderatorum usum cesserit, haud magis aliquid ab nostris historicis traditur. Fatemur istud, Cragio nihil ejusmodi memorarum: ac forte in memoriis & tabulis, quorum excutiebat, nihil de hac re diligentie ipsius se obtulerat. Hvitsfeldio tamen erat exploratissimum,

(ggg) Inter antiquiores mihi se obtulit Francofurtensis illa, anni MDCVIII, in Folio, Beutheri aliorumque notis ad marginem locupletata; in quibus & hæc, de qua loquor, annotatio legitur ad finem anni 1546.

tissimum, legatum a Rege ad Principes fuisse Joannem Berneccovium, cum quadragies mille aureis; quos vero is, audito Electorem Saxonie victum praelio captumque esse, reportavit. Ita autem, quod manifestum est, hæc legatio pecuniarque missio ad annum MDXLVII, pertinebat, cum erravisse etiam Hvrtfeldium in anno captivitatis Saxonis, supra monitum. Oportetne idcirco, eam, de qua Sleidani corrector loquitur, jam anno præcedente factam esse. Equidem haud ignoro, quid, anni MDXLVII, initio, Regi suo rescripserit legatus Gallicus; nempe Regem Daniæ denegasse Protestantibus etiam xx, mille aureorum summam, neque adeo permittere voluisse, ut ab eisdem in suo mari Belgicæ infestarentur naves, ad bellum necessaria Caesaris advehentes (hhh). Verum, quantum ad hoc attinet posterius, interrogabimus quemcunque juris & æqui intelligentem, annon plane & directo contra Spirense pactum CHRISTIANUS egisset, si in suis maribus portubusque talem voluisset insultum in Belgarum naves pati? In priore illo potuit, ut videtur, Gallicus legatus falli, resque ipsa instrui tam occulte, ut neque ad illius, neque ad Caesarianorum notitiam perveniret; & quando a Rege palam denegabatur, clam famen subsidium, certis adhibitis cautionibus, subministrari. Ita enim ut suspicemur, facit exemplum syngraphæ, in quod incidimus, quodque ad paginæ hujus oram fideliter descriptum (iii) exhibebimus:

Quan-

— (hhh) Vid. Ribier *Memoires d'Etat* Tom. I. pag. 606.

(iii) „Nachdem der Durchleuchtige und Großmechtige Herr CHRISTIAN, „König zu Denmark, Norwegen, &c. Uns von Gottes Gnaden JOHANNES FRIDERICHEN, Hertzogen zu Sachsen, des Heiligen Römischen Reichs Erbe-Marschalch und Churfürsten, Landgraven in Düringen, Marggraven zu Meissen und Burggraven zu Magdeburg, und Philippsen, Landgraven zu Hessen, Graven zu Catzenelnbogen, zu Dietz, Zagenhain und Nidda, Auch unsern Gemeinen der Christlichen Religion Ainnungs Verwandten Stenden, wider des Papsts unehrlich Fürhaben, „Unsere ware Christliche Lere under zu drucken, durch den Erbarn „und Hochgelerten Baltzar Klammer, Lüneburgischen Cantzler, Zweinzig Tausend Taler, zu Errettung und Defension der waren Christlichen Religion zustellen lassen, So verpflichten Wir vorgedachten Chur- „und Fürsten, als selbstschuldigen, Uns und Unsere Erben, von wegen gemeiner Christlichen Verständniß, gegen Hochgedachte Königl. W. zu Denmark und Ire Erben, zu icer Zeit, wann es von Uns „begetet, solche Summa wider zu geben; Auch im fall der Nott, so „Seine Königl. Wird überzogen wird, dieselbige in gleichnuß mit Hoff „und Rath in keinen Weg verlassen; Sonder wollen bey Königl. Wird, „mit aller vleißiger Beforderung und Hülff, wie die Freunde, getreulich „zusetzen, in Bedenckung, daß sich Ire Königl. Wird gegen uns und „Cantzle Gemeine Ainnungs-Stende gleichfalls der Zeit gehalten, und be- „finden lassen, getreulich und ane Geverde. Zu Urkundt mit Unsern „hierauff gedruckten Secreten besigelt, und geben in Unserm Feldt- „lager bey Reichartshausen, den sechzehenden Augusti Anno Domini XVC. XLVI.

„JOH. FRIDERICH Churfürst.
m, pp. fff.

„PHILIPS, L. Z. Hessen, fff.

Quandoquidem ex eo cognoscitur, vicies mille thalerorum summam legatum Smalcaldicorum sub nomine mutui abstulisse; & quidem a Rege ipsam, non adversus Cæsarem, sed contra Pontificem Romanum, postquam de ejus copiis in Germaniam missis constaret, representatam. Sic vero quamvis detecta res fuisset, non tamen potuisset a Cæsare ad violatæ pacis accusationem trahi. Ceterum utur sese istud habuerit cum viginti millibus, certissimum urique est, geminatam aureorum summam fuisse a Rege anno MDXLVII. per Joan. Berneccovium missam, neque aliquid de ea vel Cæsari vel Gallis suboluisse; verum advenisse nimis sero, cum jam eo res Smalcaldicorum redactæ essent, ut nullæ eis sublevandis atque erigendis opes pecuniæque sufficerent. Adeoque ex his quadraginta millibus tantumdem omnino scilicet Saxo & Hassus acceperunt, quantum ex trecentis illis millibus, quibus aliunde ut porirentur. Franciscus I. Rex Gallie operam dederat, & quorum ne unicum quidem teruncium, quicquid nobis narret commentator Batavus (kkk), attigerunt. Nec tamen eapropter desitum apud Protestantibus a CHRISTIANO praesentius sperare auxilium, si summa necessitas efflagitaret: hoc est, si Carolo, jam victori, in mentem venisset graviora & iniquiora occipere. Quo pertinent quæ leguntur apud Georgium Arnoldi in *Vita Electoris Mauritii*, eo loco, ubi de Wittebergæ deditione narrat (III): *Non arbitror, inquit ille. Cæsarem quicquam atrocius facturum fuisse in ipsum Electorem, etiam si oppellum non cepisset. - - - Restabat adhuc Landgravius Saxonia quoque urbes suas in armis habebant: Dania Principem conjunctum cum illis fore putabant; ut si gravius quicquam Cæsar in Electorem statuisset, non tam finitise, quam incepisse bellum videri posset.* Verum, quod ad Gallicæ Regem spectabat, erat ei, (ne & hoc dicere omittamus,) mira & singularis profecto religio, in eo sita, ut quod sibi illicitum & perpetratum injustum existimaret, videlicet ut à nupera cum Cæsare inita pace resiliat, ac vel palam pecuniam mitteret vel arma cum Protestantibus conjungeret, id tamen aliis persuadere, eadem ipsa religione haud minus impeditis, omni intensissimoque studio laboraret. Nihil sane intentatum reliquit, quo CHRISTIANUM III. ad rumpendam cum Cæsare pacem & opitulandum Protestantibus incitaret. Fugique inter ultima mandata, quæ prope moribundus voluit ad Christophorum Richerium perferri, hoc præcipuum, ut Daniæ Regem ad Spirensis pacti dissolutionem hortaretur, & quibuscunque illam modis acrationibus studeret procurare; oblaris conditionibus, non tantum societatis Gallicæ, sed & matrimonii inter Fridericum Daniæ Principem & Reginam Scotiæ, ostensioque, nihil Cæsari firmitus destinatum, quam subactis

(kkk) *Et tamen Rex Francia paucis diebus ante mortem suam, quum jam Smalcaldicorum res pessimo essent loco, Saxoni & Hassio, singulis centum millia scutorum misit.* Sic ille *Commentar. rer. gestar. Seculo XVI. pag. 360.* Sed quomodo miserit, legatur in genuinis fontibus, *Sleidan. lib. XVIII. fol. 156. a. edit. an. 1556. in fol. Lambert. Hortens. lib. IV. int. &c.*

(III) *Col. 1214. in Menckenii Scriptorum German. Tomo II.*

subactis Protestantibus, Daniam invadere, urbes maritimas opprimere, Germaniæ denique & toti Septentrioni intolerabile iugum imponere (m m m). At CHRISTIANUS ne tantulum quidem his commotus, ea reponi simpliciter & citra ambages mandavit Gallo, quæ toties Electori & Landgravio, quoties ab illis sollicitabatur, responderat.

Enimvero haud minus recte se habet, quod de excusatione a Rege allata emendator Sleidani annotavit. Illa nimirum, & cum primum a legatis Principum adiretur, & deinde, quandocunque occasio daretur, est usus. Ac, tamen hoc pariter tacuit Sleidanus, tamen non ignoravit historicus Italus Hieronymus Faletus, diserte memorans, Regem, de auxilio interpellatum, respondisse, se neque cum Saxone & Hassio fore contra Cæsarem, quicum ante biennium pepigisset, neque contra illos, ut quos religionis haberet socios (n n n). Et vellem mihi ostendi, quid in responsione istac fuerit, etiam acerrimo censori vituperandum? An scilicet, quod pactus fuisset cum Carolo, durante etiam nunc fœdere Smalcaldico? an quod religionis causam non exceperit? & quæ possint otiose confingi plura? Sed hoc omne, quantum ad pactionem attinet, transactum fuit publice peractumque in comitiis regni Germanici anno MDXLIV. non tantum audientibus & videntibus Electore & Landgravio, verum ipsis maxime auctoribus, Regemque ad maturandam cum Cæsare compositionem instigantibus. Ipsisque ex diurnis actis, quibus missi ad pacificationem legati Danici cuncta mandavere, nobis cognitum, nihil eos in toto negotio suscepisse, nisi consultis prius Saxone & Hassio; ad quos nostri, dum scilicet Spiræ commorabantur, fere quotidie itabant. Quid? quod contigerunt hæc eo tempore, quo dictis Principibus talia cum Cæsare intercessere, quæ non solum ad concordiam & pacem, sed ad ætliorem quandam amicitiam omniaque jura summæ necessitudinis tendebant. Quod si illi vero postea habuerint, quod dolerent, sibi que data esse verba quererentur, quid hoc ad CHRISTIANUM: cui nullum inconstantiae signum dedit Carolus, & cuius rationes, quantum ad pactionem Spiræ factam, neuriquam erant Smalcaldicæ confociationi connexæ? At inererat religionis; e re erat Evangelii & gloriæ Divini Numinis, ut præferretur fœdus, ejus causa initum, alteri illi, tantum ad præstandam regnis securitatem pertinenti. Itane? Tu igitur credis, a CHRISTIANO Evangelium sum-

(Q)

(m m m) Possunt hæc mandata plenius cognosci & legi apud Ribier. *Memoires d'Etat Tom. I. pag. 607 seq.*

(n n n) *Libro primo della Guerra di Almagna pag. 68.* „Et mandarono primieramente dicendo a Christiano Re di Danimarca, che non dovesse patire, che Cesare diventasse tanto potente nella Almagna: perche se la fortuna gli fosse tanto favorevole, che da lui vinti rimanessero, ne egli, ne quanti vicini vi erano, dalla sua avidità sarebbero securi. Furono dal Re legati repulsi, però che egli ne contra Cesare voleva essere seco, ne contra loro servirlo, essendo della medesima religione.

summo studio & admirabili cura per hæc regna propagatum, ut isto modo credretur? aut Divinam gloriam fraudibus ac mala fide ad confirmationem suam indigere? Et ne quis confingi a nobis rationes ac firmamenta adversariorum credat, possumus asseverare, fuisse in postulatis Principum ad CHRISTIANUM aliquid non magnopere his diversum. Neque enim illis ignota erant capita pactonis Spirensis, quam suis ipsi consiliis adjuverant; & tamen sub ipsum belli initium, non verebantur enixe Regem orare, ut Belgicis navibus fretum Oritanum (ooo) clauderet; ac deinceps, anni MDXLVII. initio, per legatum suum D. Melchiorum Kling, non solum ut idem faceret, sed & Smalcaldicorum in gratiam ut Belgarum naves mari infestaret ac diriperet, prope implorantes obtestari. Quibus quid responsum sit a Rege, nihil nunc opus repetere, cum ex Tractatus Spirensis capitibus III. VI. &c. res liquida. Ceterum erat quoque in mandatis D. Klingii, ut opem Regis nostri exposceret ad permovendum Sveciæ Regem Gustavum, quo & ab illo pecuniæ summa obtineretur. Neque indiligentem in eo navavit operam CHRISTIANUS, missis in Sveciam litteris adhortationis plenis. Credimus autem ibi nihil prorsus impetratum esse: Quamvis posset ad hoc obligatus credi Gustavus, si Svecorum historicis fidendum. Enim Loccenii verba: *Gustavus fœdus religionis, ad quod ante a Christiano allestus erat, cum Saxone & Hesse fecit, publica securitatis & ecclesiastica quietis communibus opibus tuenda causa* (ppp). Idque is, quem tere unicum auctorem sequitur in Gustavi rebus, Ericus Georgii, tradit factum anno MDXLII. nullo tunc istius negotii causa in Daniam pariter ac Sveciam Francisco Burcardo, Electoris Sax. Cancellario (qqq). Sed tractatum quidem fuisse, nihil autem cum Sveco unquam conclusum, multo est verius: quemadmodum, ex Cragio patet, ad annum MDXLVI. (rrr) nec non Seckendorffio rem fufius illustrante ad annum MDXLIII. (sss).

Verum præter hanc, quam exposuimus, excusationem, haud ullo jure infirmendam, neque alia, qua etiam legitime uteretur, deest CHRISTIANO. Et sane nullam rationem video, cur eam premeret aut obtegeret; etiamsi ad alios potius, quam ipsos Principes, adhibitam esse, Cragius noster significat (trr). Hæc vero fuit, quod triennio antea, eo scilicet, qui tractatum Spirensis præcessit, anno MDXLIII, cum Christiano a Belgis Cæsarianis grave immineret bellum, quo jam Norvegiæ littora acriter infestabantur, rogati auxilia ex fœdere Protestantes, tunc quidem in conventu Smalcaldico-

con-

(ooo) Vocabulum Cragio admatum ad fretum, cujus notissimum *orefus* nomen, designandum.

(ppp) *Lib. VI. pag. 337.*

(qqq) *Part. II. pag. 150.*

(rrr) *Pag. 284. seq. & 290.*

(sss) *Lib. III. Sect. 24. §. 91. coll. cum Sect. 25. §. 102. pag. 418. &*

(ttt) *Pag. 295.*

congregati, nihil, nisi repulsam dedere. Dicebant enim, *causam hanc ad fœdus nihil pertinere, nam cautum erat, si religionis nomine bellum Regi fieret, ut tunc communibus auxiliis defenderetur* (uuu). Jam autem non disputabo, quam consultum fuisset religioni, aut secus, si Cæsariani Regem oppressissent, si exuissent eum regnis, si Carolus Septentrionis potestatem & arbitrium nactus protinus inter primas suas curas hanc suscepisset, ut sacra novissime introducta, necdum satis confirmata, turbaret; hæc, inquam, omnia non urgebo, quandoquidem tam longe a Germanorum animis ista tunc abfuerit consideratio. Id vero tacere neque possum, neque debeo in præsentia, illos qui id responsi dedere, Principum fœderatorum legatos, vel ignaros pactionis fuisse, quæ dominis suis cum CHRISTIANO intercessit, vel mortaliū fuisse iniquissimos. Nolumus verba perdere in re clarissima. Neque tantopere eorum extremam injusticiam miramur, quam CHRISTIANI magnanimitatem summam, qui contumelia hac neglecta, noluit ulterius causæ opprimæ insistere. Annon enim optimam & iustissimam possum dicere, illosque ea obligatione constrictos, ut, quamvis nomen religionis a bello isto abesset, tamen ad omnia præstanda auxilia tenerentur, dijudicandum cuilibet relinquam, producta ipsa Principum cautione: quam nimirum eodem die, quo CHRISTIANUS Brunsvigæ in fœdus Smalcaldicum est receptus, manibus & sigillis suis confirmarunt. Atque hanc eo nunc lubentius in luccm proferam, quo ignota magis omnibus in hunc usque diem fuit, cum, si excipias brevem illum conspectum, quem olim danicis verbis noster dedit Hvitsfeldius, haud sciam, an usquam exemplum ejus in monumentis publicis apparuerit:

„Vonn GOts gnadenn Wir CHRISTIAN zu Dennemarck, Norwegenn, der Wendenn und Gottenn Konig, Hertzog zu Schleswigk, Holstain, Stormarnn und der Dithmarschenn, Grave zu Oldenburgk und Delmenhorst, JOHANNES FRIDRICH Hertzog zu Sachsen, des hailigen Romischen Reichs Ertzmarſchal, und Curfürst, Landgrave in Düringhen, Marggrave zu Meissenn und Burggrave zu Magdeburgk, vor uns und von wegenn des Hochgebornnenn Fürstenn, Herrenn JOHANNES ERNNSTEN, auch Hertzogen zu Sachsen &c. unsers freuntlichenn liebenn Bruders, ERNNST und FRANTZ, gebrüdere, Hertzogen zu Braunschweig und Luneburgk, PHILIPPS Landgrave zu Hessenn, Grave zw Catzenelenbogenn, Dietz, Ziegenhain und Nidda, in nhamenn unser selbst, und der Hochgebornnenn Fürstenn, unserliebenn Oheimenn, Herrenn WOLFFGANGS, Herrenn JOHANSENN, Herrenn GEORGENN Turnbprobst zu Magdeburgk, und Herrenn JOACHIM, Gevedternn und Gebrüdern, Fürstenn zu Anhalt, Gravenn zu Ascanien, und Herren zu Bernnburgk, Auch des Wolgebornnenn GEBHARTS, Gravenn und Herrenn zu Mans-

(uuu) Sleidan, lib. 15. confer. Seckendorf lib. III, S. 25. §. 102. & Crag. pag. 256.

„Mansfelds, und dann Wir ALBRECHT Graue und Herre zu Mans-
 „feld, Bekennen an dießem Brieve, vor Uns, Unnfern Nachkommenn
 „unnd Erbenn, und allermenniglich, Als Wir König CHRISTIAN uff
 „einer und wir letzgemele Churfürstenn, Fürsten und Grauen, ne-
 „beenn und mit andern der Christlichen Aynungs Verwandtenn,
 „Fürsten, Stendenn und Stedtenn uff der andern seyten, in Sa-
 „chenn unsere Hailige Christliche Religion unnd was dar anhanget,
 „Ader so ain Andere Sach gegenn aynem tayl aus Unns, oder dersel-
 „bigenn gliedern, zu ainem Schein furgewand wurde, Und es doch
 „die Maynung hette, dardurch das Evangelium, und unsere Christ-
 „liche Religion aus unsern Königreichenn, Landenn, Leutenn, Sted-
 „ten, und derselben zugehörung zureuhenn und niderzulegen, unnd
 „die Bepfliche Religion widder darcin zu bringenn, und uffzurich-
 „ten ain Christliche, Ehrliche Aynung und Bunnus zu rechter er-
 „laubter Gegenwehre uffgerichtet, vordriefft, vorsiegelet, gelobt unnd
 „zugefagt habenn, Welcher Darum stehet heut dießes Brieffs
 „gleichlautend, Die weil aber solche Aynung allein von Religion
 „Sachonn, und was daraus fleußt und kommenn magk, Desgleichenn
 „was undterm Schein zeitlicher Sachenn fügenommenn mocht wer-
 „denn, meldet, Damit dann Sein Königliche Wirdenn sich nit dürf-
 „fen besorgen, daß seiner Königl. Wirdenn, derselbigenn nachkommenn
 „mendenn Erbenn, und derer geordentenn Regenten die bestimbre
 „Hulff in allenn Sachenn, sie seyenn von der Religion, oder zeitli-
 „chen Sachenn wegenn, geschehenn soll, Und darfür wollenn Wir,
 „obgemeltenn Chur- und Fürsten unnd Graven, Burgenn und selbstschul-
 „dig sein, Und mag Sein Königliche Wirdenn Unns, denn Churfür-
 „sten zu Sachßenn, und Landgravenn zu Hessen, als dann in Zeit
 „der Noth, so Sie bekriegt, belegert, oder ubertzogen wurde, von
 „jemand, wer der oder die wehenn hohes oder niddern Standes,
 „niemand ausgeschloßenn, dorumb ansprechen und fordernn. Als-
 „dann sollenn unndt wollenn wir Seiner Königlichenn Wirdenn, Der-
 „selbigenn Erbenn und Nachkommen, solche Hülff treulich laßenn,
 „ane alle Beheiß, Widderrede und Disputation. Und ob gleich nach
 „Unser baiden, des Churfürsten zu Sachßenn und Landgravenn zu
 „Hessenn, Tod, den der Almechtige GOTT nach seinem Gottlichenn
 „Willenn gnediglich fristenn wolle, Sein Königliche Wirde die Hülff
 „bey den Gemainenn Haubleutenn der Christlichenn Verstandnis,
 „inhalt der Verschreibung mit Darum dies Brieffs stimmend, suchen
 „solte, So sollen doch unser Erbenn, neben Unns denn andern oder
 „Unsern Erbenn, gleichwol darfür Burgenn und Haubtschuldener
 „sein und bleiben, inmassenn wie obgemelt, ane Geverde, Herwid-
 „derumb sollenn und wollen auch Wir König CHRISTIAN den be-
 „gemeltenn Chur- und Fürstenn, und Irenn zugewandten, oder der-
 „selbigenn nachkommenden Erbenn, und derer Vormundenn, sambt-
 „lich und sunderlich, Unser Hülff in allenn Sachenn, sie betreffende
 „die Religion oder zeitliche Sachenn, wie die wehenn, laut der ob-
 „gemeltenn Aynung, gegen allermenniglich, wer der oder die weh-
 „enn,

„renn, niemands ausgeschloffen, treulich unnd freuntlich laistenn;
 „ane Geuerde. Dieße Verschreibung geredenn Wir obgemelte,
 „Kunig, Cur-und Fursten, und Grauens, bey Unser Königlichenn,
 „auch Cur-und Furstlichenn Wirdenn, auch Greuennlichen Ehrenn.
 „und gutem Glaubenn und wahrenn Wortenn, sted vhest zu hal-
 „tenn, zuuolziehen und zuuolstrecken, ane alle Geuerde. Des zu
 „Urkund habenn Wir König CHRISTIAN Unser Sigil, für Uns, Un-
 „ser Nachkommenn unnd Erbenn, und dan Wir JOHANS FRIDERICH
 „Hertzog zu Sachsens, Cursfürst &c. vor unns und Hertzog JOHANS
 „ERNSTEN zu Sachsens &c. unsern liebenn Bruder, Wir Hertzog
 „ERNST zu Braunschweig und Lunenburgk, vor unns, und Hertzog
 „FRANTZENN, Unsern liebenn Bruder, Wir PHILIPS Landgraue zu
 „Hessenn, Unser Sigel, vor unns und unser Erbenn, und dan Wir
 „ALBRECHT Graue und Herr zu Mansfeld unser Sigel, vor Uns auch
 „gedachte Fursten zu Anhalt und Graff GEBHARTENN unsern Bru-
 „derenn, unser Ir jdes Erbenn, welcher Graff ALBRECHTS Sigelung
 „Wir die Furstenn zu Anhalt und Graff GEBHARD uns also hiemit
 „thun gebrauchen an dießen Brieff, deren zwene aines gleichenn In-
 „halt und Lauts verfertiget sein und jder partej ainer zugefelt ist
 „wordenn, wissentlich thun henckenn. Gescheenn und gebenn zu
 „Braunschweigk, am Dinstag nach dem Sunntagk Judica, unnd Chri-
 „sti unsers liebenn Herren und Seligmachers Geburt Tausenn funff-
 „hundertt und in den acht und dreißigstenn Jharen.

CHRISTIAN. JO. FRIDRICH Churfürst ERNST PHILIP L.Z. Hessen
 m. pp. sst. H.B.L.m.ppr. sst.
 (L.S.) (L.S.) (L.S.) (L.S.) (L.S.)

Agnoverunt equidem repulsæ iniquitatem Saxo & Landgravi-
 us. in litteris suis, quibus, quod responsum esset a ceteris, Regi re-
 ferebant; postquam aliquot ante mensibus promiserant, non solum
 suam portionem, sed &, quod à reliquis deberetur subsidii, ut in
 tempore haud desideraret. omni se opera effecturos. An vero, cum
 alii recusarent, ipsi aliquid, quantumque expedierint, nondum expla-
 rare licuit. Negant certe nostri, tam Hvitsfeldius. quam Craginus,
 quicquam eos representasse. Aliquantulum tamen Regi impetratum
 credidit Seckendorffius, in comitiorum Spirensium enarratione anno
 MDXLIV. ubi: *Rex Dania*, inquit, *etsi non satis contentus eras de auxi-*
liis, sibi a federatis Smalcaldicis praestitis, dicebas enim, nimis tenuia fuisse,
(Man habe ihn mit der kurtzen Elle gemessen,) *magnam tamen erga*
Electorem & Landgravium benevolentiam & fidem testatus es. Cum ta-
 men, quod pace Seckendorffii dixerim, proverbium germanicum æ-
 que de nullo, ac de tenui auxilio usurpetur, quando de societate vul-
 go leonina dicta loquimur, arque ita illud Regi intellectum plane
 mihi persuasum. Concludam, male & perperam hucusque nonnul-
 lis creditum, pessime vero Batavum professorem asseverasse, à CHRIS-
 TIANO societatis Smalcaldicæ leges violatas; Cum & alias eis satis-
 fece-

verba haud parum invidiosa phrasi exasperavit. Ita enim calumniatur: *Ea arte (Rex Danicæ) Cæsaris gratiam tunc quasierat, & ideo profligatis jam Smalcaldicis, ab illo Holsatia, Stormaria & Lüthmaria feudum, desertæ societatis præmium, amplissimis verbis obtinuerat.* Fatemur equidem, si ars dicenda, iurjurandum non negligere, pacta ex conventu observare, conciliandæ potius quam disjungendæ concordie dare operam, atque in nulla re ab officii religione declinare, plurimum meruisse CHRISTIANUM, ut ob hanc artem a Carolo amaretur; neque ut ab eo solum, sed a Protestantibus, si agnoscere voluissent, magnani consequeretur gratiam. Carolus, qui Regem nostrum, antequam inter ipsos pax coiret, talem per integra duo lustra & amplius expertus fuerat, qui nequaquam ipsius iras expavescebat, non minis percussus, non incredibili illa potentia territus, auderet non solum propulsare injurias, neque semel ad inducias concedendas cogere, sed & publica denunciatione facta, sine ullis sociorum opibus & auxiliis, arma & calamitatem provinciis ejus hereditariis inferre; postea vero parem ejusdem invicti Regis justitiam animique excelsitatem in servandis pactis perpexerat, ita ut nullius tantopere constantiam prædicaret; an mirandum est, si honorem tantis virtutibus habuerit, si fortitudinem, fidem, prudentiam, etiam in hoste æstimandas dotes, aliquo benevolentie testimonio dignas crederet? Ast feudum ei non contulit, nisi profligatis demum Smalcaldicis. Contulisset sane maturius, etiam quando nullum ipsi extrisset bellum cum Smalcaldicis, nisi CHRISTIANUS adjunctas condiciones gravatus, non antea assensisset, quam cum nulla de melioribus obtinendis spes esset. Scilicet credidit obrectator, utpote in historiis nostris hospes, aliquid magni & eximii lucrarum fuisse CHRISTIANUM, accipiendo a Cæsare in feudum regiones, quas & ipse & parens ejus gloriæ mem. jam per longum tempus absque eo onere possederant, & quarum paci & securitati & tranquillo penes Regem & fratres dominio erat amplissimis verbis cautum in *Tractatu Spirense*. Deinde notissimum, nihil magis desiderasse Regem, quam ut jus illud suo statu maneret, hoc est, ad Episcopum potro pertineret Lubecensem, antiquo more, multoque suo & successorum suorum compendio. Itaque tantum, quantum per crebras exhortationes Cæsaris & per importunam procuratoris fisci flagitationem licuit, rem extraxit. Denique totum, quod compendificet Rex, atque in beneficii loco ponendum habuit, hoc fuit, jam pridem sibi oblatum, conditione qualicunque, postquam optata non daretur, ac sine novarum inimicitarum periculo, adeptum esse. Evolvantur modo, quæ noster Cragius habet, ad negotium pertinent-

bus hæc dictus legatus subiungit: *En quoy, comme il se pouvoit voir, l'Empereur monstrant ainsi à un ce que l'autre écrivoit, tâche de les animer de plus en plus, & empescher, qu'ils ne viennent à s'accorder: ainsi se connoist-il clairement, que le Roy de Danemarck ne veult en rien entrer en soupçon quelqu'il soit avec l'Empereur, Bibiez T. I. pag. 604.*

tinencia, ad annos MDXLI. (yyy) MDXLV. (zzz) MDXLVII. (a) & MDXLVIII. (b).

Verum tempus est, ut ex hac longa digressione in viam revertamur, missoque maledico commentatore, qui tantum verborum & molestæ scriptionis nobis extorsit, ad finiendum. quæ de Cragio habemus dicenda, properemus. Et ostensum putamus satis, quanto is Hvitsfeldio locupletior & copiosior, quantoque meliore jure, quam ille. boni historici nomen mereatur, quando de rebus Christiani III. agitur. Neque res jam indiget, ut pluribus ex sequentibus annis exemplis declaretur, cum per se omnibus, qui eandem quam nos sumere velint operam, pateat. Atamen idcirco annales Hvitsfeldianos negligere aut abjicere. omnemque iis laudem demere, nimium quam iniquum foret. Habent ii suas dotes, in rudi illo nonnunquam & plebejo scribendi genere positas: habent inserta, pro more ipsius, integra haud parvo numero diplomata, tabulas, libellos, vel pleniora ex iis excerpta: habent nonnulla alia quæ attentionem lectoris expolcunt, non ubivis a Cragio æque dilucide & perspicue explanata. Inprimis vero si ad Suecica velis respicere, plerumque ea invenies diligentius excussa & exposita ab Hvitsfeldio, quam hoc nostro; etiamsi non id semper factum affirmaverim. Et memini, in superioribus me dixisse, priores in Hvitsfeldio annos, usque ad dedicationem Hafniæ, reliquis multo pleniores esse; quod inde factum, quia commentarii tunc extabant de bello ac ceteris, quæ per tumultuosum illud a FREDERICI I. morte triennium contigerunt, a non uno conscripti: qui & Hvitsfeldio & Cragio inservierunt, (unde insignis ille scilicet in dictis annis similitudo, & rara inter utrumque dissensio,) quique nuper ante ultimum incendium in bibliotheca Academica servabantur. In sequentibus vero uter excellat, uter sit non modo plenior, sed accuratior, fidelior, ac ad docendum & instruendum aptior, facile dignoscitur. Etsi haud negem, præteritum nonnihil Cragio, semel atque iterum; quod, modo Hvitsfeldium non seposuisset, (cui fortasse nimis parum tribuebat,) aliquo etiam loco duxisset, ut quidem arbitror, habendum esse. Ex quo genere illud de conventu Campensi, anno MDXLI. habito, quo, Hamburgensium rogaru, legati Danici & Burgundici congregati de compositione egerunt, irrito eventu. Quemadmodum & anno MDXLVIII. quando ea, quæ ad feudum Hollaticum pertinebant, transacta sunt, nulla apud Cragium mentio fit Adolphi Ducis, cujus tamen, in aula Cæsarea tunc versantis, nonnullas in isto negotio partes fuisse, ex Hvitsfeldio docemur. Ut taceam, quod, quæ eidem Principi, ad finiendam tandem controversiam, de dote filiarum CHRISTIERNI, cum legatis Palatinis

(yyy) Pag. 224. & 227.

(zzz) Pag. 271. seq.

(a) Pag. 299. seq.

(b) Pag. 304. & 305.

nis & Lotharingicis fuerunt suscepta ac tentata, abs Hvítfeldio satis fise exponantur. Hæc autem, & si quæ fortassis fuerint alia, eis, qui Hvítfeldii linguam non intelligunt, ex Pontani labore, quo laudatissimi Regis res gestas, Hvítfeldium in omnibus secutus, breviter enarravit, arcessenda sunt; postquam hanc particulam ineditorum docti viri commentariorum Cl. Jo. Hubnerus luce donavit, etsi non paucis mendis fœdatam. At a Meursio frustra es, si plura, aut alia expectaveris, quam quæ transcribenti Cragium occurrerunt, præsertim postquam eum destituit Lyschandri labor; de quo in antecedentibus egimus. Contra observatum, Meursio nonnulla omitti, sive studio, & quia non admodum digna memoratu crediderit, (ut fateretur haud maximi quædam momenti esse,) sive in alium locum reservata, sed postea scriptoris memoria dilapsa. Ita ad annum mxxl, totam illam de Islandicis rebus narrationem, quæ in nostro pag. 218. seq. legitur, excludit. Ita in historia anni mxxxiv. quando rebellionem Cimbricam describit, a naucleis & piratis, ductore Clemente, excitatam, pleraque pag. 63. nostro tradita, circumcidit ac amputat; nempe istud a Baggone Griso in Clementem tentatum facinus, & quæ ibidem sequuntur. In anno mxxl. cuncta, quæ a media pag. 259. usque ad conventum Chilonensem, de controversia Rugiana habetur, transilivit. Et quemadmodum istic primum fit mentio de Waldensfeldii scelere, sic &, quoties in annis sequentibus aliquid occurrit in eadem causa actum, ut pag. 271. & 274. in tractum relinquit omne. Ad eandem classem referas, quæ pag. 271. & seq. de Rönnovio, quondam Episcopo, & Magno Goyæo; atque pag. 304. de morte Dorothææ, Alberti Borussi conjugis, & Joannis Seningii, noster retulit: Ac denique, (ne nimis sumus curiosi,) duo loca, ubi Cragius forte visus nimium religioni induluisse, atque ad illam retulisse rerum eventuumque causas; quæ quidem multorum sententia possent alio pertinere. Talia sunt pag. 205. ubi in causas inquiri parum prosperi successus fodinarum Norvegicarum: tum ubi pag. 220. factorum Magni, alterius filiorum Regis, mutabilitatem ex cœli inclementia, quæ natalem ipsius annum terra prærique contristavit, arcessendam putat. Verum ultima hæc, & si quæ id genus plura offendantur, facile illi, quo scripsit, ævo condonanda; quippe quo non solum philosophi & theologi, sed & maximi historicorum ad paria delapsi haud raro deprehenduntur, nulla inde famæ diminutione apud gnaros & peritos lectores mutati. Unum ultimo succurrit, quod videri potest uterque historicus, & Hvítfeldius & Cragius, levi brachio egisse; hocque est, quando de partitione terrarum, oppidorum & arcium Slesvici & Holsatiæ, inter Christianum & fratres ipsius, Johannem & Adolphum, anno mxxl. iv. facta loquuntur; re scilicet haud dubie tanti momenti, ut plura videatur verba maioremque operam exposcere, quam quæ a Cragio, eandem tantum non obiter attingente (c); est impensa, Tamen si fatendum, hodie non deesse, unde plenior notitia hauriatur, aperta jam-

(S)

pridem in monumentis variis; primo quidem in ipso diplomate, seu tabulis partitionis, apud Lunigium (d) & alibi, deinde in *Descriptiōe Sleſuici & Holſatiae* per Danckwerthum (e), nec non in Adami Henr. Lackmanni Introduct. ad *hiſtor. Sleſu. & Holſt. P. I.* (f) cujus viri laudabili diligentiae eſt quod debere agnoſcamus tum CHRISTIANI III. tum aliorum ex Domo Oldenburgica Regum Danicorum memoriam. Ceterum memorabile imprimis, quod de dicta diſiſione, etiam cum primum ſuſciperetur, legimus prudentioribus iudicatum. De quo Chytræi verba audiamus (g): *Holſatia Ducis, Chriſtianus III. Daniæ Rex. Joannes & Adolphus fratres, ducatum Sleſuicenſem, & Holſatiae oppida & præfecturas inter ſe partiti ſunt. Quod multis de cauſis prudentibus quibuſdam diſplicuit, qui auctoritatem & potentiam Principum hac ratione imminui, & facile inter multos Principes oriri ſimilitates ipſi & patriæ exitioſas poſſe videbant.* Non dubio vero, quin hic locus ex iſis ſit, quæ hiftoricus accepta ferebat Henrico Rantzovio, inclyro quondam Regum Daniæ in Ducatibus Vicario. Certe parenti Henrici, Joanni Rantzovio, Heroi bello & toga ſummo pauciſque ſua ætate comparando, ſententia adſcribenda, cujus in allatis verbis ſit mentio. In qua ut eximiam viri prudentiam, nec miuorem erga Regem ſuum fidem merito commendamus, ita magis proſecto convenit admirari ſingularem pietatem & perrari exempli moderationem ipſius Regis; quippe qui tam alienum ſe præbuit ab hoc conſilio, quamvis cum incredibili ſuo ſucceſſorumque commodo conjuncto, ut etiam eius auctorem, quo vix illum ſuorum habuit fidelio rem, propemodum ad deſperationem redegerit. Etenim tam alte dolor ille in animum viri penetravit, tamque graviter ex eo affectus eſt, quod prævideret, ex neglecta tunc temporis occasione utrumque ducatum integrum & indiſiſum perpetuo Daniæ adjungendi, certam viam multis diſſidiis multisque calamitatibus aperiri, ut ſeſe deinde omni magiſtratu & præfecturis, quibus erat inſignitus, volens abdicaret, & ad orium referre conſtitueret. Hujusque rei memoriam filius ejus dignam exiſtimavit, quam ad poſteros tranſmitteret, in elogiis illis, quibus parentis effigiem, aut potius vitam ejus & res geſtas, curavit in haud uno opere illuſtrari (h).

Quod

(d) *Reichs-Archiv Part. Spec. Contin. II.* inter Holſatica pag. 36.

(e) *Cap. II. pag. 5.*

(f) *Pag. 419-424.*

(g) *Saxoniae lib. XVI. pag. 467.*

(h) In altero elogio Joannis Rantzovii, inter *Epistolae conſolatorias ad Henr. Rantzov. edit. tert. Francof. 1595. in 8vo. pag. 18.* res iſta his verbis narratur: *Ita pace facta domum reverſus, Principes tuos occupatos eſſe in dividendis Principatibus aviſis atque paternis cernens: quod tibi maxime ex graviffimis cauſis diſplicebat, (diminui enim hac ratione potentiam conjunctam videbas: ne facile oriri poſſe inter Principes ſimilitates timebas, quæ ipſi & patriæ extremam ullaturæ eſſent perniciem.) te omni magiſtratu & præfecturis, quibus erat inſignitus, volens*

Quod tandem unicum nobis restat, in Cragiano opere notandem, neque minus ex eo est genere, quod ad seculi illius consuetudinem referas. Jam tum enim plerisque, qui castigatius volebant scribere, mos inoleverat, nomina propria hominum & locorum ad genium Romani oris effingere, haud dubie ne illa ob barbaram interdum formam atque sonum, lectioni veterum Latinorum inutritis forderent. Atque hoc est, quod omnes norunt in Thuani historia magnam lectorum partem offendisse. Quoniam vero istud in scriptore nostro incommodum non adeo profecto late regnat, eoque minoris habendum, quod non ultra vernacula, hoc est, Danica nomina se extendat, (nam prudenter peregrina solet cuncta usitatis appellationibus designare,) haud existimavimus operæ pretium esse, eorum vernaculam interpretationem, exemplo nuperi editoris operum Thuani, paginarum oris subijcere. Accepimus tamen postea, nempe exscripto jam typis opere, aliis displicuisse, quod non fecerimus. Itaque eorum desiderio ut obsequamur, in peculiarem indicem omnia ista congestimus, in quibus hæsitare etiam cives nostri, aliique nostrarum rerum non adeo imperiti, possint. Atque hic non dissimulandum, rectius fecisse Meursium, quod plerumque in hac parte a Cragio prudens recesserit. Nam apud illum non *Slæviga*, *Collina*, *Svenopolis*, *ostium Dravi*, *Liberi mons*, & similia, quæ Cragio adamata, sed eorum loco communia magis, *Slefvicum*, *Coldinga*, *Svenoburgum*, *Travemunda*, *Lybersboja*, ubique fere posita cernuntur. Neque enim usquam memini, vel in hac, vel ceteris a Meursio elaboratis historiæ nostræ partibus, alio, quam Cimbriæ nomine vocatam nobilissimam Daniæ provinciam, quam Cragius maluit constanter Jutiam appellare. Atque hæc de prima & præcipua voluminis nostri parte dicta sufficiant. De reliquis nunc videlicet.

STEPHANII duos Historiæ Danicæ libros, qui res memoratu dignas complectuntur in Dania gestas, regnante CHRISTIANO TERTIO, ab anno Christi MDL. ad annum MDLIX. (quemadmodum opusculum inscribitur.) quod Cragio addiderimus, quivis, etiam nobis tacentibus, propterea factum intelligit, quod relictam a Cragio novem annorum enarrationem persequuntur ac suppleant. Quanquam enim continuando labori Meursiano, non vero Cragiano, unice ab auctore sunt destinati, tamen ita sunt comparati, ut eodem jure, eisdem prorsus rationibus, utrivis adjungi possint, imo debeant; cum, si ad rerum gestarum seriem attendatur, neque alio loco, ac ne quidem

lens abdicasti: Et cum tuis in posterum honorifice & quiete vivere decrevisset, retentis solummodo illarum functionum fructibus, quæ erant usque ad mortem tibi literis scriptis confirmatæ, & ex merito datæ. Ille recessus pristinam Christiani erga te benevolentiam plane evertit: ac tali suspitione animum ejus pupugit, quasi aliis ex causis se ab ejus negotiis subduces, adjuvantibus clandestinis plurimum inimicis, & intendentibus præsertim eo, ut fides & subtilibus rationibus viam invenirent, qua alioqui præclarum Regem, erga te ingratum efficerent. &c.

dem mutatis verbis, Meursius suam abruperit historiam, quam quibus Cragii illa est finita. Adeo ut posset dubitari, utrum illorum supplere fuerit propositum Stephanio, nisi, præter generi ejus Joannis Jani Suaningii testimonium, ipse id confirmasset auctor, in litteris ad Ger. Jo. Vossium, anno MDCXLVI. d. XXIV. Aprilis scriptis, in quibus hæc inveniuntur: *Totus nunc in eo sum, ut historiam Christiani III. Danorum incliti Regis, post beatum Meursium, ad finem perducam*; ac in aliis litteris, paullo anterioribus ad Ol. Wormium, eodem anno mense Februario datis; *Ceterum, inquit, ut satisfacias quærentibus de meis lucubrationibus, totus nunc in eo sum, ut ultimum illud imperii novennium, quod in terris exegit sanctissimæ memoriæ Princeps Christianus III. Rex Daniæ, expediam & absolvam. Et si DEUS mihi vitam ac valetudinem suppeditaverit, præcipiti autumno lucem videbit supplementum illud Historiæ Meursianæ.* Unde pariter discimus, quo tempore scriptiorem exoritur est. Verum ad eandem absolvendam, multo sane, ut fit, plus temporis sibi sumendum esse experiebatur, quam initio cogitavit. Nam triennio post ad eundem Wormium scribebat, (anno MDCXLIX. d. 19. Februar.) suam *Christiani III. historiam jam finem spectare, eamque paucos intra dies absolvi posse.* Ingressus autem ad hanc operam fuit juiiu illustis & magnifici Viri Dn. Christiani Thomæ, Regiæ Maj. Cancellarii, de literatis hominibus suo ævo optime meriti. Qui etiam videtur auctorem ad opus statim publicandum incitasse. Et jam prælo erat typographi Sorani commissum, cum auctor moreretur. Is enim d. 22. Aprilis anno MDCL. vitam finivit, & proximo mense exscriptum typis librum ac paratum fuisse, ut Regi offerretur, apparet ex laudari Svaningii dedicatione. At vero, qui factum sit, & quare Cancellarius, auctor & suasor scriptiõis, permittere voluerit, ut scorsim emitteretur in lucem, antequam Meursianus labor, cujus vere supplementum erat, conspiceretur, omnino non intelligo. Atque si, quemadmodum facile conjicio, Stephanio ejusque patronis eapropter fuerit conceptum hoc consilium, ut per scripti editionem diligentia viri ostensa & declarata, a Rege expeditius ei annua, (quæ constituta erant satis lauta, sed forte per difficultatem temporum minus accurate præbita,) impetrarentur, saltem debuissent ii, quorum res erat, curare ac providere, ne CHRISTIANI III. merita & res gestas posteritas, nisi quæ ad ultimos annos pertinerent, ignoraret. Etenim si Meursium, siue Cragium nobis dedissent, nihil essent, quod incuriam eorum hodie, (ne acerbior utamur vocabulo,) accusaremus. Etiam si dissimulare non possumus, tanto gratius jucundiusque nobis accidere, dilatam rem esse in hoc tempus, quo scriptoris utriusque famæ nostra qualicumque cura prospectum. Nam, si tunc Meursius comparuisset, vel una cum Stephanio, vel separatim, quis ullam potuisset postea cogitationem suscipere de Cragio proferendo: cujus tamen unius diligentia, studio & vigiliis omne istud, quod in hac historia excellens iste Batavus præstitit, acceptum ferendum? Sed ad Stephanium redimus. Fuit is, quod inter omnes constat, vir doctissimus eruditissimusque. Et loquuntur hoc satis eximie illæ notæ ad Saxonem Grammaticum, ut cetera ejus scripta taceamus. Neque ab

eo visum quicquam prodiisse. quod non eruditionem & industriam saperet. cumque insigni esset conjunctum utilitate. Habuerat parentem. virum optimum ac perdoctum, Joannem Stephanium, in Academia Hamnensi Logices professorem, ac præsidem demum scholæ Soranæ factum, post obitum Jonæ Jac. Venufini, qui in isto munere aliter fuerat a nostro Cragio. At Joannes, omnibus fere decessoribus suis vivacior, superfuit ad tempus, quo Soram novo decore illustratam adspiceret, simul autem munus sibi abrogatum: ut cujus reditus novæ ibidem fundatæ Academiæ Præfecto accessere, recipiente eorundem loco Joanne ampla quædam Roskildæ & Ripis sacerdotia, seu Canonicatus, ut vocantur (i). Filius autem, de quo nunc sermo est, *Stephanus Joannis Stephanus*, fuit adhuc, dum illa contigerunt, admodum juvenis ludumque Slangendorpianum in Sællandia regebat. Aliquanto vero post, & anno quidem MDCXXVI. vergente, in Belgium proficiscitur, eruditionis amplificandæ causâ: atque ibi in magnorum virorum, Heinsii, Vossii, Cunæi, Pontani, Scriverii, aliorumque amicitiam & familiaritatem recipitur, sicut ex mutuis ipsius Vossiique, nec non Pontani epistolis, inter eas, quas Colomesius & Ant. Matthæus vulgare, perspicitur. Prælusit ibi famæ suæ majorique operi, editis intra annum brevibus emendationibus & notis in Saxoniæ, quæ Lugduni Bat. impressæ, Heinsiique & Vossii nominibus fuerunt dicatæ. Atque per hoc ipsum opusculum Cancellario Frisio insinuatus, filio ejus postea inscriptis syllogen *Traſſatum de regno Danie & Norvegiæ, insulisque adjacentibus, juxta ac de Holſtia, Ducatu Sleſvicensi & finitimis provinciis*, quam Elzevirii ceteris, sic dictis. *Rebuspublicis*, minuta forma a se editis, adjecerunt. Factum hoc anno MDCXXIX. Circa cujus finem, ejusdem Cancellarii jussu, literis autem Olai Wormii, domum arceſſitur ad ambiendum eloquentiæ docendæ munus in Academia Sorana: quod & sequenti vere adiit. In isto otio Saxoni emaculando & amplis commentariis instruendo integrum decennium incubuit, hocque absoluto, Svenonem in lucem protraxit, Saxoni olim contubernalem, istoque priorem quidem scriptione, sed magnitudine operis & præstantia multo inferiore, itidem cum notis & opusculorum veterum mantilla: donec tandem Saxo anno MDCXLV. prælo liberaretur. Jam verò antea, (& quidem brevi post evocatum fato ex hac vita Joannem Meursium,) spartam historiographi obtinuerat. Quam optandum oppido fuisset ut egregio licuisset viro ad longius

(T)

gius

- (i) De eo viro sic loquitur Jo. Svaningius in *Prolegom. ad Chronol. Dan. p. 30. Jo. Stephanus, vir cum cura dicendus, monasterii Sorani Præses, Canonicus Ripensis & ad historiam Danicæ condendam a Rege Sora evocatus: quam spartam felicissime ornasset, si diutius superſtes videretur*. Igitur huic inter Lyschanderum & Meursium in historiographis a Rege designatis locus dandus. Mirum autem, Sora evocatum esse ejus muneris exercendi causâ, cujus gratia alii eo amandarentur. Sed verior causâ, quam tradidit Vindingius pag. 195. nosque jam retulimus. De cetero spartam ejusmodi felicissime ornare tunc quidem incipere, cum ætas septuagesimo anno appropinquet, aliquid habet singulare.

gius tempus ornare. Nam præmatura morte, ætatis anno LI. extinctus, doctrinæ & diligentia suæ triste desiderium reliquit; siquidem ab ipso tot alia expectabantur: *Historia Frederici II. Regis; Veterum opusculorum ad res patriæ illustrandas sylloge; Quintiliani Institutiones oratoriae, cum totidem, hoc est XII. ad eas commentariorum libris*, ac forsitan alia. Horum enim, quæ nominavi, ipse mentionem ac spem fecit in laudatis suis ad amicos epistolis. Postea, quodcunque in suppellectili sua sive impressorum sive manuscriptorum librorum possederat, una cum ipsius viri lucubrationibus, transivit ad posseditores externos, jamque, ut credo, Holmiæ Svecorum asservatur; nullo scilicet in patria invento, cui ab heredibus thesaurum redimendi esset cura. Hæcque habuimus de præstantissimo viro nunc dicenda; quibus, quæ Albertus Bartholinus *de scriptis Danorum*, Mollerus in *hypomnematis* ad eum, & Albertus Thura in *Idea Histor. literar. Danicæ*, observarunt, possunt adijci.

In comparandis cum Cragio dotibus ac virtutibus Stephani, quantum ex scriptione hac spectentur, non multi profecto erimus. Neque enim, quando prudentium hominum judicio expendentur, multos fore opinamur, qui de primis Cragio deferendus tantillum censeant ambigendum. Stephanio nemo dixerit ingenium defuisse; sed historicum ingenium tantum tamque corroboratum adfuisse, quantum in altero illo eluxit, vix credimus existimari posse. Cetera, quæ ad fidem & candorem, & sincerum de rebus, quæ referuntur, judicium, præcipua ejusmodi scriptoris ornamenta, pertinent, habet uterque omnino, quibus ad parem cum optimis historicorum laudem aspirare possint. Et quid demum est, quod in Stephani stylo desideres? quippe qui tam cultus illi fuit & castigatus, ut meliorem vix optaveris; quamvis non æque, atque Cragius, oratione sua assurgat. At vero quantamcunque hæc singula commendationem componant & concilient, tamen ea mihi jamdudum sedet opinio, haud facile ex animo evellenda, Cragium, si vixisset, atque novem illos annos excurus, totum denuo ab initio annalium opus lima sua percurrisset, perfectius aliquid & exquisitius Stephaniano opere & majori industria elaboratum fuisse daturum, non quidem in domesticis, sed in iis, quæ appellantur publica, & cum extraneis agitata sunt, enarrandis. Contra in nonnullis videri potest Stephanus orationem distulisse, ubi etiam non tanta diligentia requirebatur; quemadmodum, ut alia loca taceamus, cum de Waldensibus agit, *pag. 336. & seqq.* Tametsi in ista causa facile veniam impetrabit, si animadvertatur, supplementum hoc, non Cragio, qui operosus satis fuerat in isto homine describendo, sed Meursio, quem ejus nunquam meminisse supra diximus, destinatum. Verum inter ea, ob quæ incuriæ notam vix poterit effugere, ponimus primo, quæ ad annum MDLIII. taceri profecto non debuerat, memorabilem operam, quam CHRISTIANUS, Augusti Saxonis, generi sui, rebus contulit, in reconciliando ipsi Alberto Marchione Brandenburgico. Poterat ex Sleidano hæc acci-

accipere, si forte nihil alibi occurreret. Jam vero pactionis tabulæ, quas integras protulit Hortlederus, amplissimam rei fidem faciunt. Deinde, in sequenti anno MDLIV. pari indiligentia, minusque adhuc excusanda, omisit quæ inter Johannem Fridericum Electorem, & Augustum fuere transacta; cum tamen, quantum in eis fuerit laboratum Regi nostro, unico præsertim compositionis arbitro, non solum Sleidanus, Thuanus, atque alii commemorarunt, sed & ipsa acta, & conventio, ut vocatur, *Naumburgensis*, passim invenienda (k), pluraque istud loquuntur. Insuper & hoc mirum, quod, cum indefessam & perpetuam quandam Rex piissimus pro Johanne Friderico, cum ante, tum post liberationem ejus, curam & laborem impenderit, neque unquam ab officiis istis cessarit, tamen historicus noster crediderit, satis suo munere se defunctum esse, si, quam anno MDLI. (l) inrexit, angustam satis rei expositionem daret: Cum tamen pluribus literarum & legatorum missionibus, & hoc, & eo, qui sequebatur anno, negotium sit peractum: & postquam laudatus Princeps liberari esset restitutus, id effecerit porro CHRISTIANUS, ut huic eidem omnium, quibuscum antea dissidebat, Electorum ceterorumque Principum amicitiam procuraret. De ista re enim, ut alia deessent, disertum extrat testimonium in monumentis *custodiæ & liberationis*, apud Hortlederum (m). Ad summam, sunt ista, & fortasse plura, quibus excutiendis nunc inhaerere non vacat, talia judicanda, ut censorum reformident paullo severiorem, admodum vero indulgentem desiderent. Levius hoc profecto, & nescio an dignum nostra animadversione, quod inter exules, qui in Daniam ex Anglia venerunt anno MDLIII. (n) nominet Carolum Urenhovium, pro Joanne, ejusdem cognominis viro, ac, ni fallor, stirpis etiam, cum uterque Gandavus fuerit. Qui lapsus, (pariter Hvittfeldio, nec non pluribus, quos vidimus, imputandus,) eo facilius, quo doctis viris Carolus e scriptis notior; de Joanne vero parum admodum sciatur, præterquam ecclesiæ Belgicæ, quæ in Anglia, Eduardo Rege, hospitabatur, fuisse presbyterum & seniore, exiliique deinceps comitem: cujus & decantatam illam historiam, edidit (o). Sed neque acta illa itineris Dani-

(k) Hortleder. *Tom. II. lib. 3. cap. 88. a pag. 968. ad 975. Glosy Kern der Geschichte des Chur- und Fürstl. Hauses Sachsen, pag. 1034. num. 5. Müller Sächsische Annalen pag. 12a. &c.*

(l) Pag. 350.

(m) *Tom. II. L. 3. pag. 966. parti quarta initio*, his verbis concepto: „Nach „S. F. G. Heimkunft haben sie sich der Regierung ihrer fibrigen Fürsten- „thumb und Land ernstlichen und mit allen Fleiß angenommen. Auch „mit allen ihren Widersachern, von Chur- und Fürsten, mit welchen sie „in vor Jahren in Miß-Verstandt gerathen, auff Unterhandlung König „Christians zu Dennemarck, und anderer fürnehmen Fürsten und Po- „tentaten gar freundlich vereiniget. &c.

(n) Pag. 362.

(o) Ediderat præterea anno MDLIII, *Confessionem Emdensem*.

Danici Joannes a Lasco, cum Emdæ confidebat, publici juris fecit, qui alter error est Stephani; sed post quadriennium, in parriam suam Poloniam reversus, negotium ea conscribendi dedit Joanni Utenhoviæ a quo itidem in Polonia concinnata, demum Basileæ, typis Oporini excusa sunt anno MDLX. mense Martio, cum interim binis ante mensibus, die scil. VIII. Januarii, Joannes a Lasco e vita emigrarat. Verum id, quod Lasco Emdæ scriptum est, fuit duntaxat epistola, quam ad Regem nostrum referendam, famulo regio, qui in itinere eum ceterosque Emdam usque comitatus fuerat, tradidit: istamque. *Admonitionem ad Regem Dania* inscriptam, subjecit, cum alia quadam appendice, Utenhovius dictæ suæ narrationi. Atque hæc quidem ad Stephanium. Ceterum, quod attinet ad rem ipsam, non habeo in præsens, quod auctoris verbis addam, ut videlicet optimum Regem de eo, quod profugus hospitium denegarit, excusent; postquam isti criminationi tam multa reposerunt alii (p). Inter quos unum sufficiat Pontanum nostrum nominare, cujus vel ideo, quia Reformatorum, ut vocantur, sacris erat addictus, testimonium ex historia ejus, tunc inedita, hodie luci publicæ exposita, ceteris ejusdem sectæ opposuit Hector Gottfridus Masius, celebris nostro ævo in Acad. Helm. Theologus, in *epistola ad Bart. Boissacum* (q). Agnovit scilicet Pontanus, haud parum rem exaggeratam esse ab Utenhoviæ. Quid si revivisceret ille, ac videret, quam feliciter elegans ille commentator, de cujus obrefectionibus & calumniis assatim supra agebamus, hanc omnem exaggerationem admodum paucis versibus conclusit & absolvit (r). Nempe hoc demum appellare possumus *in scriptis* multa lectorem docere, ac tot crimina uno velut fasce complecti. Sed hoc etiam appellamus parum sincere agere, quando ea dissimulantur, quæ acerbissimis etiam suis querelis Lascius & Utenhovius in honorem & excusationem Regis passim immiscuerunt. Adeo scilicet averſatus ille homo id omne, quod vel minimum obſtaret consilio suo, innocentissimum Regem omni occasione proſcindendi. Itaque ut pateat, quænam illa sint, quantumque inter Joannem a Lasco, virum, quem doctum & pietatis studiosum fuisse non negavero, sed vehementis ingenii & liberrimi oris. (qualis & summis suis laudatoribus fuit cognitus (s),) quique recentes ex accepta, ut putabat, injuria gerebat

iras,

- (p) Nempe præter Pontanum & Masium nostros, Theologi Saxonicæ, libri germanici *Histoire des Sacraments* auctores, (qui fuerunt Nic. Selneccerus, Timoth. Kirchnerus & Mart. Chemnitius,) fuisse, à pag. 124. ad 130. ubi inter alia affirmant, historiam illam Utenhovii, postquam edita esset, multis Reformatorum, ac præsertim Lud. Lavatero non admodum placuisse.
- (q) Est hæc inter *Dissertationes* Masii num. XXVI. vid. ibi pag. 1018. & 1020. seqq.
- (r) *Commentar. rerum gestarum seculi XVI.* Lugd. Bat. anno MDCCX. edit. pag. 125.
- (s) Vid. Ubb. Emælii *Histor. rerum Frisicar. lib. LX.* pag. 950. ubi inter alia

iras, & alterum illum, nuperum nostrique temporis scriptorem, tan-
toque magis omnes irascendi causas procul habentem, interfuit, sub-
jiciam hoc loco quædam, ex peracerba illa Lascii *admonitione*, qua
cum Rege exposulavit; saltem ut, si qui adhuc existant, obrectatori
quem indicavimus similes, ab oculis & ab animo delectant. Ita au-
tem in dicta *Admonitione* pag. 240. *Negue ideo, quod te ita peccasse dico,*
commoveri proinus, mihi que succensere debebis, Rex potenterissime: siquidem,
quod diceris, vere te etiam esse declarare cupis, nempe Regem Christianum.
Multo minus autem cogitabis, me eo ad te animo scribere, quasi per te offen-
sus, tuæ vicissim Majestati atque exultationi Regiæ quicquam omnino detra-
ctum, aut ullo prorsus modo aspersum velim. Equidem pluri est apud me
præcellentis tuæ vocationis, in Ecclesia Christi, excellentiæ, tuæ item specta-
ta alioqui toti orbi probitas, & studium singulare erga religionem, etiam si ju-
dictio circa illam (ut homines sumus omnes,) alicubi fallaris: quam ut unus
aut alterius peccati nomine, dignitatem, exultationem atque gratiam apud
omnes tuam elevari quovis modo, ne dicam labefactari, velim. Imo vero
gratias ago Domino DEO nostro, quod te talem Regem, (quod ad te quidem
attinet,) suæ Ecclesiæ nostris hæc temporibus donaverit: & opto, ut alia
quoque orbis Christiani regna, perinde amantes religiosi ac publice tran-
quillitatis Reges, Divino beneficio habere possint. &c. Et postea pag. 253.
Quamquam nemo est, qui probitatem, candorem, integritatemque tuam, de-
niique & studium tuum erga religionem, non libenter agnoscat: nisi quod do-
lemus, te, impudentia atque hypocrisis quorundam transversum agi: donaque
DEI in te per illos infamari. Alioqui probitate atque integritate tua factum
videmus, ut et si publica vitiorum censura damnati essemus, tua tu inter-
rim erga nos beneficentia sis usus: & tuam peculiariter erga me propensio-
nem clementer declaraveris etiam, dum & liberos meos, istis relictos, in cu-
ram tuam te recepturum esse mihi indicares, siquidem id tibi permitterem &
supellectilem meam istis aservari posse permitteres, donec pro illa missurus
essem. Hæc sane non levia nobis argumenta fuerunt, agnoscenda probitatis
& benignitatis tuæ: nobisque hoc etiam gratiora, quod non obscure testa-
rentur, condemnationem nostri illam apud te factam, eo apud te loco non fu-
isse, ut eodem plane loco cum deploratis illis hæreticis poneret, quibus ta-
men adnumerabamur: quos alioqui munificentia tua sine placulo juvare non
potuisses. Quod igitur munificentia tua in nos sis usus, quodque tuam erga
me peculiariter propensionem declarare volueris, id sane ex tua ipsius adna-
ta probitate & clementia factum esse non dubitamus, tuæque Majestati Regiæ
hoc nominis summa cum observantia gratiam habemus: oramusque, ut eo nos

(U)

animo

alia de actis inter eum & Albertum Hardenbergium anno MDLIV. Et
quamvis placabilem viri animum, qui ab ira facile ac statim revocaretur,
multis ibidem extollat Emmius, notari tamen velim ~~ex~~ integro post id
tempus biennio scripsit ad Camerarium Melanchthoni, Nonis Julii anno
MDLVI de Hardenbergio & Lascio: *Adest Albertus Bremensis, qui*
narrat suam ecclesiam quidem DEI beneficio tranquillam esse, sed in
vicinia augeri dissidia hospitum, qui ex Anglia redierunt, contentionibus,
ac desiderat etiam in veteri suo amico Sarmatico moderationem.
Ille vero Sarmaticus erat Jo. à Lascio, qui nihil moderati spirans, domi-
nari ubivis voluit, ipsisque Reformatis fatentibus, per imprudentiam &
contentiosum ingenium non solum in Dania, sed & alibi rebus suorum
offecit.

animo completi etiam pergas. &c. Sic nempe scribebat Lascius, & in hanc sententiam plura, vigesimo die, postquam Coldinga a Rege discesserat. Nam reliquit eam urbem die xviii. Novembris; & epistolam ad Regem die xi. Decembris exaravit Emdæ. Erravit autem Mafius noster in anno, quem MDLV. credidit, cum vere omnia contingerent anno MDLII. sicut rectissime monuerat adversarius ejus D. Samuel Andrea. Nam Hvitfeldium & Pontanum, ad annum MDLV. de his commemorantes, liquet aliis de causis id fecisse. Neque necesse, ut cum eodem Pontano existimemus, istos ex Anglia exules, qui cum Lascio, Utenhovie & Micronio simul huc fuerunt advecti, a Buceris heredibus, in epistola ad CHRISTIANUM, designari, ex eo quod dicitur, liberalitatem regiam expertos esse: cum non semel, sed omni tempore, sed perpetuo, infinita in pauperes id genus & Evangelii causa profugos similia beneficentiae documenta Rex ederet. Habemus de hac ejus virtute tot alias epistolas, cum editas tum ineditas, Lutheri, Melancthonis. Bugenhagii, Geo. Majoris, Jo. Sturmii, Jursti Jonæ, aliorumque magno numero. Sed quid vetat, ipsos Buceris heredes etiam hic audire loquentes? Ita ii: *Quis illam pro dignitate predicabit hospitalitatem & magnificentiam, quam Regia Tua Majestas exhibuit in exules, & ob Evangelii professionem ex Germania & aliis nationibus profugos? qui ad Regiam Tuam Majestatem, tanquam ad Christianam religionis asylum confugerunt: quos omnes tam humaniter, tam benigne, tam liberaliter R. T. M. excepit, tractavit, aluit, ut se non in exilio, sed in vera patria; non apud externum Regem, sed apud suos versari Principes & Magistratus existimaverint. Sunt & alie virtutes tue non vulgares, quas, nisi epistole excluderemur angustia, hoc loco libuisset commemorare. Vere enim dicere possumus, Regiam Maj. T. Davidis, Ezechie, Josæ, Theodosii, & aliorum Regum insistere vestigiis, & eorum in religionem & DEI cultum per omnia præ se ferre studium (t). Indicarunt quidem, ut jam visum, non ex Germanis tantum, sed & ex aliis gentibus profugos. Et nihil profecto verius, quam & Belgicæ, & Anglicæ, & Gallicæ nationis bene multos iis temporibus perfugium & præsidium afflictis rebus suis quaesivisse in hoc regno, atque ab iis, qui sedem hic stabilem optarent, nihil admodum fuisse exactum & postularum, nisi ut tranquille degerent, nihil turbarum darent, nihil in receptis hic ritibus novare cogitarent. Idque tenuit, donec animadversum esset, in ista multitudine exulum, hic indies confluentium, dari haud paucos ex Anabaptistarum grege, nec non alios qui diversas suas sententias de Cœnæ Dominicæ sacramento amabant imperitiæ plebi, spreto mandato regio, persuadere. Qui, cum iterum commonerentur, non verebantur solenne illud usurpare, ac regerere, quod legitur *Act. V. 29.* Tunc vero crescenti malo obviam eundem Rex censuit, peculiari lege propudie Cal. Octobr. MDLV. promulgata, cujus mentio fit a Stephano pag. 378. Atque ad istam rem, præter id, quod ipsa dicat*

(t) Ex epistola, qua Mart. Buceris heredes Regi CHRISTIANO III. inscripserunt opus Bucerianum, cui tit. *De regno Christi Jesu Servatoris nostri Libri duo, ad Eduardum VI. Angliæ Regem annis abbas sex scripti &c. Basil. per Jo. Oporin. 1557. mense Septembr. in Fol.*

Etat sapientia, (quicquid declamitent commentator Batavus, eique similes,) auctores multos habuit Theologos, ex moderatissimis, nominatim Philippum Melanchthonem; qui & hanc suam declaravit mentem in epistola, scq. anno scripta ad Joach. Mollerum (u): *Doctrinae studia, DEI beneficio, mediocria sunt in his Academicis. Et consensus est omnium Academicarum inde usque a jugis Thuringicis ad insulas Danicas; etsi vagantur privatim aliqui, qui vel Serveticas reliquias, vel alia deliramenta circumferunt; adversus quos consensum Academicarum aeternum esse opto (x).* Et, quam parum causae sit, ut CHRISTIANUS nimii illius rigoris sit accusandus, ex eo discitur, quod Bucerum, quem maximi aestimabat, in Daniam invitaverit, anno MDXLVIII. Qua de vocatione etiam heredes illius viri loquuntur in epistola nuper indicata, his verbis: *Itaque cum R. T. M. in summo dignitatis loco collocata, hisce virtutibus praedita sit, ac nostrum parentem tanta benevolentia prosecuta: non nobis tantum, sed aliis quoque viris bonis & doctis visum est aequum & conveniens, ut hic liber de REGNO CHRISTI, tibi CHRISTIANO REGI dedicetur, quem parens noster paucis mensibus ante suum & Eduardi mortem absoluit: quem & Regia Tua Majestas post Lutherum proximo loco coluit, ac singulariter dilexit, ita ut illum ad se Regio diplomate vocaverit. Ac nimirum eodem in loco dignitatis in tuo regno fuisset, quo illum Rex Angliae collocaverat: nempe, ut in clarissima regni tui Academia Hagiensis theologiam & sacram Scripturam fuisset professus, nec ille, si non jam antea suam operam Eduardo condidisset, tam honorificam & praeclaram provinciam a R. T. M. oblatam recusasset. Nam illam sic fuit admiratus, ea semper prosecutus est observantia, ut alterum se Christi Ecclesiae lumen vocare non dubitaret. Finem imponam huic capiti, cujus longitudini causam dedit commentatoris toties nobis molesti iniquitas. Quam autem vellemus, ut dedisset plures ille nobis commentarii sui partes, continuatas ad ea usque tempora, de quibus Brantii *Historia Ecclesiarum Belgicarum, Praestantium Virorum Epistola, Episcopi Vita, Grotii Apologeticus &c.* agunt, ut videre & cognoscere licuisset, an auctor, qui Regi nostro, ob illam ecclesiasticam Danicis, ne a peregrinis & contentiosis hominibus lacerarentur, adhibitam cautionem, tam insensus exiitit, pari modo voluisset in cives suos scire: a quibus, ea profecto perpetrata, quorum, per DEI gratiam, perque nostrorum Regum summam pietatem & admirabilem sapientiam & aequitatem, nos adhuc immunes sumus.*

Pag. 389. de Petro Oxe narrationem Stephanus talem instituit, ut praeferri minime nobis possit sine animadversione. Primo enim

(u) Lib. 2. epist. 547. col. 444. edit. Londin. fol.

(x) Addi possunt, quae idem magnus Vir scripsit ad Palladium, in epistola, *Isagogae* hujus ad libros *Propheticos* praefixa, anno MDLVII. *Cumque sapientia incliti Regis & piorum doctorum in regno vestro diligentia sic regantur studia discipulorum, ut non concedatur licentia cavillandi, nulliter consuevit Ecclesiarum tranquillitati, & ingenia ad modestiam assuefuerunt. Omnia quamvis recte tradita labefactari possunt, si cavillationes audiantur. Ideo gravissime Paulus jubet, doctrinam canonem retineri.*

enim refert, sed ex fama tantum, ob scriptas ad Gallie Regem su-
spectæ fidei litteras, a Rege in jus vocatum, ideoque ejus iræ ce-
dentem, in Belgium abiisse. Deinde cum causæ cognitio esset in
commodius tempus dilata, memorat eum, idoneis excusationibus
allatis, Regem placavisse, ac in patriam revocatum, ad summum
dignitatis fastigium ascendisse. Arque ita omnia, offensam, fugam,
exilium, restitutionem, in eundem locum conjicit, & sine ulla
temporis distinctione connectit auctor, ut uno eodemque anno esse
acta credas, cunctaque sub CHRISTIANO III. contigisse. Cum ta-
men exilium ad octonos fere annos durarit, & reconciliatio cum
FRIDERICO II. facta sit. Hæc vero, quantum ad posterius, mera
in Stephanio est inconsiderantia; siquidem ipsi tempus, quo Oxus in
gratiam receptus, & eminenti illi munceri præfectus fuerit, non pos-
set magis, quam nobis, ignoratum esse. At ex verbis ipsius nullus
id quisquam divinaverit. Contra, si de illis quærat, de quibus ac-
cusatus vir iste, quidque ipsum, jam tum ab anno usque MDXLII. re-
gni Senatorem, & qui gravissima negotia domi forisque obiverat,
(in quibus & illa fuerant, inter Johannem Fredericum & Augustum,
Saxonie Duces, anno MDLIV. tractata (y),) ad fugam meditandam
& vertendum solum impulerit, hæc quidem videntur scriptorem no-
strum laruisse: cui incerta quædam fama tanto facilius inposuerat.
Etenim, quod ad commercium cum Rege Gallie spectaret, nihil in
hac causa occurbat. Erant vero alia quædam, ex quibus offensio-
nem aulae in se concitaret; & quorum loco, cum nec ita liquido con-
firmata, nec adeo enunciata res fuerit, istud de litteris ad Gallum, ex
conjectura, ut fit, suppositum, postea sermone vulgi percrebuit. Ve-
rior nimirum culpa, quod Petrus, ingentis spiritus vir, & ad opinan-
dum perstringendumque aliquanto acrior, in eis, quæ Regina obri-
nuisset, ejusque auctoritate gererentur, fastidiosum se præberet. Vn-
de infimulatus, quod Reginae destinatis obstitisset, ceperat ea minus
propitia uti; illa vero deinceps ad averrendum ab ipso Regis animum
facile viam reperiebat. Namque & is erat Petrus, qui tum tempo-
ris non difficulter criminationibus pateret; neque ita in occulto sese
actionesque suas continebat, quin obnoxie fierent inimicis. Quippe
divitiis præpollens semperque amplioribus extruendis intensus, præ-
ter avitas possessiones, nec non præfecturam muneri suo additam, va-
ria a Rege prædia pignori acceperat; in quibus, sive ipsius, sive pro-
curatorum vitio, haud semper ea agi, quæ justa essent, multa vero,
quæ legum æquitati & ærario publico fraus fieret, fuere qui magna
sedulitate ad aulam deferebant. Accesserunt illa in Petrum Due-
rum nobilem perpetrata, quorum Stephanus meminit; quem virum
alibi Georgium nominatum, & quidem rectius, ut puto, observavi.
Hinc

(y) Invenio etiam anno MDLVII. legationem obivisse ad Uldaricum Ducem
Megapolitanum, Regis sororium, ad levandam e sacro fonte natam ei
filiam *Sophiam*, quæ postea Regina Danie & FRIDERICI II. con-
jux extitit. Celebratum fuit baptismale hoc festum die XVII. Octobr.
dicti anni.

Hinc Senaru primum abstinuit. deinde eo, non quidem (ut alicubi memini annotatum.) motus est, verum sese ultro abdicavit, impetrata a Rege venia secedendi in villas suas: postquam se fidem regie domui servaturum, nec regnum absque permisso relicturum, datis vadibus sponderat (z). Sed brevi post, de iis ipsis causis, quas indicavimus, in illum actio instituitur, quam is fuga prævertendam duxit; relicto fratri Eschillo & affinibus suis mandaro, ut ad omnia, quorum accusaretur, responderent. Hi judicatum solvi cum Regi non satisfacere, causa Senatorum regni sententia, in comitiis publicis Neoburgi in Fionia habitis, condemnatur (aa). Interim ipse in terris Luneburgicis, Ultzenæ & Dannenbergæ, quo ad Henricum Ducem Luneburgensem sese primo receperat, agebat. Indidem, die v. Julii, supplices ad Regem mittit litteras, quibus abitum fugamque suam excusat, & quod haud ullo earum rerum metu, quarum actio intenderetur, verum ut gravius periculum evitaret, hoc consilii sibi caprum. Inprimis de inimicorum pravitare & injuriis deplorat gravissimeque conqueritur, ac quod famosus exierit libellus, quo Regine odium & alia contumeliosa, quorum tamen omnium innocentissimus sit, congesta. Sed cum neque ista deprecatione, neque fratris ceterorumque opera aliquid efficeretur, haud securum se apud Luneburgicos, Regi upote conjunctissimos, suspicatus, Daventriam. Transsylvaniam urbem, concessit: ubi mox in morbum incidisse, ac supremum diem obiisse, falsis rumoribus in Daniam defertur. Hinc in Lotharingiam se recepit: quam pro filio administrare nondum desierat Christina, Christerni II. Danie quondam Regis filia, magni animi & eminentis supra sexum suum prudentie femina. Illa vero, ut quæ nunquam abjicere animum de regnis Danie & Norvegie sibi suoque generi vindicandis voluit, jam intellecta CHRISTIANI III. morte, spei suæ imminendum rata, cœperat agitare, quomodo ad propositum finem perveniret. Et quidem de ista re, deque consiliis, quæ Christina tunc iniverit, nonnulla extant consignata in litteris Ulrici Mordisil ad Languetum, atque in alteris, ad eundem a Langueto, utrisque anno MDLIX. Novembri mense scriptis (bb). In posterioribus hisce, præter alia cognitione digna, narratur, *fama fuisse, procurante Petro Oxen, Ducem Lotharingie cum Spoco sado adversus Regem Danicum junxisse.* At Fridericus II. hæc omnia, per Saxonicos aliosque, edoctus, tanquam in transfugam & majestatis reum severe animadvertendum censuit, fecitque omnia ejus bona. ex jure & legibus

(X)

- (z) Anno MDLVIII, die XVIII. Februarii. Et sponsores, qui cum eo obligationis litteras signarunt, fuere Johannes Bernecow, Cornificius Ulfeld, & frater ejus Johannes Oxe.
- (aa) Eod. anno, die XV. Junii: ac postea alia sententia, a Cancellario regni lata, circa finem anni.
- (bb) *Lib. 2. epist. 5. & 7.* earum, quas ante multos annos orbi communia-vit vir excellens Jo. Pet. de Ludewig, tot hucusque monumentorum, præsertim veterum, editione immortaliter de re historica meritus, Felicia monumenta, quæ in talium sospitatorum manus inciderint.

bus regni, fisco adjudicari. Ex quibus Gisselfeldium, nobilissimum Selandiæ prædium, aulæ tunc Mareschallo Friderico Burggravio de Dhona, beneficiario jure concessum; quo circa annum MDLXV. mortuo, ad Regem rediit, ac brevi post Hackio Ulstindio traditur. Porro in omnes, quos constaret ex famulis suis Petrum in Dania reliquisse, diligenter inquisitum fuit, ne quis vel hinc discederet, vel ad ipsam ea, quæ in regno gererentur, perscriberet. Atque ægre tum quidem poterat inter homines ambigi, quin vir ille, vindictæ cupiditate seductus, fideique & sacramenti sui oblitus, hostilem erga Regem animum induisset; siquidem, ut fide dignis testimoniis perceptum, anno MDLXIII. cum mandatis Lotharingiæ Ducis, cumque altero ejus legato, Comite Salmenfi, fuerat apud Edzardum Frisiæ Comitem, qui in matrimonio habebat fororem Erici Regis Sueciæ; ut cum dicto Comite Svecicisque, qui & aderant, consiliariis deliberarent de bello Danico, Frisicis pariter & Lotharingicis opibus sustentando. Præterea sequenti anno compertum, injectam eodem tempore apud Frisios fuisse etiam mentionem de conjugio inter Svecum & filiarum Christinæ Lotharingicæ majorem natu: idque ex Saxonia huc perscriptum. Quamvis enim istud negotium in annos demum MDLXV. & MDLXVI. eruperit (cc), tamen diu antea agitatum fuisse, patet ex Langueti ad Mordisium epistolis civ. & cv. Ceterum memorabilia sunt, quæ sigillatim ibidem de Petro nostro leguntur; hæc nempe: *Certum est, Petrum Oxen esse in summa gratia apud Lotharingicam, quæ etiam junimopere conata est ei conficere nuptias viduæ Domini de Ossonsville, quam duxit Andelous. Ea est familia Comitum Solmensium. Ipse Petrus Oxen, (ut didici a viro, quem dignum fide judico,) non ita dudum conspectus est Groningæ in Frisia, nec puto cum animi causa tantum eo expatiarum (dd). Credo equidem, Christinam & filium ejus alta viri mente & indole considerata, in magna expectatione fuisse officiorum, quæ sibi & domui suæ ab ipso præstarentur. Interque alia compertum habeo, præfecturam ei a Carolo Duce tributam Schaumburgicam. Hoc nimirum didici ex libello locationis, quo noster villam quandam, in Walterkingen sitam, certis sibi conditionibus & ad XII. annos pactus est ab Alexandro de Braubach, quod factum MDLXIV. die III. Febr. (ee). Nec dubito, quin Alexander ille idem sit, cujus mentionem facit Mordisius, in epistola, quam laudavi. Ita autem, quid poterant aliud existimare illi, quibuscum versabatur, queisque tam faventibus & benevolis utebatur, quam perpetuo in fide & clientela ipsorum futurum? Sed, si hoc ipse illis persvaserit, revera fucum fecit. Nam quanquam in multis arduis rebus & negotiis (ff) utilissimam operam*

(cc) Vid. FRIDERICI II. *Histor. per Petr. Resen. pag. 151. seq.* Languet, *epistol. lib. I.* ad Electorem Saxon, pag. 3. C⁸.

(dd) *Lib. 2. epist. 5. pag. 12.*

(ee) Vocatur ibi *der Edle und Ehrenveste Peter Ochse, Amptmann zu Schaumburg.*

(ff) Magnum in omnibus Petri Oxi ingenium & consummata prudentia, in nulla

ram domui Lotharingicæ navabat, tamen consilia sua ita noverat attemperare, ne patriæ suæ aut FRIDERICO Regi nocerent, nemine animadvertente, quo spectaret. Hinc nulli potius, quam ipsi attribuendum, quod Svecus haud ullum societatis ejus, cujus nuper meminimus, fructum tulerit, & quod istud præcipue de matrimonio, per biennium fere actum, primo dilatum fuerit, tandemque funditus disturbatum. Nam, quæ apud Resenium referuntur (gg) Lothariorum de his nuptiis judicia, vere a Petro Oxo profluxerunt. Quia etiam non minus dabat operam, ut multa fierent, ad voluntatem Gallorum & Catharinæ Medicæ accommodata, semperque Christianæ & filio ejus persuadebat, quæ Gallicis rationibus conducerent, plurimæ & istic fiebat. Neque Gallorum ii, quibus cognitus erat, ita unquam de ipso judicabant, ut patriæ proditorem, aut FRIDERICI II. hostem existimarent. Unde inter eosdem Thuanus, cum elogium nostri desumeret

nulla re magis excelluit, ac in iis, quæ ad constituendam rem ærariam, & tollenda, quæcumque in ejus dispensationem irrepsissent, vitia & defectus pertinerent. Et ejusmodi certe remediis, à tali viro suggerendis & subministrandis, indigebat tum temporis Lotharingia. Unde &, quæ multa in ea re fuerunt ibi suscepta utilissime ac melius constituta, ab anno usque MDLX. Carolo Duce adhuc adolescente, nullius tantopere consilii, ac Petri nostri debebantur. Eaque intelligamus oportet, quando in Calmeti *Hystor. Tom. II. lib. 32. ad annum 1560.* hæc legimus: „Le long séjour, qu'avoit fait le Duc Charles en la Cour „de France pendant toute sa minorité, & la longue absence de la Duchesse „se douairière Christine de Danemarck, jointe aux troubles, dont la province „avoit été agitée pendant les guerres entre la France & l'Empire, „avoient apporté une si grande confusion dans l'administration du domaine & des affaires de Lorraine, que &c. C'est pourquoy le Duc Charles ne fut pas plutôt retourné en Lorraine, qu'il songea seneusement à „mettre un meilleur ordre à ses affaires, en recherchant les droits de sa „Couronne & de ses domaines. Il convoqua tous ses vassaux &c. Et postea: „Au commencement de l'année suivante ayant été informé du „mauvais état où étoient ses Mines - - il fit une Ordonnance &c., Denique *ad an. 1563. col. 1355 f.* „Les Salines de Rosieres ayant été ruinées vers l'an 1484, & étant demeurées abandonnées pendant 79. ans, „les bois des environs leur ayant, dit-on, manqué, Christine de Danemarck, Regente de Lorraine, les retablit de fond en comble, ainsi qu'on „le voit par l'Inscription qui se lit au dessus de la grande porte de ces „Salines: *Tres haute, tres excellente, trespuissante Princeesse Christinne par la grace de Dieu Reine née de Dannemarc, Suede, Norvege, des Goths, Vandales, Sclavons, Duchesse de Sleruick, Holslein, Stormarn, Dieymarke, Lorraine, Bar, & Milan, Comtesse de Oldenbourg, Delmenborst, Blamont, & Dame de Dordbonne & Caltra, l'an 1563. le premier jour de Fevrier, a fait eriger de fond en comble cette presente Saline, à l'avancement du bien public de Lorraine, laquelle „avoit été deservie 79. ans auparavant.* „ Atque hanc inscriptionem, tum ut cognoscatur, quibus titulis instruere nomen suum ambitiosa Princeps confveverit, tum quia apud Calmetum apprimè extat mendosa, non piguit hic apponere.

(gg) In *hystor. Friderici II. pag. 152.*

ret ex Chytræo, apud quem auctorem invenisset tali modo scriptum, quod Lotharingam Petrus, apud eam exulans, *adversus Dania Regem incitaret & confirmaret* (hh), correxit ea verba, consuloque rescripsit: *Lotharingam adversus Dania Regem incitare credebatur* (ii). Hæc vero omnia, quæ agebat, & quorum nihil in patriæ perniciem tendere, cunctis, qui virum propius inspiciebant, pervasum erat, eo perinuerunt, non solum ut per amicos & necessarios suos in Dania prædicerentur FRIDERICO Regi, fidem scilicet ac religionem sese incorruptam vel apud inimicos servasse, inque omnibus quantumvis suspectis actionibus, ad patriam respexisse: verum etiam, ut eadem a Gal-
lis, ab Electore Saxoniz, a Ducibus Luneburgicis, ab aliis, quorum singulorum preces & commendationes non semel impetrarat, Regi ante oculos ponerentur. Tandemque Rex permotus, primum concessit ei potestatem in Daniam veniendi, litteris, quibus fides dabatur tuto eundi ac redeundi, anno MDLXVI. die XXIV. Januarii signatis. Adeest noster illico, Regi se offert, perorat, supplex & deprecabundus, simul eis, quorum jam partem ab aliis Rex perceperat, plenissimam fidem faciens. Fervebat tum maxime bellum inter Daniam & Sveciam, immanibus a nostra parte atque intolerandis impendiis lucusque gestum. Et FRIDERICUS, cui, præter ærarium funditus exhaustum, omnes regni vires propemodum consumptæ credebantur, pacem nunquam majore cum desiderio, quam eo ipso tempore, respexit. Statuit itaque in hac adeo perplexa re, sciscitari ab Oxo, quid agendum foret, fideique & prudentiæ ejus periculum facere. Ac tunc quidem ostensum, quantus ille vir esset. Namque, detectis protinus, quæ ad id temporis maximam damnorum partem intulerant, omnibus vitiis ac erratis, initisque novis rationibus, talem & ærarii administrandi, & faciendorum sumtuum, & exercitus terræ marique instruendi formam & modum excogitavit, Regique tanquam in tabula quadam dedit adumbratam, ut resumpto ille ad bellum persequendum animo, novis sese viribus ex ejusmodi consilio auctum profiteretur. Et hæc etiam causa fuit, cur noster non solum commissorum veniam, cum bonorum, quæ ante exilium possederat, plenissima restitutione obtinuerit (kk); verum etiam, a peractò brevi in Lotharingiam itinere, (quo scilicet, rei familiaris causa, atque ut omni ibidem nexu exsolueretur, regressus est,) eodem anno pristinum in Senatu locum recuperaret, proximo vero ad amplissimam, de qua loquitur Stephanus, dignitatem evectus, Palatii Magister consiliorumque omnium princeps constitueretur. Animadversum vero statim, illo administrationem suscipiente, versa ac mutata in meliorem partem esse omnia, multoque, quam unquam antehac, rectius ire.

(hh) *Saxon. lib. XXIII. pag. 692.*

(ii) Thuan. *Hist. lib. LX. pag. 404.* edit. ult. London.

(kk) Hoc factum d. 24. Aprilis ejusd. anni 1566. quo die etiam fidem suam Regi obstrinxit, de finiendi intra certum tempus ultimo hoc itinere Lotharingico. Utrasque istas litteras inspeximus.

ire. Celebrarunt hæc nostri merita, inprimis incredibilem ejus, in publicis & domesticis Regis regnique rebus administrandis dispensandisque solertiam, Hvitfeldius in *historia Friderici II* inedita, exque ea Resenius (11), Andreas Wellejus in *Præf. ad Saxonem* vernaculum (mm) plurimique alii. Quas laudes amplius confirmatas reperi in litteris Caroli Danzæi, quibus, ad Regem suum Carolum IX, scriptis, de consiliorum via & ratione, qua nova FRIDERICI rebus facies, antea affectis & propemodum ad extremum deductis, rediisset (nn), narrat. Sequenti vitæ tempore eundem & dignitatis & apud Dominum suum gratiæ locum tenuit, ita ut nihil admodum sine ejus auctoritate gereretur. Quam in rem plura allegari possent ex laudatis Danzæi epistolis MSS, nec non externorum historis: quemadmodum istud apud Petrum Chr. Borrium in *Annalibus Belgicis* ad annum

(11) *Pag.* 161.

(mm) *Lit. C.* 1. 6.

(nn) Sic, inter alia, habent litteræ illæ, anno 1567. die 26. Februar. scriptæ:

«Les affaires du Roy de Dannemarc durant cette guerre ont jusques a present esté aussi mal conduites, que de Prince du monde - - Le Roy a appris comme il faisoit conduire ses affaires, & y a si dextrement pourveu depuis sept ou huit mois, & si bien sçeu gagner les principaux de la Noblesse, qu'ils ont tous unanimement octroyé au Roy de luy donner tous les ans, durant cette guerre, une certaine partye de leur revenu, que jamais Roy de Dannemarc n'avoit auparavant obtenu. Les ecclesiastiques font le semblable. Le reste porte aussi une nouvelle taille. Le tout a esté si également ordonné, que de cent un seul ne s'en plaint; ung chascun paye selon son pouvoir, & n'y a rien excellif selon la nécessité presente. Ceci a esté conduit si prudemment, que l'effect s'en est promptement ensuyvi, tellement, que depuis peu de jours il a envoyé tous ses Capitaines, tant de pied que de cheval, & faict compte avecques eulx, selon leur premiere capitulation, & en a depuis faict une autre. Il fit hier faire monstre generale de toute son armée de terre, & les a payes jusques au dernier denier de tout ce qu'il leur debuoit, qui n'est petite somme. Oultre ce, il permet à tous ceulx, qui ne le voudront plus servir, de s'en aller sans aucun empeschement, & semblablement il casse tous ceulx qui luy sembloient inutiles, & met de bons hommes en leur lieu. Son armée de terre luy coustoit tous les mois environ cent mil escus. Doresnavant il pourra souldoier pareil nombre & avoir de bons hommes pour cinquante troys mille, comme il a esté recongneu en plain conseil, leur Colonel general & la plupart des Capitains presents. Il y avoit assez d'autres choses de semblable valeur, auxquelles on pourvoit journellement avecques toute douleur. Il est vray, Sire, que l'argent de cette contribution de la Noblesse, & nouvelle taille sus le peuple n'est pas mis entre les mains du Roy de Dannemarc, mais de quatre gentilshommes, qui luy font toutesfoys tres-fidelles & affectionnes, qui ont promis à Sa Majesté de luy soldoier & entretenir aux depens de son Royaume douze mille hommes de pied & deux mille chevaux estrangers, & fournir aux fraiz necessaires pour l'entretienement de vingt cinq navires de guerre, si longuement qu'il aura guerre avec le Roy de Suede. Certainement, Sire, le Roy de Dannemarc

annum MDLXXI. (oo) memoratum, ex quo Meursius idem repetivit *Guilielm. Auriac. lib. V. (pp)* Sed & apud nostrates alia de Oxo occurrunt, quæ nequaquam nobis reticenda; nempe ad præclararum arrium studia, & doctrinarum omnis generis emolumenta & dignitatem animo vehementer fuisse propenso; cum & ipse iis excultus (qq), qua esset sagacitate, facile, quantum in illis situm ornamenti & utilitatis, videret. Nam non solum in earum cultores ipse liberalissimus fuit, ac de suo est elargitus: ita ut, tam in hac nostra, quam in Germanicis Academicis, perpetuo, postquam in patriam rediit, non unum & alterum, sed plures simul juvenes, qui bonis litteris darent operam, propriis stipendiis aleret; verum etiam ut eadem de publico fierent, Domino suo persuaderet. Neque dubitandum, cum etiam Erasmi Læti testimonio noscatur (rr) præcipue ejus consilio effectum esse, quod anno MDLXIX. finito necdum bello, imo acerrime etiam flagrantem, beneficentissimus Rex edidit admirabile pietatis specimen, quando

„nemare a tres juste occasion de louer Dieu, & reconnoistre la singularité
„re grace qu'il luy a faict en temps si oportun. Car lorsque son estat estoit
„stout en tres grand & evident danger, il ne luy donne non seulement le
„moyen de se conserver, mais aussi de pouvoyr aysement entreprendre
„sur son ennemy. Et combien que ses affaires se conduysent tout autrement,
„ment, que par le passé, si est ce qu' il n' a Conseiller ni Officier, qui
„aye esté demis de son estat. *Mais tel manye ses affaires. qui auparavant
„n'y estoit point employé.*” Quæ ultima verba in aliis litteris de Petro Oxo explicantur,

(oo) *Lib. V. fol. 242. b.*

(pp) *Pag. 77. b. edit. in fol.*

(qq) Juvenis aliquamdiu in Academia Basileensi operam dederat Simoni Gryneo, teste Erasmo Læto in *Præfat. ad Remp. Noriberg.* **2. Ac inter Scriptores Danicos locum ei dedit Claudius Lyschander in libro *de scriptorib. Dan. ob Historiam MS. rerum Slesvicensium sub Christiano III.* quod opus quale fuerit, dicere non possumus, utpote nunquam nobis visum.

(rr) *Rerum Danicarum lib. XI. pag. 497. 498. f. ubi inter alia:*

„HAS FRIDERICUS opes atque hæc ingentia noster
„Commoda, vel medio bellorum exercitus igne,
„Decretoque manuque Scholæ sic junxit, ut esse
„Præsidium Musis, æternaque lucra juventæ
„Jussit Hafnensi studiis quæ vivat in urbe,
„Utque voluntati respondeat usus, id Oxo
„Muneris est Petro commissum protinus: inde
„Ut mystam e sacris Niclaum adjungeret, illum
„Cui pridem notum peperit Coldingia nomen,
„Hasque adeo magna tum res pietate gerebat,
„Adderet & Latum &c.
„His sibi tum junctis Oxus rem perficit &c.

do eleemosynam (uti illam vocabat) vere Regiam instituit, unde in Communitate regia centum bonæ spei juvenes pauperes, religioni & regno profuturi, alerentur: cujus egregii instituti, nullaque satis laude prædicandi, res nostra religiosa & litteraria fructum adhuc percipit. At, quod haud parum eandem gloriam attollat, hoc dicendum, quod anno MDLXXI. iidem Regi auctor fuerit ad stipendia annua professorum in Academia augenda (ss). Id enim cum aliunde didici, tum & celebratum legi perquam diserte a pluribus ejus temporis professoribus, Nic. Hemmingio, Erasmo Læto, & imprimis Jo. Salceride. Hic enim in publica gratiarum actione, ad Regem de isto beneficio, collegarum nomine scripta (tt), ipsam Oxi orationem, in comitiis regni habitam, argumentaque, quibus FRIDERICUM permovit, fuisse refert: ac tandem, postquam Regi, Regiæque domui, & deinde toti Senatorum ordini bene precatus est, illum sigillatim his alloquitur:

- „Inprimis, o Petre, tibi decet, Oxe, palat
- „Qui loca summa tenes, aulæque vocarè Magister,
- „Æternas memori solvamus pectore grates:
- „Non modo, quod cunctas Musis adjungere vires
- „Promptus in hac semper causa nobisque fuisti;
- „Sed quia Pieridum nunquam non alma fororum
- „Sacra juvare studes, quarisque optata ministris
- „Commoda divini ne sint evanida verbi.

Taceo, quæ non uno loco operis, quod *Res Danicæ* inscripsit; Erasmus Lætus in eundem sensum cecinit, & quæ in *Indice nominum priorum*, ad calcem adjecto, in hoc elogium inclusit: *Petrus Oxe de Gyslefeld, Senator, Locumtenens, & S. Regii palatii Magister sub Fridrico II. Rege Danicæ: vir & doctrinarum studii excellens, & erga pauperes non tantum ipse liberalis, sed & suorum promotorque beneficentia Regia, qua juvantur multi. Quid? quod nulli ignotum est, qui modo Tychoonis Braheii Vitam a Gassendo scriptam legerit, quomodo idem magnus vir Tychohem, adhuc fluctuantem & inepto satis præjudicio fascinatam, quod dedeceret nobilem virum quicquam rerum, quæ ad artes & scientias pertinerent, moliri aut in publicum edere, liberavit ab errore isto, nec destitit adhortari, antequam Tycho sese de ea re de liberaturum sponderet (uu). Ita ut fortassis, & quantum ex eo possumus colligere, absque Oxi auctoritate fuisset, ignoraretur hodie Tychoonis nomen, & quæ postea in disciplinis ille cum totius orbis admiratione præstitit, sepulta & intermortua nunc jacerent. Denique bene-*

(ss) Vid. Refen. *Hystor. Frid. II. pag. 268.* Erasmi *Vinding. Acad. Hæst. pag. 11.* Casp. Bartholin. *de ortu & progr. Acad. pag. C. 1.*

(tt) Inscribitur *Eugnomonum liber unus in laudem Regis, quod anno 1571. Professoribus stipendia liberaliter auxerit. Hæst. in 3vo.*

(uu) Gassend. *de Vita T. B. pag. 20.*

beneficentiam Oxi loquuntur tabulae adhuc superstites, nobisque visae, quibus aliquot ante obitum suum mensibus, amplissimos reditus, multis nummorum millibus aestimatos, in octo pauperes, perpetuo in prochoroptheo urbis Hafniensis alendos, perscripsit: praeter mille imperialium summam scholae metropolitanae legatam, praeterque multa his similia rure constituta, siquidem nihil praeiorum fertur possedisse, ubi non ejusmodi dona pauperibus attribuerit, ac fruenda in omne aevum dicarit. Uxorem duxit, anno MDLXVII. mense Septembr. Meritam Rosenkrantz, Dominam in Walløe, viduam Srenonis Rosenparrii, filiamque Dn. Olai Rosenkrantzii in Walløe, olim Senatoris regni (xx). Et quantum mihi constat, ad hoc temporis coelebs vixerat. Liberos vero nullos procreavit: quemadmodum nec fratres ejus, quos tres habuit, Eschillum, Albertum, & Johannem. Certe nullos virilis sexus reliquerunt: ita ut extinctum cum his quatuor familiae cognomen fuerit, nullis ex ea amplius superstilibus, praeterquam qui ex fororibus essent geniti. Obiit anno MDLXXV. in arce Fridericoburgensi. Extinctum aqua intercute refert, & quidem recte, Chytræus: quem Thuanus sequitur. Verum de die emortuali diserepant auctores. Namque hi, quos nominavi, xxiv. Novembris ponunt. Resenius autem in *Friderici II. Historia* (yy) diem ejusdem mensis quartum. Neutrum recte. Epitaphium enim in arce D. Virginis, quod & ipse Resenius inter *Inscriptiones Hafnienses* primo omnium loco exhibet, distincte & diei & horae mentionem facit, qua expiravit, videlicet diei Lunae ante festum Apostolor. Simon, & Judae: (iste vero tunc erat xxiv. Octobris,) hora inter XI. & XII. ante meridiem. De mortis genere fabula in vulgus exit, auctore nescio quo ipsius inimico sparsa, cui & nostro aevo creditum fuisse a praestantibus viris perquam sum miratus, quasi morte violenta: & quidem Regis jussu periisset. Quo certe nihil falsius. Suntque in manibus meis multa, quibus contrarium evincatur, inter alia rationum libelli, ubi expensa in morbo ejus facta, in medicos, in medicamenta aliaque, nec non in funus & sepulturam, enumerantur. Atque haec de summo viro observata & collecta, aliquanto longius verbosiusque enarravimus; non quidem, quod Stephanii error tanta copia indigeret, verum quia existimamus par esse, ut historiae patriae amantibus nullos praetermittatur locus, nullaue negligatur occasio, viro- rum tam insignium memoriam cum ab oblivione vindicandi, tum a fabulis, quibus, ad longum aevum propagatis, ægerime demum fides detrahitur, liberandi. Atque insuper, (ut fateamur quod res est,) videbatur illis nobis tam singularis viri virtutes promeruisse, tan- que in gentem litterariam beneficia flagitare, ut, cum de ipso nihil sit alias a nostris, (si elogia supra allata, eisque paria, & librorum dedicationes excipias,) litterarum monumentis proditum, neque ul- lam, si qua extiterit, invenire adhuc funebrem ipsi scriptam lauda- tionem potuerimus, fata ipsius & alia memoratu digna exponeremus.

Por-

(xx) Ejus mentio fit in *Cragii Historia* pag. 16. & pag. 50.
(yy) Pag. 191.

Porro, Stephanium ut absolvamus, istud in mentem venit dicere, non defore fortassis, quibus videbitur hic historicus, ex quadam indolis bonitate ad laudandum pronior, & nonnulla, vixdum aliquot cognita, aut parcius fama celebrata, nimis amplificare & ornare. Horum tamen neque tollere suspiciones neque confirmare possumus, nisi de exemplis clarius, in quibus aliquis esset dubitationi locus, constaret. Etenim, quod ad nos attinet, ita confidimus hucusque sensa mentis nostræ & judicia explicuisse, ut quodammodo credi queat, si præterea quid occurrisset, quod inconsideratius scriptum, aut exaggeratius videretur prædicatum, id nos minime dissimulatu-ros. Ubi tamen haud scio, an oporteat etiam attingere id, quod alicubi noster de M. Christierno Petræo pronuntiavit, tam feliciter nempe Saxonis Grammatici historiam ex latino in vernaculum sermonem transtulisse, ut *ob accuratam interpretationem, ob sublimem, splendidam & magnificam dictionem* omnibus admirationi fuerit (22). Nam profecto, si cujus in his valere debeat auctoritas & iudicium, quis Stephanio nostro prior? quippe qui, præter utriusque lingvæ, Romanæ & Danicæ, notitiam nullo modo inficiandam, is denique erat, qui in eo scriptore magnam ætatis suæ partem contriverat. Isne igitur alio quovis & aprior & incorruptior arbiter censendus, quando agitur de Saxoniana versione? Adde quod, in Saxone dum desudabat, non potuit fieri, quin utramque versionem, cum Chr. Petræi, tum Vellejannam, sæpenumero inspiceret, & consuleret, quemadmodum & in notis utramque observavi ipsi laudatam. At quæret a nobis aliquis, quid? ille indem doctus vir Pontanus, cujus non minor in utraque lingua facultas exstitit, istâne auctoritate, quæ attribui Stephanio possit, pollere existimandus? Is vero in *Chorographica Danica descriptione* (aaa) affirmavit, Christiernum illum Petri *contasse quidem versionem Saxonis, sed minus respondente eventu*. Et quid fiet de ipso Andrea Vellejo? cujus in præfatione Saxoni ipsius Danico præfixa, illud, quod in præcedentium laboribus carpit, non potest non ferre Christiernum Petri, inque invidiam ejus collarum credi (bbb). Cum enim in eadem arena duo tantum aggressi essent periclitari vires, antequam Vellejus huc descenderet, Christiernus Petri & Jonas Turonis, (sicut Lyschänder in *præfatione Synopsos Genæal.* docuit,) neminem vero nominatim designat Vellejus, nihil probabilius, quam de Jona intelligendum, quod prius & majore cum reprehensione dixerat (ccc), sed Christierni versionem fuisse volumine illo, cujus deinde meminuit, communicato a Cancellario Joh. Frisio, comprehensam. Utunque fuerit, certe neutrum Vellejus interpretem commendat: in utroque vero illa desiderat, quæ, si Stephanium audiamus, ad Petræi versionem, utpote splendidam, accuratam, facile applica-

(2)

plica-

(22) Pag. 369.

(aaa) Pag. 781.

(bbb) *Præfat. Velleji in Saxon. Gramm. pag. C. 1. a.*

(ccc) *Ibid. p. B. 4. b.*

plicabit. A nobis nemo id nunc expectaverit, ut sententias tam varias tamque discrepantes conciliemus; eoque minus, quod Christierni labor, nunquam, quantum nobis cognitum, typis excusus. jamdudum ex oculis evanuerit, nusquam hodie, ut puto, nisi forte apud Svecos, si modo eo cum reliquis Stephania libris pervenerit, inveniendus (ddd). Libet hic annotare in transcurso, Messenium, Hvítfeldii ut plurimum exscriptorem malignumque interpolatorem, quando ad hunc locum pervenit, ubi Cancellarius de Danica per Petram Saxonis interpretatione loquitur, addidisse de suo, eam fuisse *numerus adstriham* (eee). Ubi sine dubio intellexit *Chronicon* illud, ut appellatur, *rytmicum Regum Danicorum*. Qui libellus neque recte Christierno Petro adscribitur, quamvis noverim, ita nonnullis existimari; neque versio potest dici, cum epitoma & brevium tantum sit, ab illo certe labore, quem Hvítfeldius & Stephanus designarunt, diversissimus.

In narratione ultimi & mortiferi morbi. qui sanctissimo Regi melioris virae auspiciu dedit, offert se locus, in quo optaret aliquis, ut auctor esset circumspicius versatus, magisque cultodire scripsisset. Quod si enim unquam historicus sese religiose gerere, summamque ad narrationes adjungere cautionem debet, est, quando ea sunt exponenda, quorum etiam simplex, & nuda, & maxime vera commemoratio aliquid admirationis habet. Quoniam in talibus plerumque accidit, ut quicquid adhibetur ornatus, quicquid coloris consumitur, vel minimum illud fuerit, fucus & pigmentum existimetur, atque in fraudem trahatur veritatis. Itaque cum in eo esset noster, ut illud, quod divo Regi decem ante mortem diebus fuit obiectum, quo de instante fatali tempore admonebatur, enarraret, atque in tota illa morbi omniumque, quae eo attinerent, descriptione, non aliis uteretur auditoribus, quam his, quorum etiam orationes funebres in hoc nostro volumine exhibentur, non possum satis percipere, quid potuerit optimum virum adducere, ut in loco, quem designavimus, vel minimum ab eis deflueret. Equidem tanti non fuisse arbitror, aliquid huc ex rhetoricum & poetarum lecythis arcessere. Et, quantum judicare licet, per se ipsa res clara, illustris & admirabilis satis fuit, quo minus talibus videretur indigere. Quæso enim, quid hoc est, quod Stephanus non dubitet affirmare, a Rege indicatum fuisse D. Hamstortio, sese ab Angelo admonitum, fore, ut ad Calendas Januar. felicem ærumnarum finem expectaret: atque isto somnium fuisse respondente. Regem pernegasse, *verum se & oculis vidisse aligerum hunc nuntium, & auribus voces loquentis hausisse*? Unde vero hæc Regis dicta hauserit & acceperit Stephanus, liceat quærere? Neque tamen adeo offendimur illa

(ddd) Extabat olim in Biblioth. Academica nostra, in capsa *Cypriani* dicta, *Versio Saxonis Danica MS.* sed num Petri an alterius fuerit auctoris, nescio.

(eee) Messen. *Scandia illustrat. Tom. V. pag. 108.*

illa Virgiliana imitatione (fff), modo ut certum sit, & modo dixisse Regem ostendatur, aliquam auribus sibi loquentis vocem exceptam. Sed neque hoc in scriptoribus, quos solos in hujus rei narratione fide dignos agnoscimus, reperitur; multoque minus, Regi apparuisse aligerum nuntium, quem oculis sibi visum postea fuerit professus. Examinetur Bordingi testimonium (ggg), qui praesens aegrotanti adfuit, & qui ipsissima verba, ut fuerunt Regis ore emissa, retulit. Nulla ibi visionis mentio, nulla nuntii aligeri. Qui & ipse pius; si quis unquam fuit, ac prudens medicus, & nimirum haud nescius, quanta proclivitate sint homines ad omnia id genus augenda, & iis, quae quisque sibi animo fingit, ornanda, protinus Regis verbis haec subiungit: *Quis autem, & cujus ille fuisset, a quo significatum sibi id fuisse diceret, neque interrogabat quisquam, neque ipse amplius quicquam addebat.* Vere autem nihil agebat vir egregius, quando hac ratione cogitabat, viam conjecturis praestruere, aut piis (si ita vocare fas est,) commentis objicere. Parum nempe humani ingenii curam novit, quicumque existimat, posse ob istiusmodi admonitionem plura cognoscendi desiderio temperari. Neque aliquid juvit, quod deinde, etsi dubitanter, proposuit de somnio, quod, quemadmodum aliis DEO charis, CHRISTIANO immissum fuisset ab Angelo. Somnium res parva nimis visa: Angelus placuit, sed exornatus, sed vocalis, sed oculorum auriun:que sensibus perceptus. Nam ne quis haec dici a nobis putet tantummodo in Stephanium, ecce & alium, & theologum quidem haud parum celebrem. Is est Nicolaus Selneccerus, qui concione funebri germanica (hhh) Regem laudavit, ac diserte tradidit, *quendam humanam speciem in veste candida Regis cubili assitisse, eumque allocutum esse.* Quod & postea Conradus Laurenbachius excriptum *Consolationi* suae

Slaida-

(fff) *Eneid. lib. IV.* ipse DEum manifesto in lumine vidi, Intrantem muros, vocemque bis auribus hausi.

(ggg) *Pag. 448.*

(hhh) Habuit istam Selneccerus concionem in arce Dresdensi die 1. Februarii MDLIX. recusa eadem est in libro, plures ejusdem generis orationes complectente, cui tit. *Historische Erzehlung und Leich-Predigten etlicher hoch-erleuchteter Kayser, Koenige, Churfürsten und Fürsten &c. per M. Thom. Stybarum. Leipz. 1593. in 4to.* Non dissimulandum vero, Selneccerum ibidem testes rei citare Paulum Noviomagum, qui Regi a sacris fuerat, & D. Cornelium medicum. Sed Cornelius quantum sciverit, discitur a Bordingo. Si Noviomago plus aliquid constiterit, quidni illud Bordingo, vel praecptori suo Palladio vel aliis in Dania aperoit aequae atque Selneccero? Palladio sane nihil tale compertum fuit: namque is in libello Danico, (de quo inferius agemus) nullum verbum de Angelo profert, scribit vero duntaxat id praenuntii per quiescem factum esse. Quemadmodum & Henricus Ranzovius in *Elogio* parentis sui *Joannis Ranzovii* simpliciter *somnium* vocavit, his verbis: *An. 1559. Cal. Januar. Rex Christianus longo morbo paulatim consumtus, & ex suis arumnis ac laboribus, (ut illi per somnium indicatum erat) ad semper mansuram patriam & jucundam requiem, obita morte translatus est.* Vid. *Epistol. Consolator. ad, Francof. 1595. Pag. 19.*

Sleidoneæ intulit (iii); nec non Hamelmannus in *Chron. Oldenburg.* (kkk) *Fecerunt* quidem & Angeli mentionem Joannes Thomas in *Orations*, & Jo. Sacerides in *Epicedio*, (quæ ambo in hoc volumine comparent scripta;) imo fecit Hvitsfeldius in *Annalium* fine. Verum ille temperanter satis, Angelum infert Regem de fine vitæ admonentem, *per quietem*. Neque longe ab eo discessit Petrus Hegelundius in elegia, eidem orationi subiecta (iii):

„Venerat angelicus cœlesti nuntius aula,
„Regis hic orantis afficit ante caput.
„Jamque soporato, modo sit sopor ille vocandus,
„Præmonet optatæ mortis adesse diem.

Saceridem sua facile tuetur potis: & quis nolle in carmine tale quid excusare? Hvitsfeldius breviter & incorrupte narrans. nihil Bordingo affingit; saltem ipse de proprio Regis Angelo (sive Genio. ex veterum mente,) a quo immisissum illud fuerit, interpretatur. Ceteri omnes, quicumque demum sint, ne quidem digni ut laudentur, præsertim in causâ, quam confirmare ullo testimonio nequeunt: quemadmodum nec testis habendus, nisi famæ & rumoris duntaxat, quisquam eorum, quos adhuc nominavimus, uno excepto medico, qui Regi affuerat. Quod & probe intelligens Pontanus, statuit nullum alium sequi, sicut ex verbis ejus his cognoscitur: *Pridie quoque ante excessum ejus, omnibus qui lecto assabant, memorasse fertur, advenisse ad eum, qui diceret, omnium dolorum ac agriudinium levamen allaturum novi anni, qui ingretur, primum diem.* Ubi tamen illud de tempore haud recte expressum: nam quin decimo ante mortem die contigerit prædictio, nullum dubium. Sola igitur, ut diximus, Bordingi auctoritate, quatenus litterarum est monumentis prodita, res hucusque stetit: a quo quodcumque vel minimum discesserit, nullo loco habendum. Huic nos nunc alterum adjungemus, iidem idoneum testem ac præsentem, & qui non dubitavit plures citare in narrationis fidem, pariter secum præsentem. Non memini, alias ejus rationem habiram, forte quia libellus, quo testimonium continetur, parum cognitus, cujus etiam indicium puto ad paucissimos nostræ ætate pervenisse. Vocatur is auctor Ruprechtus Geiszpöschel, quod tamen non ex inscriptione seu titulo, nec, nisi libellum pervolventi bis occurreret, nomen disceres (m m m). Refert ille sese in ministerio divi CHRISTIANI III.

munus

(iii) Edit. Ofex Schadzi *ad an. 1559. col. 152.*

(kkk) *Pag. 348.*

(iii) Omnisimam illud Epicedium, nec non Elegiam Jo. Thomæ, in hac editione nostra, utpote superflua.

(m m m) Erasmus Letus in longa *epistola nuncupatoria* libris *de Republ. Noriberg.* præfixa *** 4. b. appellat eundem *Robertum Geisrbemium*. Sed memoria Letum fefellit, cui facile imponere poterat similitudo nominis cum Reimberto Geisrbemio Juris Professore Hafniensi, qui obiit anno 1549. vid. *Vinding. pag. 82.*

munus chirurgi obiisse integris viginti annis: neque tantum affi-
due decumbenti astantem, omnia quæ diceret atque faceret, diligen-
ter animadvertisse; sed & eadem ipsa nocte, qua Regi illud, de quo
loquimur, objectum fuit & unde ille emortualem diem didicit, ad
gubile ejus advigilasse. Atque ab hoc Ruprechtio morbi mortisque
Regis descriptio breviter & simplici stylo contexta fuit, ipsius lingua,
quæ erat Germanica. Eademque nox in Saxoniam dialectum con-
versa, prodit Hamburgi ipso anno MDLIX. (nnn). Germanicum au-
thoris textum nondum vidi. Igitur ex altera editione totum, qui ad
rem faciat, locum apponam, neque unum alterumque præterea ex-
cludam ibidem narratorum, maxime quia in Bordingi & Thomæ
orationibus frustra quæruntur, ad historiam morbi Regis pertinentia;
„Alse auerit syne Kön. May. wyder vormerckede, dat syne Swack-
heit yo mehr vnd mehr sick vormerde vnd thonam, hefft de Swack-
heit syne Kön. May. entlick to bedde gedrungen tho blyuende. Vn-
de syne Deners, beyde van Adel vnd Vnadel, hebben möen by sy-
ner Kön. May. waken. Do ys syne Kön. May. mit enem sehr gro-
ten Flöre vp der luchteren syden behafftet geworden, welckes sick
in enen Schenckel mit enem sehr groten Geswulst gefettet. Dar
van syner Kön. May. ein grote Smerre ys entstan. Vnde nademe
syne Kön. May. also in groter Pyne vnd Wehe gelegen, hefft idt
sick begeben vnd thogedragen, vp den Fridach vor dem Heiligen
Christdage, welcher de teinde dach vor synem Affgang vnd Affsche-
de vñ disser Werlt ys gewesen, dat vp den morgen ener van sy-
nen Doctoren in der Medicin, mit namen Doctor Cornelius, tho
syner Kön. May. is gekomen: Jegen deme hefft Syne Kön. May.
angenangen vnd gesecht. Leue Herr Doctor, Jdt ys ener in disser
Nacht by my gewesen, de hefft tho my gesecht, dat ick scholde mit
disser myner Kranckheit geduk dragen, beth thom Nien Jares Da-
ge, alse scholde sick myne Kranckheit vorwandelen, vnd tho enem
guden Ende kamen. So hebbe ick, alse ener syner Dener, mit na-
men Ruprecht Geiszpñcher, de ick syner Kön. May. Wundtarst in
de twintich Jurlanck geweest, ock de sulue Nacht by syner Kön. May.
gewaket hebbe, angeuangen tho seggende. Jdt wert Juwer Kön.
May. also gedrömet hebben. Do hefft syne Kön. May. wedderum-
me gespraken, He hefft idt my also gesecht. Dit hefft de Doctor
mit angehöret, vnd de Ehrentuette Erick Walckendorpf, syner
Kön. May. Kamerjuncker, ock Melcher Potlitz, syner Kön. May.
Hoffnyder, vnd syner Gnade Barberer mit namen Jochim Lange
van Stettin, vnd mehr ander, de vp de tydt syn im Gemake gewe-
sen. Item, vor dren Dagen vngeuerlick er denn syne Kön. May.
ys in GÖdt vorscheden, hefft syne Kön. May. beualen, dat men
(A a) „schol-

(nnn) Titulus est: *Ein warbaftlich vnd geloffwerdich Bericht von dem
Christlickem vnd saligen Affschede, des Dorckbachtigsten, Grodtmäch-
tigsten, Hochgebornen Fürsten vnd Herrn, Herrn CHRISTIAN
180 Danem. Cc. in gvo.*

„scholde eine Böre voruerdigen, de gelick were ener Dodenböre :
 „efft Hauert vorgegeuen, dat syne Kön. May. sick darup wolde leg-
 „gen laren, beth so lange dat men syner Kön. May. Bedde maken
 „konde. So ys de Böre na syner Kön. May. begher gemaket wor-
 „den. Na deme auerst Kön. May. ys vordcheden, da ys dar Lick
 „dar vp gesettet worden. Vnd ys tho gelöuende, dat Syne Kön.
 „May. solches nicht vp dar düdtlikste hefft tho erkennende gegueu.
 „Irem, darna hefft sick de Smerre vnd Swulste van dage tho dage yo
 „mehr vnd mehr vormeret vnd thogenamen : Wowol dorch syne
 „Doctoren, alse mit namen D. Cornelius vnd D. Jacob Bordinck, vnd
 „dorch syne Wundarsten groten flyt ys vorgewendet worden, hefft
 „doch de Kranckheit nicht willen vphören, sonder im Schenckel mit
 „gefswulste vnd smerte yo hefftiger procederet vnd thogenamen, bet
 „thom Nien Jares Dage, wo denn de Löffike Köninck rede tho vö-
 „ren gesecht, dat idt nicht lenger warcn wurde. &c., „ Istic vero,
 „ut vidimus, omnia, in narratione de prænuntio, conspirant cum Bor-
 „cingi verbis; nisi quod hic, qui nondum in cubile ingressus erat,
 „dum illa a Rege enuntiata audirentur, sed a Cornelio postea acceperat.
 „tribuat isti collegæ suo, quæ medicum alloquenti Regi chirurgus
 „astans opposuerat; ac deinde quod Regis responsum verbis instru-
 „ctam reddat paulo pluribus, quam quæ fuerint a chirurgo forte ex-
 „audita. Ceterum sufficere nobis potest, duorum indubitæ fidei &
 „auctoritatis hominum narratione id penitus edoctos esse, quod quæ-
 „sivimus: nempe quid quantumque de ea re credi possit ac debeat.
 „Vtique enim pro certo habemus, prædictum divinitus Regi fuisse fa-
 „talem diem, idque evidenti aliquo signo contigisse: neque apud quen-
 „quam nostrum pium ac religiosum de hoc ambigitur. Sed & æque
 „nobis constat ex jam allatis, nihil omnino Regem, sive de Angelo,
 „sive de visione (000), sive de ratione & modo prædictionis, utrum
 „scilicet vigilantis auditu, an tantummodo mente percepta fuisset per
 „quietem, cuiquam patefecisse: atque ita omne illud, quod a sequen-
 „tibus auctoribus accesserit, ornarui, fictioni vel conjecturis meris ad-
 „scribendum.

Atque hæc fuere, quæ in Stephani labore præremittere non
 potuimus inexcussâ. Post illa quæ leguntur, nempe postquam mor-
 tem & sepulturam Regis enarravit, & quæ aliquor deinceps implent
 paginas, haud propria auctoris agnoscenda; cum pleraque omnia sint
 ex Hemmingii oratione transcripta. Ceteroqui Stephani minime
 hoc vitium fuit, ut lucubrations aliorum in suum usum verteret; ex-
 cellens ipse scriptor, suisque ita facultatibus pollens, ut alienis neuti-
 quam indigeret. At hic admodum videtur credibile, quod, cum eo
 esset venrum, ut de moribus Regis & interiore illa vita aliquid di-
 cendum

(000) Namque & nonnulli scriptores *visionis* in genere tantum meminerunt
 in hac historia. Sic Adamus Henric-Petri J.C. Basileensis in *Continuat.*
Sleidani germanica, lib. V. pag. 291. edit. *Basil.* 1777. in Fol.

cendum foret, ita sit arbitratus, nihil posse de hoc argumento five rectius, five locupletius scribi, quam quod Hemmingius fuerat ista luculenta oratione executus. Neque admodum, quantum judicare possumus, in hoc erravit. Alias haud ignotum, auctorum istud genus, in quo Stephanus, quamvis ob breve opusculum, locum sibi deposcit haud infimum, in eo saepe deprehendi, quod in praecedentium scriptis praedas agant, neque res tantum, (quod nemo sanus vituperet,) sed ipsa verba, & longam saepe veriorum seriem direptam, in sua, quae condant, opera transferre. Ita in Sleidano, in Chytraeo, in aliis ipsum Thuanum fecisse, quis nescit? Noster, si extrema illa excipias, ubi, ut diximus, Bordingo & Hemmingio est abusus, rarissime hanc sibi licentiam permittit. Neque nisi duo mihi occurrunt loca, de quibus, quod in iis simile quid factitatum, certo conficit. Nempe de Eduardo VI. Angliae Rege loquens, verba haud pauca ex Francisci Herefordensis Episcopi *Annalibus*, ea praesertim, quae Cardano (ppp) iste accepta retulit, defumfit. Parique ratione illam, quam in fine operis attexit brevem ad Principes admonitionem, neutiquam suis verbis dedit; nam leguntur plane omnia apud Thuanum (qqq), ejusdem argumenti occasione, hoc est, quando de Christianni II. morte commemorat, prolata.

Erat quidem in animo, cum editionem hanc aggredieremur, Cragii *Annalibus* nihil, praeter Stephanium, adicere. Verum nobiscum considerantes, quam incertum ac difficile forsitan futurum esset, ut de pluribus, quae ad CHRISTIANI III. memoriam pertinerent, posset alio tempore cogitatio a nobis suscipi, statimus praesente occasione uti. Igitur non illa tantum, quibus incomparabilis Regis funus concelebratum, siquidem in eis & multa habeantur illustria, ac de temporibus quae regno ejus antecesserunt, nonnulla, & quia summae essent raritatis, addidimus; sed etiam ex magno monumentorum numero, quae in *annalibus* Cragianis laudantur, placuit tria, habita ipsi maxime insignia (rrr), exhibere. De hoc posteriore genere, cum bona lectoris venia, loquemur prius. Et de *Saetione* quidem, seu RECESSU, quo, anno MDXXXVI. in Comitibus Hafniensibus facta, nova & priore multo emendatior forma regno & rei Danorum publicae inducta fuit, novoque & arctiore vinculo caput ejus & membra fuere connexa, nihil ultra habemus dicendum; cum &

histo-

(ppp) Ex libro Cardani *de Genituris duodecimo*: eadem vero Cardani verba fusius leguntur in Burneti *Hystor. Reform. Angl. Tom. II. inter Documenta pag. 56.*

(qqq) *Lib. XXII. initio.*

(rrr) Pertinent sane ad hanc classsem praeterea unum alterumque: imprimis *Pacificatio f. Tractatus Spirensis*, an. MDXLIV. Sed cum hoc monumentum saepius editum reperitur, non tantum in Leibnitzii *Manuscripta Codicis Diplom. J. G.* sed & in Lunigii *Sylloge magna f. Archiv. Imp. & in Corpore Diplomatico Du-Montii*, & in Aitzema *Hystor. Belg. rerum Status & Belli &c.* nohimus impraesens actum agere.

historicus noster, initio libri IV. (sss) rem exposuerit, & volentibus de ea cognoscere, postquam latinam adiecimus versionem, capita legis hujus omnia satis clara per se & perspicua arbitremur. Inter ea eminet, quo episcoporum decreta fuit abrogatio, res plane maximi momenti, quæque reformatoribus ceteris, CHRISTIANI amicis, Saxoni, Borussis, Hassio, imo Luthero ipsi, ardua atque anceps ætimate, postquam effecta fuit prospere, summam apud eos admirationem habuit. Et Regem animo destinasse, si factum istud, apud Germanos, iniquiores excitasset sermones, publico quodam scripto rationes suas & crimina episcoporum universo orbi exponere, indicant litteræ ipsius ad Electorem Saxonie, die Martis post OO, SS. festum scriptæ: quas cum aliis nonnullis, ex archivis Vinarientibus protraxit præstantissimus ille Jo. Joach. Mullerus (ttt). Potuisset a nobis etiam ad aliud *Sanctonis* caput illustrandum, ubi agitur de filio Regis in spem regni adscito, afferri apographum litterarum seu diplomaticarum, quo Senatores eandem rem ipsis illis diebus sciverant; maxime quia illustre eo testimonium perhibetur æquitaris & modestiæ CHRISTIANI, quando is, ut, si postea regnum vacaret, fratrum potius alterutrum successorem sibi eligerent, Senatui & proceribus auctor fuit, hi vero, re alius deliberata, filium ejus Fridericum prætulerunt. Sed quia nihil in dicto diplomate ulterius extat, quam quod a Cragio satis luculente expositum (uuu), superfluum hoc duximus: quamvis dubitari possit, an aliud in ulla historia, simile possit dari moderationis Regiæ exemplum. De altero monumento, quo ORDINATIO ECCLESIASTICA continetur, quodque ex unica editione, quam typis excusam esse constat, expressimus, vellemus quidem ut in nostra esset facultate, plus aliquid, quam ab historico nostro factum; expromere, desiderioque eorum satisfacere, qui, quo ortu, quorumque hominum inprimis opera, tanta res, tamque non solum pia & religiosa, sed prudens simul atque utilis, à Rege suscepta & constituta est, solent querere. Nunc, quod solummodo licet, Cragii de ea narrationem (xxx), contra aliorum errorem, usque adeo invalescentem, ut propemodum communis factus sit, vindicabimus. Nempe, si & quosdam audiamus eorum, quibus præcipuus in eo labor fuit, res nostras omnium optime ut cognoscerent, non alium *liber ordinationis* latinus auctorem habuerit quam Joannem Bugenbadium. Ita sane Joan. Mollerus loquitur, minimum tribus locis, cum in *Sagæg. ad Histor. Cimbr. P. II.* (yyy) tum in Alberto Bartholino *de scriptis Danorum*, (zzz) tum in *Hypomnematis* ad eum (a) ita

(sss) Pag. 152 - 156.

(ttt) *Entdecktes Staats-Cabinet IV. Eröffnung pag. 312.*

(uuu) Pag. 155.

(xxx) Pag. 170. seq.

(yyy) Cap. IV. pag. 90.

(zzz) Pag. 124.

(a) Pag. 261.

ita Terpagrius in Præfat. *Ritual. Ecclesiar. Dan. & Norveg.* (b). Atque, ut exterorum plures, ipsosque vitæ Bugenhagianæ scriptores prætereamus, ita Chytræus *Saxoniæ* suæ libr. XV. (c). Neque satis expedire rem noverat, quando tamen hoc dedita agebat opera, Henr. Muhlius in *Commentatione de reformatione religionis in Cimbria* (d). Mirum profecto, quod egregii viri existimare sic potuerint, neque melius animos attenderint ad verba & testimonium ipsius Regis. Isne enim diserte in præfatione proficitur, „convocatis doctoribus & prædicatoribus ecclesiarum ex Daniæ regno & ducatibus suis, illud sese in mandatis dedisse, ut ordinationem aliquam sacram conscriberent, de qua consultaret: Acceptam deinde, misisse ad Lutherum, „qui eam cum aliis theologis Wittebergenfibus approbarit: Bugenhagii vero demum consilio & opera usum esse, una cum consiliariis regis, in ordinatione hac sacra conficienda? „Ex quibus liquere omnino arbitramur id, quod Cragius noster memorat, „conceptam hanc formulam fuisse anno superiore (hoc est, MDXXXVI.) a doctissimis quibusque Daniæ viris, quos Rex ex collegiis & ministerio, ad eam rem arcessiverat: „Deinde, postquam approbata fuerat Wittebergæ, sequenti demum anno per Bugenhagium, Hafniæ tunc præsentem, adjunctis ei nonnullis, Regi ab interioribus consiliis, revisam, correctam ac suppletam, in lucem publicam exiisse: atque etiam executione jam tum suscepta, ad effectum aliquem pervenisse. Atque hoc ultimum esse, quod *confessionem* operis Rex appellat (e); Non vero, quod liber a Bugenhagio, conspirantibus hujus & nostrorum theologorum consiliis, latine sit curatus; quemadmodum Muhlio in mentem venit interpretari. Nonne & in ipsis illis litteris, quas CHRISTIANUS ad *Saxoniæ* Electorem dabat, Alburgi Cimbrorum anno MDXXXVII, feria tertia post Misericord. Domini, (erat hæc isto anno dies XXVIII, Aprilis.) & quibus iterum de Bugenhagio ad tempus sibi concedendo instabat, legitur manifeste, jam tum illam fuisse ordinationis ecclesiasticæ formam a nostratibus doctis viris conscriptam (f)? In hanc vero formam quin multa tunc fuerint recepta ex illis, quæ jam aliquot annos in coetibus suis sacris usurpaverant Eberhardus

(B b)

hardus

(b) Pag. 24.

(c) Pag. 433.

(d) Pag. 59.

(e) Nempe & latina Regis hæc, *Hujus viri (Jo. Bugenhagii) consilio & opera cum nostris Consiliariis usi sumus in Ordinatione hac sacra conficienda*, in Danico exemplari sic redduntur: „Hues samme Høylerde „Mands raad oc tilhielp Wi met vort Raad haffue brugt til at fuldgiøre „denne hellige Ordinantz. „De doctoribus autem & prædicatoribus dixerat: „Wi besole dem, at de Os skulde beskriuffe en Christelig Ordinantz. „Aliud vero est *conscribere*, aliud conscriptum *executionis mandare*.

(f) Ipsa litterarum verba sunt, „Wiewohl Wir zu Forderung der Sachen „durch unsere Gelehrten eine Kirchen-Ordnung haben stellen lassen, und „diesel-

hardus Weidensehe & Andreas Jedicke, concionatores aulici, Johannes Wandalus, Hermannus Taftius, Joh. Taufanus, Georgius Vi-bergius. ceterique illi, quis dubitet? Et quidem latine curatum fuisse illud, quodcumque primo conscripserunt, iis ipsis verbis, quæ hodieque typis leguntur excusa, certum habeo. Hoc vero etiam certissimum, utpote quod oculis meis vidi, & manibus versavi, quodque primus siquidem a nemine, quod sciam, litterarum est monumentis proditum, enuntiabo, Regem scilicet tum, cum latinum exemplar ad Lutherum mitteret, aliud sibi ipsi adornari fecisse lingua danicâ; idque adhuc extare autographum. Evolvi istud curiose, atque ex instituta haud indiligenter comparatione, observavi haud pauca ad rei illustrationem apposita, ex quibus hæc lectori distincte impertienda duxi: (I.) quod auctores, (inter quos nonnulli erant ex Ducatibus Slesv. & Holsatiæ, linguam danicam nescientes, quemadmodum neque omnes ex provinciis Danicis germanicæ periti satis,) in hac prima seripione sty-lum latinum adhibuerint. Id quod vestigiis bene multis in vernaculo scripto indicatur. (II.) Quod addiscere inde possumus, quid quan-tumve ex Ordinationis libro, qualis postea est in lucem emissus, fue-rit a nostratibus tunc perfectum, quando Regi primum offerebatur. Nempe haud ulterius progressus primus iste labor, quam ad folium 96. editionis veteris latinæ. (h. e. in editione nostra pag. 64. *versus finem*;) ideoque sequentia capita, de *Domibus Superintendentium*, de *Norvegia*, de *Emeritis*, de *Canonis &c.* fuerunt omnino serius adjecta, alioque tempore. (III.) Quod, etiamsi ejus potissimam & longe maximam partem Rex retinuerit, sicut hodie in editis legitur, tamen isto tem-pore opus aliis subinde loquendi formulis, hoc est, ad formam atque modum consilii scriptum fuerit. Utque hujus rei specimen lector habeat, sumamus ultimum libri caput, quod, de *Schola universali, si-ve Universitate*, extat fol. 98. (nostra edit. pag. 86.) istud enim nostri sub-jecerunt, coronidis loco, ei, quo *libros ruralium parochorum*, (eosdem plane, qui in impresso recensentur,) indicarunt. Atque ibi epilo-gum istum sic conceperant: *Præter hæc omnia, cum ad multa, tum in-primis ad religionis conservationem, publica aliqua schola opus sit, omnino necessarium est, ut una aliqua solennis & generalis Academia in hoc regno erigatur; & pro solenni talium scholarum more suis prærogativis, privilegiis, immunitatibus & beneficiis stipendii confirmatur. Verum de hac re magna no-bis spes est, fore, ut ipsa Regia Majestas ultra & sponte singularem veli curam suscipere, præsertim tanta atque innata erga doctrinarum studia bonar-que artes voluntate & amore prædita. Quem indulgentissimum Dominum nostrum Deus Pater, propter unigenitum suum Filium, servet nobis duris-*

fine

„dieselbige Martino Luthero Doctori haben zugeschiedt zu besichtigen.“ „So wil doch vnser vnd der Sachen Notdurfft erfordern, daß folche Ord-nung nicht durch schlechte, sondern durch trefliche, erfarne, ansehn-liche Personen ferner aufgerichtet, und an Tag gegeben werde.“ In Mul-leri *Entdeckt. Staats-Cabinet IV. Erassa. pag. 435.* nimirum ad ea, quæ alii scripserant, confirmanda, in publicum proferenda, & ad optatum fi-nem adducenda, opus erat auctoritate & consilio viri clarioris majoreque usu exercitati, qualis Bugenhagius agnoscebatur.

fine sospitem, saluum & incolumem. Amen. Ad eundem quoque modum in antecedentibus scripti capitibus interdum Regem alloquuntur & hortantur, iis in locis, ubi postea in exemplo edito *volendi & iubendi* formulæ, nomine Regis, sunt repositæ. (IV.) Quod in altera recensione. (omnino, ut apparet, postquam prælectum Regi atque ponderatum omnibus momenti opus fuisset, & prius quam mitteretur Wirtembergam. suscepta,) nonnulla in eo sint immutata, integris etiam paginis inductis semel atque iterum & sæpius, variaque hinc inde adjecta. Namque hæc etiam uniuersa vernaculo sermone (quem pariter ex latino expressum esse omnia ostendunt indicia.) apponi in vacuis paginarum locis Rex curauit, manu M. Caspari Brochmanni, Archidiaconi Aarhusiensis (g), ex aliis hac ipsa manu scriptis, quorum insignis superest copia, nobis cognitissima. Est in mutatis hisce atque adjectis, ut alia omittamus, illud, quod *fol. 2. (nostra edit. pag. 37.)* præcipitur: *Accipientibus panem & calicem nihil dicatur, quia omnibus publice dictum est ante, in consecratione, verbis Christi*, quorum loco antea in MS. extitit: „pastorem debere accipientibus panem consecratum dicere: Accipe & ede, hoc est corpus Domini pro te traditum; Et calicem accipientibus: Accipe & bibe, hic est sanguis No-
vi Testamenti, pro te effusus.“ Maxima vero omnium immutatio incidit in caput de *Sustentatione & provisione Ministrorum verbi*, *fol. 39. 40.* ac præsertim *fol. 41. (pag. nostra edit. 56.)* ubi auctores nostri multis verbis & graviter de nobilibus agendi modo erga divini verbi ministros fuerant conquesti, mentemque suam aperientes paullo liberius, demum arbitrandum Regiæ Majestati reliquerant, quid quantumve lucri & emolumenti fas esset ut ex Evangelio restituto ad eminentem illum civium ordinem. privilegiis & immunitatibus suis innitentem, redunderet, atque annon iisdem ipsis, qui nuperrime in sacra nondum reformata eorumque ministros multa largiter erogaverant, nunc pariter injungendum esset, ut aliqua saltem mercede pauperes Christi servos solarentur, neque adeo eorum opera tantisque Evangelii beneficiis plane gratis fruenterent. Istorum vero omnium loco rescripta & substituta sunt, manu Brochmanniana, ut diximus, ea quæ nunc in latino exemplari *fol. 41. pag. 56.* de Nobilibus leguntur, duobus articulis comprehensa. Prætereo reliqua, non tantum in hoc capite singularia, verum etiam in illo de *Superintendentibus*, *fol. 45. segg. (pag. 59. 60.)* nec non de *Ritu cum famulis proprios liberos opprimuntibus*, *fol. 31. seg. (pag. 51.)* Et talibus demum, quemadmodum indicatum, correctionibus & supplementis, hodie in textu conspicuis, latinum exemplar auctum, anrequam vel ad Lutheri vel Bugenhagii manus & oculos perveniret. Quibus, aut, si mavis, Bugenhagio soli, ne quisquam illa imputare queat, sciendum nonnulla in eis ira esse comparata, ut a nemine potuerint, nisi legum & constitutio-

- (g) Hunc CHRISTIANUS III. ab eo usque tempore, quo primum in Cimbræ Rex est declaratus, sibi a secretis esse voluit, eodem officio & apud CHRISTIANUM & FRIDERICUM I. fideliter jampridem functum. Vid. de ipso *Inscriptiones Hafnienses* Relenii pag. 66.

stitutionis regni Daniæ admodum perito, proficisci. (V.) Quod, præter jam dicta & in MS. nostro obvia, offendantur in edis exemplaribus alia quoque additamenta, hinc inde in variis capitibus adspersa, factæque passim in periodis ac verbis mutationes. De quibus nobis persvasum, ista omnia in ultima recensione, per Bugenhagium Regiosque illos ministros, qui conjunctis cum ipso consiliis extremam admoventur manum, adjecta esse, atque tunc etiam reliqua illa capita, quæ undecim implent folia (a fol. 56. ad 66. nostræque editionis pag. 64. ad 70.) accessisse. (VI.) Quod ea, cujus descriptionem dedimus, vernacula interpretatio fuerit in manibus D. Petri Palladii, aliud tamen absque supplementis & correctionibus exemplum ejus nacti, quando versionem illam, quæ primum anno MDXXXIX. typis Roschildensibus excusa, moxque eodem anno mense Junio in Comitibus Othinensibus producta fuit, unde & plenior auctiorque & in verbis subinde ac phrasi emendatior Hafniæ anno MDXLI. exiit, adornabat (h). Etenim perpauca oppido sunt, quæ Palladius in verbis & modis loquendi Danicis immutavit, maxime si prima editio anni MDXXXIX. conferatur, præ illis, quæ retinuit: quoque etiam longius in convertendo progressus est, eo magis labori suo pepercit, ut etiam totas interdum paginas sine mutatione ulla transcriberet. Sed quod ad versionem attinet supplementorum, Regio exemplari, ut meminimus, a Casp. Brochmanno adscriptam, certum est eam nunquam fuisse Palladio inspectam: Usque enim adeo semper deprehenditur ab eo diversus; proprietatis præterea vernaculi sermonis haud parum studiosior Brochmanno utpote latinam vocum & ordini & primo illi significarui pressius inhaerente. Hæcque illa fuerunt, quæ ex venerabili MS. observata, non indigna & nostra memoria & posterorum notitia judicavimus. Unde etiam intelligitur, nihil de hoc argumento rectius aut accuratius scribi potuisse, quam quod Jo. Melchior Astrucius in *Histor. eccles. Hufens.* pag. 116. §. VI. distincte atque ex vero commemoravit: errasse vero omnes, qui Bugenhagium vel unicum, vel

- (h) Hinc illa inter duas istas primarias editiones danicas differentia non solum in aliis quibusdam, et si non multis locis, sed etiam ipsa inscriptione. Prior enim talem præfert: „En Ordinantz, hvorledes Kirke-Tieffensten skal holdes vdi Danmarkes og Norges Riger, og de Hertugdømme til Slesvig og Holsten. Aar efter GUDs byrd MDXXXVII. Ad calcem vero locum & tempus impressionis sic indicat: „Trykt vdi den Kongelige Stadt Roschtyd af meg Hans Barth 1539. in 8vo. Alterius vero titulus est: „Den rette Ordinants, som nu siit paa Herredage y Ottenste bleff offuerseet oc befeget, hvorledes Kircketienesten skal holdes vdi Danmarkis oc Norges Riger, oc de Hertugdømme Slesvig Holsten. Ac in ultima pag. hæc: „Printed vdi Kiöbmehaffa wed Hans Wyngaardt vdi den ny Closterstræde boendes. Aar efter GUDS byrd M. D. XLII. Oc findes hun til kiöbs y Wiburg hos Andreas Persen, hoesst S. Hans Closter boendis. Præterea in priore, scilicet ante Comitæ Othiniana impressa, scriptum Bugenhagii Latinum, seu *Ordinatio ceremonialium pro Canonicis*, non adjungitur, sed demum post Comitæ exemplaribus Danicis accessit,

vel præcipuum libri *Ordinationis* auctorem constituerunt. Equidem fateor, Hvitsfeldii locum, ubi de Bugenhagenio meminit, talibus esse verbis conceptum, ut facile in errorem induxerit quemcunque non satis lingvæ nostræ gnarum: sed qui hujus proprietatem caller, is non minus facile animadvertit, non tam de libro aut scripto Cancellarium, quam de rerum in eodem mandatorum per universon regnum executione loqui. Gravius argumentum ducitur ex testimonio ipsius Bugenhagii, quemadmodum illud refert Seckendorffius ex litteris ejus ad Electorem Saxonie (1). Sic enim habet: *Inde Rex omnesque Senatores sigilla sua Ordinationi Christiana, ex latina, quam scripsi, in danicam linguam translata, apposuerunt.* Verum & hæc verba ad detrahendum aliquid veritati nimis quam inefficacia. Et inprimis dubitare licet, cum germanica fuerint, rectene illa ceperit ac interpretatus sit Seckendorffius: Quem parum fidelem egisse hic interpretem, ego non verebor pronunciare. Produxit enim eas ipsas ex autographis litteras extimus tabularii Vinariensis custos Jo. Joach. Mullerus (k), ubi locus ita jacet: „Drauff hat Königl. Majest. ersten, und darnach alle „Reichs-Rete ire Sigille an die Christliche Ordnung, Denisch geschrieben an meinem Lateinischen, gehänget.“ In quibus, nisi omnia me fallunt, Seckendorffius pro præpositione germ. *an*, legerat *aus*. Siquidem nihil aliud indicatum voluit Bugenhagius, quam suam *Ordinationem pro Canonici & Monasteriis* latinam *Ordinationem* danicæ fuisse annexam, amboque conjunctim scripta, utpote magnarum conspiratione consentientia, a Rege Senatuque approbata. Sane quod ejus propriè appellandum est, ipsumque in toto illo opere auctorem agnoscat, nullo unquam tempore in danicum sermonem transit: & quemadmodum in illa, quæ cum confirmatione Orthinæ facta vulgabatur (1), ita in sequentibus cunctis editionibus juxta vernaculum nostram non nisi latine extat. Intellego autem *Ordinationem* illam *ceremoniarum pro Canonici & monasteriis*. Quam & ipsam auctor ne quidem ut germanica lingua legeretur, voluit, tum cum adjungi eam curavit, aliquot post annis, *Ordinationem ecclesiarum Brunsvicensium*, germanice scriptæ (m); ibi enim & latine & nullo verbo a nostris exemplaribus discrepans invenitur. Breviter: Si Bugenhagius in litteris ad Electorem dixisset vernaculum librum nostrum ex suo latino expressum esse, non tantum contra veritatem ivisset, sibi

(C c)

attri-

(i) *Hyistor. Luthcranisimi lib. III. Sect. XX. §. 75. pag. 243. a.*

(k) *Entd. Staats-Cabinet Eröffnung IV. pag. 367.*

(1) Notandum enim, quod, quanquam juxta *Ordinationem* nostram latinam anno 1537. Scriptum Bugenhagii comparuerat, tamen a prima editione Danica, scil. Rotchildensi illa, exclusum fuit. Ideoque auctor in litteris ad Electorem anno 1539. gloriabatur, jam illud in Comitibus regni approbatum, legis vim obtinuisse, Danicis porro editionibus adjungendum.

(m) Edit. *Wittenbergæ* anno 1543. apud *Georg. Rhaw*, in 4to. recusa vero est integra in Hortlederii *Tomo I. lib. IV. cap. 44.* deque illa in terris Brunsvicensibus Guelferbytanz partis suscepta reformatione legi potest Chytræus *lib. XV. pag. 456.*

attribuendo, quæ fuerant longe maxima ex parte confecta aliorum studios ante ipsius adventum; suum vero laborem dissimulasset, quippe qui nunquam in danicam linguam conversus est. Ac insuper hoc consequeretur, Regem abrogata, quæ a doctoribus regni & ducatum conscripta, Lutheri approbationem meruerat, *Ordinatione*, iussisse novam aliam per Bugenhagium latine curari, quam deinde Palladius danice loquentem fecerit. Eo enim coguntur devenire, qui Molle-ri, Chytræi, aliorumque his paria scribentium, dictis confidunt. De ACADEMIÆ FUNDATIONE, tertium in *Additamentis* locum occupante, nihil annotandum habeo, nisi quod in ea Bugenhagii plurima certe auctoritas extiterit, plurimus etiam labor, in muniis præsertim docentium. & quæ eo spectant, describendis, fuerit; neque nullus tamen à quibusdam nostratium impenitus: Quod conspicuum satis reor. Cetera quæ de hoc insigni in rem sacram & litterariam beneficio dici possent, & quibus illud accessionibus piissimi Regis liberalitas aliquoties auctum cumularumque reddidit, haud modo opus est enarrare, cum ab aliis abunde id sit præstitum (n).

Itaque postquam inverso ordine de mantissa seu additamentis dictum, reliquum est, ut ceterorum, quæ inter illa & Stephanii opus interjecta sunt, rationem reddam, simulque aperiam, cur non plures, quam quatuor illas laudationes, ad complendam CHRISTIANI Regis historiam conferre, e re duxerim. Atque jam incidit in mentem aliquid, plerisque omnibus, ut credo, inobservatum, proferre: quod ita dignum ne posteris celaretur existimavi, ut, nisi de eo fuerit admonitum, vix spondere auisim, aliquando non futuros, quibus certo persvadebitur, aliam apud nos olim historiam CHRISTIANI III. a Cragii, Stephanii, Pontani illis diversam, & latine quidem scriptam extitisse, quæ perierit. Potest enim fieri, (& quidni fiet, quamdiu non desiderabuntur in patria homines, rerum ejus aliquantum diligentiores?) ut aliquis velit Academiæ nostræ acta pervoluere, indeque illa, quæ ad superiorum temporum cognitionem faciant, enotare. Itaque in eis dum versabitur, offendet in anno MDCXXV. narratiunculam, cujus verba, conversa ex vernaculis sic sonant: *Feria secunda paschatis aderat in Consistorio Notarius, & ex mandato magnifici Regis Professorumque consensu antebac dato, tradidit Salomoni Sartorio typographo latinam Christiani III. Regis historiam, in 4to, auctore Senningio. Lipsum statim per Salomonis puerum mittendam, offerendamque ad editionem eis, qui ejusmodi monumentorum historie Danicæ publicationem velint suscipere, certumque exemplarium impressorum numerum Academiæ retribuere. Verum omnino nihil certius, quam in his verbis consignandis notarium insigniter esse lapsum, ac festinantem vel alia cogitantem, in duplicem illum, tum in Regis, tum in historici nomine, errorem incidisse.*

(n) Vid. Stephan. *Histor. in anno MDLV. pag. 378.* Vindingii *Acad. Høfsta. pag. 9.* Slangendorpii *Orat. de initiis doctrinæ religionis propagatione* &c. pp. P 5. & 6. Casp. Barthol. *Orat. de ortu, progr. & increm. Regiæ Academiæ* pag. B. 3. b. & B. 4. &c.

cidisse. Neque enim ullam scripsit unquam historiam Seningius, (quem & Sinningium quidam, plerique Synningium nominant (o),) neque, si voluisset, potuit de illa CHRISTIANI III. cogitare, nisi paucorum annorum enarrationem dare vellet; cum Rex integros undecim annos & amplius ei supervixerit (p). Igitur ille in actis legens, non potui aliter quam pro certo putare, fuisse *historiam Christi-ani III. auctore Svaningio*, quam professores speciminis loco in Germaniam destinarunt, Lipsiensium aut Francofurtensium Sossorum aliquem ad monumenta Danica edenda illecturam. Et quis noverit, annon idem ipsum exemplar fuerit, unde illa historia anno MDCLVIII. tanquam ex cæcis caliginis umbris protracta, in theatrum orbis exiit, Francofurti ad Mœnum excusa; postquam nimirum ultra sex lustra in tabernæ cujusdam librariæ angulo latuisset? Constat vero, cum libellus primum in his oris appareret, nostrates, quibus a tanto tempore claspso illud de missione latebat scilicet, obstupuisse & admiratos esse, qua occasione pars ista historiæ Danicæ ad Germanos pervenisset, vel qui eosdem tum temporis habere cœpisset ea tam sollicitos. Unde & tanto facilius fidem invenerunt, qui dicerent, (neque ex vano fortassis,) a Suecis, quibuscum tum bellum nostris erat. hoc instructum, nempe quo memoriâ CHRISTIÆRNI II. refuscitata, nonnulla Danico nomini invidia conciliaretur. Possent hic aliqui a nobis querere, cum Svaningii labor fuerit, quem transmittendum Lipsiam curarint nostri, annon tamen potuerit CHRISTIANI III. historiam comprehendere? Cui respondemus, jamdudum extra omne dubium interque certissima haberi, Svaningium nequaquam in scribendo eo usque processisse, verum absoluto CHRISTIÆRNO II. & vita FRIDERICI I. primis quasi lineis designata, plane cessavisse, manumque & calamum suum perpetuo a scribendi hoc genere abstinuisse. Id quod etiam testantur veteres MSSorum in bibliotheca Academica indices, ac insuper, ne plures memorem, nepos ejus Joannes Jani Svaningius in *Prolegomenis ad Chronologiam Danicam* (q). Et quidem ipse Rex CHRISTIANUS III. historici officium viro, non ut suas

(o) Slangendorpius in *Orat. supr. cit.* Aslacus in *Orat. Theologico-historica* & Cragius noster, pag. 272. & 304. Seningium appellant. Casp. Barthol. *Orat. de ortu & progr. Acad.* Alb. Barthol. *de scriptis Dan.* Sinningium. And. Vellejus, Vindingius & plerique alii Synningium.

(p) Ne hoc falsum esse suspicentur, qui apud Vindingium & Mollerum (in *hypomn. ad Alb. Barib.* pag. 310.) animadvertent, obiisse Sinningium anno 1557. monemus errorem istuc in numerum irrepsisse. Nam revera mortuus est anno 1547. 21. Novemb. docentibus Cragio ad h. a. Aslaco in *Tab. Chronol.* Casp. Bartholino in *catalogo Professorum*, Oratorum jam citatæ adjecto, Nic. Hemmingio in libro *de Conjugio & Divortio* pag. 144. seq. &c. Quantum autem pietate & eruditione theologus fuerit, post XII. a morte ejus annos declaravit Philippus Melancthon, luculento & prolixo admodum elogio ei scripto in epistola ad Regem FRIDERICUM II. Erasmi Leti *Bucolicis* anno MDLX. præfixa.

(q) Pag. 30.

suas res gestas. sed ut decessorum suorum inclyta facta stylo conderet, assignaverat: in eo, quemadmodum in omnibus vitæ actibus, moderari supra quam credibile erat animi; cum neque ullum credam bonorum principum vixisse gloriæ & laudis suæ minus illo studiosum aut cupidum. Quem cum aliquando esset Philippus Melanchthon adhortatus, ut historiam reformatæ in regnis & ditionibus suis religionis faceret iusto opere conscribi, easque ut partes imponeret vel Petro Svavenio vel Jo. Svaningio (r), haud tamen videtur permovisse, ut consilii rationem haberet; credo, quia minus ipsi placebat scriptio, in qua laudibus immortalī DEO, unico stupendi operis auctori & effectori, tribuendis. & quas ipsa res melius illustraret, suum, quod futurum prævidebat, præconium admisceretur. Neque dubitandum, quin ex ipsius, Regum modestissimi. mandato factum sit, quod sepulcri ejus monumentum nulla, ut fieri solet, elogiorum magnificentia aut titulorum amplitudine ornatum, his tantummodo verbis, quibus nihil excogitari potuit simplicius. insigne fuerit: ANNO DOMINI 1611. DIE 1. JANUARIi IN ARCE COLDINGENSI OBIT ILLUSTRISSIMUS PRINCEPS ET DOMINUS CHRISTIANUS TERTIUS, DANORUM, NORVAGICORUM, VANDALORUM ET GOTHORUM REX, ET HIC SEPELITUR 1611. ANNO ÆTATIS LV. IMPERII XXIV. Ceterum quod ulterius fidem facere. atque adeo confirmare queat, nullam fuisse vel a Svaningio. vel aliis historiam ejus conditam, priusquam Hviinfeldius ac deinde Cragius istam curam susciperent, existimamus tum in laudari Cancellarii præfatione. tum in gubernatorum regni decreto, quo historici munus Cragio delatum, extare. Verba non opus hic adducere, postquam de utroque scripto in antecedentibus meminimus. Potius hac opportunitate de uno & altero viro commemorabimus, quos eadem cura sollicitos quidem habuit, veruntamen intra voci duntaxat & propositi fines sterit. In his primus nobis nominandus Joannes Stigelius, celebris ille olim poëta ac professor Jenensis. Ejus enim epistolam vidimus ad FRIDERICUM H. Regem scriptam, qua operam suam in conscribenda parentis ejus historia offerebat.

Quod

- (r) Id qua occasione propositum Regi a Philippo fuerit, dicendum. Petierat Rex, ut Melanchthon sibi quendam librorum Alb. Crantzii germanicâ lingua procuraret. Igitur rescribens Philippus, litteris Witebergæ d. 8. Febr. MDXLII. datis. laudat Alb. Crantzii diligentiam, & quod ex libris ejus insignis de ecclesiasticis rebus notitia, præsertim de episcopatum & sacerdotiorum opulentorum origine, & quomodo successu temporum a primæva sua institutione degenerarint, hauriatur: In fine autem Regem sic alloquitur: „Ich bitt auch unterthaniglich E. K. M. wolle „durch Petrum Svavenium oder Svaningium die Reformation der Kir- „chen in E. K. M. Königreichen und Fürstenthumben durch Gottes Gna- „de Christlich und seliglich ins Werck bracht, ordentlich beschreiben „lassen, welches in viel Weg den Nachkommen nützlich: Und bitt Gott, „er wolle E. K. M. zu seinem Lob und der Kirchen und Landen Heil er- „halten und allezeit regiren. Amen.“

Quod an concessum petenti fuerit, nullus scio. Constat autem, factum viro haud satis temporis ad conficiendum tanti momenti opus reliquisse, cum triennio saltem Regio funeri superstes vixerit. Alter est Petrus Olai, homo Danus, qui quod olim, ante sacrorum emendationem, in monasterio quodam Fratrum Minorum vixerat, Minoritæ appellationem in libris suis retinuit. Sunt autem libri isti, quorum bini se nobis obtulerunt, mera collectanea historica, de rebus ecclesiasticis & politicis, ubi, inter plurima ex aliis & quidem notissimis auctoribus, Saxone, Cranzio, Hartmanno Schedel &c. descripta, nonnulla etiam occurrunt singularia, quibus nollet sane aliquis nostrorum rerum studiosus paulo diligentior carere. Ac in eorum altero, quem *Paralipomena Historie Danica* inscripsit, quando ad CHRISTIANI III. mortem pervenit, prælongam & verbosam virtutum istius Regis laudationem attexit: cui lubenter in hoc volumine, aut saltem in præfatione nostra, locum dedissemus, nisi observatum fuisset, centonem tantum esse ex Hemmingii & Bordingi orationibus confectum. Sola igitur ea, quæ auctor suis verbis protulit, enotabimus; atque hæc sunt: *Esi autem vita ejus Regis multis excellentibus virtutibus ornata fuerit, nos tamen non omnia, sed aliqua ejus gesta commemoravimus supra, ideo oratum habemus omnes, ut integram vitam ejus historiam, bella scilicet gesta, totamque politicam gubernationis cursum describant, quibus & res & consilia ejus melius nota sunt. Regnavit autem annos viginti tres. Regnare cepit anno ætatis suæ 32. Natus est anno 1503. pridie Idus Augusti, paulo postquam Ferdinandus Cæsar, Caroli Quinti Imperatoris frater, Romanorum, Hungariæ & Bohemiæ Rex, qui & nunc rerum in Germania potitur. Obiit Coldingæ Jutia Cæsarensi castro, anno & die supra dicto Circumcisionis. Postremo, etiam si maxime vellemus, non tamen liceret nobis, cirra vel ignorantia, vel alterius cujusdam causæ suspicionem, omittere, (præsertim cum in publicis jam pridem scriptis celebratum sit ab Henr. Muhlro (s) aliisque,) illud quod nostra ætate, viginti aliquot abhinc annis, ab illustri optimoque viro Christiano Reuzero susceptum fuit. Nempe meditabatur ille historiam CHRISTIANI III. edere: primo quidem nihil propositum habens aliud, quam quod nos modo executi sumus, scilicet ut Nicolai Cragii annales ex bibliothecæ Academicæ latebris in lucem proferret: Verum illo postea mutato, alio cogitationem flexit. Etenim Cragium semel ac iterum relegendo, cum subinde hiulcum quiddam, neque omnino exquisitissima illa cura effectum aut exascatum offendisset, (ut erat in illis, quæ ad dictionem latinam atquebant, acerrimus & delicatè imprimis fastidii,) aggrediebatur in primis foliis auctorem suum emendare & corrigere: Verum mox laborem istum peractus, stylium ubique suum proprium adhibendo, aliam operi formam induere, totumque nova quasi incude diffingere. At quoniam plurimis præterea tum alibi, tum in suprema de jure respondentium curia negotiis distineretur, non multum ejus profligaverat, certe nondum secundum*

(D d)

librum

(s) *Commentat. de Reformatione relig. in Cimbris* pag. 82. Vid. & Bernh. Raupach *de rei sacrae & literariæ in Dania statu*, pag. 43. &c.

librum ad finem deduxerat, quum anno hujus seculi xxxi. ad ampliore in Norvegia spartam amandatus, hinc discederet. Atque tunc illa, quam possidebat, libraria suppellectili, prædite sane cumque paucis privatorum hominum in historico præsertim genere comparanda, Regi vendita, (unde Regiæ bibliothecæ nobilissimum accessit incrementum,) non tantum omne scriptionem hanc continuandi studium deposuit, sed & quodcunque ejus habebat affectum & elucubratum, totum flammis abolevit. Quod factum cum amicis ipsius, inque his mihi, quem incredibili amore & benevolentia semper complectebatur, non posset non displicere, multo tamen magis indolui-
mus, comperto, eandem sortem consecutum eosdemque in ignes ivisse omnem ad CHRISTIANI V. historiam apparatus, cui colligendo jampridem vir egregius accuratam haud paucorum annorum operam industriamque impenderat. Enimvero quem nostratum, nisi cui facultas & doctrina viri eximiae in eo animi ingenique doctes ignoratae, non male haberet, usque adeo ipsum sibi nominis-
que sui famæ, addo etiam patriæ defuisse, neque illi alteri merito, quo cunctos sibi in perpetuum antiquitatum septentrionis amantes devinxit, nempe quod Thormod Torfæi *Historiam Norvegicam*, nunquam forte alias prodituram, sua indefessa cura suoque ære publicandam curaret. hoc saltem, quod ad gloriosissimum Regem CHRISTIANUM V. spectabat, cujusque in ipsa Norvegicæ historiæ dedicatione spem fecerat, adjectisse? Sed deplorata hæc satis sunt: imo vani, quicunque de jam perditis proferuntur, questus. Postulabant potius virtutes viri, admirabilis inprimis illa, quæ eruditionem exornavit, cunctisque in actionibus ejus effulsit, probitas; postulabat exemplum sanctitatis & innocentiae, quod in vita hac dedit, & cujus nunc præmio candidissima anima, dudum antequam terras relinqueret cælo inserta, in æterna beatitate fruitur; postulabant denique innumerabilia in me beneficia, ut pluribus elogium ejus verbis instruerem, utque ille me potissimum, quem ab ipsis fere adolescentiæ annis fovit, nutrit, erudit, ornavit, tandem moriens (†) amplissimo paterni sui affectus documento prosecutus est, nunc in memoria sua cohonestanda minus parcum experiretur. Verum cum pietatis hoc officium alium potius locum videtur exposcere, dabimus operam, ut quamprimum convenientiorem seu ratio seu fors obtulerit, ei nequaquam dicendi finis defuisse.

Sed ad laudationes revertamur Regis, historico huic volumini a nobis insertas. In eis principem locum dedimus Orationi NICOLAI HEMMINGII, plane, ut fere omnia istius viri, pulcerrimæ.
Et

(†) Obiit Flensburgi Cimbrorum anno MDCCXXXVI. die XXIX. Februar. ætatis anno LXXI. postquam in Academia nostra fuerat per XXX annos juris Professor, à Rege interea Consiliarii Status & Justitiæ titulis decoratus, Præfecturam Dioceseos Nidrosiensis in Norvegia IV. annos gesserat, totidemque deinde annos præfecturam Dioceseos Alburgensis in Jutia, ultimo vero quinquennio privatus DEO & sibi vixerat.

Et fuit profecto admirabilis vir Hemmingius, ac sive doctrinam spectes, sive excellentiam in religionem, in rem publicam, in Academiam & patriam juventutem merita, magnis hominibus annumerandus. Plura de ipso dicere nunc non vacat; neque, si vacaret, omnino opus esset, cum abunde exstet & suis & aliorum scriptis nobilitatus: & quæ ad vitam ipsius pertinent, repræsentata habeantur, in Vindingii *Acad. Høfu.* in Melch. Adami *Vitis Theologorum*, in Mølleri *Hypomn. ad Alb. Barthol.* atque alibi. Alterius Orationis auctor JACOBUS BORDINGUS, Medicus Regius & in Academia Hafniensi professor, non quidem ex nostratibus fuit, si de patria loquendum. (erat enim domo Antverpiensis,) sed qui tres quatuorve ultimos ætatis suæ annos apud nos exegit: sicut ex vita ejus, apud Vindingium Melch. Adami, Thomam Bartholinum in *Cyssa Medica*, Jo. Møllerum &c. discitur. Doctrinam viri, artisque quam profitebatur peritiam insignis commendabat pietas. Atque istis nimirum oportebat moribus esse, qui in familiam CHRISTIANI III. intrarent: quemadmodum eidem Regi nunquam non succedebat ex voto, talibus sese ministris in sanctissima aula circumdatum & stipatum videre.

ὡς αὐτὶ τὸν ἑμπερὶ αὐτοῦ Θεὸς ὡς τὸν ἑμπερ.

plura de Bordingo, de scriptis ejus, de elogiis ei tributis, de posteritate, in promptu quidem foret addere, nisi & hoc jam præstirisset Møllerum in *Cimbria literata* crederemus, & pleraque nobis cognita occupasset Jac. a Mølle in *Notitia majorum* pag. 48. seqq. & pag. 54. seqq. Orationem, quam nunc damus, ex prima Hafniensi editione expressam, notum est Wittebergæ eodem anno recudendam fecisse Phil. Melanchthonem, causis inductum, quas ipse familiariter exposuit ad Jo. Matthesium, quæque oppido merentur hic referri: *Et vides, inquit, Regis Danici exemplum fuit sapientis & pii Principis, & exius ex hac vita docet, qualis esse præparatio pie mentis in hac agone debeat. Quare judicavi, edendam esse orationem ab ejus medico viro docto & sapiente scriptam, ut multi alii legant. Vellem quædam copiosius illustrata esse; sed consulto usum esse auctorem in lucu hac quasi lugubri forma orationis existimo, cum quidem addere splendorem potuisset (u).* Eodemque tempore pleraque ex hac oratione excerpta capita, in germanicam linguam conversa, seorsim prodierunt. Unde & utrumque libellum post annos xxxv. conjunctim publicavit Theophilus Glafer, ecclesiæ Dresdensis pastor, adjecta præterea oratione JOANNIS THOMÆ RIPENSIS; quæ & ipsa locum habet in nostræ sylloge. Isque ille est Joannes Thomæ, cui non incelebre in patria nomen fecit hymnorum, in cœtibus sacris usurpatorum, collectio, musicis notis instructa; quam

primum

(u) *Epist. Melancht. lib. 2. n. 97. col. 271.* edit. London. Similiter in alia epistola (*est ea num. 322. col. 359.*) idem ad J. B. Hencel. *Mito tibi orationem de morte Regis Danicæ: quam judicabis exempli causa dignam esse, quæ a multis legatur. Scriptor, ut in lucu, non adhibuit splendorem, quem tamen adhibere poterat, cum talis sit, & in più μαρτύριον εἶναι διὰ τοῦτο ἰσχυραί.*

primum anno MDLXIX, in lucem dedit, tunc ad templum D. Virginis pastor Hafnienfis. Sed orationem de CHRISTIANO III, illam recitavit in schola Ripensi, quam, priusquam Hafniam vocaretur, regebat. Typis illa descripta fuit Basileensibus anno MDLX. ac reperitur postea inserta *Orationum in Principes funebrium* tomo III, Francof. MDLXVII. in 8vo. De auctore Mollerus in *Cimbria literata* sua plura nos iussit expectare, quam vel ipse in *Hypomnematis*, vel Terpagrius in *Ripis Cimbricis* (x) Alb. Thura in *Idea hist. literar. Danica* (y), aliive dixere. Subnectere orationibus (z) placuit unum tantummodo carmen, cum plura licuisset: Est vero hoc, quod dedimus, *Epicedium* à JOANNE SASCERIDE scriptum, non quidem inter lucidissima illa carmina, omni Musæo lepore contacta, reponendum, sed tamen neque ineruditum adeo, neque ut omitteretur, cum Regis universam vitæ seriem, a primis usque annis deductam, tanquam in tabella sistit, promeritum. Sascerides Belga fuit, Warmenhufii haud procul Alcmaria natus, qui propter professionem purioris doctrinæ de sacro munere dejectus, e Belgio Wittebergam venerat, ibique exacto triennio, ita se probaverat Philippo Melanchthoni, ut ad Regem ab eo litteras obtineret anno MDLVII. quibus tanquam idoneus docendæ Hebrææ lingvæ in Acad. Hafn. commendabatur. Et Melanchthonis litteris erat adjunctus liber, eodem anno editus à Sasceride. Regiæque Majestati dedicatus. Complectebatur is *Odorum sive Carminum, Davidicorum aliorumque libros IX.* (aa) in quibus multa sane haud infelici metro reddita. Ab eo tempore in Daniam delatus, professionem, quam diximus, annis xxxvii magna fide & industria administravit, homo minime vulgaris, & quemadmodum observavi, a doctis istius ævi, ob eximiam quandam pietatem, magni habitus. Quæ & ipsa in omnibus ejus scriptis elucet, hodie vix inveniendis, nisi fortuito & singulari casu occurrerint. Sed nec Vindingio & Alb. Bartholino satis illa fuerunt cognita; sicut ostensum a Mollero, pleniorum dante catalogum in *Hypomnem.* Attamen neque ad hujus diligentissimi viri manus pervenerunt cuncta. Sunt enim, præter enumerata ipsi omnia, (de impressis loquor,) in nostra suppellectili I. *De Agni, seu Christi Victoria contra Gogum & Magogum libri quatuor.* Hafn. 1577. in 8vo. cum memorabili ad Wilhelmum Principem Auriacum præfatione. Est autem poemâ heroici generis, in quatuor libros distributum, quo Christi contra draconem, ab origine mundi usque ad ejus finem, certamina & victoriam persequitur. Ubi in transcurso id notabimus, theologum hunc nostrum in omnibus fere scriptis

(x) Pag. 652.

(y) Pag. 67. & pag. 347.

(z) Jacobi Furmanni *Oratio*, quam anno 1586. in 4to prodidisse dicit N. P. Sibberus in *Biblioth. Hist. Dan. Norv.* pag. 179. mihi incognita est, neque eam memini me vidisse.

(aa) *Basilea, typis Oporini 1557. in 8vo.* Meminerunt Vindingius, Alb. Bartholinus, Borrich, *Dissertat. de Poetis* pag. 172. &c.

scriptis suis admodum multum studio prophetico & apocalyptrico, citra ineptias tamen, summoque cum sanctitatis studio indulsisse; neque hoc solum, verum in historiis biblicis cunctisque fere Veteris Testamenti, libris mysteria, typos, allegorias quasivisse. Atque hactenus de Saceride, Cujus vena si non ubique & per totum *Epicœdium*, quod adduximus, expectationi respondeat, tamen haud defuisse isto ævo in patria arque ex nostratibus, qui carmine plane nitido gloriosissimi Regis laudes decantarent, vel sola Joannis Francisci Ripensis Elegia, quam *Her Franciscum* inscripsit, fidem facit. Habetur ea inter ipsius Carmina, Lugduni ab Anronio Gryphio, qui epistolam ad lectorem præmisit, haud una re commendabilem (bb), in lucem data, eodem anno, quo auctor medicæ artis professionem in Academia patria est adeptus, hoc est, MDLXI. Neque possumus animo temperare, quin nonnullos ex eadem cultissima elegia versus, in honorem æternæ memoriæ Regis, hoc loco affigamus:

„Interea rumor percellas occupat aures,
 „Sæva Palatinum fata tulisse Ducem.
 „Extinctumque tuum clarissima Dania Regem,
 „Atque alium patriæ jam dare jura meæ.
 „Non secus obstupui, quam si redimita colubris
 „Ante oculos starent Gorgonis ora meos.
 „Scilicet hic magnis fatalis Regibus annus
 „Et Ducibus, dixi, Principibusque fuit.
 „Occidit æternis Cæsar virtutibus ingens
 „Carolus, Hesperia contumelatus humo.
 „Carolus armipotens, cui secula pace vel armis
 „Nulla ferent unquam, nulla tulere parem.
 „Cæsaris adde duas sublatas morte sorores,
 „Quæque tuas, discors Anglia, rexit opes,
 „Regis & ipse sui consortem funere raptam
 „Sarmaticus largis Vistula luxit aquis.
 „Adde Duces, quorum letho Germania flevit,
 „Adde Palatinæ funera bina domus,
 „Nec satis hoc fuerat, sed te quoque Dania Rege
 „Orbavit sævæ mortis acerba dies,
 „Ergo jaces, patriæ pater o fortissime, cujus
 „Dextra fuit factis inclyta, clara fide,

(E e)

„Vin-

(bb) Nam ut præteream illa, quæ in laudem Jo. Francisci attulit, nec non quibus parentis sui Sebastiani Gryphii singulare studium in recensendis poetis, cum antiquis tum recentioribus, deprædicat, docemur inde, quomodo ille in Virgilii lib. VI. *Æneidos* v. 771. institutus versus *Laudis pudicitia celebres addensque superbos*, primum repertus sit, nempe in vetustissimo codice, à L. Fabricio Lampugnano I. V. C. Mediolanensi cum Ant. Gryphio communicato, qui codex an idem fuerit, in quo Hadri. Junio occurrerit, nescio. Vid. De la Cerda & Emmenest. ad d. l.

„Vindicibus cujus virtus se sustulit armis,
 „Fregit & hostiles Marte favente minas.
 „Quid loquor ut subitos sedaveris inde tumultus?
 „Ut dederit victas Hafnia capta manus?
 „Nil locus aut muri, nihil insuperabile vallum,
 „Nil circumfusis profuit usus aquæ.
 „Læta tamen niveis plaudens victoria pennis,
 „Concolor & nullo sanguine tincta fuit.
 „Sed majora canam. Tu juris amator & æqui,
 „Tu cultor veræ religionis eras.
 „Vana supersticio quod nostris exulat oris,
 „Quod dedit impietas, cedere iussa, locum.
 „Se debere tibi sincero corde fatentur
 „Indigenæ, quotquot Dania fortis habet.
 „Nec minus ad gentes sacra pura inferre studebas.
 „Frigidus a celso quas videt axe polus.
 „Dicite vos Musæ, quis vos adduxerit istuc.
 „Qua jacet hyberno Dania cincta mari?
 „Inclyrus, in terras demissus ab æthere, Princeps,
 „Hoc fera barbaries vindice pulsa fuit.
 „Ille domum profugis & culta palatia struxit,
 „Atque alio iussit vos Helicone frui.
 „Hafnia, qua numero doctorum clara virorum.
 „Aonias largo flumine fundit aquas.
 „Per te parva quies, Rex o fortissime, per te
 „Patria tranquilla pace quæta fuit.
 „Qualiter halcyonum dum pendent æthere nidi,
 „Per mare securum navita carpit iter:
 „Non horrenda truces exercent prælia venti,
 „Sed placidis ables labitur uncta vadis:
 „Talis erat regni per te florentis imago;
 „Usque adeo sanctæ pacis amator eras.
 „Ergo velut cultis tollit se laurus in hortis,
 „Servat & æterno frondis honore comam:
 „Sic tua per populos, nullo debilis ævo,
 „Gloria se liquida tollit in astra via.
 „Inter & Heroas fruëris felicibus illis,
 „Turba quibus Christi morte redempta, bonis.
 „Jamque vale: tumultoque precor secura quiescant
 „Ossa, sit exuvijs paxque quiesque tuas.
 „Eque tuo violæ crescant & lilia busto.
 „Regia perpetuis floreat urna rosis.
 „At tu, qui sumis regni successor habenas &c.

Ceterum, ut dicebamus, poetarum lucubrationes in hunc censum deferre, ut inde volumen augetur, alienum fuit ab instituto nostro: neque illud multorum fuisse credimus approbationem habiturum.

rum. Enumerantur quidem istius generis nonnulla a Joanne Molle-
ro in *Isagoge ad histor. Cimbr. Part. I. cap. XII.* (cc) tanquam historiam
Regis illustrantia, ex gr. Ludovici Priggii *de Coronatione ejus*: Petri
Hegelundi *Epicedium*: Hier. Osii *Elegia*: & ejusdem aliud *poema de*
rebus gestis Christiani III. Quæ & ipsa Nic. Sibberus in *Biblioth. histor.*
Dan. ex Molletero repetivit. Sed quis dubitet, ejusmodi multa, cum
istorum virorum diligentia, tum & nostræ se subduxisse? Neque e-
nim iis in mentem venit de Joannis Bocerii elegia, longa illa, & in
laudibus CHRISTIANI III. operosissima: quæ auctoris *Carminum li-*
bro III. de origine & rebus gestis Regum Dan. &c. (dd) occurrit. Non
animadvertus iis *Fieridum plantus*, quem Nicol. Selveccerus concio-
ni funebri, de Rege in arce Dresdensi habitæ, subjecit, postea inter
cetera ab eodem scripta *Epitaphia*, pone *Paraphrasin Psalmi Davidici XC.*
(ee) recitum. Non visum fortassis Davidis Ciceleri Magdeburgen-
sis carmen, paucis post diebus, quam *ex miseris humant in celum evo-*
catus esset CHRISTIANUS (ut habet inscriptio,) ad filium, novum
Regem, scriptum, & Wittebergæ eodem anno editum, in 4to. Non
laudant bina *Epitaphia*, inter illa Joannis Amerini Ripensis (ff). Non
ullius eorum meminerunt, quæ ex Erasmi Læti ubere & fecundo in-
genio, sed non semper castigata arte, profluxerunt, quamvis plura
in eis, quam in reliquis omnibus, sint historica: Suntque hæc videlicet,
1. *Gratulatorium in reditum Regis in urbem Hafniensem*, anno MDLI. in 4to
2. *Daphnis, virtutum ac pietatis imperitque fidei Christiani III. sanctissimi*
Danorum Regis, testimonium continens: quæ est in *Bucolicis* (gg) ejus
Ecloga VI. ac 3. perampla de eodem Rege rebusque ejus gestis narra-
tio, quæ *Rerum Danicarum libro IV.* incipit, tandemque in quinti libri
fine terminatur (hh). Ut taceam, quod idem poeta *libro VI.* dicti
operis (ii), copiose, ut solet, memoret, sibi in Regis funere par-
tes oratoris latini fuisse impositas, quas Othinæ in æde Divo Canu-
to Regi sacra, coram Rege FRIDERICO & Senatu, impleverit.
Quod itidem repetit confirmatque in *Epistola nuncupatoria ad Senatum*
Noribergensem, pag.*** 4. b. Itaque inde discimus, ternas, eodem
in loco, eodemque die, conciones in exequiis Regis fuisse habitas, pri-
mam scilicet Danicam a M. Paulo Noviomago, duasque latinas, a
Jacobo

(cc) Pag. 181. seq.

(dd) Integer titulus est: Joannis Bocerii *Carminum de origine & rebus ge-*
stis Regum Danicæ, & Ducum Holsatiæ, Comitumque Schowenburg-
ium libri quinque, ad Sereniss. & Potentiss. Regem Danicæ Christianum III.
Anno Domini MDLVI. in 8vo.

(ee) Nic. Selvecceri *Paraphrasin Psalmi Davidici XC. Carminum Davidicor. libri V.*
Epitaphia virorum insignium inserta Psalmo nonagesimo. Henricopo-
li 1573. in 12mo.

(ff) Jo. Amerini Ripensis *Carminum varii generis lib. I. Witteberg. 1576.*
in 8vo.

(gg) Editæ sunt *Witeb. 1560, in 8vo. cum præfat. Philippo Melancthonis.*

(hh) Incipit pag. 198. & finitur pag. 248.

(ii) Pag. 251. seqq.

acobo Bordingo & Erasmo Laeto recitatas. Præter illas, quibus
 templa Hafnienſia perſonabant, illamque ab Hemmingio in Acade-
 mia habitam. Verum an Laeti oratio unquam lucem viderit, magno-
 pere dubito, & quæ cauſæ extiterint, cur eandem auctor. minime
 alias lucubrationum ſuarum parvus aut tenax preſſerit, lubenter vel-
 lem edoceri. At ſarcivir ipſe damnum hoc uberrime, in illa, quam
 modo citabam, epiſtola *quatuor de Republ. Noribergenſi Carminum libris*
 quæ præmittitur, ubi longum de CHRISTIANO noſtro præconium
 inferuit, quod certe pars poterit videri Orationis ejus. Illud vero ro-
 tum, quoniam & nonnulla continet haud facile alibi reperienda, &
 haud amplius inter vulgares libros dictum opus numeratur, ſperabo
 lectores æquo animo laturos, ſi unam hic quoque alteramque pagi-
 nam impleverit. Ita vero habet: „CHRISTIANI TERTII nomen
 „& virutum, quibus non domesticis tantum ſuis, ſed multis Europæ
 „gentibus innotuit, commemorationem breviter complectar: ut &
 „hoc in locoranti principis memoria, ceu publicum virtutis, pietatis-
 „que ac humanitatis ejus reſtimonium, cum grata poſteritatis recorda-
 „tione atque imitandi deſiderio conſpiciatur. Huic enim Regi nihil ad of-
 „ſicia, nihil ad virtutis cultum, denique nihil ad omnem animi benevo-
 „lentiam ac pietatis curam deerat. Et cum pacem quacunque ratio-
 „ne conſtitutam omnibus ex bello victoriis antepoſuiſſet; equidem
 „ita pacis artes coluit, ut & charus omnibus externis, & ſuis ſubdi-
 „tis comprimis admirandus complectendusque eſſe videretur. Erat
 „in eo ſumma ad gerendum imperium induſtria, conciliandiſque be-
 „nevolentia ac morum ſuavitare hominibus à natura ipſa factus pu-
 „tabatur. Supra enim formæ venuſtatem, quæ, ut ſciunt multi, (re-
 „cens enim eſt mortuus,) mirum in modum excellebat; inerat ei
 „hæc, de qua nunc loquor, tacita naturæ viſ ad contrahendas ex vir-
 „tute familiaritates: adeo ut cum illum & ſui ſuſpicere; & externi
 „amare ac revereri ſint viſi; equidem clientela, affinitatibus ac ſæde-
 „rum religione præcipuam inter Chriſtianos Principes nobilitatem,
 „egregia certe meritum ac fidei conſtantia devinctam retinuerit;
 „ſemperque & ſibi, & ſuis retinendam eſſe exiſtimavit. Exemplo
 „autem intra parietes domeſticos tali mercede prælucebat, ut ſum-
 „mo rectiſſimoque ac plane Chriſtiano morum uſu omnibus homi-
 „num ſtatibus, omnibus ordinibus cum commendari poſſe pu-
 „tem. Si nihil fortasſe officiabat valetudini, equidem primis diei ho-
 „ris, ipſo ſtatim mane, de lecto ſolus eſt ſurgere: expeditaque, quæ
 „circa veſtimentorum ac corporis ornandi curam erat, conſervudine;
 „cum habitu ille ſimplici tantum, & nihil propemodum luxuriante
 „uſeretur, ad preces ſeſe contulit: in quibus ardentem, magnisque &
 „veris gemitibus coram DEO verſatus eſt. Ab illis digreſſus, impe-
 „rabat neceſſaria familiæ; prodiuſque acceſſit ad legendum: & ſi ni-
 „hil negotiorum aliorum magnitudine impediabatur, magnam ple-
 „runque abſumpſit temporis antemeridiani partem ſacris Bibliis or-
 „dine atque aſſidue perlegendis. Ita occupatum inertiſſimum audebat
 „nemo. Finita lectione, quam voce clara expeditaque ſemper abſol-
 „vebat,

vebat, fas erat singulis accedere, quæque cuiusque officii erant, diligenter exequi. Ipse progressus extra curiam, paululum ante prandium vacabat ambulationi, causasque miserorum cognoscebat: cum, que supplices libellos diligenter etiam colligeret, equidem & benigne respondendo, & postea iuste providendo, multorum expectationibus mature satisfaciebat. Salus igitur hæc cuique prima visa est, si ipsum adiiisset Principem: quod illo nullus esset ad juvandum miseris propensor; & eorum querelas memoria arctissima custodiret: ut qui vehemente admodum desiderio expeteret afflictis, & quancunque necessitatem tolerantibus tempestive profecto ac magno consolationis bono opitulari. Post prandium eadem pene sunt repetita studia: nisi quod tum quidem temporis interpretem aliquem Scripturarum evolvere sit solitus. A quibus exercitiis ad interiores nonnunquam recreationes divertebat: quo præter familiarem unum aut certe alterum, neminem quidem induci secum passus est. Vel enim ipse aliquid interdum operis mechanici tractare gestiit: vel dirigendis æquandisque bombardis; quas ille affabrè politeque concinnatas, paratasque e vestris (*Noribergensium*) artificibus habebat plurimas, delectabatur: Vel aliis astabar ipse spectator operantibus; & iis quidem ante omnes maxime, qui vel Chimia distillationibusque impura puris tollerent: vel auro fabricando præcipuam industriam ostendere omnino potuerunt. Johanni vero Sibenio aurifabro, qui aurotomatis parandis summus erat artifex, & frequens aderat, & actionum formas suo consilio ac diligentia interdum auxit, interdum commendavit. Testatur hanc industriam venustum illud & cumprimis admirandum Horologium, quod ipse fieri concinnarique & ornari iussit impensis plane maximis: cui ne hoc quidem æquandum esse, statuas, quod à Persarum Rege Carolo Magno Imperatori donatum, missumque esse referunt. Voluptas autem huic Regi erat pene maxima; in Bibliothecam, quam habebat instructissimam, frequenter ventitare, ibique assidere, ambulareque & aliquandiu commorari. E librorum numero, efferre secum ipse interdum aliquem est solitus: interdum chartas tabulasque geographicas manu sua pertulit in cameram. Hisce enim exercebatur; & quidem æstivis temporibus ac cæna maxime: quod huiusmodi locorum limitumque descriptionibus mirifice oblectaretur: Stomachatus interdum etiam, quod adolescentens minus spaciis, terrarumque ac nationum cognoscendo perlustravisset. Hæc studia admirabatur, non tantum naturæ ingeniique præclara indole; sed cum doctrinas ex animo haberet charas, easque non magni tantum, sed & maximi omnino faceret, equidem eruditos omnes non tantum honesta voluntate complexus est: verum etiam ipse sibi in aula præstantes voluit atque egregie doctos adesse plurimos: quorum vel consilio, vel colloquiis eruditis ac modestis, sævique consuetudine delectatus; optimam sane vitæ partem huiusmodi quidem voluptatibus transmittendam sibi esse existimavit. Esset autem haud tenui eos numero censeri posse statuas, qui consiliis ac

(F f)

doctr

doctrina clari, ceu ad manus semper adfuere Christiano: tamen post
 admirandum illum arque incomparabilem Heroa, virtutisque omnis
 antistitem & patronum Johannem Frysium, Cancellarium & para-
 staten; post Petrum Oxe de Gyssefelt; & Corficium Wlfeldium; vi-
 ros confiliarios & sapientes, præcipuos habebat secum Paulum No-
 viomagum, & Henricum a Bruchoffen Buschoducensem, concio-
 natores & theologos; Bernhardum Wichboldum Groningensem,
 Jureconsultum; & Antonium ab Hanfck Mifnensem, virum & vir-
 tutibus omnino ceteris præstantem, & animi constancia ita gratum,
 ut cum cognitione literarum antecelleret, equidem ob exploratam
 hanc fidei morumque rectitudinem, sigilli, quod secretum vocant,
 custodiam illi committendam esse, Rex ipse arbitratus sit. Horum
 igitur quod viri boni, & præclare eruditi omnes essent, consuetudi-
 nem ac familiaritates aulicis multorum ineptiis anteposuit: eosque
 sibi velut conjunctissimos a latere non discedere, nusquam pene ab-
 esse passus est. Eorum vero studiis cum is ad cognoscendam doctri-
 narum liberalium præstantiam inciraretur, mirum profecto est, quan-
 to ardore, quantaque animi promptitudine bonas interea literas
 complexus sit; idque hujusmodi omnino argumento maxime, quod
 Professores ipsos & summa sit humanitate profecurus, & hujusmo-
 di illos honoribus affecerit: qui non præsentem tantum aliquam te-
 stari benevolentiam poruerint: sed liberali eorum sustentationi plu-
 rimum attulerint prædicii: dum aliis Canonicatus, aliis Decimas,
 quibusdam Vicariatus, ex aliis Ecclesiarum collegiis adjiceret: unde
 facta stipendiorum liberalior accessio, eximiam profecto alacritate
 intulit docentibus: quorum diligentia & Scholæ dignitas, &
 nomen disciplinis comparatum est; quæ tum quidem apud nos &
 depurgatæ sordibus, & manifesta utilitatis ratione proponi arque ex-
 plicari cæptæ sunt. Venitabat in Scholam subinde non stipatus
 multis; ingressusque operam dedit publice docentibus. Eo nomine
 & reverentiam auxit in discipulis, & auctoritatem doctoribus con-
 ciliavit. Invitados interdum Professores, suæque mensæ etiam ad-
 motos non exceperit tantum & tractavit liberaliter; sed & de Scholæ
 statu rebusque necessariis diligenter sciscitatus est. Hac Regis bo-
 nitate judicioque consultum est honoribus docentium in Academia,
 adversus calumnias eorum qui persequuntur literas: quorumque ia
 multis principum aulis copiosius subinde numerus est & provenus
 singularis.

Cum certamen aliquando esset Collegio Lundenfi adversus
 doctrinæ tum apud nos repurgatæ formam, (serius enim ejus Ec-
 clesiæ Canonici mutationem rituum & superstitionis abolitionem
 suffragiis ac consensu suo approbaverunt): ea vero de re futurum
 esset publice colloquium in Academia Hafniensi: cum sententiarum
 collationem Lundenfes minime derectavissent; quod viris & doctri-
 na præcipuis, & auctoritate maximis in hunc etiam diem Collegi-
 um

„um Lundense antecellat: ingressus Scholam est Rex CHRISTIA-
 „NUS die constituto: quodque mirum fortasse est, cum ingens fri-
 „gus esset, & de crure altero, ut scimus, laboraret; inter primosta-
 „men adfuit; affeditque mediis in gradibus sine pompa atque osten-
 „tatione: E quo loco & iusta autoritate, & exhortatione placida to-
 „tum colloquii actum ad optimum & salutarem Ecclesiæ finem per-
 „duxit ac gubernavit. Hæc res magnam ipsi cum pietatis laudem,
 „tum studii conatusque propagandi Evangelii de Christo, veram pro-
 „fecto & solidam existimationem attulit. Hujusmodi autem colloquio
 „id perfectum est, Palladii, Machabæique & Sinningii studiis atque
 „industria præcipua, ut sententia Lundenses cederent, seque Eccle-
 „siis nostris junxerint, & assensum subscriptionibus manuque sua
 „haud inviti confirmarint.

„Sed orationem hîsce quidem de rebus non faciam hoc in lo-
 „co prolixior. Tota enim Regis hujus vita pulcerrimis ac sva-
 „vissimis morum exemplis, seu fonte quodam ad omnem clementiæ,
 „fortitudinis ac bonitatis admirationem uberrimo ditissimoque re-
 „dundabat: ita, ut si in omnes actiones privatæ vitæ ac conversatio-
 „nis hujus intueri libeat, equidem & sanctissima vitæ instituta, & a-
 „gendi jucundissimas omnino rationes comperias ac fateare. Con-
 „suetabatur subinde morbis, iisque & maximis profecto, & interdum
 „etiam longissimis: a quibus tamen eluctatus est, partim naturæ be-
 „neficio, partim ope Medicorum qui apud hunc Regem summo sem-
 „per loco & habiti sunt, & autoritate valuerunt. Inter eos tamen
 „peritiam ac medendi felicitate clarissimos novi Johannem Pomerium,
 „Anglum, Jacobum Bordingum, & Cornelium Amstortium, Docto-
 „res; Paschasium vero, Jacobum Hasenbarthium, & Robertum
 „Geilshernium Chirurgos: qui & viri erant boni, & artificio præsta-
 „bant eccellente; aulamque secuti magno certe consilio magnisque
 „deliberationibus hanc curam circa sanitatem Regis perfecerunt; do-
 „nec circumacta mali istius ultima fatalique periodo, sanctam pro-
 „fecto & gloriosam inter suos vitam Coldingi CHRISTIANUS fini-
 „it. Qui Ottoniam postea translatus est: ibique amplissimæ Nobili-
 „tatis humeris elatus: & a me laudatus oratione publica Latina; a-
 „stante FRIDERICO filio, designato Rege: præsentibusque Holsatiæ
 „Ducibus, fratribus; atque inclyto ipso regni Senatu jam tum pulla-
 „to, communemque patriæ atque amplissimi ordinis dolorem luctum-
 „que restante, in Canutina Ottoniensium æde sarcophago includitur:
 „quo loci Regiam, quæ alibi futura aliquando est, sepulcrum expe-
 „ctat ac præstolatur. „ Hucusque Frasmî Lati verba. Insuper no-
 „bis compertum, per ipsum illud tempus quo iusta Regio funeri pa-
 „rabantur mandatum a FRIDERICO Rege exiisse, ut in toto regno
 „tres continui dies sacri sequenti mense agerentur, concionum ac pre-
 „cum exercitio, quo populus ex divino verbo de memoria defuncti
 „Regis pie recolenda, arque de obedientia erga novum Regem admo-
 „neretur, celebrandi. Ac de eo quidem ipsius Palladii ad collegas suos,
 cete-

ceterarum diœcesium superintendentes, literas habemus ipsius manu subnotatas, quarum exemplum, lectori non invidemus, ad oram hujus paginæ apponendum (kk). At, quod ex Joan. Molleri, sapius nobis laudari, aliorumque indicio, persvasum multis fuit, extrare aliquam, sub Petri Palladii nomine, latine scriptam *Narrationem de excessu CHRISTIANI III.* atque Hafniæ ipso anno MDLIX, seorsim editam, cujus Philippus Melanchthon auctor fuerit, plusquam simplicem errorem continet. Verissimum quidem, istius argumenti libellum a Palladio fuisse vulgatum eo anno: idque nobis, non tam Vindingii & Alb. Bartholini, (quorum neuter vel de editionis forma, vel de lingua, qua conscriptus fuit, meminit,) quam oculorum nostrorum testimonio confirmatum. Est idem formâ, quam vulgo *Evam* appellant, & sermone scriptus danico. Nihil vero aliud, quan-

(kk) „DEI gratiam & pacem per JESUM Christum. Venerande Domine
„Superintendens, frater in Christo charissime, post omnem animi gra-
„titudinem & pro beneficiis gratiarum actionem. Audivisti procul du-
„bio, Venerande D. Superintendens, summo cum dolore de obitu piis-
„simi Regis nostri Christiani tertii, cujus beneficiis in utroque Statu per
„continuos 24. annos & ultra in hoc regno, per ipsius administrationem
„piissimam uli sumus. DEUS attem nunc in hoc novo anno splendi-
„disimum Regni hujus lumen, propter ingratitudinem nostram e medio
„tollere coactus. Quare filius ejus clementissimus, noster Princeps, Fre-
„dericus Secundus, omni virtutum genere nobilissimus, propter varias,
„magnas atque etiam arduas causas, mox e vestigio, funebri pompa cha-
„rissimi patris peracta prius, edito edicto, per totum hoc regnum dies
„precum constitui curavit. Admiranda sane & laudanda, atque etiam
„absque omni tergiversatione obtemperanda & amplectenda Principis
„nostri clementissimi voluntas. Signavi igitur tuæ præstantiæ textus,
„materiam & locos, de quibus tractandum erit publicarum precum die-
„bus. Erit itaque Concio primæ diei, de *Magistratu Ecclesiastico*, ejus-
„que officiis in ecclesia, cui serviet hic textus, ad Tit. I. *Hujus rei reli-*
„*qui &c.* usque ad hæc verba, *sunt enim multi &c.* Concio secundæ di-
„ei, de *Magistratu politico ejusque officiis*, cui serviet hic textus, ad
„Rom. 13. a principio capitis usque ad hæc verba, *DEI enim minister*
„*est &c.* Concio vero diei tertiæ erit, de *Subditorum vera obedientia*
„*DEO & ordinario magistratui deferenda.* Cui serviet hic textus,
„1. Pet. 2. *Subditi igitur &c.* usque ad hæc verba, *omnes honorate,*
„*fraternitatem diligite, DEUM time, Regem honorificate.* Hos præ-
„dictos locos delegi in hisce diebus proponendos & promulgandos. Tem-
„pus autem, in quo celebrabuntur precum dies & inscriptæ proponentur
„conciones per totum hoc regnum Danicum, erit videl. die Lunæ, Mar-
„tis & Mercurii post Latrare, hoc est 6. 7. & 8. dieb. Martii. Rogo igitur
„Dm, Superintendentem, ut has præscriptas conciones per semetipsum
„formare velit. In hoc enim facit DEO & Principi nostro Clem. rem gra-
„tam & Regno pernecessariam. Ego sane solito more formassem & am-
„plificassem hæc conciones, si adversa mea valetudo hoc non impedi-
„ret; quoniam lecto decumbo. Velim itaque ut Ds. Superintendens ig-
„noscat, & infirmitatem meam consideret. Interim in Christo JESU se-
„liciter valeat. Hafniæ 8. Februar. 1559. *Tunc in omnibus Petrus Pal-*
„*ladius propria manu subscripsit.*

quantum ad historica, continet, quam quod ex Bordingo Palladius accepit, & vernacule bona fide exhibuit (II): reliqua ad FRIDERICUM II. sunt consolatoria. At illud, in quo Philippus suo illi amico veteri, ac tum maxime aegrotanti, stylum commodavit, aliud quiddam erat, neque seorsim editum, neque *Narrationis* titulo inter viri scripta positum unquam, aut ponendum. Erat nimirum epistola, qua *Librorum Moysi explicatio*, notum illud Palladii opus, Regi FRIDERICO, parentem jam alterum mensem lugenti inscribatur, quæque in ejusdem libri fronte legitur. Illa enim epistola, sive præfatio, tota quanta est, in laudatione beatissimi Regis consumitur, & exequialem potius concionem, quam quod vulgo dedicationem vocamus, refert. Nempe miserat ad Philippum Palladius librum illum suum, censendum, & Wittebergenfisibus typis imprimendum, (qui & ibi fuit excusus:) atque haud dubie rogarat etiam, ut in alloquendo Rege suas aegrotantis & decumbentis partes subiret. Accedit, quod nemo, in utriusque viri scriptis versatus, non illico agnoscat Philippi manum. Idem enim naturale & candidum elocutionis genus, idem minime fucatus nitor, eadem verborum & sententiarum conformatio, quæ in ceteris ipsius scriptis, hic elucet. Insuper, (etsi hoc leve forsitan,) ipsa in conclusione epistolæ, nota temporis adscripta Philippum arguit. Simili enim, ex sua peculiari scilicet computandi ratione, sæpe ususprehenditur: multosque in ea re postea imitatores habuit. Ac eandem plane adhibuerat biennio ante, in subscriptione Academici testimonii, quod in nostris nunc est manibus, candidato sacri muneris cuidam dato, ubi ipse Philippus manu sua hæc subnotavit: „Date Wittebergæ anno 1557. die 25. Martii, quo die Filius „DEI ante annos 1523. in cruce victima factus est. Quo die & Adam & He- „va creatos esse scribitur ante annos 5519. Philippus Melanchthon.“ Verbo, omnibus collatis & expensis, non amplius tantum verisimile esse, sed apertum & demonstratum puro, laudatam epistolam dedicatariam, Palladianæ *Explicationi librorum Moysi* præfixam, Melanchthonem dicere voluisse, quando illa ad Chytræum, quibus Mollerus aliique ad diversam opinionem inducti, scribebat (m m). Num igitur ad eandem magni viri, Palladium mentiri, scriptionem digitum intenderit Willichius Westhovijs, quando in carmine, *Regiæ Danorum Academia* laudibus dicato, sic cecinit:

(G g)

Tertius

- (II) Inscribitur sic: „Höyborne Fyrstes och Stormæctige Herre og Konning „CHRISTIAN DEN TREDJE til Danmarck oc Norrige, dette Afsked aff den- „ne forgængelige Werden. Anno 1559.“
- (m m) *Epist. Chytr. pag. 1218*, ubi Philippus sic: *Meministi Regis laudatio- nem apud Homerum, τῆς δ' αὖτε βασιλῆως. Talls cum fuerit Rex Dani- cus, grati memoriam ejus ad posteros transmittamus. Quare & opt. & doctiss. Viro D. Bordingo gratiam habeo, quod orationem de Regis, Danici pietate & migratione editi, & tuo officio delector, quod exem- pla mihi misisti. Curavi & hic a typographis edi. Et quadam de eo, nomine Palladii scripsi.*

*Tertius ad reliquos cedit Christianus, ab ulla
Nunquam laudatus, nunquam laudandus ab ulla
Voce factis: quoniam laudatus voce Philippi.*

an vero aliud quoddam opus Philippeum respexerit, nullius momenti est inquirere. Quis enim vel nescit, vel dubitat saltem, plures potuisse occasiones nasci, ac revera etiam incidisse, quibus ille Principem, quem in ore atque animo habebat (nn), ingenibus etiam in se suiue similes beneficiis provocatus, celebraret. Denique nihil inusitatum, neque adeo nobis magnum habendum, quod tanta Rex pietate debitum excellissimæ virtuti præmium, a doctis hominibus isto animo istaque indole, quali Melanchthon præditus, obtinuerit. Sed nec quidem mirandum, ut credidero, quod post fata sua, a magno scriptorum probatissimorum numero, a Chytraeo (oo), a Theano (pp), a Peu-

(nn) Huc pertinet, quod in Petri Hegelundii, Episcopi olim Ripensis, scripto quodam observavi, alibi etiam, & iisdem fere verbis in Joannis Thomæ oratione (pag. 452.) legendum; *Ferebatur per id tempus (regnante CHRISTIANO III.) piissimus doctissimusque Philippus Melanchthon sæpe depradicasse Danicæ felicitatem, quam assimilabat Republicæ in Capernaum, cujus incolæ concivesque erant CHRISTUS ipse, JAIROS Archisynagogus, CENTURIO, quia amabat gentem Judæicam, ædificavitque ipsis Synagoga, & ΒΑΣΙΛΙΚΟΝ. Ita in Dania fuisse tum bene continuam felicemque Republicam, ubi Rex esset vere CHRISTIANUS, ecclesiæ & scholarum nutritius, reliqui Magistratus pii, Doctores Ecclesiæ boni & οὐδὲν ἄλλο.*

(oo) Saxoniæ lib. XIX in anno 1558. p. 555. ubi de Revaliensibus & Esthoniis agitur, sese & res suas Regi offerentibus loquitur: *Sed optimus Rex, jam senex & morti vicinus legatis respondit, satis sibi ditionum ac populorum a DEO subditum esse &c. - & paulo post Calendis Januarii inchoantibus annum 1559. pte & placide animam sanctam & DEO caram reddidit.* Sic & in dedicatione libri Josue explicati, ad FRIDERICUM II. dicit parentem ejus vere CHRISTIANUM & sanctum Regem, Josue Biblico, vera pietate, sapientia, magnitudine animi, orta ex fiducia presentis DEI, fortitudine in præliis, justitia & moderatione in toto imperio simillimum fuisse.

(pp) Lib. XXII ab initio: *Januario incunte Christianus Danicæ Rex, Friderici filius, princeps summa animi æquitate & moderatione factis concessu Coldingæ, Cbersjonesi Cimbrica oppido, cum annos LVI. menses III. dies XX. vixisset, ac XXIV. annos regnasset. Ejus moxime memorabilia hæc sunt: quod Clementem piratam juris vultatorem cepit, & capitis damnatum quatuor rotis imposuerit: Lubecensium & Christopbori Oldenburgi insubmissas copias quæ ditionem paternam invaserant, ad Asnam Fionia urbem edita ingenti strage prostravit: paria pace S. Biblia in Danicam linguam transferenda curaverit: Helsingensem scholam & in ea bibliothecam instruxit. Paulo antequam moreretur, patrualem captivum per humanam invisit: cumque multa in familiariori colloquio ambo simul contrulissent, deprecanti alterius inimicitias, invicem sibi injurias condonavere.*

a Peucero (qq), a Caselio (rr), a Beuthero (ss), a Leutingero (rr),
a Lun-

(qq) In Chron. Carionis lib. V. pag. 555. (edit. in fol.) *Ex hujus (Christiani I.) posteritate natus est Christianus II. in quo dubito justiusne prius mirer bellive laborem. Reddit enim pacem Daniæ, sopiis atque sepultis bellis, reddidit lucem veræ doctrinæ, restituit Ecclesias, & justissime in summa tranquillitate regnum administravit.*

(rr) In libro de laudibus Elisabethæ Cimbricæ Rostoch. 1586. p. C. a. b. CHRISTIANUS III. regnum accepit, nec plane quietum, neque sine armis, uti sit, ubi non pacata sunt omnia. Sed initio juri potissima, reliqua non multa, armis cessere, spatio annuo. Ibi cum Rex publice, otium, leges, judicia, scholas, religionem constituit: in primis Academiam ornavit, accitis viris doctissimis, quos & munifice habuit. A regia vero exterminavit luxum, injuriam, quæque his comitantur, aspernationem & calumniam, ut esset veluti templum frugalitatis, veritatis, justitiæ, modestiæ, & quæ harum dux merito censetur, sinceræ in Deum pietatis. Ut autem ipse pius non simulato fuerit, cum omnibus vitæ partibus ostendit, tum extremo ejus actu, quando inter preces suas & amicorum, pæne id cernente familia, auctori animam reddidit, quod ut rarum apud Reges exemplum, diligenter litteris proditum est, & multi cum admiratione referunt. Hic frater, cujus regiæ potentiæ par vitæ sanctimonia perhibetur, Elisabetham educavit. Ita & in Epitaphio libro Friderico II. ad regni senatores, anno 1588. permulta Caselius in laudem Christiani III. enarravit: nec non in pluribus scriptis, quæ inferre hic nimis longum.

(ss) In Append. Commentarior. de rebus in Europa &c. gestis, (ed. Argent. 1668. f.) pag. 108. b. *Calendis Januarii optimus summæque pietatis princeps, & vere Christianus, Rex Daniæ atque Norvagiæ, ex hac vita ad cælestem patriam est evocatus.*

(tt) Longum & omnibus numeris absolutum est elogium, quod Orationi in abitum Annæ, Augusti Electoris conjugis, insertum legitur a Leutingero, (pag. Opp. 1423 - 1428.) quo CHRISTIANUM III. ut regium pietatis & omnis generis absolutissimarum virtutum exemplum proponitur: qui non tantum publice talis videri, sed intra ipsa penetralia conclaviæque secretiora, quod quidem cum paucis commune habuit, etiam esse voluerit: quod nutritius Ecclesiam paternæ cura adjuverit, justitiam ex æquo administraverit, imperium gesserit anæmaton, vocatusque ad fœdera, & exstimulatus ad bella, sapienter iis, conservata subditis suis pace, vicinis regnis undique belli incendiis gliscientibus & ardentibus, abstinerit, & quasi tritum habuerit, facile esse regnum turbare & inquietum reddere, sed in tranquillum restituere, opus & laborem requirere: quod ejus clementia fuerit, ut non solum damnatos interdum misericordia ductus absolveret, sed in se contumeliosos quoque pro delicti gravitate minime ulcisceretur, & absque delectu beneficus esset, sæpe etiam sponte offerret: quod ad reliquas virtutes constitutæ, sobrietatem & temperantiam adjecerit, quod in aulis tunc rarum esset &c. quod factum illi sit secundum verbum Domini: *Honorantes me glorificabo.* Cum tanta in auctoritate apud Reges fuerit, tanta apud suos gratia, in tanta denique apud omnes laude constitutus, ut quibus officiis, obsequiis & encomiis eum sibi demereri possent, vix invenirent. Et quamvis sanctus in vivis Rex crederetur, sanctior tamen post funera habitus, etiam apud adversarios: &c. quod linguas & studia impense amaverit, allisque auctor ad discendum fuerit, filios iidem præclare erudiri voluerit &c.

a Lundorpio (uu), ab Ubbone Emmio (xx), a Conf. Laurenbachio (yy), a Reufnero (zz), ab Henningefio (aaa), ab Hamelmanno (bbb), a Ribiero (ccc), & ab aliis plurimis prædicatus, & tanquam fingulare Principibus exemplum in humani generis theatrum productus fit. Verum ab acerrimo Principum cenfore, ab illo, qui tam parum Regibus indulgere noverat aut ignoscere, & qui nequaquam nostro huic obnoxius, tantummodo e longinquo virtutes ejus contemolabatur, hoc est, a Georgio Buchanan, eq esse præconio nobilitatum, ut OPTIMUS OMNIUM SUÆ MEMORIÆ REGUM (ddd) haberetur, fallor, annon in hoc genere judiciorum videri possit aliquando amplius æstimandum. Sed vela nobis contrahenda, ne in grandem nimis librum excroscat præfatio. Vale, lector, & si bonus es & candidus, tot propositis in uno Principe exemplis frui. Atque ut, Divini Numinis beneficio, multi septentrioni, multi orbi Christiano, multi generi humano similes CHRISTIANO III. rectores contingant, nobiscum opta.

- (uu) Lundorp. *Const. Sleid. pag. 110. In anno 1559. ubi post descripta Thuani verba, hæc addit: Mirandum non immerito, Christianum hunc, per XXIV. annos, regnum tam pacifice, prudenter ac sapienter administrasse, quod tamen intra seculum nulli Danorum Regum contigisse, ut illud plerique sapientum singulare DEI donum ac beneficium fuisse, non finire prædicent.*
- (xx) Ubb. *Emmii Rerum Chronolog. lib. V. pag. 207. Christianus III. rex pietissimus & optimus post 24. regni annos, anno Christi 1559. ipsi Cal. Jan. vita defunctus. Et Hist. Fris. lib. 17. pag. 386. de societate ejus cum Carolo Geldro, & disturbatis per eam anno 1536. consiliis Burgundicis loquens, vocat solertissimi ingenii principem.*
- (yy) In *Continuat. Sleidani*, germanice per Os. Schadzum, P. 1. lib. IV. col. 152. ubi ex Thuani, Peuceri, aliorumque verbis contextum elogium.
- (zz) In *Stirpe Witikindea*, & *Opere Geneal. Bazil. pag. 361. s. ubi & hæc: Domus ejus fuit templum Spiritus Sancti, prudentia oculis, libra justitiae, fortitudinis sedes, regula temperantiae, honestatis exemplar, fons gratiarum, Musærum chorus, doctorum gymnasium, theologorum sacrarium, pauperum mensa, refugium innocentum, praesidium miserarum. Verbo: princeps pietissimus, christianissimus, invictissimus.*
- (aaa) *Geneal. Monarch. IV. P. II. & III. pag. 276. Princeps pietate, justitia, moderatione, prudentia, sapientia, & reliquis heroicis virtutibus aliis Regibus præluens.*
- (bbb) In *Genealogis Comitum &c. Opp. pag. 367. CHRISTIANUS III. animose omnes adversarios vicit & e regno ejecit, & deinde pacifice occupavit regnum &c. ac ita in vera pietate, in vera invocatione & timore DEI vixit omnibus diebus vite sue. Plura habet inferius pag. 454. item proluxa in Chron. Oldenburg. german. pag. 344. ad pag. 350.*
- (ccc) Ribier *Lettres & Mémoires d'Etat, lib. 2. pag. 103. De ce Roy on celebre la piété, la justice & moderation, la prudence, & autres vertus héroïques, plus que de nul autre des Roys de Danemarck. Aussi estoit il autant aimé & révééré de ses sujets, que le Roy Christianne II son proche parent, qui se tenoit prisonnier, quoique beaufrere de l'Empereur, en estoit huy.*
- (ddd) *Rerum Scoticar, lib. XX. cap. XLII.*

PRÆFATIONIS CON- SPECTUS.

Rationes & causa editionis scriptorum hoc volumine comprehensorum, pagg.
1. 2.
De Nicolao Cragio, primo ex nostris, qui historiam Regis CHRISTIA-
NI III. latine scribere aggressi, p. 3.
Vita ejus memorabilia: videl. de parentibus & fratre; nec non peregrina-
tione literaria, p. 4.
De munere Cragii scholastico; ac peregrinatione altera, ex qua Doctoris
Juris titulum reportavit &c. p. 5. seq.
De utroque conjugio; quorum prius infelix fuit, p. 6.
De officio ejus academico, p. 7.
De prima legatione qua fungebatur apud Scotos, fidem & dexteritatem viri
animique magnitudinem ipso Jacobo Rege commendante, p. 7. seq.
Cujus auctoritate excitatus ad historiam scribendam fuit, & quando historio-
graphi spartam, quibusque conditionibus notus, p. 9. seq.
Diligens in hac functione studium, atque inde apud collegas academicas invi-
dia, p. 11. seq.
Commercium literarium cum aliis patriæ rerum curiosis, & epistola ad
Arngrimum Jonæ, pag. 13.
In Academia decreti de anno gratiæ auctor, & Decanus ordinis philof. quo
anno fuit, p. 14.
Polonica legatio, anno 1597. suscepta, ibid.
Anglica legatio, & honores ab Elisabetha Regina habiti, p. 15.
Nec non in reditu a Leidenfibus, ibid. seq.
Ad conventum Emdensem cum aliis anno 1600. missus, p. 16.
Ad Polonos novam legationem suscipit, Henrico Luckio adjunctus, p. 17.
A Reinh. Heidensteinii, historiæ Polon. censura vindicatur, p. 18.
Rector Academiae, novam Basilicam dedicat, p. 18.
Fit præses scholæ Soranæ: ubi brevi post moritur, p. 19.
Scripta ejus recensentur, p. 19. seqq. In quibus Differentiæ Ciceronis;
qualis liber, p. 20.
De Republ. Lacedæm. libri contra Keckermannum defenduntur, p. 21.
seqq. Nec non contra Conringium, p. 24. seq.
Quanto in pretio ab aliis idem habiti, p. 26. seq.
Operis istius editiones, p. 27. & supplementa jam deperdita, seq.
In idem opus epigrammata Tychonis Brahei & Jo. If. Pontani, p. 28.
De Heraclidis Pontici & Nic. Damasceni fragmentis, a Cragio conversis
& editis, p. 29. seq.
Oratio inauguralis, & epigrammata Cragii, p. 30. seq.
An Theses physicas scripseris, p. 31.

(Hh)

De

De Claudio Christophoro Lyschandro, & qualis fuerit ab ipso inchoata
CHRISTIANI III. historia, p. 34.

Jo. Meursius in *scriptione historiae laudati Regis*, quantum nostro Cragio
debuerit, p. 34. sq.

Meursii & Cragii *dotes, utrinque eximia*, p. 36.

Specimina barbariei Lyschandrini, p. 37--40.

Ejusdem scriptoris narratio de CHRISTIerno II. haud omnino inficienda.

p. 41.

Alia de eodem Rege narratio, omnino falsa, p. 42.

Fidelitas Cragii in scribendo, ibid.

Idem multa habet. Hvitsfeldio ignorata, certa omissa; quod pluribus exem-
plis declaratur, p. 43--46.

Longa digressio de fœdere Smalcaldico, belloque inter Casarem & Prote-
stantes gesto: ubi calumniari eos, qui CHRISTIANUM III. violati fœderis &
desertæ Evangelicorum causæ accusant, fuisse & explicite ostenditur,
p. 47--67.

Apud Hvitsfeldium quamnam habeantur, Cragio praterita, p. 68.

Meursius quæ amputavit, memoratu parum digna arbitratus, p. 69.

De partitione Ducatum Slefo, & Holfat, quam scilicet uterque, & Hvitsfeldius
& Cragius, leviter attigerunt, pag. 69. sq.

Cragii affectatio in nominibus propriis Romono more effingendis, p. 71.

De Stephano Stephanio, ejusque in continuanda hist. CHRIS. III. institutio
p. 71. sq.

De diâi istius scriptoris vita atque meritis nonnulla p. 73. sq.

Indigentia ejus in historia pauca quedam exempla, p. 75. sq.

De Jo. Lascio; & exulibus Angliis; ubi de denegato in Dania eis hospitio ag-
itur, contra obviatores, p. 76--79.

De Petro Oxio narratio Stephani corrigitur atque explicatur: atque de
vita, satis ac meritis illius viri haud pauca proferuntur p. 79--88.

De Christierni Petrii versione Danica Saxonis Grammatici, p. 89. sq.

Locus Stephani, quo Regem de fatali hora admonitum fuisse refert, exami-
natur; & quantum credi de ea re possit ac debeat, indicatur, p. 90--94.

Pauca ex aliis auctoribus loca Stephanio transcripta, p. 94. sq.

De Additamentis ad hanc historiam, videl. 1. Sanctione, seu Recessu
Hafniensi. 2. Libro Ordinationis Ecclesiasticæ: ubi varia ad hujus historiam
ex primo exemplari Danico MS. adducuntur; simulque refelluntur ii, qui de
Bugenhagio, tanquam unico ejusdem operis auctore, loquuntur, p. 96--102.

3. *De Academiæ Fundatione*, p. 102.

De iis, quibus, prater laudatos jam scriptores, propositum fuit, res
CHRIST. III. literis mandare, p. 102--106.

Orationum adjectarum auctores describuntur: Hemmingius, p. 106.
Jac. Bordingius, p. 107. *Jo. Thomæ Ripensis*, ibid. sq. ac *Jo. Salscri-*
des, p. 108.

De Jo. Francisci Ripensis Elegia, quam Irer Francicum nominavit, p. 109.

sq. enumeratis hac occasione pluribus CHRISTIANI III. laudationibus meritis
Ex Erasmi Læti præfatione ad Remp. Noriberg, longum eidem Regi scri-
ptum

ptum elogium inferitur, p. 112-115.

Petri Palladii *Narratio de excessu CHRISTIANI III. quale opusculum*, p. 116.

Ejusdem Palladii susera de diebus precum. post obitum Regis, per totum regnum celebrandis, ibid.

Quid fuerit, quod Palladii nomine in memoriam laudatissimi Regis Philippus Melancthon scripserat, p. 117.

Plurium præstantium Virorum præconia CHRIST. III. tributa, p. 118-120

INDEX IN PRÆFATIONEM.

Academia *Hafniensis* à Christ. III. instauratur & exornatur, p. 102. Ejus nova Basilica A. 1601. dedicata, 18.

Adolfus, Dux Sl. & Holf, promouet negotium feudi Holfat. 68. Agitur cum Palatinis & Lothar, de dote filiarum Christierni II. ibid.

Aggonis (Sveno) historicus, in lucem profertur a Stephano, 73.

Albertus, Borussiae Dux, monet Christ. III. de consiliis Suecor. & Palatinor. 45. Inhiavit insulæ Gothlandiæ, 44.

Albertus junior Brandenburg. paciscitur cum Augusto, El. Sax. 74.

Amarini (Job.) epitaphia in Christ. III. 101.

Angelus. an Christiano III. apparuerit, 90, seqq.

Anglorum injuriæ in mercatores Danos, 15. Eorum controversiæ cum Danis de piscatu Norvegiæ, ibid.

Anna, Friderici II. Regis filia, nupsit Jacobo R. Scot. 7.8. De ejus dote controversiæ, 8.

Arnisaus (Henning.) defendit Cragium contra Keckermann. 23.

Augustus, El. Sax. reconciliatur Alberto Brandenb. 74. Ejus pacta cum Joh. Frid. Elect. 75.80.

Barthii (Casp.) judicium de Cragii Rep. Laced. 25.

Bartholinus (Alb.) ignoravit nonnulla Nic. Cragii scripta, 20.

- - - (Ivarus) præses Soran & Ringstad. 6.

Berneccovius (Job.) mittitur cum pecunia ad Smalcaldicos, 59.

Beutnerus (Mich.) ad Sleidani historiam nonnulla observavit 58. Christianum III. Regem laudavit. 119.

Bilde (Steno) legatus Danicus in Scotiam, 7.

Boceri (Jo.) Carmina de Regibus Dan. 192.

Bodinus (Jo.) in N. Cragii scriptis subinde reprehensus, 22.

Bordingus (Jac.) Medicus R. Christ. III. pius & prudens, 91, seqq. De ejus vita qui scripsere, 107. Oratio ejus cura Melancthonis recusa, ibid.

(Hh) *

Borussia

- Borussia* denegata Brandenburgicis a Polonis, 17.
Botuellii (Franc. Comit.) insolentia & conatus seditiosi a legatis Danicis reprimuntur, 8.9.
Brabe (Tycho) Remp. Laced. Cragii ornat epigrammate, 28. Eruditorum fautor, 29. Ad scribendum incitatus a Petro Oxe, 87. sq.
Brochmann (Casp.) Secretar. Christiani III. quæ ejus partes in libro Ordinatio. Eccl. 99. Quis fuerit, ib. & not.
Brunsvicensis conventus A. 1538. habitus, 50. sq.
Brunsvicenses Principes, Daniæ Regibus conjunctissimi, 50. 81.
Bucerus (Mart.) a Christiano III. in Daniam vocatus, 79. Opus ejus posthumum de Regno Christi, 78. & not.
Bucbanani (Geo.) historia Scotica laudatur, 10. Testimonium insigne de R. Christi III. 120.
Bugenbadius (Jo.) non est autor libri Ordinationis Eccles. Dan. 97. Quænam ipsius partes fuerint in dicto opere, 97. sq. Verba ejus haud recte intellecta Seckendorffio, 101. Scripsit ordinationem pro Canonicis & Monasteriis, 101.
Burchardus (Franc.) Cancellarius Sax. legatus in Daniam & Svec. 62.
Calmeti (Aug.) Historia Lotharingæ laudatur, 83.
Camdenus (Guil.) laudat Nic. Cragium, 16. Iniquus in Danos, de conventu Erndensi A. 1600. narrans, 16.
Camerarius (Joach.) varia ejus viri scripta, in quibus de bello Smalcald. agitur, 55.
Cardani (Filer.) luculentum testimon. de Eduardo VI. Rege Angl. 95.
Carolus V. Cæsar, contumeliosis dictis Principum exacerbatus, 57. Ejus calliditas, 66. Cur Christianum III. nominatum voluerit in pactione cum Saxone & Hasslo, ibid. Christianum III. cur magni fecerit, 67.
Caselius (Jo.) laudavit Regem Christi III. 119.
Charisius (Jonas) unus legatorum Dan. ad conventum Ermd. 16.
Christiani (Andreas) præfectus scholæ Soranæ post Cragium, 19.
CHRISTIANUS III. quantus Rex fuerit, 1. 2. Historiam ejus qui aggressi scribere, 3. 32. 33. 104. 105. In eum perfidia Gustavi I. Regis Svec. 45. Capitaneus inferioris Saxonie declaratus, 46. Injuste accusatur de desertis Protestantib. 46. seqq. ad 65. Cur bello Smalcaldico abstinuit, 47. seqq. Ad pacem hortatur, 47. 56. Nunquam accusatus a Principibus ipsis, 48. 53. In fœdus Smalcald. bis receptus, 50. Quanti habitus & apud Protestantes & Catholicos, 51. 60. Studebat Svecum in fœdus Smalc. attrahere, 51. 62. An fefellerit Svecos, 52. Reverentiam servavit erga Cæsarem, adhuc hostem, 57. Excusavit se Smalcaldicis iustissime, 58. 59. 66. Misit tamen eis pecuniam, ibid. Belgarum naves invadere & impedire recusavit, 59. 62. Pacti observantissimus, 59. seqq. Conditiones a Gallo oblatus respuit, 60. f. Destitutus ipse a Smalcaldicis, 62. f. 65. Satisfecerat fœderi in bello Guelferbyitano, 66. Non favebat partibus Cæsarianis, 66. Cur ei nominatim cautum in pactione Cæsaris, 66. Ejus invictus animus & fortitudo bellica, 67. Quanti a Carolo

Carolo V. habitus, 67. In feudo Holfatico accipiendo tardus, 67. Partitionem Ducatum cum fratribus instituit, 69. seq. Operam dat conciliandis Principib. 74. Pro Joh. Friderico El. Sax. laboravit, 75. Cur hospitium exulib. Anglis denegavit, 76. seqq. Laudatur & excusatur ab ipso Jo. Lascio, 76. seq. Summe liberalis in exules & alios, 78. Toleravit dissentientes in religione, quousque, 78. seq. De signo, unde fatalem suum diem edoctus est. 90. seqq. De Episcoporum abrogatione apologiam in lucem edere cogitabat, 96. Admiranda ejus modestia in praeferendis fratribus filio suo, 96. In ordinatione Eccles. quorum opera utilis, 97. seqq. Academiam instauravit & ornavit, 102. Nemo ipso minus studiosus gloriae, 104. Epitaphium ejus, ibid. Chymicis, Mathematicis, & Mechanicis studiis oblectatus, 113. A multis claris viris celebratus, 118 - 120.

CHRISTIANUS IV. gratia & honore profectus N. Cragium, 18. f. Quo anno in Regem Dan. & Norv. electus, 20.

CHRISTIERNUS II. scribit literas ad Senatores regni, post Friderici I. obitum, 41. Annummi cusi, in quibus *Quondam Rex* appellatus, 42. Abdicatoni ejus quale sigillum appensum, 42. Latini sermonis an ignarus, 42.

Christina Lotheringica, Christierni II. Regis Dan. filia, post mortem Christiani III. de regno Dan. cogitat, 81. Utitur opera Petri Oxe, 82. 83. Ejus tituli ambitiosi, 83, not.

Cbytraus (Dav.) Lyfchandrum Regi Frid. II. commendavit, 36. f. Narratio ejus a commentatore Batavo prave accepta, 54. Unde hausit illa de partitione Slesv. & Holfat. 70. Testimon. ejus de Petro Oxo, 84. Errat, Bugenhagium autorem faciens libri *Ordinat. Eccles.* 97. Christianum III. celebrat, 118.

Ciceleri (Dav.) carmen de Christiano III. 111.

Ciceronis differentia, libellus vetustus a N. Cragio editus, 20.

Cniphusius (Tido) de eo vid. 57. & not.

Conringius (Herm) praeceptum in judicando de Nic. Cragio, 24, 25. In errorem deductus ab Ubb. Emmio, 25. f.

Cragius (Ivarus) Nicolai Filius, 6.

Cragius (Nicol.) unde & quibus parentibus fuerit, 4. Magister Philos. fit Wirebergæ, ibid. Rector ludi Hafniens. 5. An Christianum IV. erudiverit, 5. Doctor Juris creatus, 5. Scaligeri amicitiam habuit, 6. Divortium facit cum uxore, 6. Alterum matrimonium init, 6. Liberi ejus, ib. f. q. Fit Professor L. Græc. 7. Legationem Scotticam obit, ib. f. q. Reginae Scotticæ jura defendit, 8, 9. Bothuelium Comitem reprimi, ibid. Illustre testimonium a Rege Scot. obtinet, 9. Excitatur ad historiam scribendam, ib. f. q. Historici spartam accipit, 10. Monumentis vet. colligendis intentus, 11. Epistolæ de Saxone Gramm. non est autor, 11. Ob negligentiam in munere Academico accusatur, 11. f. q. obtinet, ut alter vices suas obeat, 12. Ejus ad Arngr. Jonam epistolæ, 13. Diligentia in rebus Acad. 14. Decreti Acad. de anno gratia auctor, ibid.

In Poloniam nomine Regis mittitur, ibid. Legatus in Angliam, 14. Orationem habet in aula Westmonast. 15. A Regina Angliæ honorib. afficitur, 15. Lugduni Bat. a Consulibus convivio excipitur, 15. A Meursio & Camdeno laudatur, 16. In numero fuit legatorum ad conv. Emdenf. 16. In Poloniam iterum mittitur, 17. Orationem habet in comitiis Warfav. 17. f. Excusatur contra narrationem R. Heidepltenii, 18. Rector Academiæ, 18. Inaugurat basilicam Academ. 18. f. 30. f. Fit præfectus scholæ Scr. 19. Moritur, ibid. Nullo programme celebratus, 19. Ejus scripta, ib. seqq. *Grammaticam Latinam* edidit, 5. 19. Non fuit plagiarus, 21. f. Plura in rebus publicis meditatatus, 22. Cragius a nonnullis vocatur, 24. Primam in cognomine literam mutavit, 24. De ejus opere *de Rep. Laced.* 25. seqq. Non auctius illud opus in Thef. Gronov. 28. Vindicatur a Casp. Barthio, 25. Laudatur a pluribus viris doctis, 27. Tychoni Brahe carus, 29. Excusatur contra Valesium, 30. Specimen ejus poeticum, 31. An *theses Physicas* scripserit, 31. Non scripsit *Jus Feudale*, 32. Cur lentus fuerit in Hist. Christiani III. 32. Labor ejus alius profuit, 33. f. Dotes ejus in scribendo, 36. 43. seq. Conferetur cum Lyschandro, 38. seqq. Et cum Hvitsfeldio, 43. seqq. Omisit varia, 50. 51. 58. 69. Omissiones ejus ex Hvitsfeldio quæ supplendæ, 68. sq. In paucis locis superstitiosus, 69. Afficitur nomina propria latine effingere. 71. Præcellit Stephanio, 74.

Cragius (Nicol.) Theologus, tempore Christiani III. qualis vir, 24.

Cragius (Thomas) JC. Scotus scripsit *Jus Feudale*, 32.

Crenius (Thom.) nimis acerbe judicat de Keckermanno. 23.

Cujacius (Jac.) falso existimatus auctor libror. de Rep. Spart. 21. f.

Damasenus (Nicol.) ejus auctoris fragm. a Cragio edit, 29. f. Atque a Valesio, 30.

Danzsus (Car.) legatus Gallicus, insigne testimonium præbuit Petro Oxo, 85. sq. & in notis.

de Dbona (Frid. Burgrav.) a Friderico II. accipit Giffelsfeldium, 82.

Elisabetha Regina Angl. Nic. Cragium honore afficit, 15.

Emmius (Ubbo) quale judicium tulit de Cragii Rep. Laced. 25. Labore Cragii strenue usus, ibid. Nusquam laudatur Jo. Meursio, 26. Errores cum Cragio communes habet, 26. sq. Christian. III. laudavit, 120.

Ericus XIV. Rex Svec. expetit cum Lotharingica principe conjugium, 82. Excidit fructu societatis Lotharingicæ, 83.

Erasmius (Henr.) Nic. Cragium contr. Keckermannum defendit, 21. sq.

Esterui. hominis Dani, historia Rom. MS. 21.

Exules religionis causa, in Dania quibus conditionib. excepti & tolerati, 78.

Faleti (Hieron.) historia belli Germanici f. Smalcald. 61.

Fadera an semper dicenda violari ab iis, qui opem sociis denegant, 54. Non debent violari Evangelii causa, 61. sq.

Fossii (Andr.) Episc. Bergenensis epistola de Saxone Gramm. II.

Francisci (Job.) Ripensis culta de Christ. III. elegia, 109.

Franciscus I. Rex Galliarum, qualia Smalcaldicis subsidia miserit, 60. Christianum III. non destitit incitare ad rumpendam pacem cum Cæsar. ibid.

Francfortensis conventus, ann. 1546. habitus, 46.

Fraxineus (*Job.*) legatus Gallicus in Germ. 66. not.

Fresuoyus (*Langlet*) deceptus titulo libri Siennici de Rep. Spart. 23.

FRIDERICUS I. Rex Dan. delusus a Federatis Protestantib. 50. 51.

FRIDERICUS II. Rex Dan. adhuc puer, destinatur conjugio Reginae Scotiae a Rege Galliarum, 60. Petrum Oxæ majestatis reum declarat, 81. Veniam dat Petro Oxæ, 82. Bellum ejus cum Svecis, 84. Electio ejus quando decreta, 96. Ab obitu patris tres sacros dies indicit, 115.

Erifus (*Christ.*) de Borreby, Cancellarius Regis, ad conventum Emdensem, ann. 1600. legatus, 16.

- - - de Kragerup, Cancellarius Regis, Stephani Patronus, 73.

Geisspusther (*Ruprecht*) Chirurgus Christi, III. edidit narrationem de morbo & morte Regis, 92. seq.

Gotlandia insula: inhiavit Albertus Dux Borussiae, 44.

Gotlandica antiquitates Petrejo & Lyschandro adamatæ, futes & nullo loco habendæ, 33.

Gronovius (*Is.*) Cragii scripta laudavit, 27. Oblitus editionis Nic. Damasceni per Valesium, 30.

Grotius (*Hugo*) consilium dedit de recudendis Heraclidæ & Nic. Damasceni fragmentis, 29. 30.

Gryphius (*Ant.*) memorabilem præfationem præfixit carminibus Jo. Francisci Rii, 109. not.

Großserbytanum bellum A. 1542. gestum, 66.

Gustavus I. Rex Svec. consilia cum Palatino inivit, ad opprimendum Christ. III. 44. f. Frustra id negavit, 45. Legatus ejus detinetur Wortmatia, 45.

Cur ob pacem cum Lubecensib. indignatus, 52. Non fuit in societate Smalcaldicor. 62.

Hamelmannus (*Herm.*) Christianum III. celebravit, 120.

Hansfurt (*Cora.*) Regis Christi, III. Medicus, 93. sq.

Hannoveranus conventus A. 1546. habitus, 46.

Hardeburg (*Albert.*) Theologus Bremensis, 77. not.

Hegelundus (*Petri*) in Christi, III. obitum elegia, 92.

Heidensteinus (*Reinhold.*) non accuratus in narratione legationis Danicæ in Polon. 18.

Hemmingius (*Nic.*) laudatur, 107. Oratio ejus in obitu Christi, III. ib.

Henningses (*Hier.*) Christianum III. prædicavit, 120.

Heraclidæ Pontici libellus a Nic. Cragio editus, 29.

Holfaticum feudum, quando & quomodo Christi, III. collatum, 67. Conferebatur olim ab Episcopo Lubec. 67. De eo cautum erat in tractatu Spir. ibid. in eo opera Adolphi Ducis, 68. *Holfatiae* partitio inter Christi, III. & fratres, 69. f.

- Hortleder* (*Frid.*) opus de fœdere & bello Smalcaldico laudatur, 50. 55. 58. 75.
- Hoifeldius* (*Arnold.*) qua de causa aggressus historiam Christiani III. scribere, 3. Comparatur cum Cragio, 43. sqq. 68. De histor. parria præclare meritis, 43. Præ Cragio in multis annis jejunos & macilentus, 44. sqq. Ejus error chronolog. insignis, 46. Omitit fœdus Smalcald. anni 1536. 50. Testatur de subsidio Smalcaldicis misso, 58. f. in quibus Cragio locupletior, 68. Testatur de Christiæni Petri versione Saxonis Gramm. 89. f. Ejus narratio de obitu Christ. III. 92. De ordinatione Eccl. loquens, quomodo iutelligendus, 101.
- Jacobus* (*Jac.*) Lector Theol. Onthin, gener N. Cragii, 7.
- Jacobus* Scotiæ Rex ducit Annam Regis Christ. IV. sororem, 8. Ejus de N. Cragio illustre testimonium, 9.
- Jacobinus Fridericus* Elector Brandenburg. controversias habet cum Polonis, 17. Sollicitat generum suum Christ. III. de auxiliis, ibid.
- Johannes Fridericus* Elector Saxon. tentat Christianum III. in partes belli pertrahere, 47. sq. Cæsarem amarulentis dictis & scriptis insectatur, 57. & not. Accipit a Christiano III. Rege pecuniam, 59. ipse & Landgravius instigaverant Christianum III. ad paciscendum cum Cæsare, 67. Regem ad violandum Spirense pactum exhortatur, 62. Agnoverat una cum Landgr. Hassiæ iniquitatem ceterorum fœderatorum erga Regem, 65. Paciscitur cum Augusto Electore Sax. 75. 80. Christiani III. operam ac fidem laudavit, 75. & not.
- Jonas* (*Arngræmus*) colligit monumenta historica pro Nic. Cragio, 12. sq. Epistolæ ad cum Cragii, 13.
- Islandorum* monumenta historica, 12.
- Junius* (*Petrus*) in Daniam Legatus, 9. Exhortatur Nic. Cragium ad historiam scribend. 10.
- Kaasius* (*Nic.*) Cancellarius Regis, eruditorum fautor, & Nic. Cragii Patronus, 4. 7.
- Keckermannus* (*Bartholom.*) maligne & sinistre judicat de Cragii opere de Republ. Laced. 21. 23. Sigonium taxat, 21. ipse Cragii opus expulavit, 23.
- Kling* (*Melchior*) Jurisconf. legatus El. Saxonie & Landgr. Hassiæ ad Regem Dan. 62.
- Könnæ*, Nic. Cragii uxor prior, 6.
- Kraffius* (*Io. Melchior*) in narrando de libro ordinationis ecclesiæ Dan. accuratus, 100. sq.
- Kragius* (*Andr.*) Prof. physices. Nic. Cragii frater, 4. 16. 31.
- Lackmannus* (*Ad. Henr.*) laudatur, 70.
- Lacedæmoniorum* Republ. a Nic. Crag. descripta, 21. sqq. Lacedæm. Reges an habitarent domo publica, 26. f. Ephori quamdiu imperitarent, 27.
- Lætus* (*Erasm.*) ejus scriptum quoddam Lyschander sibi supposuit, 33. Petrum Oxæ laudavit, 86. not. 87. Christianum III. celebravit, 111. 112. sq. Parentavit Regi Christ. III. 112.

- Lamius* (to.) Prof. Mor & Biblioth. Florentin. 35.f.
- Languetus* (Hub.) in epistolis agit de Petro Oxe, 81.82.
- à Lajco* (to.) scripsit *Admonitionem ad Regem Dan.* peracerbam, 76. sq. Multa tamen ad rem fecit in laudem Regis, 76.77.f. Ejus viri indoles, ibid. & not. Quando ex Dania discessit, 78.
- Lautenbachius* (Coun.) Sleidani continuator, 91. Christianum III. laudavit, 120.
- Leodius* (Hub. Thom.) in lucem protulit consilia Svecorum cum Palatinis contra Christianum III. inita, 45. Christiani III. obrectator, 48.49.
- Leutinger* (Nic.) Christianum III. laudibus effert, 119.
- Lotbaringie* status ante adventum Petri Oxe, 83. not.
- Lubecenses* Gustavo Regi Svec. reconciliati, 53. Lubecensis Episcopus olim conterebat feudum Holfaticum, 67.
- Lucbius* (Geo.) nomine Francisci I. Regis Gallie sapient in Daniam legatus, 17.
- Luckius* (Henr.) Senator regni Dan. & in Poloniam legatus, ibid.
- Ludewig* (to. Pet.) laudatur, 81. not.
- Lundorpius* (Mich. Casp.) Christianum III. laudavit, 120.
- Lysbänder* (Claus. Christoph.) quomodo usus labore Nic. Cragii, 33. Quis fuerit, ac in eo quae laudanda, quae vituperanda, ibid. sq. & 37. 40. Audacissimus in fingendo, 33. Plagiarius, ibid. & 38. Historiam Christiani III. quomodo instruit scribere, 33. sq. 38. Latini sermonis parum peritus, 34. Adversaria historica reliquit, 34. Spartam historici quomodo obtinuit, 36. sq. Latinitatis ejus specimina, 37. sqq. Ejus observatio de Christierno II. praeterita ceteris nostratum, 41. in narratione de numo Christierni II. falsus, 42.
- Matellanus* cancellarius Scotiae defraudavit Reginam parte dotis, 8.
- Malavillius* historicus Scot. a partium studio haud liber, 8.
- Mafius* (Hed. Gofr.) errat in tempore, quo Lascius & Urenhovius in Daniam venerunt, 78.
- Marble* (Magnus) Episc. Scan. historicus insignis, 12.
- Melanchthon* (Phil.) non probavit omnimodam tolerantiam dissentientium in religione, 79. Qualem in ecclesia tranquillitatem optavit, ib. & in not. Christianum III. adhortatur, ut historiam reformationis conscribi faciat, 104. not. Recudi facit Bordingi orationem, 107. De obitu Christiani III. quod Pauladii nomine scripsit, quid & quale fuerit, 116.
- Merula* (Paulus) Nic. Cragii amicus, 16.
- Messenius* (Job.) exscriptor Hvitsfeldii ac interpolator, 90. De versione Saxonis Gramm. loquens errat, ibid.
- Mewsius* (to.) inscripsit aliquod opusculorum suorum Nic. Cragio, 16. Quomodo usus Cragiano labore, 34. sq. Facultate scribendi excellens, 35. Cur historiam Christiani III. continuare neglexerit, ibid. Ejus historia Christi. III. quomodo ad nos pervenit, 35. sq. Conferitur cum Cragii opere, 69. Nomina propria more Cragiano non obscurat, 71. Ejus labor a Stephanio continuatus, 71.72. Benigne judicavit de Cragii Republ. Lacedaem. 26. sq. Ejus operum nova editio, 35. sq.

- Michaelius (Christ.)* professor Gr. Ling. Hafn. 4. 5.
(Job.) pueritiam Christiani IV. instituit, 5. Praeses Soranus fa-
 ctus, 18.
Milenus (Bernb.) nunquam potuit Gustavo I. reconciliari, 52.
Mollerus (Job.) Flensburgensis, Bugenhagio librum Ordinationis Eccles. ad-
 scribens, allucinatur, 96. sq. De Palladii narratione obitus Christiani
 III. haud recte conjicit, 116. seq.
Mublius (Henr.) errat cum aliis, de libro Ordinationis eccl. Dan. scribens, 97.
Mule (Joan.) de Nisleugaard, Nic. Cragii focer, 6.
Mulenia (Elisa) altera Nic. Cragii uxor, 6.
Mullerus (Jo. Joach.) Archivarius Vinar. laudatur, 101.
Naogeorgi (Thoma) carmen de bello Smalcald. 56. in not.
Naumburgense pactum, inter Johann. Fridericum & Augustum Elector.
 Sax. 75.
Olai (Petrus) Minorita, *Paralipomena historiae Danicae* scripsit, atque alia,
 105. Christianum III. laudavit, ibid.
Oldenburgicus Comes Christophorus monetam cudid cum Christianni II. nomi-
 ne, 42. Miravit Smalcaldicis, 57.
Ordinatio Ecclesiasticae Dan. Ad ejus libri historiam varia observata, 96. seqq.
 Non recte adscribitur Bugenhagio, nisi quoad particulam, ibid. Liber
 ille primitus Latine scriptus, 98. Varia in primo exemplari mutata &
 inducta, 99. 100. Ejus primum exempl. Danicum MS. 98. seqq.
 Duæ ejus editiones primaria lingua Danica, 100. not. Quænam in
 eo auctorem habeant Bugenhagium, 101.
Oxe (Petrus) de eo narratio Stephani parum accurata, 79. sq. Quamdiu
 exulavit, 80. Quas sub Rege Christiano III. legationes obivit, 80. & n.
 Non insons, sed variorum commissorum reus, 80. Abdicat se Senatu,
 81. Solum vertit, contra fidem datam, ibid. Supplicat Regi, ibid.
 Falsus de morte ejus rumor, ibid. In Lotharingiam abit, ibid. In
 Frisia agit, mandatis Lotharingicis instructus, 82. Praefecturam
 Schaumburgicam accipit, ibid. Prudentia rerum æconomicar. ex-
 celluit, 83. not. Insignem operam Lotharingicis navat, ib. Distur-
 bat nuptias Regis Svec cum Lotharinga, 83. Gallis favet, ibid. In
 exilio patriæ profuit magis quam nocuit, 84. Redit in Daniam, & in
 gratiam Regis restituitur, 84 & not. Fit Magister Palatii, ibid. Me-
 rita ejus in patriam, ibid. ac in bona studia & Academiam, 86. f. &
 not. Operam adolescens dederat Sim. Grynæo, 86. not. Quid scrip-
 serit, ibid. Tychonem Brahe incitat ad scribendum, 87. sq. Bene-
 ficus in pauperes, 88. Conjugium ejus, ibid. Mors ejus, deque hu-
 jus genere fabula, ibid.
Palladius (Petrus) Episc. Siælandiæ, librum *Ordinat. Eccl.* in Danicum trans-
 tulit, 100. Litteræ ejus ad Superintendentes ceteros de concionibus
 post obitum Regis habendis, 116. Qualem de morte Regis narratio-
 nem ediderit, 116. sq.
Parsberg (Manderup) legatus ad conventum Emdensem, 16.

- Petrus* (*Christiernus*) Saxonis Grammatici interpret Danicus, 89. Versio ejus hodie non reperitur, 90. Falsus creditur auctor Chronici rhythmi, 90.
- Petreyus* (*Nicol.*) antiquitatum Gothlandicarum futilis sive auctor, sive propagator, 33.
- Pencerus* (*Casp.*) Christianum III. celebrat, 119.
- Philippus* Landgravius Hassiae monet Christianum III. de Sveci & Palatini consiliis, 45. Solicitat Regem ad bellum Smalcald. 47. sq. Incidit in suspicionem apud nonnullos foederator. 48. not. Vid. & *Job. Frider.* & *Smalcald.*
- Polonorum* iniquitas erga Joach. Frider. Elect. Brandenburg. 17.
- Pontanus* (*Jo. Isaac.*) epigrammate ornat Cragii Remp. Laced. 28. Vixit in familia Tychonis Brahe, 28. Poëmata sua edidit, 29. Lyschandrum vanuratis coarguit, 33. Historia ejus de Christiano III. mendose edita, 69. Quomodo Christianum III. defendit ob denegatum profugis Anglis hospitium, 76. Quid judicavit de Christ. Petri versione Saxonis Grammatici, 89. Quomodo narravit obitum Regis, 92.
- Ramelius* (*Henr.*) Senator regni Dan. impetrat, ut Nic. Cragius in Poloniam mittatur, 14. Ad conventum Emdensem legatus, 16.
- Rautenovius* (*Henr.*) Chytræo varia ad historiam suppeditavit. 70. Patris memoriam celebrari facit, 70. Quomodo exposuit signum mortis Regi Christ. III. datum, 91.
- - - (*Johann.*) ægerrime tulit partitionem Ducatum, 70. & not.
- Recessus Hafniensis*, in Comitibus anno 1536. factus, 97. sq.
- Reuterus* (*Christian.*) proposuerat scribere histor. Regum Christiani III. & Christiani V. 105. sq. Ejus laus & merita, 106. Bibliothecam suam Regi vendidit, ibid.
- Resenius* (*Jo. Pauli*) succedit Nic. Cragio in Rectoratu, 19.
- Reusnerus* (*Elias*) Christianum III. laudavit, 120.
- Ribier* (*Guil.*) in ejus *Memoriis* quale elogium Christiani III. 120. Varia in eisdem ad histor. belli Smalcald. 57. 61. 66. not.
- Richterius* (*Christoph.*) legatus Gallicus in Dan. 60.
- Rosenkrantz* (*Metta*) conjux Petri Oxæ, 88.
- Saferides* (*Job.*) Petrum Oxæ laudavit, 87. De eo memorabilia quædam, 108. seq. Scripta ejus rarissima, 108. sq. Poëta qualis, ibid.
- Saxonis* Elector, vid. *Johannes Fridericus*.
- Schertelius* (*Sebast.*) scripsit historiam belli Smalcald. 55.
- Schurzkeisbii* (*Conr. Sam.*) Dissertatio de Friderico III. Sapiente Elect. Saxon. laudatur, 56.
- Scioppius* (*Gasp.*) acerrimus Thuani & Fam. Stradæ censor, 36.
- Seckendorffius* (*Vitus Lud.*) non recte affirmat, Christiano III. auxilium a foederatis præstitum, 65. In Bugenhagii verbis de libro Ordinari. Eccles. Dan. allucinatur, 101.
- Selneccerus* (*Nicol.*) Christianum III. concione funebri laudavit, 91. In narratione de signo mortis Regi objecto audax, 91. & not. Carmine epicedio Regem celebravit, 111.

- Seningius* (*Iob.*) Theologus Hafn. quando mortuus, 103. & not. Non scripsit aliquam historiam, 103.
- Sibenius* (*Iob.*) aurifaber, automatorum artifex, 113.
- Siennicius* (*Nic.*) quomodo auctor habendus librorum de Republica Spartana, 23.
- Sigismundus* III. Rex Polon. cum eo in legatione Cragli acta, 14. sq. 17. Iniquus Electori Brandenb. 17.
- Sigonius* (*Car.*) taxatur a Keckermanno, 21.
- Sieidanus* (*Jo.*) ejus testimonium, de Christiano III. fœderatos destituent. quale, 53. 55. Ejus historiam qui suppleverunt vel continuarunt, 58. 91.
- Smalcaldicum* fœdus anno 1536. factum, 50. Fœderatorum cautio Christiano III. anno 1538. data, 51. In eo quarundam urbium tergiversatio. ibid. De *Smalcaldico* bello, 47. sqq. Cur eo bello abstinuit Christianus III. 47. Scriptores de isto bello, 55. sq. *Smalcaldici* fœderati destituerunt priores Regem Dan. 62. sq.
- Sorana* scholæ præfectura quale olim munus, 19.
- Spirense pactum* Christiani III. cum Cæsare, 59. An debuerat violari propter bellum *Smalcald.* 61. sq. Quibus in libris extat editum, 95. not.
- Stephanus* (*Jo.*) pater Steph. Stephani, de eo memorabilia quædam, 73. & n.
- Stephanianus* (*Steph.*) Meursianæ Christiani III. historiæ supplementum scripsit, 72. Quando & quo svasore opus inchoavit. & quo tempore perfecit. ib. Ejus notæ ad Saxonem Gr. ib. 73. 89. Ad vitæ ejus curriculum nonnulla, 73. Operâ ejus edita & inedita, 74. Librorum ejus supellex quo pervenit, 74. Conferretur cum Cragio, 74. Omissiones ejus in historia Christiani III. 74. sq. Ejus lapsus, 75. An nimis laudator, 89. in describendo signo Regi ante mortem objecto haud accuratus, 90. sq. Quænam ex aliis descripsit, 94. sq.
- Stigelius* (*Job.*) obtulit operam suam in scribenda historia Christiani III. 104. f.
- Stubæus* (*Ivar.*) Professor Hafniensis in Nic. Cragium obliquus, 12. Quibus moribus fuerit, ibid.
- Sturmius* (*Job.*) literarum commercium habuit cum Christ. III. 58.
- Swaningius* (*Iob.*) non scripsit historiam Christiani III. 103. Ejus historia Christiæni II. quomodo evulgata, 103.
- Terpagrius* (*Petr.*) Ordinationis Eccl. Dan. auctorem facit Bugenhagium, haud recte, 97.
- Thomæ* (*Hubertus*) vid. supra *Leodius*.
- Thomæ* (*Job.*) Ripensis, quis fuerit, 107. Ejus oratio de Christiano III. apud externos recusa, 108.
- Thomæus* (*Christianus*) Cancellarius Regis. Stephanio auctor fuit scribendæ historiæ Christi. III. 72.
- Thorlacius* (*Gudbrandus*) Episcopus Islandiæ australis, 12.
- Touanus* (*Jac. Aug.*) quomodo testatur, Christianum III. non tulisse opem *Smalcaldicâ* 53. 55. Ejus testimon. de Petro Oxe, 83. sq. Locus ejus de Christiæno II. a Stephanio exscriptus, 95. Laudavit Christi. III. 118.

Torjai

- Torfai* (*Tbormod*) historia Norvagica, cujus cura & impensis edita, 106.
Turonis (*Jonas*) Saxonem Grammaticum Danice convertit, 89.
Valesius (*Henr.*) reprehendit versionem Nic. Damasceni a Nic. Cragio factam, 30.
Vellejus (*Andr.*) cessit Cragio scripta ad histor. Dan. spectantia, 11.
Venusinus (*Jonas*) historicus Dan. 10. 32.
Vindingius (*Eras.*) omisit multa ad vitam Nic. Cragii spectantia, 4. Item unum & alterum ejus scriptorum, 20.
Uenbovius (*Carolus*) quis fuerit, 75.
 - - - (*Job.*) exul religionis causa ex Anglia, 75. sq.
 - - - (*Wolfgangur*) legatus Dan. ad conventum Smalcald. 51.
Wifeld (*Laur.*) servavit nobis Meursianam histor. Christ. III. 35.
Wormius (*Olaus*) St. Stephanii amicus, 73.

INDEX

NOMINUM PROPRIORUM,

in quibus latine interpretandis NIC. CRAGIUS
 non semper communem aliisve usitatam rationem
 videtur secutus.

Accius, & Accilius, Nomen proprium viri, Danice *Axel*. Ita *Accius Brabeus*, est *Axel Brabe*, sive, ut isto seculo communius scribebatur, *Axel Brade*. *Accius*, vel *Axilius Ugerophus*, est *Axel Ugerup*. Verum quin simplex illud *Axilius*, Stephanio adamarum, multo rectius sit, nullum dubium. Majores nostri nonnunquam *Abfalonis* illo reddiderunt.

Æschylus. Ita, ex antiquitatis Græcæ amore, historicus noster perpetuo nominavit inclytum illum virum, cujus vera appellatio fuit *Eske* vel *Eske Bilde*. Stephanius *Eschillum* vocat. Sed diversa videntur esse nomina, *Eske* & *Eschild*. Er, siquidem in monumentis ac epistolis, longe plurimis, nunquam tere observaverim aliter nominari, quam *Eske Bilde*, dicetur, ut credo, latine rectius *Afcerus*, aut *Esgerus*. Sic apud Saxonem Grammat. varios habemus *Afceri* nomine: atque pag. 354. edit. Sor. *Eskillum Afceri filium*. Sic & *Esgerus juel*, olim Archiepiscopus Lundensis, & *Esgerus Bonde*. An vero potius *Esico*? quemadmodum *Esico* Episcopus Merseburgensis &c.

Agerufium, arx Norvegiæ. *Ageribus*.

Agrimarianum canobium, in Jutia seu Cimbria boreali. *Mariager-Closter*.

Albani ades, Othinæ. Alias, & communius *Templum S. Canuti*.

Album promontorium, Danice *Huidoer*. Videatur *Hvitfeld*, p. 1420.

Allaburgum, nobile emporium Jutiæ borealis, *Alburgum*. Saxoni Grammatico *Alaburgum*, & *Alaburgia*.

Allabolmia, arx Lollandiæ. *Aalholm-Slet*.

Aguini Sylva, in Fionia. Danice *Hagenskov*.

Arnobacbianum canobium, in Holfatia. *Arnsbocke*. Vid. Danckwerth.

pag. 232.

Afania, oppidum Fioniz, vulgo *Afens*. Pontano *Afnesum*, p. 722.

Avo, nomen proprium viri, Danice sonans *Ove* vel *Osve*. Neque aliter celebris Antistes Aarhufiensis unquam nomen suum exprimebat in latinis scriptis: ubi perpetuo est *Avo Bilde*. Haud dubie rectius, quam ii, quibus *Oveni* vel *Ovidii* vocabula placuerunt. Ceterum an *Ove* & *Oge* (quod *Aage* scribitur,) unum idemque nomen sit, in quo littera *g*, quemadmodum in pluribus linguæ nostræ vocibus, in pronuntiationem *ts* v transferit, nunc non dispuro.

Barbius, cognomen Cancellarii Regii, qui postea Episcopus Lubecensis factus, *Andreas Barby*.

Borinia, iusula notissima. Vulgo *Boringbolmia*. Saxoni Grammat. *Boringia*. Norvagicis & Islandicis scriptoribus vetustis *Borgundarholm*. Adamo Brem. *Holma*.

Bovisus, ac alibi *Povisus*: Familiæ cognomen. *Poviseb*, vel *Pogviseb*.

Caretamunda, oppidum Fioniz, alias *Cartemunda*. Danice *Kartemunda*.

Cereris ager. Ita nostro placuit vocare rus illud suburbanum, seu campum, qui ad pagum *Serritzlof*, Hafniæ olim vicinum, pertinnerat. Danice *Serritzlof-Mærck*. Vid. Hvitsfeld. p. 1287. & 1483.

Cervorum insula. Vulgo *Hiorholm*. Castellum olim Episcopi Roskildensis, in loco, ubi nunc *Friderichsdal*.

Cogaa. Hoc nomine semel (pag. 101.) appellatam habemus urbem Sialandiæ *Kjøge*: alibi *Coogium*.

Collina, urbs Jutiæ. Vulgo *Colding*.

Contius (*Nicolaus*) p. 85. Vernacule *Niels Kuntze*. Vid. Hvitsfeld. pag. 1442. Videtur tamen non cognomen fuisse, sed parentis nomen: *Nicolaus Cunradi*. Nam & Teutonicum vulgus *Kuntze* nominat, qui latina appellatione dicitur *Cunradus*. Sic *Kuntze von Kauffungen*.

Coreyra, Sialandiæ oppidum: id scil. quod *Kaarsøer* vocamus. Mirum, fuisse a nostro id nominis isti loco inditum, aliis *Crucisora* dicto.

Coronea, Scaniz oppidum. Vulgo *Landskrone*. Ejusque incolæ & ci- vel *Coronei* vel *Coronenfes* nostro per hæc: *Coronia* Pontano *Cborogr. Deser.* p. 695. ubi simul, an eodem in loco fuerit *Landora*, Saxoni haud semel memorata, & a Wellejo reddita *Landscrone*, disquirunt.

Craffus, ut pag. 99. *Johannes Craffus*. At vocabatur iste vir nobilis cognomine gentilitio *Hans Krafz*.

Dactus (*Nicolaus*) pag. 197. Idem, qui pag. 244. *Tacebius*. Et Stephanio pag. 375. *Nicolaus cognomento Dackz*, Hvitsfeldius perpetuo *Tackz* scribit, & *Tackesjeden*. Sveci vero ipsi *Dackz*, & *Dackesjeden*.

Daba, cognomen gentilitium: nostris *Daae* scribi solitum. Sic appellatus *Claus Daae*, qui pag. 149. v. *Claudius Daba*.

Dra-

Draconia, arx Sialandiae. *Draxholm*.

Dravioffium, prope Lubecam. *Travemünde*.

Faburgum Fioniae oppidum. *Faaburg*.

Faonia. Nostro ita haud ruro *Fionia* scribitur. Et *Jobannes Faonius* p. 125. est *Jens Fynboe*. Vid. *Hvitfeld*. p. 1478. *Froniam* etiam Saxo appellat pag. 121. ed. Sor. & alibi.

Fara Zelandiae, vulgo *ser Veer in Zeeland*. *Meursius* nominavit *Verlam*.

Flenopolis, urbs Cimbriz notissima. *Flenburg*.

Fraxineus (Joë.) Legatus Gallicus, admodum celebris, postea Episcopus factus Bayonenfis. Vernaculo nomine *Jean de Fresle*. Apud Thuanum vocatur *Joannes Fraxineus Lapurdensium Episcopus*.

Geranium, castellum Langlandiae, interpretante pag. 51. ipso Cragio, *Traneburgum*. Vocatur autem communius *Traneklar-Sloe*. *Nigarus*, nomen avis, Danice est *Trans*.

Golobia (*Anna & Sophia*) pag. 80. Harum cognomen gentilium erat *Glob*.

Gofficbius, ut p. 207. & 212. *Gofficbius Rantzov*. Alias eundem vocat *Gosfhalcum*, vernacule *Gosfche*.

Gostavus. Sic non raro nomen Sveciae Regis exaravit, quod communius per u efficitur, *Gustavus*. Ar nostro obvertatur fortassis, quod Sveci in vernaculis scriptis non *Gyste*, sed *Gysle* appellant.

Gotbia, i.e. ut mox eadem pag. 192. interpretatur noster, insula *Gostlandia*. Vid. & Pontan: Chorogr. p. 733.

Guido Galleus, nobilis Norvegus, patrio sermone dictus *Guse Galde*.

Helsingoburgum, urbs Scaniz. *Helsingborg*. Vid. Pontan, lib. cit. p. 726.

Helsingora, & alibi *Helsingora*. *Helsingör*.

Harfali, p. 66. Juti, seu Cimbri boreales, ad partem regionis illam, quae *Harfjelle* dicitur, pertinentes.

Hassara, pagus prope Alburgum, vulgo *Hasseris*.

Hellefa, pagus Fioniae, *Hellefos*.

Himeret, pag. 65. Incolae partis Jutiae, quam *Himmerfjell* vocamus.

Jarimari turris, vernacule *Jermers Skanse*. Nomen habuit a Jarimaro, Pomeranorum illo Principe, de quo agit *Hvitfeldius* in vita *Erici VI*. p. 259.

Ivo, pro *Ivaro*. Sic p. 82. *Ivo Julius*, est *Iver Juul*. Sed *Ivo Revenslevius*, aliud nomen, in vernac. est *Iven*.

Levinia, insula, quam semper fere hodie appellamus *Langelandiam*. Sed neque vernaculum illud nomen *Loffvins* prorsus obsoletum.

Laauo. Ut *Laauo Brabens*, p. 60. *Lange Brabe*. Alii rectius *Lagonem* nuncupant. Nam (quod supra admonuimus, alias vulgare satis,) & apud nostrates inter vocales positum nonnunquam in o degenerat.

Liberimons, pag. 48. & 102. extra oppidum *Lundenfse* Scaniz. Vulgo *Lybersboj*.

Lodessa, oppidum vel pagus Svecicae ditionis. Vernacule *Lodisse*. *Lodisse*, *Lässe*. Antiquis *Liodenus*. Vid. *Torfaei Histor. Norvag. T. I. p. 35*. Saxo Gr. *Lindusium* vocat p. 258. (L) 2

Longus. Hoc vocabulo noster subinde abutitur promiscue, ad significanda duo cognomina gentilicia, prorsus distincta, *Lunge* & *Lange*. Sic *Ove Lunge* ipsi est p. 54. *Avo Longus*, & alibi; quem rectius appellavit Meursius *Agonem Langium*. Pariter dicti *Avonis* fratrem *Vincentium* melius vocasset Cragius p. 161. *Langium*, quam *Longum*.

Lovarri, Jutileptentrionales. regionem *Loffverfissel* inhabitantes, pag. 65. v. ult.

Lucchi, cognomen familie nobilis, Dan. *Lykke*.

Lundia, & p. 126. *Londla*, oppidum Scaniz, *Lund*.

Lundinysa, arx Jutiz, vulgo *Lundenas*.

Luporum saltus, pag. 40. Dan. *Uffimose*.

Lyconia; est *Wolfenbüttel*, aut. sicut plurimi malunt efferre, *Guelpherbytum*. Eandem quoque *Lyconiam* arcem appellare placuit Chytræo Saxon. lib. XVIII. versus fin.

Maonia, insula Sialandiæ subjecta, alias *Mona*. Vernac. *Möen*.

Mellor. Quoties apud Cragium hoc nomen proprium occurrit, *Melchioris* illud intelligatur. Sic *Mellor Rantzovius*; *Mellor Snigius*. Offert se idem in mediævi monumentis, e. gr. *Mellor Cardinalis SS. Johannis & Pauli*, seculo XII. sub Urbano PP. III. Et *Melchiori Goldasto* eundem scribendi modum in suo nomie arrisisse, quis ignorat?

Middelfaria, oppidum Fioniz. *Middelfart*.

Milenus (*Bernhardus*) vocatur in germanicis scriptis atque nostris ut plurimum *Berndt van Millen* vel *Milru*. Loccenius *Bernhardum Myltum* nominat. Neque raro certe observavi in monumentis MSS. *von Myla* vel *Mila* nuncupatum, nec non in editis, e. gr. in tabulis conventionis *Naumburgens. A. 1554. Bernb. von Mila*.

Monachoruin insula, haud procul Nidrosia. urbe regni Norvegici. Vernacule *Munkholmen*; quia olim monachis insepia.

Nemorosa vallis, p. 59. *Canobium a nemorosa valle dictum*, h. e. *Dalum-Closter*, in Fionia. Nempe olim fuisse *Dalund* appellatum, autmadvertit noster p. 95.

Norvegi circummontani. sunt Cragio aliisque nostrarum *Syndenfeldske, Ultramontani* contra *Nordenfeldske*.

Orcella, arx Fioniz. *Orchel Slot*.

Orizunum fretum, vernac. *Oresund*, vel *Sundet*.

Pelona, oppidum Holfat. *Plana*.

Perenius (*Iob.*) p. 95. & *Iob. Prienius*, pag. 109. idem vir est. idemque nomen, quod vernac. erat *Johann Preen*.

Povifus, cognomen familie nobilis apud Holfatos, *Povifab* vel *Pogwisch*.

Pretanum canobium, vulgo *Frætz-Closter*.

Ranisa, & alibi *Ranefsa*, civitas Jutiz. *Randrusum* Saxoni Grammatico & aliis vocitata, nostratibus *Randers*.

Reginopolis, p. 290. sed alibi, & quidem p. 24. *Rendsburgum*. Vern. *Randsburg*.

Rvans

Revaus (*Job.*) Episcopus Asloënsis, vernac. *Hans Reff.*

Ringonopolis, in Sialandia, p. 43. *Ringstads.*

Rossenius (*Martinus*) pag. 240. perperam. Nam *Martinius van Rossen* vel *Rossheim* nuncupabatur. Ubbo Emmius *Rossenum* vocat sæpe, lib. 50. & Pontanus in *Historia Gelrica*, (ubi plurima de eo habentur, nec non ad pag. 866. ipsa memorabilis viri effigies,) *Rossenum* ubique.

Ruffus (*Ibeodorus*) vir nobilis, aliquando Bergis Norv. præfectus, vernac. *Tbord Røed.*

Ruttius (*Canutus*) ex antiqua *Rudiorum* familia. *Knud Rud.*

Ruvia, pagus Jutiæ Septentrionalis, vulgo *Rye*. *Lyschandre Rbyovia.*

Samus, insula maris Balthici. *Samsoa*. Vocatur & *Samus Danica* Bau-drando aliisque. Vid. Pontan. *Histor. Dan.* lib. 6. p. 305. & *Chorogr.* p. 662. In Saxonis Grammatici libris plus semel *Samso* nominatur, alibi quoque *Sampso*.

Serum insula, p. 86. in eodem mari sita, olim in historiis nostris haud in-celebris. Saxoni *Syra* dicitur: aliis *Syroa*: nostratibus vulgariter *Seyerde*.

Sigonius (*Laurentius*) Mareschallus regni Sveciæ, *Lauritz Sigeson.*

Silicum mons, Danice *Flintebjerg.*

Slavigia, civitas Cimbriciæ seu Jutiæ meridionalis, *Slesvicum.*

Stadium, pag. 278. urbs ditionis Bremensis, similiter Saxoni *Gramm.* vocata: aliis *Stada*.

Stigotus. Nomen viri. Utitur eo Cragius ad appellationes, in sermone nostro non solum pronunciatu. sed, ut credo, etiam significatu olim di-versas. Nam qui nostratibus *Seyge Krampen* vocabatur, Episcopus olim Burglamentiensis, nostro pag. 54. est *Stigotus Krumpenus*. Ac postea *Otto Stigo-tius* ipsi dicitur, qui vernacule est *Otte Stigson*. *Stigotus Stigotius*, pariter *Sej Stjsson*. Saxo *Stigonem* nominasset; apud quem *Nicolaum Stigonis* offendi-mus, lib. 14. p. 331.

Swavenius (*Petrus*). Insignem hunc virum animadverti Meursio appella-ri *Swabium*. Neque inficior, propius hoc accedere ad vernaculum ipsius vo-cabulum, quippe quodprehenditur in autographis, modo *Swabe*, modo *Swob* & *Swab* exprimi, plerumque tamen *Swave*. Verum *Swavenii* illud sem-per & ipse & alii ejusdem gentis, quoties latine scribebant, usurparunt. Vi-deatur Seckendorffii *Index historicus I.* ac Simleri *Biblioth. Gesner*, ubi quæ al-legatur *Apologia* ejus pro *Petro Mosellano contra Ioan. Cellarium* scripta Lipsiæ A. 1519. etiam in nostris est manibus, una cum libello alio, eidem opposi-to. Lutheri in comitatu fuisse ad comitia Wormatiensia, non quidem ipsi Seckendorffio in latino opere, (lib. I. pag. 152.) sed germanico ejus interpre-ti Eliæ Frickto, p. 343. observatum: jamque olim idem fuerat attestatus Pau-lus Eberus in Præfat. ad *Scripta publice proposita in Acad. Whiteberg.* edita A. 1553. iterumque 1560. in *Historia Regis Christiani III.* a Pontano scripta, vo-catur ubique, editoris an typographi culpa, *Swavenius*, vitiose.

Suenopolis Fioniciæ oppidum. *Svenborg*. In monumentis veteribus *Swineburgum*.

Suenotorpium, pagus in Jutia boreali. *Suenstrup.*

Taurus mons, in Fionia. *Oxenbjerg.*

Textor (Georg.) Is est notissimus ille *Georgius Wollenweber*, nostro haud unquam aliter, quam *Textoris* nomine, nuncupatus.

Trugotus. Nomen proprium; quod in Dania quidem pauciores, præterquam apud Scanienſes, permulti vero in Norvegia atque Suecia viri nobiles gesserunt. Vernacule *Trud* vel *Truid*. Sic *Trud Uffland*, est *Trugotus Ufflandius*; recte, opinor. Nisi *Trudonem* mavelis, cum Loccenio alisque. Nam *Lyſchandro*, *Trudonem* interpretanti, non assentiendum.

Trugotus. Bene quidem, si *Trugoti* vel *Trudonis* filius indicatur. At Cragius noſter, in nominibus propriis haud semper constans sibi aut similis, *Christophorum Trudonis fil.* classi Danicæ præſectum, appellavit pag. 275. *Trugotium*, & pag. 188. *Trudonum*; cum tamen *Trudo*, & *Trudo* seu *Trugotus*, nomina sint distincta. Ergo propius vero accessit, de eodem viro loquens p. 257. vocando *Trondsenium*. Stephanius autem, in hac parte, quæ ad nominum ſcriptionem attinet, semper fere accuratus, *Christophorum Trudonis*, pag. 345.

Tuco, vel *Tucco*. Danicæ *Tyge*. Sic *Tucco Crabbe*, vel *Crabbius*, est *Tyge Krabbe*. Non culpandum: quamvis Loccenius, Stephanius, Er. Lærus, Hemmingius, omnesque fere *Tychonem* scripserint, hocque ipsum vel *Tychonis Brahei* exemplum suadeat. Attamen Episcopus quidam Scanicæ, D. Nicolai Palladii ſucceſſor, *Tyge Asmundſen*, voluit *Tychicus* nominari, ἡλατὴς ſcilicet.

Turonus. Turonis fil. *Turesſen*.

Vasæus, de quo pag. 238. fit mentio, nobilis ille fuit atque celebris *Johannes Vas*, ſive, ut ipſi Cragio poſtea, pag. 313. vocatur, *Vesalius*; (a natali urbe ſic dictus,) qui archiepiſcopam Lundensem cum exilio commutavit, & Christiernum II. regna deſerentem ſecutus, poſtea a Romano Pontifice Conſtantienſem ſedem obtinuit. Agit de ipſo ſemel atque iterum Sleidanus. *Vesalius* appellans. Affert quoque ad hiſtoriam viri nonnulla Sec-kendorſius, partim ex Corn. Scepperi ſcripto contra Frider. I. exſcripta, partim etiam in Archivis Saxonicis obſervata. Vid. Sekend. Ind. hiſtor. in *Vesalio*.

Varvicia, *Varvitiæ*, p. 66. War-Syſſel in diœceſi Ripenſi.

Veja, oppidum Scanicæ, vulgo *Væ*.

Venilia, pars illa Jutiæ borealis, quam noſtrates *Wendſſel*, Saxo Gr. modo *Vendalam*. & incolæ ejus *Vandalos*. modo *Vendilam*; illos vero *Vendſenſes*, recentiores nonnulli *Venſiliam*, Norvegi & Islandi veteres *Vandil* & *Vandil-Skaga*, quemadmodum Geographus Nubiensis (is Saxone Gramm. medio ſeculo antiquior,) *Wendilſkade*. (quod quidem, inter cetera Arabica nomina

nomina Cüm. VII. P. III. pag. 274. occultatum, mihi amicissimus Collega, istarum & longe plurimarum litterarum callentissimus, Rev. Dn. D. Marcus Wöldike, indicavit,) alii aliter appellarunt; atque unde Vandalix populos originem nominis sui repetere, Pontano creditum, Cborograph. p. 662. & p. 711.

Vigoburgica diacesis, in Jutia boreali, Viborg-Stigt.

Errata sic corrigenda.

In Prefatione.

Pag. 7. v. 11. *legatur* adjunctum. p. 21. v. 6. *a fin.* magis. p. 31. v. 14. stru-
cta. p. 43. v. 13. *a fin.* cujus tam proemta. p. 55. v. 11. *a fine*, partis. p. 71. v. 6. *a*
fin. intelliget. p. 72. v. 12. *a fine*, esset. p. 100. v. 24. latinarum. p. 101. v. 6. manda-
tarum. p. 207. circa med. *ayw.*


In Historia.

Pag. 6. v. 13. *legatur*, suffragiis. p. 13. v. 7. navigatio. p. 7. v. 11. deferendi.
p. 20. v. 23. fluctuaret. p. 62. v. 5. ut qui. p. 87 v. 18. adversus. p. 108. v. 12. alla-
tum. p. 128. v. 5. *a fine*, electionem. p. 162. v. 10. remansit. p. 180. v. 16. solum.
p. 209. v. 4. *a fine*, in controversia. p. 268. v. 5. *a fin.* certo. p. 293. med. fortunante.
p. 309. v. 3. *leg. sic*: Danici erat, contentione. p. 329. v. 24. quo. & *versu penult.*
Imperatorem. p. 330. v. 6. trium. p. 354. v. 9. *a fin.* afflictz.

In Additam.

Pag. 85. v. 30. *legatur*, sub communicatione. p. 86. v. 22. definierit. *Ibid.* v.
29. totius Capituli. p. 87. v. 16. Albertes. p. 88. v. 5. *a fin.* Superintendentum.







NICOLAI CRAGII ANNALIUM LIBER I.



Ab excessu *Friderici* res ad interregnum ven-
nit. Nam tametsi proceres litteris fidem
firmarant, successurum *Friderico* ali-
quem ex filiis: tamen nondum nuncupa-
tus erat, quem ad id fastigii. eveſtum vo-
luere. Quum igitur non eſſet, qui, Prin-
cipis nomine, cuncta sub imperium accipe-
ret, summa potestas in Dania pro veteri regni jure ad Sena-
tum devoluta. In Slesvigia autem & Holiatia *Christianus*,
qui fratrum tutorem se ferebat, res administrare coepit; U-
traque enim harum provinciarum in jus hereditarium libe-
rorum regionum concessit, quæ antea *Friderici* imperio
simul cum Dania & Norvegia tenebantur. Ex qua ſepa-
ratione metuens *Christianus*, ne animorum aliqua ſeqvere-
tur distractio, legatos ad Senatum regni confestim mittere
statuit. *Tringotus Uſſlandius*, & *Claudius Billens*, qui pau-
lo ante ex legatione Norvagica reverſi, Regi morienti præ-
ſto fuerant, viſi ad hoc muneris maxime idonei. His
igitur, una cum *Johanne Friſio*, jam in Daniam redire pa-
rantibus, hoc negotii datum. Qui acceptis à Regina vidua
& Duce mandatis, poſtridie quam Rex diem noviffimum
clauſerat, illico Haſniam commeant; ubi quum inveniffent
Senatores, quibus per abſentiam Regis gubernatio commiſſa
fuerat, aliique, qui in propinquo habitabant, accerſiti eſ-
ſent, legationis negotia cum fide peragunt. In primis, of-
ficiu

An.
1553.

An. 1533. ficii ergo, mors Regis nunciata, & quanto in luctu mœsta regia verſetur, facunda miſeratione expoſitum. Tum mêmoratis Friderici beneficiis, quæ in omnes ordines, præcipue autem in nobilitatem contuliſſet, benevolentia Senatus liberis ejus expoſcitur. Rogare Reginam & *Chriſtianum*, ſi quæ meritorum gratia ſuperſit, quæ ratione patres litteris ſe obligaffent, iis conſultum velint. Non dubitare quidem de obſervantia & ſtudio Senatus erga defunctum Regem: Velle nihilominus patres benigne monitos, ut honorem Regii nominis tueantur, nec pacta promiſſæve aboleri, aut irrita beneficia fieri ſinant. Ac mox prolata regni ſigilla, quibus *Fridericus* uſus fuerat, jam ante in conſpectu legatorum rupta, ad faciendam fidem, dolum malum pariter illinc abeſſe, abſore. Tandem additum, *Chriſtiani* ſententiam de comitiis eſſe, quod ea abſque dilatione indici ſvadeat. Miſſurum legatos, aut ipſum interfuturum, dum deliberatio ſuſcipiatur, quomodo artiore amicitia vinculo regnum Daniae cum iſtis provinciis ad mutuum auxilium devinciatur. Et legati quidem cum magna dexteritate de his, pro ſua erga Reginam & liberos regios fide, apud Senatum orarunt. Sed negotia ipſa, *Chriſtiano* eccleſiaſticis in viſo, minus grata. Placuit tamen comitia indici, quia res tempusque ita poſtulabant. Gratiores litteræ à *Jobanne* Duce ex Fionia allatæ, quibus Senatui curas ſuas commendabat. Nam quod evulgatum eſſet, *Chriſtianum* Chilonii conventum Ordinum acturum, inceſſerat regio adoleſcenti ſolicitudo, ne conciliato populi ſtudio, plus juris, quàm ferret pars hereditaria, frater ſibi uſurparet. Itaque juſſus noviffimis patris mandatis, Senatui in omnibus dicto audiens eſſe, ejusque auctoritatem amplexari, cauſam ad conſiderationem revocabat. Senatus, qui nec *Jobanni* quicquam decedere, nec *Chriſtiani* potentiam augere voluit, ut utrumque horum vitaretur, in parte gubernationis, *Jobannis* nomine, hæere ſatagebat. Ad quam rem ut viam ſibi pararet, per litteras à proceribus Slefvicenſibus & Holſaticis petitum eſt diem conventus Chilonienſis indicari, quo mitti ex Dania poſſent, qui *Jobannis* cauſam agerent. Nam in conſtituenda republi-

ca æquum existimari, ejus rationem haberi, ut quem a natu maximo proximum & hereditatis consortem, ab administratione excludi non oporteret. Invitati itidem ad comitia regni proceres Slesvicenses, quibus id juris erat, & seorsim Metropolitanis litteris antistes *Alefeldius*. *Christianus* autem tantum aberat ut arcesserent, ut prorsus præterita sint ejus postulata, per legatos exposita, metuentibus antistitibus, ne qua jus Regis eligendi, quod Senatus semper sibi vindicaverat, ejus præsentis gratia aut timore corrumpere. Rati quippe ista vultus gravitate ac morum mansuetudine influere altius in animos hominum posse, quam ut dubii amplius ambigere, adversi resistere ausint. Itaque decora ejus, viro principe prorsus digna, in perniciem suam accipientes, quem abominabantur animis, aversabantur oculis. Verum quum nec responsum legationi, nec is ad comitia invitatus esset, quid Senatus animi haberet, haud obscure videbat. Itaque non expectato legatorum Danicorum adventu, quæ animo instituerat, Chilonii peragit. Nam in fratrum impuberum verba pariter subditos sacramento adigit; sibi administrationem utriusque provinciae, saltim tutoris nomine, reservans. Neque aliud quicquam sibi arrogabat, integer omnis ambitionis atque injulitiæ, quam quod, inviolata fraterna charitate, jus per se tribuebat. Inter reliquos autem, qui in illis partibus fidem suam tunc liberis Regiis obstrinxerunt, primarius erat antistes Slesvicensis. Is igitur Chilonio reversus, regni Senatum absentiae veniam flagitat, quo minus comitiis interesse possit, se excusans. Non enim posse uni alicui fratrum sine reliquorum offensam in petitione regni studere. Quam grave autem sit, sub ipsorum ditione degenti, eos inimicos capere, haud ignotum. Agnoscere nihilominus Metropolitanis jurisdictionem; nec Senatus auctoritatem defugere, a cujus consiliis sua segregata nolit. His ad universum Senatum perscriptis, occultis litteris Ecclesiam Slesvicensem Metropolitano commendat, rogans, ei, tanquam periculo propiori, in solenni sacramento, quod à Regibus exigi moris est, consulatur.

Jam soluto conventu Chiloniensi, instabat dies, in quem patres comitia regni indixerant; Itaque confluxere Hafniam

An. permulti ex omnibus ordinibus, animis in spem novi Regis
 1533. creandi erectis. Legati à *Christiano* Duce ac Lubecensibus
 missi eo etiam accessere, diversis tamen studiis & volunta-
 tibus, illi pacem, isti bellum quærentes. Mox ut Senatus
 haberi cœpit, interna primum in deliberationem venire.
 Antistites enim, qui opibus ecclesiasticis nixi, auctoritate ad-
 huc plurimum pollebant, ut a rebus sacris initium fieret,
 obtinere. Hinc igitur exorssi, de cultus divini neglectu, &
 rituum antiquorum profanatione prolixè disseruere. Quum-
 que inveci graviter fuissent in ministros novæ religionis, (uti
 tum vocabant,) cum acerba increpatione perfringunt, qui
 patrociniū eis præstiterant. Missa laudibus ad cœlum eve-
 cta, quæ religio Christiana primitus constituta sit: ibi & re-
 ligionis catholicæ caput. Conditio & status ecclesiastico-
 rum magnopere deploratus, qui pejore loco nunquam esse
 queat, quam hæreticis jam occupantibus cœnobîa, a mo-
 nachis & virginibus sacris deserta. Plebs etiam petulantia:
 ac protervia accusata, ut cui imagines sanctorum dejicere,
 ac vasa sacra aliaque ornamenta diripere, religioni non fue-
 rit. Præcipue autem ea indignatio, quod ecclesiasticis nulla
 veneratio impenderetur, sed minuerentur in dies, quæ sa-
 cris inferre juris esset. Incessitur præterea convitiis nova di-
 cta religio, ac si licentia scelerum omnium cum ea sit inve-
 cta, ac fas omne numinisque reverentia exterminata. Mo-
 nere igitur & obtestari antistites, ne patres religionem anti-
 quam, quæ tum ipsi a pueris imbuti, tum majores etiam
 salutis & æterni gaudii participes facti, tam foede sinerent la-
 befactari. Magnopere eo facere posse, si restaurari velint
 ecclesiasticorum auctoritatem, bonaque eorum contracta
 pretiis novæ hæreseos mercandæ, destinatis usibus restitui.
 Retrahendos etiam monachos & virgines ad ordines sacros,
 votique observationem, quotquot eorum ab incestis nuptiis
 impolluti sint. Exerendum excommunicationis fulmen in
 reliquos, qui ad novam hæresin defecerant, ut ea abdicata,
 ad gremium matris Ecclesiæ sponte revertantur, aliisque
 poenis atrocioribus in pervicaces animadvertendum: Hæc
 consilia si patres unanimi consensu adjutent, non solum ex
 officio facturos, utque viros constantes, graves, cordatos,
 ac

An.
1533.

ac publicæ pacis communisqve salutis sollicitos decet, sed & Deo rem gratam præstituros, quem non aliter maneat honor suus illibatus, & fidei suæ, quæ catholicæ Ecclesiæ sint obstricti, consulturos. Postquam in hanc fere sententiam antistites pro religione coram orassent, plerique in bona spe erant novandi libidinem quærelis hujusmodi exfatigatam. Sed deinceps patefactum, majora multo animis agitata. Quum enim patres segnius restituendæ religionis catholicæ curam capeßere viderentur, cœperunt mox antistites aperte senatusconsulto Othiniano obtreßare. Quod induci eo majore animorum contentione postularunt, quo plus, demto metu regio, sibi jam licere existimarunt; quæsti enim per id decessisse plurimum juri ecclesiasticorum, quibus antea poenæ delictorum ex piis causis debebantur. Jam vero isto senatusconsulto facto, hoc juris, sacro ordini ademptum, cuivis ex nobilitate sine meritorum discrimine collatum, nec tamen, quæ vicissim promissa, sincera fide præstita. Cautum enim, ut in reliquis jus ac potestas antistitum nihil minueretur. Quod omnino fecius fieret. Ita enim evluisse eorum auctoritatem, ut pauci sint, qui cultum & venerationem aliquam impendant; pauciores qui censuræ ecclesiasticæ severitatem metuant. Lutheranorum autem hæresi complures indies accedere, quibus præstetur etiam a primariis viris patrocinium. Atque ipsos hæreticos doctores præmia habere seductionis, quæ oporteret esse devotionis. Velle igitur hoc senatusconsultum ordini sacro tam perniciosum antiquari, nisi contra promissa impleantur. Quum intelligeretur haud obscure, consilia antistitum non nili ad excidium reformatæ doctrinæ tendere, patres eam religionem professi, magnitudine periculi vehementer sunt turbati. Metuenda enim fuit hinc plebis seditio, si quicquam gravius contra religionem reformatam statueretur: illinc vis ac tumultus nobilitatis, si juri in suos quæsito aliquid detraheretur. Neutrum regno, diutina inquietudine jam pridem fatigato, tolerabile. Itaque impense adnixi, ut res integra ad cognitionem novi Regis reservaretur. *Goyaus*, princeps religionis reformatæ protector, paucis fatus: "Ego, inquit, vos obtestor, venerandi antistites & patres

An. "conscripti universi, ne reipublicæ novam calamitatem ar-
 cessamus: suo ipsa malo laborans, nimis quam invalida est.
 1533. "Si denuo suscitetur internus aliquis morbus, nemo crit no-
 strum tanta potentia & auctoritate, qui eam ab interitu asse-
 ret. Res sancta religio est, cujus neque initium neque finis in
 potestate humana sita; damnatio hujus vel illius absit, in tan-
 ta judicii nostri instabilitate & cæcitate. Toleremus nos mu-
 tuo, nec privata vindicta inferamus causam religionis. Haud
 fas eam cupiditatibus nostris obtendere, cujus violatæ, ac per-
 peram quocunque modo usurpatæ, DEUS ipse vindex.
 "Ego partam ei libertatem Rege volente, non nisi Rege
 "in contrarium scisciente puto eripi posse." Sed antistites po-
 tentiores sufragiis erant, quam ut unus aut alter contra eos
 obtineret: Itaque ut in commune consuleretur, quidam pa-
 trum, qui moderatiores haberi voluerunt, pacis studio eccle-
 siasticis aliquid concedendum statuere. Quod tandem a
Goyæo & sociis acceptum, ne pro victis succumberent, si an-
 tistites, ipsis nequicquam repugnantibus, obtinuissent quod
 vellent. Tum senatusconsultum factum, quo antistitem
 pristina potestas in sacerdotibus creandis atque itidem repu-
 diandis ita firmata, ut præter eos nemo alius munus eccle-
 siasticum conferre, abrogare nemo posset. Decimas etiam
 exigendi jus ecclesiasticis restitutum, nec ulli solvere detre-
 ctanti judicii patrocinium præstandum esse. Deinde quo-
 modo templa, cœnobîa, nosocomia, scholæ, academia,
 omniaque ecclesiasticorum prædia & possessiones instauran-
 da, conservanda & vindicanda sint, decretum est. Tandem
 constitutum, ut legata pietatis causa sacerdotibus quibusvis
 capere liceat, modo tamen ne quisquam in ea plus erogare
 cogatur, quam libera ejus voluntas ferat. Atque ista sum-
 matim fere senatusconsulto continebantur, cujus plura ca-
 pita erant, singula fere superioribus poenis sancita. Sed quia
 redigendo in tabulas publicas, multa antistitem actu erant
 interpolata, multa inserta contra patrum decreta, recusa-
 runt *Magnus Goyæus* & *Ericus Bannerus* id suis sigillis pro
 more confirmare. Nihilominus, dum res ita stetit, pro le-
 gitimo senatusconsulto obtinuit. His impetratis, antistites
 potestatem ordinis ecclesiastici ita stabilitam arbitrati sunt,
 ut

ut nullius sua consilia oppugnantis tela formidare necesse esset. Itaque, tanquam periclitati satis jam adversæ partis ad certamen vires, de victoria ex prioribus augurium capientes, passi sunt de Rege creando ad Senatum referri. In qua deliberatione non minor patrum quam antea sollicitudo, flagrantior etiam aliorum, qui comitiis intererant, expectatio. Duæ autem omnino sententiæ erant, quæ Senatum distinebant. Antistites & qui istarum partium erant, quum hactenus dissimulassent quid animi adversus *Christianum* haberent, quia, vivente patre & inclinante tum multorum favore, intuta videbatur aperta ejus recusatio, jam cum aperte oppugnantes, *Johannem* Regem designari flagitabant. At religionem reformatam professi, & qui ab illis stabant, enixe *Christianum* desiderabant. Pugnatum utrinque rationibus non invalidis; neque his neque illis proposito cessuris, nisi eo Rege creato, apud quem suæ parti patrocinium paratum sperarent. Pro *Johanne* allatum est, cum patre jam Rege natum, cui idcirco omnes regni incolæ obligati plus debeant. Eum sedula parentum cura in Dania semper educatum, quod quasi vinculum mutui amoris, principis erga cives, civiumque erga principem. In tenera adhuc ætate esse, quæ melius ad virtutem condoceretur, ac moribus Danicis assuescere posset, conformitate ista animos invicem conciliatura. *Christiano* vero objectum, quod Rege genitus non esset, sed editus cum pater de regni spe ne per somnium quidem aliquid cogitare posset. Adolescentiam ejus in aulis principum propinquorum per Germaniam transactam, ubi vita luxu & lascivia in crimine fuerit. Moribus & lingua etiam tantum a nostris dissidere, quantum Germanorum & nostros interfit. Non videri igitur e re publica, *Christianum*, Danis fere extraneum, & ab eorum lingua & moribus longe abentem, Regem constitui. Sed *Johannem* multis nominibus ei præferendum. Contra ab iis, qui *Christiano* favebant, regni tuendi & servandi necessitas in medium adducebatur: Non posse rempublicam diu sine Rege esse, nisi turbam fluctibus haustam atque obrutam cernere vellent. Eum regni statum incidisse, ut puerum ad longam gubernationis spem educari non sinat, sed præsentī ope, tum pruden-

An.
1533.

An. dentis, tum fortis & magnanimi principis, potius regnum
 1533. indigere. Hostes enim exterius esse longe potentissimos, qui regni jus traducere ad suos quibusvis artibus laborent. Imminere præterea infidos vicinos regni ruinæ, quibus familiare, suæ commoda ex aliorum parare incommodis. Qui ut maxime nihil moveant, (quod tamen in incerto,) turbari nihilominus res, volupe iis fore, ac in poena divina, fictarum injuriarum vindictam probrose inferturos. Sed nec in visceribus regni subditorum animos aliter coherere, quam in vasto corpore membra langvore marcida, quæ, ut adhuc soluta non sint, opem tamen mutuo conferre nec velint nec valeant. Multos etiam *Christiano* captivo clam animis adhærescere, quibus simul ac ducem se aliquis præbuerit, vel cum falsa & inani commodi spe, haud defuturos, qui tutis & pacatis iniqua præferant. Itaque, ni universos secum præcipientes in exitium dedere velint, eum Regem quærendum, qui & consiliis maturus, & rebus gerendis idoneus sit, qualis haud dubie *Christianus* sit. Nam quod ei obijciatur, patre nondum Rege genitum, id ne quidem in regno hereditario officere, nedum ut in libero nocere possit. Æquum quidem, merita parentum suffragari liberis oportere, sed iis potissimum, qui parentum quam simillimos se præstant, & eorum gloriam factis æquare student. Quæ spes ita de *Christiano*, ut non de ullo alio, certa. In cuius educatione nulli vituperio obnoxium, quod apud externos primos ætatis annos transfegerit. Nam aliorum mores usumque discendo tantum prudentiæ ejusdem accessisse, eamque mansuetudinem induisse, ut poenitere imperii ejusdem neminem possit. Nec delictum ullum juventutis insigne ad notitiam venisse, vel, si quod fuerit, haud dubio in majus quam par est, fama auctum, quæ nulla manifesta principum delicta finit esse mediocria. Multa vero ætati condonanda, præsertim in principali fastigio liberius agent. Alioquin nullum unquam futurum, quem non modo a regno, sed & quovis magistratu probum arceat. In moribus porro nihil dignum reprehensione. Esse eos compositos ad singularem humanitatem pariter & gravitatem: nec, utut verum sit a nostris dissidere, idcirco vituperandos. Etenim mul-
 tos

An.
1533.

ros tum publice per regiones et populos, tum privatim moribus a nobis diversos esse, quos si omnes reprehendere velimus, reprehensione maxime ipsi digni simus. In principe viro minime requirendum, ut mores ad consveta accommodet, duntaxat ut a dedecore et vitiis quam longissime absint. Quapropter quum ista summa et alia omnia in *Christiano* conveniant, quæ optatissimi Regis spem facere possunt, censere ei regnum deferendum. Sed non erat apud antistites tanti vel reipublicæ salus, vel *Christiani* virtus, ut ad consensum flecterentur. Fixum immotumque ipsis, in *Johannis* electione perseverare, per eam regni potestatem affectantibus, ut reformatam doctrinam, priusquam altius radices ageret, extirparent. Simul sedit sententia, adolescentem regium ista ætate religione catholica imbui posse, in qua sola si ejus devotio occuparetur, ita animo inhæsuram, ut postea ordini ecclesiastico, nihil ab ipso esset timendum: hoc pacto opportuna cuncta volentibus *Johanne* Rege fore. In hæc consilia penetrabant facile acie judicii, qui artes astusque antistitum longo usu didicerant. Qui contra quum jugum pontificium excussum unice cuperent, videbant, nisi *Christiano* Rege, se aliosque in libertatem conscientiarum vindicari non posse. Nam nemini dubium, abusuros antistites *Johannis* pueritia ad evertendas fortunas omnium, qui religioni, catholicæ vulgo dictæ, renunciarent. Proinde pertendentes pro *Christiano*, ut religionem et reipublicam in manus antistitum destituerent sibi extorqueri non patiebantur. Gliscebant indies magis magisque inter antistites et reformatæ doctrinæ protectores contentio, quo acrior, eo futura perniciosior, quam ulla antea hominum memoria. Illi magnis adnexi domibus, alliciebant ad se tum ex patribus, tum ex reliqua nobilitate complures, prout quemque vel emolumentum aliqua spes, vel religionis metus stimulabat. Hi nec ipsi invalidi, nonnullos pariter in suas partes traxere, plebeis ad præsidium sponte inclinatis, tamen quo non ita uti parati, ut ecclesiasticis formidatis. Ita primarius regni ordo in dissensionem haud obscuram divisus est, contagio paulatim ad plures emanante.

Tandem quum hæc de Rege creando dimicatio ali-

B

quam-

An. 1533. quamdiu tenuisset, nec alii aliis concederent, proposita ab ecclesiasticis via quasi media, ut Norvagus, imperii jure conjunctis, nondum ad comitia regia vocatis, neuter qui hoc tempore nominatus esset, Rex designaretur. Quin potius res integra ut ad comitia proximi anni reservaretur. Interim Norvagos ex lege foederis ad creationem Regis invitandos, ita quæri non posse à publicis consiliis excludi, & ansam movendi statum ejus regni ereptam fore. In hanc sententiam, aliis; nullo bono consilio diem Regis designandi protelatum, molestè ferentibus, & dolorem taciturnitate tegentibus plerisque patrum, itum est. Mox igitur alterum senatus consultum factum, quo, fide data & accepta, decretum est, neminem se regnare passuros, nisi quem patres auctores facti, consentientibus omnium suffragiis, probassent. Quo nomine si quid periculi reipublicæ crearetur, communibus viribus atque armis quorumcunque hostium aut rebellium vim propulsandam. Tributa etiam potestas Senatoribus, quæ cujusque jurisdictio pateret, controversias ac lites omnes componendi aut judicandi. Sed neque hoc senatus consultum in scriptum redactum, à *Goyæ* & *Bannero* est signatum; idque eò maximè, ut se omnis culpæ immunes populo probarent, si quid detrimenti respublica ex ista dilatione caperet. Secundum hæc ita constituta, quæ videri antistites voluere ad concordiam & salutem omnia, ordinari provincias regni placuit, ac mandata uni alicui primario ex nobilitate viro in quavis provincia pacis ac tranquillitatis publicæ cura, cui, si quis vel belli externi metus, vel populi motus exoriretur, omnes parere scirent. Quæ de re promulgatum vulgo Senatus nomine edictum, quo ratio plebi reddita, cur comitia regia prorogari necesse fuerit, jusque interim omnes parere ducibus suis, si quæ necessitas arma sumendi ingrueret. Verum quia opulentiorum & potentiorum exemplum ad reliquam plebem in fide & obedientia retinendam multum conferre creditum est, acciti in senatum magistratus Hafniensium & Malmogianorum, quos hac ipsa de causâ comitiis interesse patres voluerunt; quibus hæc patrum secreta erant exposita, ac inprimis ostensum, quæ necessitate in annum Regis creatio dilata. Non enim

An.
1533.

fas existimasse, Norvagos, qui ejusdem Regis imperio teneantur, excludi. Hoc jus postulare, absque quo sit, vix diu sperandum concordēs illos futuros. Monere ac hortari, ipsi interim in fide maneant, nec se ab obedientia aut sua à publicis consiliis disjungant. Senatui commoda utriusque urbis & in universum civium omnium salutem curæ futuram. Illi lati patrum cura ac solitudine, fidem subjectionis atque obedientiæ dedere, sacramento præstito, in potestate. Senatus futuras istas civitates, nec se pro Rege habituros, nisi quem patres auctores facti designassent. Aliaque pollicebantur prolixè a se omnia, sive adhuc integri a seditiosis consiliis, sive perfidiam tegentes tempus expectabant.

Tandem verò rebus internis ita compositis, legatos audiri placuit. Introducti primi in senatum, qui à *Christiano* missi fuerant; *Wolfgangus Poysius*, & *Melior Ranzovius*, eadem fere quæ priores legati adferebant, beneficia *Friderici* erga rempublicam Danicam ad gratam senatus memoriam, qua decuit modestia, paucis revocabant, monebantque patres fidei suæ, quâ se *Friderici* filiis litteris obligassent. Tum de periculis imminentibus differentes, quantopere reipublicæ interfit, Regem designari, ostendunt. Quod si non placeat, saltem formam aliquam gubernationis ordinum consensu constituendam, ne respublica quasi in medio fluctuans, omnium periculorum telis exponatur. *Christianum* à senatu haud discessurum, in cuius voluntate ita omnia collocet, ut haud ægrè laturus sit, si vel alicui fratrum regnum deferatur. Nec eo minus pacem servaturum, sed regni partes sequentem, conjunctim fœdus cum quovis facturum. Ac jam cum Danicis suos legatos, pro pace cum *Maria* Belgii Gubernatrice firmanda, conjungere paratum. Etenim in pari causa Daniam & hereditarias ejus terras esse, itaque e re communi fore, ut necessitudinis inseparatæ fidem utrinque *Maria* faciant. Responsum a Senatu perbenigne, inconsultis Norvagiæ proceribus, de Rege creando nihil statui potuisse; itaque rem in annum prorogatam. Tum se rationem *Christiani* ac reliquorum fratrum habituros, prout æquius meliusque visum, nec fidei immemores futuros. Placere legatos in Belgium mitti, qui cum *Maria* de fœdere agant.

An. 1533. **gant.** Cum hoc responso legatis dimissis, in ore omnium *Christiani* moderatio fuit, commendata eo maxime, quod nihil ambitiosius regni desiderio per suos tentasset. Non intercessum pro aliquo fratrum, ne patribus ad invidiam præjudicium adferretur. Nec cum pudori suo decorum existimasse, ut sibi regnum peteret, exclusis fratribus, ne ambitio in crimen verteret. Id lenis esse & moderati ingenii indicium. Talem principem regno dignum, aut alium nullum. His vocibus tum exteri, tum Danici laudibus *Christiani* lingua animoque favebant, ut indies virtutis gloria magis inclaresceret.

Mox hinc auditi qui a Lubecensibus venerant. Erat ejus legationis princeps *Georgius Textor*, homo audax, temerarius, factiosus, quique improbis artibus ex menstro senatore ad consulatum in ea republica evehctus fuerat. Cujus oratio versabatur potissimum in exprobratione beneficiorum, quæ regnum Daniæ à civitate Lubecensi bello contra *Christianum II.* accepisse jactabat. Suppeditata ad auxilium a Lubecensibus, classem, militem, tormenta aliæque bello necessaria, sumptus eos graves adhuc reipublicæ esse, & vires inde haud parum diminutas, commoda ad regnum Daniæ rediisse, pericula & impendia Lubecensium fuisse, præmio nullo. Nihil enim fere inde emolumentum eorum rebus accessisse, præterquam quod *Fridericus* pristinas immunitates confirmasset. Nam quod recens initum foedus, id mox labefactum, ut ferè nulli usui fuerit. Oportuisse ex legibus foederis piratas mari arceri, ac in primis Hollandos, commerciorum causa tanto numero in hæc partes ventitantes, freto Oritano excludi, ut confederatis libera, qua vellent, præstaretur navigatio. Quod nequiquam tamen præstitum. Illos enim omni metu solutos, passim mari oberrare, in spolia navigantium intentos, quorum opes agant ferantque, remittentes domum naves suas, onustas haud spernendis ex præda quasitis. Id Danos, utut civitatum jus graviter lædi haud obscurum esset, dissimulasse, ac impunitum tulisse, Lubecenses autem, Regis permisso, ad ulciscendam injuriam classem aliquoties parasse. Eam quidem, præfecto *Marco Meyero*, præclaram ope-

An.
1533.

operam contra piratas, ac præsertim contra Hollandos hinc expellendos, semel atque iterum edidisse: Sed hoc anno aucta in immensum hostium classe, infelicius rem tentatam. Rempublicam Lubecensem non amplius huic oneri ferendo esse, nec videri Hollandos, maris hujus portus omnes navibus suis frequentantes, nisi aditu freti prohiberi posse. Rogare igitur, eis interdicatur insolita navigatio, ne huc commeant, nisi determinato navium numero, negotiatione eorum ad certas etiam & definitas merces redacta. Quod ni fiat, de confœderatarum urbium commerciis actum fore, Quam haud dubie eo spectent Hollandi, ut earum detrimento & injuria rem faciant, & commerciorum omnium usum ad se traducant. Hujus mali provisu instantius regni Danici auxilium Lubecenses implorare. Nec æquum deseri eos, qui in nullo infortunio Danos deseruissent. Ipsi quamvis monendo occupassent, rem nihilominus ad Danos pariter pertinere, quorum magnopere interfit, ne potentiam Belgarum crescere sinant, qui ipsos perditum cant. Si opes eorum adjutent, à quibus male sibi indies retinere habeant, quid sperandum amicis, qui fortunas suas pro salute regni profundere non dubitassent?

Quum deliberari de responso coeptum esset, visum patribus, perplexum & periculi plenum id negotium. Opes Lubecensium magnopere suspectabant, qui maritarum urbium communem causam egissent. Quibuscum per interregni tempus inimicitias suscipere, haud consultum visum. In magistratu esse homines turbulentos ac seditiosos, qui domesticos ingentes motus conciverant, consulibus & senatui priori magistratum abrogando. Jam has turbas quodammodo confedisce, & summam rerum ad inquietos homines rediisse. Quid igitur aliud ab iis expectandum, quam ut quavis sumpta occasione ad vicinos se convertant? Nam si abnuatur fœdus, aut denegetur auxilium, pro injuria id habituros, ac malum regno machinatuuros. Contra Belgarum potentiam late patere cernebant, quam Imperator, multarum regionum dominus, gubernante res *Maria*, sustentabat. Ejus iræ materiam præbere, longe periculosius fore. Quæsitam apud *Mariam* pacem, quæ, si spernatur,

An. 1533. illufum ſibi tentatione exiſtimaturam. Tum vero in-
 ſtantia fore, tractationem fœderis jam decretam, in cujus
 ſocietatem *Chriſtianus* etiam venire velit, temere omittere.
 Si *Chriſtianus* pacem impetret, Danis excluſis, illum otio-
 ſum ſpectatorem, Belgas hoſtes infeſtos futuros. In hac
 ancipiti deliberatione aliquot diebus conſumptis, tandem
Textori legato hoc reſponſum datum: videre Lubecenſes
 rempublicam Danicam ſine Rege eſſe, qvo auctore fœdus
 ferendum ſit. Grave enim Senatui eſſe, auctoritati Regiæ
 aliquid præcerpere, nec poſſe Regem niſi ſuo promiſſo obli-
 gari. Fœdus, qvò initum cum *Friderico* prætendant, cœp-
 tum duntaxat, non conſummatum fuiſſe, &, ut maxime
 ad conſummationem nihil ei deſuerit, aliam *Friderici*, aliam
 ſucceſſoris cauſam eſſe. *Friderico* enim mortuo, in ejus
 verba ſucceſſorem haud obſtringi. Nec æqvum cenſere, au-
 xilium flagitari contra commerciorum libertatem. In ea-
 dem cauſa cum Belgis Gallos, Anglos, Scotos eſſe: Cum
 iis fœdera intercedere, qvæ commercia impediri non ſi-
 nant. Nec velle inimicitias cum inclyta domo Burgundica:
 Malle pacem fieri, ac bellum ſopiri, ac jam deſtinatos lega-
 tos ad *Mariam*, qvi de pace agant. Non poſſe igitur Hol-
 landos hic oppugnari, illic interim pacis negotium tractari.
 Hoc non eſſe ſinceritatis Danicæ, non fidei & conſtantia.
 In his Lubecenſes acquieſcant, uſqve dum Rex creatus ſit,
 tum fœdus æqvum haud recuſatum iri.

Moleſtè ferebat *Textor*, non ad voluntatem reſponſum,
 acciditqve præter ejus pariter & Lubecenſium opinionem,
 qvò poſtulata negarentur. Rati enim, memoria recentis
 adverſus *Chriſtiernum* captivum præſtiti auxilii, quidvis ſe
 impetraturos. Tametſi diſpar utrinqve ratio: Lubecenſibus
 tum *Chriſtiernum* oppugnantibus, non ut Danis gratifica-
 rentur, ſed qvia ipſi eundem ſimul hoſtem habebant. Jam
 vero cauſam ſuam agebant, cupientes Danos cum Belgis
 committi, ut commerciorum omnium uſum in ſuam po-
 teſtatem redigerent. Qvò qvum iniquum eſſet, nihil ta-
 men ejus homini inſolenti curæ, nec ſpectare magnopere,
 quid res tempusqve poſtularet, tantumqve ad propoſitum
 tendere. Ac ſremebat tacite animo, non habitam petiti-
 nis

An.
1533.

nis suæ rationem, repulsamque ad contumeliam trahebat. Quapropter ubi intellectum, ab aliis legatis Lubecensium, qui in Sveciam missi fuerant, re minus ex sententia illic confecta, prodicionem coeptam, existimans nihil a se actum, nisi & ille viam conjurationis aliquam iniret, huc animum flexit. Vixi autem homines ad eam rem præ aliis idonei, *Georgius Coccins*, & *Ambrosius Bibliopegus*, hic Hafniensis, ille Malmogianus Consul, uterque in ea gente Germanica natus, quæ semper Lubecæ plurimum potuit. His igitur, fide silentii data & accepta, quod meditatus erat consilium patefacit. Existimare piæ & dignum homine officium, periclitanti veræ religioni pro viribus obvenire. Quum itaque videat antistites hoc agere, ut cursum reformatæ doctrinæ impediunt, nec in tuto esse, qui eam profiteantur, putare ad incolumitatem ecclesiæ & reipublicæ pertinere *Christiano* Duci regnum deferri. Alioquin, si res ecclesiasticis ad voluntatem affluant, pertimescendam immanem eorum sævitiam, quippe iis vix cessaturis, priusquam tribuna- lia omnia civium sanguine imbuantur, ignes per fora m- icent, aliaque in plebem, catholicam religionem repudian- tem, exquisita supplicia parentur. Nam quid aliud a tam violentis hominibus, impunitate per interregni tempus pro- posita, sperari queat, qui, ne quidem vivente Rege, odium adversus religionem occultum habuerint? Si *Christianus* re- gnum oblatum capebat, protectorem religioni contra anti- stites inventum; cujus pietas jubeat sperare plus boni, quam ex eorum crudelitate necesse sit formidare mali. At si re- cuset regnum, non defutura a Lubecensibus auxilia, quæ à religione periculum propulserint, ejusque libertatem asserant. Vellent modo, cum præsidia appellerent, portus aperire, & intra mœnia recipere, ut conjunctis viribus, res geri possit. Nam necesse eos Lubecensibus opes suas ad regnum occu- pandum subministrare, uti ipsorum auspiciis tanto validius illud invadi possit. Eo pacto non solum securos religionis reformatæ fore, sed & præmium mansurum, quod sum- mum a Lubecensibus præstari posset, ut in fœdus commu- ne civitatum, commodis ac immunitatibus iisdem cum il- lis fruituri, adsciscerentur. Non abhorrebant ab hujusmodi con-

An. consiliis *Georgius & Ambrosius*, freti uterque plebis in religione consensu, ille etiam tantum fidei apud plerosque patrum nactus, ut consiliorum publicorum aliquando consocius fieret, nemine aliquid turbidi ab eo metuente. Quum in hæc illis convenisset, convento *Trebasio*, qui *Christiano* à secretis comes legatis ejus adjunctus fuerat, per eum *Coccius* Ducem certiores facit de Senatus & plebis ob religionem distractione. Petit occultè, quid animo statuisset; indicari. Si placeat regnum acceptare, non deesse rationem bene putatam, qua id sine caede & sanguine tradatur. Interfuerat etiam comitis Danicis *Nicolaus* quidam de *Rusticis* nomine, ex Gallia cum litteris ad *Fridericum* missus, qui, quod mors Regis adventum ejus prævenerat, jussus litteras ad filium ferre. Huic deinde à *Textore* simul & *Coccio* negotium datum, *Christiano* regnum utriusque nomine offerendi. Viam, qua id sibi suisque parare possit, satis eos meditatam habere, nec esse adversariorum timendam potentiam, contra quos necessaria civitatum confœderatarum subsidia promittere non dubitarent, ut qui eorum certi essent. Post & *Textor* seorsum, per *Gunterum* quendam *Ditmaris* à secretis, idem offert, cum amplissima spe regni consequendi, si paululum saltim aditi velit. Sed *Christianus*, utut in facili videbatur regnum acquiri, semper institutum tenuit, cum ambitionis modum, quem justitiæ, sibi statuens.

Dum *Textor*, *Coccius*, & alii in his sunt, antistites, qui suæ potestatis jam cuncta fecerant, liberius agere, & ad arbitrium res disponere. *Johannis* Ducis educatione mandata *Olo Roscrantio*, tanquam aulae præfecto, & *Petro Scavenio* informatori, tributa ei una atque altera præfectura, ut, tanquam successionis certus, in usum ac possessionem regni introduceretur. Aliæ arces & castella tradita aliis, prout quosvis aut ad res suas magis idoneos, aut artius sibi beneficiis obnoxios fore existimabant. Edicta etiam promulgata, quibus, quarundam rerum exportatione inhibita, hæc negotiantium plurimum decessit. Quibus aliisque modis quum vectigalia magnopere imminuta essent, impendiis publicis annui redditus regni vix responderunt. Itaque necesse fuit venire ad solitum tributorum subsidium, im-

perante Senatu plebi grandem pecuniam, unde primum ir-
ritatis animis rebellionis cogitatio incessit.

Exorta deinde alia tumultum conciendi occasio. Antistites enim, non contenti probra & contumeliam in religionis reformatæ defensores ingerere, subinde minas addebant in eos, qui senatusconsulto non parerent. Nec cessaturos apparebat, priusquam insigni severitatis exemplo ple-rosque ab ejus professione deterruissent. Offensi ergo *Goyæus* & *Bannerus* ista pervicaci antistitum feritate, quum hactenus nihil non pacis & concordiae causa tulissent, consilium deferendi Senatus capere. Mox uterque eorum, patribus reddita discessus causa, invitos se a senatu segregari, Dei hominumque fidem contestati sunt. Videre se nihil a patribus agi, quod in rem publicam pertineat. Indicta enim fuisse comitia Regi creando, sed antistites nihil minus curæ habuisse, potiusque suas egisse. Si itaque per interregnum reipublicæ seclius aliquid accideret, nolle eum alienæ culpæ reatum sustinere, nec sibi crimini dari quod præstare non possent. Nec obscurum erat ad antistitum invidiam discessum horum vergere, nec tamen eo retinere abire parantes laborarunt. Quos mox urbe exeuntes magna nobilium turba ac plebis innumera multitudo comitata, infestis omnes animis in antistites, a quibus extrema mala metuebantur. Quæ & confestim ab eorum discessu erupere. Nam quum jam amotis adversariis in Senatu antistites dominarentur, religionis certamina, nulla nova causa exorta, resumuntur. Antistites mollibus patrum consultis minus religioni catholicæ cautum existimantes, ut reformatæ doctrinæ ministros procul, plebe eis adhærente, amoverent, aut e medio tollerent, in animum sibi inducere. Itaque recenti senatusconsulto freti, quo docendi munus eorum injussu usurpare vetitum, *Tausanum* in jus trahunt. Accusatores se ferebant ipsi antistites & prælati. Judices autem sedebant reliqui Senatores, qui in comitiis remansere, unaque *Hafnienfes* ac *Malmogiani* consules, aliique magistratus. Quum institueretur in eum accusatio, id imprimis ab omnibus ei crimini datum, quod libello quodam typis excuso ordinem ecclesiasticum universum ad plebem traduxisset. Appellasse

An.
1533.

An. 1533. enim antistites & praelatos tyrannos immanes & contumaces, reliquos impostores & occaecatos truncos, qui ignavi ventres & iners terræ pondus, neque frugi neque rei bonæ sint, multaque alia convitia in universos eum cumulasse, quibus liber scateat. Deinde etiam inseruisse contra missæ sacrificium ac cœnæ dominicæ sacramentum, quæ catholicæ ecclesiæ Romanæ doctrinæ haudquaquam sint consentanea. Præter hæc seorsum *Rommonius* suam quandam injuriam persequebatur: *Tausanum* a se non vocatum aut ordinatum, ædèr *Dico Nicolao* sacram sibi usurpasse, quam concionibus hæreticis, plebe catervatim ad eum confluentem, profanarit. Nec, interpellatum ista de re in cœtu ecclesiastico, cum æqui aliquid respondisse, sed insuper os impudens ad contumeliam aperuisse. De quibus objectis *Tausanus* paucis respondit: Quicquid horum fecisset, ad gloriam Dei fecisse, nec nisi hominum æternam salutem a se spectatam. Privatim sibi cum nullo ecclesiasticorum, ne dum cum *Romniovio*, inimicitias intercedere, quem si verbis per imprudentiam vel imperitiam læsisset, paratum offensam demisse deprecari. De sacrosancta cœna Domini nullius sibi erroris consciunt, sed si quæ culpa in eo doctrinæ articulo libro commissæ, eam librario seu typographo imputandam. Fateri sub specie panis & vini, in missa a sacerdote consecrati, non latere vel includi corpus & sanguinem Dominicum, nec arcula vel pyxide, ubi secundum Romanæ ecclesiæ ritum panis asservatur, illud contineri. Quum his aliisque utrinque disceptata lis esset, pronunciata à iudicibus secundum ecclesiasticos sententiæ; damnatusque *Tausanus*; uti jure & legibus plecteretur, nisi antistites delicti gratiam exorare posset. *Romniovio* autem adjudicata templa urbana Hafniæ, & quæcunque alia ejus sacre jurisdictioni fuissent exempta, quæ deinceps teneret eo jure, quo antistites Roschildenses unquam liberrime templa sua usurpassent. Decretumque insuper, ut sacerdotes ac concionatores ipse institueret, qui verbum Dei docerent, sacramenta administrarent, missas dicerent, aliaque sacra obirent, ut Christianis dignum foret. At senatores ac reliqui magistratus plebei *Tausani* apud antistites supplicium de-

pre-

An.
1533.

precantur, nolentes ejus damnationem emanare, ne qua plebem inde offendi contingeret. Qui intercessione sua obtinere, ut poena relaxaretur hisce legibus, ne deinceps *Tausanus* conciones haberet in æde aliqua Hafniensium, neve alia sacra ibi perageret: ne libros ullos componeret, aut in publicum ederet; ut intra mensis spatium dioecesi Sielandica discederet, nec in Scaniam vel Sielandiam unquam rediret. Si quando Fæoniam vel Jutiam ingressurus, ne libros evulgando, aut ad plebem concionando, ecclesiasticum munus sibi arrogaret. Nec ecclesiæ se alicui ingerens, jus vel auctoritatem antistitum minueret, sed ipsorum consensum prius requireret.

Patribus hæc in curia civitatis agentibus, plebs Hafniensis sumptis armis furens, forum tumultu ac clamoribus implet. Indignari enim & fremere, ab reformatæ doctrinæ hostibus concionatorem suum in jus trahi, qui causam apud eosdem iudices & accusatores diceret. Audiebanturque voces restitui *Tausanum* flagitantium, ac ne contra religionem gravius statueretur, adjectis minis, haud impune ecclesiasticos habituros, si secus fieret. Intellecta causa tumultus, periculum verita excivit curia aliquos ex senatoribus, qui plebem irritatam pacarent. *Tausano* nihil periculi esse; cui eam ecclesiasticis intercessione patrum jam probe conveniret. Nec interdicti religionis reformatæ usum, tantum antistites desiderare, ne ministri in ecclesias, auctoritate ipsorum posthabita, involent. Irent igitur pacati domum, & res suas agerent; senatui curæ futurum, ne quid iniquum contra religionem, vel ejus ministros decerneretur. Sed plebs nihilo sedatior, in antistites probra & convitia ingerebant. Itaque patres hac audaci petulantia acerbati, sonantiore voce, quam ira expressit, ad poenas expetendas inardescunt. Sed verba eorum, tametsi indiscreto sono parum intellecta, iram tamen indicabant. Proinde intumescēte contra motu plebis, & ipsi armati infrendent, ac minabundi inclamant, exhibendum *Tausanum*, aut se fores molituros. Patres intento metu subacti, *Tausanum* plebi restitunt, cautione de vitæ securitate ei data. Mox e curia egressi, domum per mediam plebem se recipiunt, eo quisque tu-

An.
1533. tior, qvo a religionis reformatæ odio existimabatur alienior. *Romnovium* præ aliis ferocia inuisum. plebs oculis trucibus aspiciebat, infestis animis sequens, ac piaculum furoris deposcens. Sed evasit tamen violentas eorum manus, *Tausani* æquanimirate ac mansuetudine, quæ turbidos & religionis zelo præpostero flagrantés compescuit. Quo nomine in ædium vestibulo conversus ad comitantem *Tausanum*, ei gratias egit, eiqve æqviorē benignioremqve se exinde præstitit; usqve adeo ut non multo post, ad intercessionem *Goyæi* & preces *Hafniensium* ecclesiæ restitutus sit, qvum prius fidem suam obstrinxisset, cessaturum ab omni in ecclesiasticos convicio, ac in honore commodisqve ejus studium & operam omnem occupaturum. In quæ tamen aliæqve sponsores *Romnovius Goyæum* sumpsit, a qvo promissum, qvicqvid periculi eo nomine crearetur, junctis viribus se depulsurum, etiam cum vitæ fortunarumqve omnium dispendio. Nam *Romnovius* arctiore amicitia *Goyæo*, *Bannero*, & *Magno Guldensternio* junctus, causæ religionis reformatæ non usqve adeo deinceps infestum se præbuit, modo opum sacrarum securus esset.

At reliqui antistites, soluto ita Senatus conventu, ut relicta quasi in medio respublica sine certo ordine aut sede gubernationis huc illuc fluctuarat, qvum domum se contulissent, in sua quisqve dicecesi persecutionem reformatæ doctrinæ acriter aggrediuntur. Metropolitanus *Torbernus Billeus* ministros evangelii, qvi *Malmogia* & *Veis* haud infelici successu docuerant, proscribit. Civitatibus his aliisque pœnam excommunicationis denunciat, ni eos a se abigant. Reliqui ejus exemplo & ipsi per suas quisqve diceceses persecutioni ac expulsionī ministrorum nihilo segnīus insunt. Sed constitit adhuc tamen omnis persecutio intra proscriptionis pœnam, non nisi paucis irrogatam. Ad crucem, gladium, ignem nusquam ventum est, nec religionis reformatio sanguine cujusquam redempta. Quæ misericordia omnino cœlitus præ aliis regnis Danicæ illuxit, qvum ubiqve fere in vivis ac mortuis cremandis extrema sævitia exercita sit. Cujus beneficii utinam nobis ita vigeat perenniter memoria, uti sensit inde multum emolumentū ecclesia.

Cæ.

An.
1533.

Ceterum quum antistites ab hujusmodi persecutionibus non desisterent, & ad extirpandam reformatam doctrinam nihil operæ reliquum facerent, plerique religionis excidium metuentes ad *Christianum* respectabant. *Goyæus* igitur, qui pridem reversus ex comitiis, *Christiano*, tum venerationi operam danti, regnum detulerat, jam denuo juncto *Bannero* & *Guldensternio* (nam is ex Scania communicato cum *Coccio* consilio hac causa venerat) *Christianum* ad regnum capeßendum instanter invitant, polliciti ad subigendos resistentes, a se aliisque in consilio consentientibus auxilia, atque insuper plebem urbanam ac rusticam in partes venturam. Vellet is modo cum exigua manu peditum equitumque in Jutiam ducere. Ubi mox eo ingrediente, paterent propugnacula & castella omnia. Inde comitatuross in reliqvas regni provincias, quæ etiam absque difficultate in ejus potestatem concessuræ. Sed ne sic quidem *Christianus* a proposito expectandi legitimam electionem se abstrahi passus est: respondens, scire a Deo vetitum, sine legitima vocatione, seu vi seu dolo magistratum invadere. Non enim existimare auspicatum regnum fore, quod astu partum, aut sanguine dedicatum. Existimare etiam regnum Senatui extorquendo nomini suo ignominiosum, si spem successioneis; fratribus pariter factam, interciperet. Sed & metuendum, ne motus inde existant, qui rempublicam potius in ruinam dedant, quam in tranquillo sistant, ut illi sperent. Itaque regnum, inter mortales rem augustissimam, violato gentium jure, & oppressa suffragiorum libertate, nolle pessimo exemplo sibi ita parare. Sed si prius patribus inter se de electione convenisset, tum pariturum ipsorum voluntati, & quæ ab eo officii regii jure desiderari possint, pro viribus præstiturum. Quum rogando & hortando nihil apud *Christianum* proficerent, *Goyæus* dolens, Deum testem implorat, culpæ se immunem fore, si quid infortunii in regnum ingrueret: Ipsum redditurum Deo rationem, qui gubernationem accipere detrectarit.

At quod *Christianus* præ modestia recusavit, id *Henricus* Angliæ Rex ausus est pecunia redimere. Non ullo juris adminiculo, non populi Danici favore, sed externi tantum

An. 1533. tum hominis, *Majeri* Lubecensis, magnificis in speciem promissis fretus, forte cum captivum Anglus apud se hac occasione habebat. Etenim reverfus ex legatione Danica *Textor*, turbulentis concionibus plebem Lubecensem contra Danos & Hollandos pariter accenderat. Ira recens tamen in Hollandos magis tum eos stimularat, a quibus classis civitatum fuerat paulo ante repulsa. Quum ergo instructæ contra eos viginti quatuor naves bellicæ, vastum oceanum ingressæ, sub Norvagiæ littora vi tempestatis essent dissipatæ, earum aliquæ scopulis allisæ, perierunt, aliæ in Albim delatæ sunt. Prætoria quæ fuit, vehens *Majerum* classis præfectum, in Angliam abducta. Ibi *Majerus* detentus, ut se captivitate eximeret, facinus audax aggressus est & temerarium. Regnum Daniæ Lubecenses tradituros *Henrico*, vel cuicumque ille vellet, pollicetur. Promissa vicissim Lubecensibus ab *Henrico* belli subsidia, aliæque in regno ejus commoda, quæ præmii loco expectarent. Hoc illis utrinque gratum, ne fidei transactioni aliquid decisset, restabat, ut legati mitterentur, qui rem totam conficerent: de quibus mittendis quum convenisset, *Majerus* donatus amplissimis donis, & aurei equestris ordinis dignitate auctus, dimittitur.

Ita quum *Textor* pridem in Dania, *Majerus* modo in Anglia, belli consilia contra regnum Daniæ instituissent, infatigabili ejus occupandi cupiditate in dies magis magisque inflammabantur. At redierant jam ex Belgio legati, pace cum *Maria* facta. Igitur antistites, quibus id seorsum indicatum, rem ad totius Senatus cognitionem pertinentem, eo referri voluere. Quapropter coactis denuo patribus Othiniæ a. d. xii. calendas Octobris, ibi renunciatum, quibus legibus foedus cum *Maria* ictum. Convenerat enim de mutuo auxilio contra hostes suppeditando, mittendis in usum belli navibus, militibus, tormentis, commeatu, aliisque necessariis. Sed consultum amicitiae Lubecensium fuerat, ne Dani hoc bello contra eos ad ferendam Belgis opem obligarentur, neque item Lubecensibus contra Belgas opitulaturi. Si vero contingeret, Svecos & Hamburgenses Lubecensibus jungi, ut Dani tum operam darent, quo pacto
sepa-

separari possint. Promissum insuper, pacem, faventibus Belgis, simul fœdere comprehensum iri. Præmonendos, ut suos pariter legatos mittant, nec partem alteram cum hostibus, qui modo sunt, nisi altera parte consentiente, pacem facturam. Adjectum etiam de navigatione per fretum *Oritanum* libera Belgis præstanda, nec commercia terra marive impeditum iri, absque tamen solitorum vectigalium ac portorum diminutione. Atque hoc fœdus, sublati controversiis, & querelis, quæ huc usque competere potuerunt, in triginta annos duraturum erat, si ratum utrinque intra trimestris haberetur.

An.
1533.

Nec diversis multum ab hisce conditionibus *Maria* & *Christianus* inter se pacti sunt. Hoc amplius eorum fœderi accessit, quod senum millium Carolinorum annuum stipendium promissum militaturo auspiciis Imperatoris Belgarum certo militum numero, quum ita usus veniret. Quod stipendium in aliquem fratrum transferretur, si *Christianum* Regem creari contingeret. Sed *Christianus*, tametsi hoc fœdere cum *Maria* percusso securus periculi videbatur, non ita tamen amicitiam Belgicam amplexus est, ut Danicam prorsus aspernaretur, gnarus longinqua auxilia ad opem ferendam lenta, in fide instabilia. Itaque suorum aliquos huc mittit, qui nuncient, indicto conventu Slicevicensium & Holsatorum Rendesburgum a. d. calendas Decembris, in animo esse fœdus cum regno Daniæ arbitrio procerum renovare. Hinc existimare, in rem esse, si constare possit, quantum auxilii, exigente necessitate, præstandum invicem ac expectandum sit. Rogari itaque patres, quum communium hostium metus urgeat, eo mittant, qui leges fœderis dent, & accipiant. Ab iisdem exhibitæ tum litteræ, quibus *Philippus* Pomeraniæ Dux Reginam viduam Senatui commendavit. Antistites, etsi *Christianum* pridem perosi, ac honorifico iudicio Belgarum ad novam invidiam inflammari, tamen quia pax ad perficiendum quæ instituerant cum vicinis necessaria erat, fœdus haud detrectarunt. Designatis igitur aliis, qui in Holsatiam irent, in Sveciam missi *Trugotus Ulfandius*, *Nicolaus Vincentius Longus*, *Accius Julius*, ut de amicitia jungenda utrobiqve agerent. Statutum

An. tum enim cum patribus vicinorum potentiores quosque
 1533. conciliare, ab imbecillioribus tranquillitatem haud oppu-
 gnatum iri rati. Hæc a Lubecensibus admodum adhuc
 metuebantur, seu quia potentia non adeo valida ut regno
 esset formidabilis, seu quia bello Burgundico impliciti, plus
 negotii ibi haberent, quam ut cogitationes suas ad Daniam
 converterent. Sed & a Scoto nihil periculi videbatur, quum
Alexander, ad *Mariam* a *Romnoio* missus, fidem fecerat,
 illum ad pacem propenso studio inclinare. Qua in re *Gal-*
vinus Dumberus Metropolitanus Glascuensis, vir summæ
 auctoritatis, suam inprimis operam *Romnoio* promiserat.

Ceterum postquam dies conventui Rendesburgenfi di-
 ctus aderat, Danis cum *Christiano*, ipsius fratrumque nomi-
 ne, id foederis convenit, ut ætissimo amicitiae nexu utra-
 que gens devinceretur. Inprimis acceptum utrinque est, ne
 unquam controversiæ inter Regem & Duces exorituræ, in
 inimicitias, aut bellum erumperent, sed ad arbitros utrin-
 que ex proceribus delectos devolvantur: Qui bimestri spa-
 tio Collinæ ea componant, aut dijudicent sine appellatione,
 neque inde discessuri nisi re finita; tantisper dum hæc a-
 gunt, sacramento, quo quisque domino suo obstrictus te-
 netur, soluti. Placuit deinde hostibus neutrobi receptacu-
 lum patere, aut protectionem præstari, alio tamen suppli-
 cum jure: Quibus affectis injuria a dominis suis, si negata
 justitia fuisset, hospitium benigne præberi posset. Nec
 eos dedendos si judicium pati vellent. Bellum absque com-
 muni consensu non ineptandum: ni recusato judicio vis in-
 feratur. Ac tum auxilium invicem contra quosvis hostes
 præstandum, ut tamen ex Dania alterum tantum Ducibus
 administraretur. Inter subditos autem privatim, cujuscun-
 que ordinis ac conditionis ii sint, benignam intercessuram
 officiorum communicationem, ut mutuo commodo sua
 invicem, quantum possint, comparent. Hoc foedus serva-
 tum iri promissum est, quousque aliquis ex familia *Friderici*
 regnum in Dania teneret. Quod ne linguarum interpre-
 tatione aliquam sensus diversitatem pareret, germanice si-
 mul ac danice conscribi placuit. Ita hic annus exactus fir-
 mandis amicitiiis, nullo tristi casu nisi saltim obitu Regis
 insignis.

Pro-

An.

1534.

Proximi anni initium non inauspicatum, revertentibus ex Svecia legatis, qui foedus cum *Gustavo* factum renunciarent. Comprehensa eo omnia, quæ ad benevolam officiorum communicationem vicinis regnis Intercedere possint. Constitutumque invicem, certum contra hostes quoscunque auxilium, quod tamen Svecis tanto amplius a Danis præstandum, quanto regnum Daniæ accessione Norvegiæ esset potentius. Nec non de possessionibus nobilium, quas in alterutro regno habent, transactum, quo jure ea teneant, ac quomodo de bonis naufragio ejectis habendum sit. Prætereaque alia multa, prout tum tempora ferebant, ad salutem utriusque regni necessaria, foedere continebantur. In quæ omnia eo lubentius *Gustavus* inclinabat, quia cum republica Lubecensi graves susceptæ jam inimicitiae. Lubecenses enim Svecorum naves attinuerant, quod *Gustavus* reductus in patrium regnum, navibus & milite a republica suppeditatis, ac privatim a civibus quibusdam pecunia adjutus, æs alienum, quod exul & egens conflaverat, non dissolverat. Ille vicissim in bona Lubecensium suis jus dicens, involari ea permiserat, tantisper dum illi finem detentioni facerent. Lubecenses, quum res repetitum nequicquam misissent, dolum variis viis instruxerant. Inita per *Hermannum Mollerum* in caput *Gustavi* conjuratio cum *Johanne, Justo* Comitis Hoyensis filio, cui, data in uxorem sorore, *Gustavus* provinciam Viburgum Finlandiæ attribuerat. Sed ea mox prodita, quum Comes simulata invaletudine in Germaniam ad medici opem petendam profectus, *Lubecam* se contulisset. Nam primo suspectum hoc *Gustavo*, quod non alio quam ad hostes suos ivisset. Inde in complures, quos familiariter Comes cognoverat, inquisitum, qui seu vere seu falso conjurationis infimulati, clam se periculo subduxere. Quorum qui præcipui erant, se *Lubecam* receperunt, ibi in reipublicæ stipendium asciti. Itaque quum hæc Lubecenses infelicitè tentassent, mox partim pudore irritæ conjurationis, partim vindictæ cupiditate aliam machinationem aggressi, id egere, quo pacto *Gustavo* æmulum excitarent. Visus ad eam rem potissimum idoneus *Svanto Stureus*, quem ex paternis honoribus spiritus gerere credi poterat. Ei igitur

An. 1534. tur ex aula Saxonica Lubecam per fraudem avvocato, quippe qui tum inter *Magni Ducis* purpuratos erat, regnum Sveciæ delatum: pollicentibus *Majero & Textore* Lubecensium auxilia, quanta ad hoc inceptum requiri possint. Sed ea Svantoni vis animi, ut nec honore, qui supra privati hominis modum in eum collatus fuerat, nec contumelia, qua contra jus fidemque affectus a Lubecensibus fuerat, ab officio dimoveretur. Itaque aliquanto tempore *Lubecæ* tanquam culpæ reum detentum, tandem non sine ignominia dimiserunt, qui hujus consilii auctores fuerant, accepta prius cautione, fraudi detentionem haud fore. Hæc igitur cum in se strui *Gustavi* comperisset, aliaque hujusmodi plura haud frustra timeret, foedus cum Danis opportune oblatum contraxit, Lubecensibus se hostem ferens, atque eos vicissim sibi hostes fore tam evidentibus indiciis haud dubitans. Sed ne tamen ad armâ veniretur, haud ita pridem *Magnus* dux Saxoniae *Gustavi* socer ultro intervenerat, ut ex æquo diffidium componeret. Quod cum inani conatu periclitatus esset, pertendentibus utrinque, ut ab adversa parte initium detenta relaxandi fieret, jam Senatores regni Danici in id summo studio incubuere. Missis enim litteris sedulo Lubecenses hortati, Svecorum naves cum mercibus dimitterent, haud dubitaturi, quin sua itidem a Sveco recuperarent: ac, si gratum officium haberent, operam in concilianda gratia collocaturos, polliciti. Sed Lubecenses, nec priores detenta relaxare, nec controversiam nisi apud se discutari passi sunt. Æqvior *Gustavi* visus, qui potestatem Senatui in Dania causam cognoscendi facere, veritus maxime plebis Lubecensis inconditis clamoribus pacem turbatum, animosque irritatum iri. Ita cum neutra pars cedere in animum induxisset, haud vana nostris suspicio, Svecos ac Lubecenses invicem ad arma venturos. Verum res tandem contra expectationem in contrarium cecidit.

Nam Lubecenses, nec cum Svecis fida amicitia juncti, nec bello coepto, omnem irarum molem in Danos nullius injuriæ manifestos verterunt, omittis in præsentia iis, quos hostes esse palam erat. Quum ergo Daniam armis adoriri
iis

An.
1534.

iis deliberatum esset, ne distrahi alio vires contingeret, pacem prius cum Burgundis facere constituerunt. Conventus eo nomine Hamburgi habitus, missis a Lubecensibus legatis *Mayero & Textore*, qui superbe, tanquam triumphatis hostibus, ad sonum tubæ in armis equites urbem inveci sunt. At *Maria*, ex auctoritate Imperatoris, *Georgium Austriacum*, ac *Maximilianum Transilvanum* legatos misit. Initio pax convenire non poterat, quod Lubecenses, quasi mari Balthico dominantes, numerum navium præfigi vellent, quibus Belgæ fretum Oritanum ingrederentur. Id legatis Burgundicis iniquum visum, differentibus, haud alias leges suis dici oportere, quam Vandalicis in Belgio essent impostitæ. Etenim Christianæ reipublicæ eam esse conjunctionem, ut omnium commerciorum usum liberum esse oporteat. Belgas igitur in eas angustias haud redigendos, ut navium certus numerus, ac præsertim tam arctus, præscribatur. Ita quum eo fere ventum esset, ut re infecta discederetur, tandem ita concordatum est, ut induciæ in quadriennium essent. Interim Belgæ, haud vetantibus Lubecensibus, mare Balthicum quot vellent navibus peterent. Hæc Principes, & qui a civitatibus, Gedanensi, Vismariensi, Rostochiensi, Sundensi, atque Luneburgensi, itemque Hamburgensi, huc missi erant legati, vix obtinuerunt, ut utrinque grata haberent. Nam istæ reipublicæ omnes Lubecensibus quasi in communi causa se conjunxerant. At *Christiani* Ducis legati, qui & ipsi præsto erant, a Burgundis steterant, succensentibus valde eo nomine Lubecensibus. A Danis autem & Svecis ex lege fœderis requisitum quidem fuerat, ut & illi suos mitterent, Burgundis hoc per litteras postulantibus. Sed cum a *Romno* responsum esset, serius redditas litteras, quam ut tam brevi expediri cum mandatis legati possent, spem tamen Burgundi fecere, Daniæ rationem habitum iri. Veruntamen non minus Dani quam & Sveci induciarum pactione exclusi, sive postulantibus ita Lubecensibus, sive alienam causam minus curantibus Burgundis. Quod eo indignius, quia exhibita confirmatio Cæsaris, super fœdere *Gustavi* anno superiore facta, tradita nimirum legatis *Christiani*, ut ab eo in Daniam transmitteretur.

D 2

At

An.
1534.

At Lubecenses, hoc modo pactis induciis, cura belli Burgundici soluti, atque ab eorum hostium, quos maxime formidabant, metu securi, ad auxilia Anglica, quorum contra Danos *Majero* spes facta, respectabant. Dumque hæc eos expectatio tenet, in paucis diebus commodum accedunt *Hamburgum* legati ab Anglo missi, cum Lubecensibus de ea re acturi, simulque reliquas civitates Vandalicas ad societatem foederis adversus Pontificem Romanum invitaturi. Exarserat enim in Anglum *Clementis septimi* acerriima indignatio, quod ab *Catharina*, *Ferdinandi* Hispaniæ Regis filia, quam viduam a fratre relictam, duxerat uxorem, divertisset, atque *Annam Boleniam*, spreto sacro interdicto, sibi conjugem sumpisset. Itaque ut civitates divortium suffragiis suis odio Pontificis, a quo non ita pridem defecerant, probarent, eas sibi in societatem asciscere voluit. Cum his igitur legatis Anglicis, tum de *Henrici* divortio in concilio propugnando, civitates reliquæ, tum seorsum de Dania ei tradenda, Lubecenses depacti sunt. Ab his promissum, regnum Danicum, quod spe vana præceperant suæ potestatis esse, ipsius fore, aut cujuscunque alterius quem ipse regnare vellet. *Hemicus* vicissim pecuniam aliaque belli subsidia se suppeditaturum spopondit. Atque haud multo post, missis in Angliam legatis, decem aureorum Anglicorum millia arrhæ nomine, seu in partem pretii, sunt re præsentata. Postquam ita Anglum in belli hujus societatem venisse intellectum esset, tanto facilius adjunxerunt sibi Lubecenses ex confœderatis civitatibus, Rostochienses, Vismarienses & Sundenses, apud quos plus valuit plebis auxilium decernentis conclamatio, quam magistratuum pacem suadentium moderatio.

His igitur externis præfidiis respublica Lubecensis freta, suæque ipsa quietis impatiens, toto hoc mari, quod Daniæ Sveciamque interluit, ac late utramque ambit, bellum moliri coepit, Daniæ armis aperte adoritura, Sveciam rebellione (uti sperabatur) perditura. Sed conjuratio res perplexa, quæ nec ab uno expediri, nec pluribus communicata, clam haberi poterat, *Gustavo* pridem detecta, ut memoravimus. Itaque ibi spe lapsi, Daniæ sibi in prædam destinant.

An.
1534.

nant. Deerat vero imperator, cujus auspiciis bellum
 quæsito colore inceptari poterat. Quumque ex vicinis
 Principibus non esset, quem Lubecenses pollicitationibus
 suis ad tam periculosum bellum impelli posse sperarent, tan-
 dem post longam deliberationem ad *Christophorum*, ex Ol-
 denburgenfi stirpe Comitem, itum est. Is pro eo, quo na-
 tus erat, loco, opibus haud admodum validus, sed exiguae
 duntaxat terræ dominus familia cum fratribus herciscunda
 factus, ac præcipue collegii Colonienfis, cujus ille sacerdos
 erat, proventibus degens, supra fortunam gerebat animum,
 nihilque non spe aliqua dignitatis atque potentiae ausurus
 putabatur. Hunc igitur ubi *Majerus & Textor*, Lubecam
 litteris accersitum, in potestate quodammodo habuere, de
 nefario suo incepto ita cum eo communicant: "Bellum
 "Danis facere in animo esse, cujus, quas causas habeant,
 "edocent. Cum Burgundis enim in perniciem civitatum
 "foedus a Danis initum, eorumque permissu quotquot ve-
 "lint Belgarum naves, contra jura a Regibus indulta, freto
 "Oritano transmitti. Lubecensium autem, pristinorum
 "amicorum, merita neglecta, ac spretam amicitiam. Nam
 "missum ad proceres legatum pro renovatione foederis,
 "cum repulsa reversum. Hanc contumeliam se ultum ire,
 "nec passuros contemptu Lubecensium Danos diu latari.
 "Ipsam præ cunctis imperatorem sibi destinasse, cujus au-
 "spiciis rem geri velint. Non deesse causam, cur ipsum
 "Danis pro se bellum inferre conveniat. Nam *Christier-*
 "num propinquum & consanguineum carcere ab iis attineri,
 "quem si liberari ipsius ductu contingeret; magnam eum
 "laudem reportaturum. Quod hoc tempore haud difficile
 "fore, ut modo res in Dania habeant. Nam primarias ci-
 "vitates cum Lubecensibus sentire, quæ patefacturæ portus
 "suos, quam primum in mari Danico Lubecensis classis se
 "ostentaret. Harum deinde exemplum propter auctorita-
 "tem facile reliqua Daniæ oppida consecutura. Nec ple-
 "bem Danicam a *Christierni* liberatione alienam, in quem
 "semper propenso fuerat studio. Haud dubie magnam fu-
 "turam animorum inclinationem, si pro eo liberando su-
 "sceptum esse bellum feratur. Id etiam pro religione dissi-
 "dii inolevisse, ut non sperandum sit ecclesiasticis a plebe
 "au-

An. 1534. "auxilium, quæ nihil malit, quam aliquem eis infestum Regem creari. *Gustacum* in regni Svecici folio a Lubecensibus collocatum, haud ambigere, quin Danis, quem lubeat, Regem quoque sint imposituri. Apprime gratum etiam Imperatori, Electoribusque, præsertim Brandenburgico, futurum, si *Christiernum* ejus opera liberari videant, quippe quem ipsi antea omnibus viribus restitutum voluissent. Volupe erat Comiti hoc honoris a Lubecensibus deferri, gloriosum existimavit Regis liberatorem audire, nec recusatum periculum, præcepta spe, vel regni partem aliquam sibi acqvirendi, vel amplas opes parandi. Itaque cum *Majero & Textore* de summa rei compositum, bellumque contra regnum Daniæ pariter & *Christianum* Ducem decretum.

Sed hæcenus secreto collocti, privatim inter se rem egerant, jam demum ad magistratus de ea referri placuit, qui interpellandi de auxilio ad *Christiernum* captivum liberandum. Quod primum in senatu, deinde in cœtu sexaginta virorum, moxque ad centuraviros, qui plebem representabant, propositum, mire omnibus gratum fuit. Nam Lubecenses in universum omnes Danis succensebant, quod proceres Belgarum navigationes prohibere recusassent. Simulque religionem reformatam amplexi, eam propagatam vel hoc nomine volere, ut antistitibus in Dania ægre facerent, quorum auctoritate & consilio res Belgarum niti videbantur. Ita rebus ex sententia compositis, *Christophorus* ad conducendum militem stipendio Lubecensium proficiscitur, qui confecto numero peditum ad quatuor millia, per Albim trajectis hisce copiis, Lubecam redit. Mox, ut bello inceptando prætextus quæreretur, litteræ ad *Christianum* missæ, quibus captivus Rex custodia dimitti petitur. „Illum nullius culpæ reum, contra fidem datam, „tam immani teneri carcere, haud æquum. Intercedere „cum captivo Rege eam Duci propinquitatem, uti sponte, „quod petitur, faciendum fuisset. Quod si tamen recuset, „se cum amicis, quorum complures sibi in societatem asceverit, in afflictio fortunæ statu ipsum non deserturum. Sci-

„re arcem in potestate Ducis esse, ubi modo servetur. Ei An.
 „reddendam Deo hominibusque rationem, si diutius carce- 1534.
 „ris squalore & tenebris maceretur. Neque hoc se dunta-
 „xat flagitare, idem complurium Principum communione
 „sanguinis junctorum esse desiderium, a quo neque ipse sit
 „alienus. Responsum a Duce, *Christiernum*, regnante pa-
 „tre, a Danis, Svecis, & civitatum legatis, multorum sce-
 „lerum reum peractum, ac eorum judicio ad perpetuum
 „carcerem esse damnatum. Haud fas id iudicium a se re-
 „scindi, quod tot procerum ac præstantium virorum con-
 „sensu firmatum. Nec quia castello Sunderburgensi inclu-
 „datur, idcirco potestatem dimittendi penes se esse, quod
 „mutuæ fidei obligatione tanquam ad sequestrum ibi sit
 „positus, ut nullius partis injussu eximi inde queat. Si
 „itaque eum liberatum Comes velit, a Danis & Svecis hoc
 „petendum.„ Quum Comiti hoc responso minime satis
 „fieret, alteræ litteræ minarum plenæ ad *Christianum* mittun-
 „tur, quibus Dux arguebatur, ut qui haud recte a Danis &
 „Svecis excusationem ad negandum justissimum desiderium
 „petivisset. „Cum iis nihil negotii esse, nec alibi existimare
 „Christiernum sibi quærendum, quam ubi inclusus serve-
 „tur. Causam captivitatis differere nolle, quæ ut maxime
 „ita habeat, sicut ipse memoret, haud tamen justum contra
 „fidem datam eum capi. Itaque etiamnum perquam eni-
 „xe petere, quum *Sunderburgum* in ejus potestate sit, *Chri-*
 „*stiernum* immuni ista cavea & teterrimo carcere extractum
 „exhibeat, & sibi in manus tradat: quod ni fiat, Deum te-
 „stem facere, invitum se sociosque eam viam ac rationem
 „inituros, quæ cum vi conjuncta. Nam non tam fluxam
 „fidem Lubecensium sociorum aliorumque, qui se *Christier-*
 „*no* in Norvegia obligarint, ut ejus immemores esse velint.
 „Nec tamen aliud propositum, quam *Christiernum* suæ li-
 „bertati publico bono restituere. Ei rei vitam fortunasque
 „omnes impendere, ut intelligat totus orbis, sobriini injuste
 „capti liberationem serio cordi fuisse.„

Ita Comes de novo causam *Christierni* bello persequendam
 sumsit, sive cum serio restitutum, sive in potestatem Lubecen-
 sium redactum vellet, nihil pensi habens, quæ inter Ducem &
 fra-

An. 1534. fratres ejus Comites Oldenburgenses intercesserant foedera; qui
 qvum omni ope antea in eo qvoqve laborassent, ut *Christiernus*
 exulans restitueretur, mortuo *Friderico*, metuentes filii
 Ducis offensam, promissis qvingentis peditibus, se ei, qvum
 peteretur, ad bimestre militaturos, pacem fecerant, & ami-
 citiam junxerant. Verum *Christophorus*, inter eos acta
 haud ad se pertinere existimans, nihilominus adversus Du-
 cem arma parat. Ipse jam sensum suarum litterarum Duci
 pro belli denunciatione fore ratus, facile judicabat, non
 cum cessaturum, quin se qvamprimum copiis ad defensionem
 instrueret. Itaque sibi etiam properato opus esse pu-
 tabat, si forte imparatum adhuc posset opprimere. Mox
 fere in procinctu stans, ad Holfatos & Oldenburgenses no-
 toriam evulgat, qua de instituto bello eos praemonet, pe-
 titqve pacato agmine transire liceat, qvod si admittant, nul-
 lam injuriam ab innocuo exercitu passuros: At si qua pro-
 hibere conentur, ferro ac flammis sibi viam patefacturum.
 Absqve eo vero benigne eis cupere. Inde ad Senatum at-
 que ordines regni Danici litteras dat, quibus prolixè memo-
 rabantur, quae a *Christierno* primum in Norvegia, deinde
 in Dania & Slesvigia contigerant. Nec non Dux graviter
 accusatus, qvod foedissimo carcere intrusum arcte custodiat.
 „Multas sibi causas esse, cur has injurias ultum eat, & opi-
 „tulum ipsi velit, si forte alio traductum, vel qua parte
 „corporis laesum ac mutilatum reperiat. Rogare Proceres,
 „ne conatus suos impedian, sed ad liberandum *Christiernum*
 „sibi sociisque suppetias ferant. Haud dubitatu-
 „rum, si id
 „contingat, quin utrique regno sit bono futurum. Etenim
 „operam se daturum, quantum quidem fieri possit, ut *Chri-*
 „*stiernus* injuriarum oblitus, quibusvis offensam remittat,
 „utqve regno restitutus, jura ac consuetudines sedulo servet
 „stricteqve sequatur.

His a Comite praemissis, ad eos, quos sibi destinarat,
 hostes ipse e vestigio consecutus, repente cum exercitu Hol-
 fatiam invadit. Utinum, qvod antistitis Lubecensis est castel-
 lum, statim, nemine repugnante inopniato capitur, tum
 Tritoviam ac Pelonam oppida adortus Comes occupat. In-
 de

de per agros late populatus, pagis villisque passim incensis, aut vastatis, universo Ducatui terrorem incutit. Ansbogianum & Renifeldianum cœnobia, ne violarentur, pecunia redemerunt. Cumque castellum Segebergense impetu hostili capi non posset, obsidione aliquandiu fatigatur; nam oppidum, ad radices montis situm, jam ingressus tenebat. Sed Comitem hætenus Holfatiam ingressum, ut Lubecæ vicina affligeret, ubi *Christianus* comperit suorum omnia pro libito ferre atque agere, copias, quas in tam repentino malo potuit, contrahit. Simul Senatum Danicum ex lege fœderis auxilia exposcit, quod commune periculum, ipsis haud negligendum, ageretur. Patres, litteris prius a Comite acceptis, haud obscuro earum indicio intellexerant, quid ab ipso pararetur. Nam insimulatis testæ, adeoque in crimen adductis, quorum voluntate & consensu *Christiernus* captus fuerat, haud dubie intelligere erant, bellum contra Ducem cœptum in Daniam translaturum iri. Quorsum enim pertineret, quod liberatio *Christierni* utrique regno esset bono futura, quodque is omnem noxam intercessione Comitis condonaturus, iuraque regni sincere servaturus; nisi quod Regem & regnum suæ potestatis facere in animo haberet? Cementes itaque patres in pari periculo Daniam atque Holfatiam versari, ut Duci subveniretur, nihil omiserunt. Mox evocati, qui Hafniæ & Malmogiæ in hibernis erant pedites: iis antistites & reliqui proceres regni ex suis aliquantum equitaturæ adjungunt. Hæ copiae, quanto ocyus fieri poterat, ad *Christianum* missæ, existimantibus patribus plus ibi fore Comiti negotii, quam ut tam brevi ad Daniam invadendam animum adjiceret. Quod Duci quidem magno ad sua recuperanda adjumento fuit; sed rebus hostium magis opportune accidit, a quibus Dania militari præsidio fere vacua, jam tutius oppugnari poterat. Ita ad aliena pericula saltim intenti, suorum vero malorum securi homines, sæpe etiam aliis benigne faciendo, mentis cæcitate lapsi, sibi ipsi nocent.

Comes, quum hæc satis prospere cecidissent, & initia ex voto essent, ad spem majorum, quæ animo conceperat,

E

ala-

An. 1534. alacris erigitur. Instructa fuerat a Lubecensibus classis, quæ cum exercitu in Daniam trajiceret: hæc, eo ex Holsatia reverso, ad navigandum parata stetit. Restabat saltem, priusquam portu exiret, ut Comes & Lubecenses inter se statuerent, quomodo de belli ratione ac victoriæ præmio habendum esset. De quibus mox ita convenit: Senatus populusque Lubecensis spondet Comiti pro viribus auxilia ad liberandum *Christiernum*, seu in Holsatia, sive alibi rem geri necesse sit, nec tamen deserturos, si res aliter cadat. Insuper stipendiarum militibus promissum, pignore castellorum in Holsatia captorum, in quem pignoris nexum etiam venirent, quæcunque alia post occupari contingeret. Is vicissim fidem Lubecensibus obligat, se *Christiernum* liberatum in ipsorum manus traditurum. Idque operam daturum, ut immunitatibus in Holsatia & alibi restitutis, damna accepta recompensentur, nec deinceps insolitis vestigalibus eos oneratum iri. Ac si aliquibus per bellum potiri contingeret, ea juris Lubecensium una cum *Christierno* fore, se, accepta pecunia, nihil amplius flagitaturum. Postremo utrinque cautum, ne qua religioni reformatæ vis fieret, neve quid strueretur in eos, quos læti nefas esset. Hæc illi inter se pacta privatim fecere, palam fidem *Christierno* datam ejusque liberationem bello causam prætendentes. Cujus simulationis vanitas eos haud latuit, qui norant, quam exosum ante *Christiernum* Lubecenses habuerant; quippe quem aperte oppugnare non dubitarant, iuncta cum *Friderico* amicitia, contra ipsum Imperatorem atque, qui eum exulantem restitutum voluerant.

Verum priusquam classis Lubecensium solverat, missæ hinc inde holcades & celoces, quæ obsiderent angustias maris Balthici, prohibeturæ simul ab una in aliam provinciam tractum. Unde turbata magna ex parte Comitia, quod patribus navigatio ex Jutia & Fionia in Sielandiam non esset tuta: reliqui autem ex aliis provinciis per infrequentiam Senatus statuere de summa rerum non possent. Sed hi adierant nihilominus *Hafnia*, expectaturi, si forte ex istis partibus Senatores tandem accederent. Qui dum hæc in

An.
1534.

in spe incerti versantur, classis Lubecensium secundo vento evecta, in alto conspicitur. Ea erat navium viginti unius, ita instructa milite, commeatu, tormentis, aliisque bello necessariis, ut ad resistendum majores vires, quam quæ tam subito parari possent, requirerentur. Vehabantur una uterque Consul Lubecensis, qui belli hujus auctores fuerant, *Majerus & Textor*, hic classis præfectus, ille militum dux. Ubi nunciatum *Andrea Billeo*, Mæconicæ insulæ præfidi, classẽ adventare, inermis ac contra hostes imparatus ingenti terrore percellitur. Data mox litteræ ad *Ronnovium*, quibus significatur hostis adventus, simulque auxilia in re trepida efflagitantur. Ad hæc consulitur, dandum *Axilio Goyæo* negotium cogendi sparfos per Sialandicæ oppida milites, qui urbi Hafniensi præsidio sint. Sed hostes malum struentes, citius meditata exequiebantur, quam ut periculi inscii defensionis modum expedirent: quibus, præterquam quod Lubecenses subito ex amicis infesti hostes facti, cum maximis intestinis malis, proditione & perfidia civium dimicandum erat. Itaque nudata præsidio Hafnia & Malmogia, quando nullus adversum nitebatur, clas̃is angustias freti ingressa, ad promontorium, album dictum, quatuor millibus passuum ab urbe stationem capit, ubi, prout littora intus recedunt, aut prominentia montium resistunt, in æquali aditu insula sinuata aliqualem portum facit. Audito Comitẽ cum reliquis appulisse, *Georgius Coccius* huic confestim advolat, gratulatusque eorum adventui, quo in statu res *Malmogiæ* sint, edocet, hortaturque, excensionem in terram facere haud differant. Tum ejus svasu copiæ A. D. IX. Calendas Julii in terram expositæ.

Sed Comes ut in hosticum cundo prospera cuncta habuit, ita Lubecenses domi triste bellum excepit. Nam Dux interim ulturus acceptam injuriam, per *Johannem Ranzovium*, profligatis præfidiis, Utinum feliciter recuperarat, unde tantus terror reliquos pervasit, qui Tritoviam, Pelonam, & Segebergam tenebant, ut iis incensis ac direptis, sponte diffugerent. Mox junctis copiis, quæ a *Christiano* post collectæ fuerant, cum Ranzovianis ad ostium

An. Dravi ducitur. Ibi oppidum a fluvii istius ostio nomen ha-
 1534. bens, quia Lubecensium naves Daniam petierant, praetidio
 destitutum, per insperatum *Christiani* accessum, facile occu-
 patur. Circa turrin seu propugnaculum, Mugenburgum
 dictum, plusculum fuit negotii, quod aliquoties frustra op-
 pugnatum. Tandem ne ibi diutina obsidione languesceret
 militum virtus, cuniculis actis eo Dux potitur. Ubi igitur
 jam cuncta ad portum ei obnoxia, castris ibi communitis,
 facile erat arcere omnes, qui navigio *Lubecam* aliquid im-
 portare conabantur. Postquam compluribus, qui nequic-
 quam Lubecam petiissent, domum reversis, teneri omnia
 a Duce nunciatum esset, usus commerciorum intermissus,
 & omnis fere navigatio ad haec loca cessavit.

Quo animadverso, Dux haud amplius ibi haerendum
 ratus, relictis castris, & eversa turri Mugenburgica, ad Mol-
 nam Lubecensium oppidum ducens, tantisper ad cenno-
 bium Mariae constitit, dum copiae, quae ex vicina Saxonia
 expectabantur, advenirent. Iis auctus, quum cenobium
 permissu ejus esset a militibus direptum, cum exercitu Lu-
 becarn versus redit, ac tandem obsidionem urbis parans, ad
 Premismolam castra transfert. Mox utramque Dravi ripam
 ponte junctam insidet, injectis sarmentis, qua terram pons
 pertingere non poterat, ut opportunum fluvium ad traducen-
 das copias sibi faceret, quacunque parte urbem placeret ad-
 oriri. Quod Lubecenses haud fieri posse rati, antea qui-
 dem otiosi ipectaverant. Sed ubi sensere milites ultro citro-
 que libere commeari, ad opus affectum disturbandum urbe
 cum militum globo eruperunt. Dux id futurum praevi-
 dens, suis locis ad excipiendum erumpentes praesidia dispo-
 suerat, a quibus caesi Lubecensium centum quinquaginta,
 capti trecenti, reliqui in urbem retro acti. Ea accepta cla-
 de, nihilominus interriti Lubecenses aliam rationem rum-
 pendii pontis comminiscuntur, parantes binas onerarias, quas,
 latioribus carinis planas, vulgo *Pramas* appellant, replent
 milite, tormentis, materiaque suscipiendo igni idonea, ut
 iis vi ventorum & secundo flumine in pontem impactis
 structura solveretur: sed & hoc frustra fuit. Nam *Prama*
 al-

altera, ab solidiore compage *Henrici Ferrei* nomine dicta, An. in fluminis vado hæsit, ubi a militibus Ducis, qui pectore 1534. tenuis in aquas ruebant, cum omni fere apparatu & nautis plerisque, præter eos, qui interfecti, aut natandi periti profluente se injecere, capta est. Altera ad pontem quidem adacta, sed nullo obsidentium malo, quod milites, qui ad ripam sibi aggerem struxerant, & in arbores fluvium inumbrantes ascenderant, pilas plumbeas e tormentis ea vi ac multitudine exploderent, ut nec qui in prora, nec qui in puppi essent, officium facerent. Quæ ita retro acta, vix evaluit, octo duntaxat ex omni nautarum & militum numero salvæ. Hac eruptione etiam infeliciter tentata, ne Dux altero eorum portu, qui haud longe Megapolitana ditione est, Slucopia dicta, potitus, oppidum illud pariter, uti prius ad Dravi ostium cremaret, ipsi incendio prævenire. Quod simul ac Duci compertum, eo missi, qui restincto igne oppidum caperent: cujus quod tum salvum erat, in potestatem Ducis venit, simulque naves quinque majores seu corbitæ, quæ instructæ nautis, militibus, tormentis, in Holstiam mittuntur, reliquis ad navigandum minus idoneis exustis. Itaque cum in neutrum horum portuum Lubecensibus aditus pateret, nec urbe amplius tutum esset erumpere, arctiore jam obsidione, ad summam angustiam rerum omnium inopia redacti, premuntur.

Interim vero dum Dux eos urget, venit in castra, missus a *Maria* Belgii Gubernatrice, *Johannes Creudenerus*, nuncians summam quid inter Anglum & Lubecenses actum. Compertum *Mariæ* certo indicio pacta inter eos intercessisse. Ea quousque se extendant, non satis quidem constare, tamen haud temere credi, in exitum regni Danici omnia comparata. Nam famam esse, Lubecensibus propositum, ut Anglum in regnum Daniæ attrahant, idque ipsi tradendo suum beneficium faciant. Imperatorem id prorsus non passurum, nec velle Regem fieri, nisi aliquem filiorum *Friderici*, quibus præ omnibus benigne cupiat. Si eis quisquam obliſtat, auctoritatem viresque, ad impediendum conatus adversariorum accommodaturum, neque eos

An. deferturum. Ad fidem promissis faciendam destinatos
 I534. consilio *Mariæ* legatos amplissimos, qui non solum cum
 Duce iis de rebus agant, sed etiam solennibus regni comitiis
FridERICI liberos commendaturi intersint.

Mox iisdem fere diebus legati, antistes Brixienfis *Mullartus*, *Ludovicus Delvignus*, *Georgius Desplineus*, vestigia *Creudeneri* fere secuti, Bultehudam, ditionis Bremensis oppidum, attigere. Ibi quum intellexissent, turbatis rebus Danicis comitia interpellata, ex itinere domum redeunt. Dux autem per *Creudenerum* rescripserat, ac *Mariam* de re ad Lubecam feliciter gesta certiore fecerat, petito ex foedere Gandavenfi auxilio. Nam spem Lubecenses ulciscendi certam affulxisse, quam non destitui juxta Belgarum ac sua intersit. *Maria* e vestigio litteris missis, hortatur Ducem, ne oppidum ad Dravi ostium deferat, expectaturum quam maturime auxilia. Moxque *Gerardus Mullartus* ablegatus, qui cum Duce de ratione auxiliares copias mittendi ageret. Sed neque ille tum ulterius quam Fordam, item Bremensis ditionis, progressus, eo evocat, quocum Ducis nomine communicare posset. Misso igitur *Urbanbovio*, quum ei *Mullartus Mariæ* voluntatem erga Ducem patefecisset, confestim domum vertit. Dux tot *Mariæ* litteris ac nunciis spei plenus, ne, quod ipse prius desiderarat, id oblatum aspernari videretur, ad ipsam *Mariam Meliorem Ranzovium* mittit: & per eum pulvis pyrius & tormenta aliqua impetrata, ac certa pecuniæ summa Amsterodami promissa: Cujus tamen duodecim duntaxat aureorum millia, quæ ex annuo stipendio debebantur, exsoluta.

Dum hæc ad urbem & in Belgio geruntur, Lubecenses quidem, rebus magnopere afflictis, de salute periclitantur. Sed qui in Daniam bellum invexerant, fortunæ suæ prosperæ haud segniter instant. Et quidem classis Lubecensium hinc inde freto oberrans, nullis non infesta erat: navigatione iis saltem tuta, quibus Lubecenses eam gratiam indulgebant. In hanc classem incidens *Æschylus Billeus*, qui Bergis Norvegiæ regio nomine præsidebat, quum accessurus comitia regni, secum uxorem & familiam veheret, capitur.

Quod

Qvod infortunium simul eos exceperit, qui *Billeum* comitabantur, missi a metropolitano Nidrosiensi & senatu Norvagico ad antistitem Arusiensem & *Magnum Goyæum*, ut eorum de Regis electione sententiam declararent. Nam in horum duorum virtute tantam Norvagi fiduciam collocarunt, ut eorum auctoritatem in omnibus sequi haud dubitarent. Erat autem ipsis jam statutum, svasu *Afchyli Billei*, ut in eum Regem consentirent, quem Daniae proceres tanto fastigio dignum judicassent. Id saltem cautum sibi voluerè, ut iura & immunitates regni, quemadmodum moris est, a Rege confirmarentur. Hæc mandata perlaturi legati, tametsi publica securitatis fides data a præfecto classis Lubecensis, quæ in oceanum contra Hollandos missa infecta omnia fecit, tamen delati in fretum, una cum *Billeo* capiuntur. Atque hæc & alia quævis eo liberius Lubecenses mari patrarunt, quod classis Danica, portu Hafniensi inclusa, contra vim hostium nihil moliretur.

An.
1534.

Sed & terra longe lateque Comes omnia subegit. Primo deditionem Roschildiæ, quo post exscensionem se contulerat, facile obtinuit, oppidanis interminatus, omnia se militibus in prædam daturum, nisi imperata facerent. Cujus oppidi potitus, ibi statim sacramentum fidei nomine *Christierni* captivi a civibus exigit; volente Comite spargi famam pro ejus liberatione bellum susceptum, ut tanto proclivius depositis armis plebs ei accederet. Quo facto, quasi jam regni potens, gerere coepit, quæ *Fridericus* Rex non ita pridem potestate regia sibi usurpaverat. Nam *Gustavum Trollium* Svecum, quondam metropolitanum Upsalensem, jam patria extorrem, deturbato de sede *Ronnovio*, antistitem Roschildiæ creat. Etenim *Gustavus* post *Christierni* captivitatem hætenus Lubecæ delituerat, in utraque fortuna ejus partes secutus. Jam vero adductus una in Daniæ fuerat, ut ad dignitatem evectus, studium Regi captivo luculentius probaret. Verum *Ronnovius*, qui Hafniæ se continuerat, ex quo ad comitia regni eo profectus fuerat, ubi comperit a Comite hac se injuria affectum, simulque aulam Roschildensem cum vicinis castellis Haraldiburgo & Bi-

An. 1534. Bistrupio direptam, spirans vindictam, in medium forum Hafniense profilit. Quo convocata plebe, in atrocitatem & perfidiam Comitis graviter invecus, obtestabatur cives per Dei gloriam & reipublicæ salutem, ne fidem destituant: Se cum iis extrema quælibet tolerare paratum, nec vitæ fortunarumve præsentissimum periculum recusaturum. Aëgris animis consilium *Ronnovii* in pejus accipiebatur, nec erat, qui recte monenti aurem accommodaret. Tanti apud vulgus momenti est; quantum quisque consilium daturus gratia ac favore valeat. Sed plerisque magistratum Hafniensium, oratione *Ronnovii* suspicantibus defectionis consilia ei prodita, metus simul & ira incessit. Timebant enim, ne vir tantæ auctoritatis conatibus suis intercederet. Indignabantur etiam, religionis persecutione plebi invisum, concionis habendæ fiduciam sibi summissee. Ita igitur erga *Ronnovium* animati, aut urbe pulsum, aut certe in potestatem redactum voluere. Quod ubi innotuit, clam se furentibus Hafniensibus subduxit. Nec multo post iræ indicium erumpit: Nam *Ronnovio* frustra domi a plebe quæsito, quum forte arca per urbem in regiam ferretur, a quibusdam eum inclusum opinantibus rumpitur. Qui rumor evulgatus, reliquos patrum timore perculsos urbe expulit, ut quisque quam tutissime poterat, Hafnia deserta, domum evaderet.

Ceterum Comes, rebus Roschildiæ compositis, Coægiæ cum exercitu petit. Id oppidum, antea patens, vallo fossæque circumducere instituit, ut castra in tuto haberet. Hinc in vicinâ Selandiæ partes litteræ missæ; quibus plebis conventus indicitur. Campus est in medio fere insulæ uliginosus & palustris, *Saltum liporum* vulgo vocant, quo evocati frequentes confluxere. Comitis oratio per interpretem ad plebem loquentis in eo versabatur, ut ostenderet „se in Daniam venisse ad liberandum *Christiernum* propinquum suum. Velle eum, per vim regno deturbatum, „pristinæ dignitati restitui. Quod si contingat, expectandum non solum, ut plebeiæ libertatis se vindicem præstet, „sed etiam cum religioni reformatæ totis viribus patrocinatu-

„turum. Nam abunde eo loci cognitione evangelii imbu- An.
tum, ubi reformationis initium cœpit. Non ipsi impu- 1534.
tandum, ut malevoli velint, quod superioribus annis re-
gnum turbarum fluctibus sit jactatum, quin potius eorum
hæc culpa, qui æqua imperia in potentiores ac plebem
exerceri non ferebant. At jam malorum omnium finem,
divino favente Numine, fore; illi saltim ut cœptis fa-
veant, & *Christi*ni assertoribus se jungant. Non dif-
ficile erat, plebem inermem ignaramque, quo consilia
tenderent, inescare. Itaque Comiti e vestigio ab iis, qui
tum aderant, *Christi*ni nomine sacramentum fidei præ-
statur. Sed horum plerique plebeji tantummodo erant.
Ex proceribus solus *Andreas Billeus*, qui domum suam ve-
nerat, ut rem familiarem servaret, ad Comitem se tum de-
mum contulit, quum septo militibus prædio, undique te-
lis peteretur, nec evadendi spem nec hostem pellendi vires
haberet.

Comes securus eorum, qui Coagiæ moranti a tergo
imminere poterant, ad Hafnienſes vertitur, ratus deditione
istorum duorum oppidorum nihil actum, ni primaria civi-
tas jussa faceret. Nam ut ille inermes nullo negotio op-
pressisset, ita contra potentiores vix oppida patentia defen-
di posse. Cernens itaque, belli sedem Hafniæ collocandam,
ut ad propositum voti summa evaderet, a civibus urbem
sibi dedit postulat, commonefaciens eos fidei, qua *Chri-*
*sti*erno etiamnum sint obligati, ac proposito exemplo eo-
rum, qui jam ante complures ad ipsum desciverant. Illi,
haud longa deliberatione sumpta, respondent, *Christi*ni
quidem imperium non detrectare, sed urbem dedit non pos-
se, priusquam ipsum aut sui juris esse cernant, aut certe in
potestatem Comitis esse redactum intelligant. Quod re-
sponsum eo iniquiore animo acceptum, quo minus de ip-
sorum voluntate dubitabatur. Mox intervenit *Georgius*
Coccius, trajecto freto, qui consulit capiendum per insidias
regiæ arcis præsidem *Johannem Urnam*, tum reliqua facilia
fore. Id secutus propositum *Georgius*, domi *Ambrosii* con-
sulis delituit, ut in præsidem prætereuntem armatorum co-
F hor-

An. 1534. hortem, impetu ex ædibus repente facto, immitteret. Sed præses ad omnia intentus, nec civium fidei, amoto præsidio, credulitate nimia se permittens, opportunus insidiis non erat. Qui, quoties ipsi in urbem commeandum fuit, stipatus eo præsidio militum descendit, ut duci per vim sine magno motu ac cæde non posset. Quum itaque tumultum Hafniæ excitari nondum tempestivum esset, haud dum cognito quo animo plebs rebellionis consilium acceptura esset, a vi abstinere visum. Itaque hoc frustratus consilio, ad alium se vertit dolum, ut præsidem in ipsa arce opportune prehenderet. Quem idcirco tanquam officii ergo adit, ac simulati obsequii haud ignarus, studium suum offert. Verum ille *Georgii* benevolentiam, præter solitum præstitam, an suspectam haberet subdubitans, dissimulando gratam esse præ se tulit. Tum ut diffidentiae opinionem amoveret, *Georgium* ad prandium invitans, ubi intellexit, cum complures secum trahere velle, portam & ipse fortiore præsidio munit. *Georgius* jam quodammodo certus præsidem se in arce oppressurum, accedit: sed ubi septam milite portam videt, nec insidiis locum esse, peracto prandio inanis spei redit. Igitur Hafniæ, nulla re memorabili in publicum edita, quum haud tutum sibi diutius morari cerneret, ne fingerent interim consilia domi sollicitus, prope Malmogiam revertitur.

Comes iterum, ne mora noxæ esset, deditionem Hafnienfes instat flagitare, jubens de *Christierni* liberatione securos esse. Ea de causa in Daniam venisse, nec cessaturum, priusquam rem confectam habeat. Tum illi, missis Coagiam qui cum Comite paciscerentur, his conditionibus inter alias dedi urbem spondent: „Ager vicinus & pagi circumquaque ad duo milliaria ut civitati attribuantur. Juri-
 „bus & immunitatibus a Regibus indultis nihil derogetur.
 „Religionem reformatam publice profiteri, & exercere sine
 „fraude sit. „ Hisce legibus acceptis & litteris super iis consignatis, Hafnienfes Comitem læti & ovantes in urbem accipere. At præses regie Hafnienfis *Johannes Urna*, nec initio hisce consiliis adhibitus, nec post arcem ut hosti prode-
 ret

An.
1534.

ret adduci poterat. Itaque Comes eum oppugnatum venit, tam civium, quam suorum armis fretus. Tolerata aliquot dies fortiter oppugnatio, tametsi locus urbem tenenti non ita contra hostium impetum validus. Tandem *Urna* a suis desertus, quibus severitate imperii jam pridem invisus erat, deditionem facit. Præmium transitionis post fuit præfectura, *Johanni Frisio* ademta. Comes urbe atque arce potitus, simul classem regiam, tormenta, machinas, atque reliquum bellicum apparatus in potestate habuit. Arcem ipse mox infidet: urbem, impolito præsidio, iis committit, quorum ipsi satis explorata fides erat, prius tamen in verba *Christierni* sacramento adactis. Reliquos magistratuum Hafniensium, qui, tacite improbata defectione, fidem potius Senatui servatam voluerant, ne formidare necesse esset, Comes consilio *Ambrosii* & *Johannis Bosonis* ordine movit, & alios in eorum locum allegit. Nec facile alicui creditum, nisi qui foedior aliqvo facinore, aut petulantiore convicio patres incesleret, atque ita proditorum fidem faceret. Quod ut quisque magis in propatulo & impudentius facere ausus, ita odium ejus infestius habitum, majore præmio rependebatur. Magna vero ea rebellionis pestis, qua pessimi plurimum possint, & præmia perfidiæ turbata republica ampliora proditoribus tribuantur, quam constantiae & fidei iis, qui salvari & incolumem servare student.

Porro rebus Hafniæ ex sententia constitutis, per Selandiam edictum promulgatur, quo Ringonopolin ad curiam provincialem omnes ordines convenire jubentur. Ubi aderat ex oppidis & pagis pleraque plebs, plurimique partim metu adacti, partim spe melioris status illecti, comparent. Comes congregatis ad concionem, qui in oppido præsto erant, postulat, iterato sacramento fidem *Christierno* obligent, quotquot eum liberatum ac regno restitutum velint. Ibi complures ultro ac lubentes nomina dant, aliis vel exemplo motis, vel quia tutum non erat adversari, qualicunque voluntate assensum præbentibus. At nobilium plerique quia *Christierni* fidem sequi nondum animum induxerant, huic conventui se

An. 1534. subtraxere. Quocirca Comes apud se fremens, & quod edicto paritum non esset, indignatus, ut spretam auctoritatem vindicaret, nobilitati perniciem machinatur. Gnarus enim in huiusmodi ingeniis efficaciorum damni metum, quam perfidiae infamiam, & ubi res fidesque agitur, emolumentum dedecori anteferri, malo cogere instituit, quos spe attrahere non erat. Tum hinc inde suos cum plebe ad diripienda nobilium praedia dilabi finit, hos cum illis, quos ultos voluit, committens, illos praeda ditans: qui, venia data, non aliter contra nobilitatem agunt, quam si isti hosticum venissent, ubi omnia rapere, agere, violare fas. Nobilitas igitur, insigni clade ab iis affecta, ubi nihil in posterum sibi tutum fore videt, nisi Comiti se dedant, tandem in fidem Comitis, *Christierni* nomine, veniunt, maxime *Ronnevicii* auctoritate eos permovente. Nam & ille cum Comite in gratiam redierat, & episcopam suam, tum secundum pecunia redemptam, recuperarat. *Gustavus* enim *Trollius* volens se antistitis Roschildensis munere abdicaverat, facta spe Fioniae dioeceseos. Quae tametsi tum in manibus *Comiti Guldensternii* erat, tradita ipsi certo pretio a *Johanne Andrea*, tamen quia partes Senatus sequebatur, & *Christierni* se hostem profitebatur, inter reos numeratus, qui beneficia regia adversando Comiti commisisissent, pro condemnato erat.

Dum Comes in Selandia, quae patet insula, quicquid libitum animo pro potestate regia gereret, perlata in Jutiam Hassiensium defectio. Quae res admodum patres anxios habuit, versantes animis insignem calamitatem, quae rempublicam primariae urbis alienatione maneret, exemplo in primis ad reliqua oppida in fide continenda noxio. Prius tamen quam hoc insperatum malum vicinos Malmogianos contingeret, visum eos litteris de consilio suo certiores faciendos. Deliberatum esse, plerisque patribus consentientibus, *Christiano*, ex Holsatia arcessito, regnum deferre, ejusque virtuti ac fidei protegendum committere. Ita ex usu esse, ne respublica deserta hosti quasi praede cedat. Non esse religioni reformatae ab eo aliquid adversi timendum,

„dum, sed ejus exercitium futurum liberrimum, atque omnia pacata ab eo, utpote Rege benignissimo, expectanda. Monere igitur & obtestari, in fide persistant, nec ab Senatu se disjungant. Malmogiani, consilio habito, respondent, cum *Magni Goyei & Erii Banneri* judicio suum junctum velle, nec alias partes secuturos, quam quæ iis stare placitum. Ac tandem, cum præside *Magno Guldensternio* rem hanc agente, ad mutuam concordiam & auxilium se obligant. Quibus procures confisi, in bona spe erant, tanto ocyus Hafnienses ad sanam mentem redituros, quod Malmogiani a fide nondum exciderant. Sed ad fallendum compositum fuisse responsum, nondum matura defectione, audacia facinoris paulo post secuti ostendit. Nam vix reverso patrum Juticorum nuncio, castelli præses in curiam urbanam, specie negotii cum ipso communicandi, evocatus, capitur. Nec virum tutata vel officii auctoritas, vel ordinis senatorii dignitas, quin in custodiam dederetur: tamen si in domo honoratiore & civium tantum satellitio stipata servatus. Quod quum grave quidem, & in rempublicam hostile, præsertim præside nullius culpæ convicto: multo tamen gravius, quod mox arcem regiam, ejus fidei commissam, familia egesta, diruerint ac funditus everterint. Eo enim temeritatis etiam ausa progredi plebis rabies, concitata a quibusdam turbulentis ad vestigia regiae dominationis abolenda, ut deinceps ad modum civitatum Vandalicarum, cum quibus conjuratum erat, respublica Malmogiana conformaretur.

Jam hisce designatis, haud tutum amplius videbatur, urbem cuivis patere, offensis defectione patribus. Itaque vigiliæ ad portas undique dispositæ cum mandatis, ut acciperent urbe quosvis accedentes, egredi finerent neminem. Quo factum, ut ad Hafnienses serius fama rei gestæ emanante, minus eo trajicere ex Selandia formidatum sit. Certe *Trugoto Ulfandio & Claudio Podebuscio*, ignaris omnium, timori non erat eo venire. Quibus nihil profuit pacato animo accessisse, quin & illi, appositis ad custodiam civibus, in ædibus, ubi diverterent, affervarentur. Ita hosce

An. 1534. tres regni senatores in potestate tenentes, et si pignora defectionis haberent, non abstinerunt tamen ab innoxia aetate; sed abducta pariter nobilium pubes, studiis ibi operata, in locum, ubi ad exitum coepit rebellionis includerentur. Quorum omnium tanquam ratio ipsis constaret, litteris super defectione sua ad regni Marescallum missis, recte huc se processisse Malmogiani disseruere: „Etenim repurgatam „evangelii doctrinam se suscepisse, quæ quantum ad pietatis studium emolumenti attulerit, cognovisse haud poeniteat. Et quia ex edicto senatus deferere religionem duxissent, metuisset poenam, in ministros & eorum receptatores sancitam. Nam eam mitigatum iri, nullam hactenus „spem affulsisse, quod antistites, fugatis ministrorum compluribus, nihil a severitate & austeritate remisissent. Exultasse comitiis, quæ hoc anno indicta fuerant, æquius meliusque aliquid impetraturos: sed iis frustra expectatis, antistites se nihilo lenius quam antea gessisse, proscribendo & eliminando extra dioceses suas, qui saniores doctrinam non abjicerent. Hanc evangelii Christi persecutionem pati diutius, non potuisse, pro cuius propagatione „arma adversus vim antistitum sumpta. Ideoque arcem, a „Friderico contra fidem datam exstructam, cepisse, ne ea „gravis libertati civium, religionis persecutoribus periculum præberet. Hæc Malmogiani pro facti excusatione ad Marescallum perscribere, non tam quod magnopere purgare crimen deliderarent, quam quod metuerent, ne si interea, dum Comitis adventum avidè præstolantur, contra civitatem aliquid moliretur.

Sed quæ ibi acta, utut urbs exire volentibus occlusa, non diu latuere, quin in reliquas provincias ac primum in Fioniam divulgarentur. Ubi *Canutum Guldensternium*, antistitem designatum, regni periculum & fratris captivitas ad convocandum patres nobilitatemque excivit. Horum consilio mox vir nobilis *Antonius Antoniades* ad proceres Sialandicos & Scanicos cum hisce mandatis mittitur, intellecta Malmogienis defectione, venisse patribus Fionicis in mentem, ut ipsum legatum ablegarent, tum ut particulatim

An.
1534.

tim rei gesta seriem referret, tum vero ut sciscitaretur, quid consilii adhibendum, si insperato talis aliqua machinatio contra rempublicam sive ab hostibus sive indigenis iniretur. Videri ipsis ad salutem regni imprimis pertinere, ut naves comparentur, petito a Svecis & aliis jure foederis obligatis auxilio, quibus classis Lubecensium pellatur aut supprimatur, ne Malmogiensibus suppetias ferant, aut provincias minorum insularum adoriantur. Hoc enim eis propositum esse, ut per celoces passim mari Balthico errantes, trajectus ex una provincia in aliam, crematis navibus, prohibeatur; quod *Christiani* Ducis indicio patefactum. Contra talem repentinam invasionem & vim hostilem non instructos Pionios, a quibus quicquid erat copiarum, decreto Senatus *Christiano* auxilio missum. Itaque ni ex partibus Selandiae & Scaniae subveniri possit, videri e re communi esse, ut de Rege eligendo dispiciatur. Quod quidem si fieri convenientibus patribus nequeat, saltem ex singulis provinciis, qui ejus rei potestatem habeant, aliqui designentur, praemonitis de necessitate, quae huc adigat, Norvagus. Insuper allatum esse, *Georgium Cocciū* usum eo astu ad fallendam plebem Malmogianam, quod finxerit, litteras a Senatu in perniciem civium scriptas: eam suspicionem & perversam opinionem videri contrariis Senatus litteris ex animis evelendam. Ac postremo commendata ea cura & cogitatio, quo pacto Senatores, Malmogiae capti, liberari possint, aut saltem ad tempus custodia relaxari.

Hæc mandata, auctoritate *Güldensternii* antistitis designati, *Johannis Frisii*, *Georgii Qvitzovii*, nomine totius nobilitatis edita, perlata quidem ad Selandos & Scanos. Sed utraque provincia periculo propior, quam ut certam auxilii spem facere possent. Promittere tamen patres quaecumque ab iis præstari possent. Comes vero, Malmogianos suos esse haud diffidens, ut jam procerum Scanicorum animos periclitaretur, litteris ad eos missis, causam adventus sui eandem quam Selandis reddit. Hortatur enixe, conatibus faveant, & restitutioni *Christianni* consentiant. Quod si in animo habeant, securi periculorum veniant fidem firmitum,

An. tum, nec dubitent, quin is æquum & benignum Regem se
 1534 cunctis præbeat. Sin ei jurare abnuant, additis minis extremam perniciem denuntiat. Illi intellecto Comitis desiderio, tanquam in ancipiti malo solliciti, consilium ægre expediebant. Selandia enim hostem potitum videbant, & nobilitatem ibi ad eum descivisse. Itaque auxilium sperari vix uspian possè, regno inter se diviso, & qualibet provincia in communi periculo sibi consulente. Nec se a Malmogianis tutos, quorum animos in rebellione obstinatos ad quidvis facile impelli. In hisce igitur malis, quod obvium maxime erat accipientes, decernunt, ut, petita a Comite publica fide, quatuor procetes ad pacem exposcendam mittantur. Itaque litteris fidei publicæ transmissis, *Tucco Crabbeus*, *Oligerus Ulstrandus*, *Accilius Ugeropius*, & *Canutus Billens* Hafniæ Cornitem adeunt. Ibi stipulati fortunarum incolumitatem, ac corporum libertatem, fidem suam *Christiernuo* adstringunt: haud ulterius tamen progressi, quam ut pro se quisque ei cautionem præstaret. Comes vero non eo acquiescens, insuper, ut totius provinciae nomine fidem obligarent, contendit. Quod ipsi injussu populi haud ausi, petunt veniam remeandi in Scaniam tantisper, dum, quæ requireretur ad hanc rem, auctoritas postularetur. Sed, reditu negato, contra fidem retenti sunt, donec sacramento pro tota gente Scanica concepto se obligarent.

Quo facto, quum res Scanicæ in tuto viderentur, Comes ipse, ne ferventibus populi studiis fortunæ suæ deesset, adjunctis proceribus quibusdam Selandis, Malmogiam appellit: atque tantisper commoratus, dum conventus indicatur, cum eis rationem agendi instituit. Postquam populus fide publica Lundiam venisset, in *Liberi montem*, ubi concio habebatur, Comes suis ac Malmogianorum armis stipatus prodit. Mox commemoratis denuo, quibus antea *Christiernum* Selandis commendaverat, ab omnibus ingenti alacritate sublati clamor, voluntatis & consensus index. Ille sibi plebique de concordia gratulatus, conventu soluto, reliquum populum dimittit: Senatores autem regni Malmog-

mogiam secum ducit. Quo ille instructa acie reduci voluit, re fortunaque ex voto stabilita, lætitiā in publicum factur-
 us. Atque ibi patrum benevolentiam sibi confirmaturus, simulque remunerans, plerisque nova in regno beneficia tri-
 buit, omnesque de *Christierno* bene sperare jubet. Nec Malmogiani præmiorum expertes, acceptis, liberalitate Comitis, dono fundis & possessionibus omnibus, quæ undiq-
 uaque intra milliarij spatium urbi adjacent.

An.

1534.

Verum Senatores regni, qui Scaniā & Selandiā incolere, ut Comiti pro acceptis beneficiis gratiā referrent, contrarias litteris Senatorum Juticorum litteras ad proceres Norvegiæ perscribunt. Hi indicant Metropolitano Nidrosiensi, *Grucovio* & aliis, per *Vincentium Longum*, præsidem Vardhusianum, ex Jutia reducem, in animo se habere *Christianum* ad regnum vocare, eorumque consentientia suffragia flagitant. „Nam liberis regiis fidem litteris „de successione dedisse, ac regni jam eum statum exortum, „qui cunctari ulterius in electione Regis non sinat. Scanici cum Oldenburgici litteris suas adjunxerant, quibus *Christiernus* captivus commendabatur. Neutro Norvegi inclinabant, sed otiosos calamitatis Danicæ spectatores se præbuerunt, ex eventu consilia capturi. Metropolitanus tamen Norvegiæ cismontanæ proceres certiores de utriusque partis postulatis facit, addens, „se jam demum de spe regni li- „beris regiis facta certi aliquid comperisse, sed se non specta- „turum, nisi quæ ad pacem pertineant, & mutuam pro- „cerum concordiam a Deo precaturum. Interim vero „rogare, ne illi externis rebus se immisceant, priusquam „ordines regni convenire ad unanimem Regis electionem „possint, quod per hiemis inclementiam tam brevi fieri „haud queat, sed apparente vere futurum. Hoc se in me- „dium consultum velle; illis si aliquid melius in mentem „veniat, rogare pro salute publica, ne communicare recu- „sent, simul quæ de rebus Danicis adferantur, sine mora „nunciari curent. Ita consilio Metropolitani nihil dum in Norvegia moveri coeptum, sed suspensis eorum sententiis res quodammodo pacatæ fuere.

An.
1534. Ceterum in Scania & Selandia ac per reliquas insulas varii animorum motus extitere. Quibus cordi fuit *Christierni* liberationi resistere, in Jutiam, ubi minus etiamnum periculi erat, se subducebant, donec horrida illa seditionum tempestas in serenitatem commutaretur. *Ronnovius* ipse, tametsi pro dicecesi sua pecuniam denuo solverat, facta spe sine noxa eam possessurum, tamen quia multis modis fundi rusticorum ac pradia ipsius ladebantur & violabantur, Comiti conniventi diffusus, ad tempus cedit. *Johannes* Dux, quem ad spem regni in arce Neapolitana educari memoravimus, sumto habitu rustico, ne agnosceretur, *Sunderburgum* cum paucis ministris elapsus, *Ditlevo Bruchdorio* traditur: inde *Olaum Rosacrantium* missum facit: Qui ex aula *Friderici* per Selandiae oppida hibernaverant, multitudine fallere haud valentes, discedere quidem & ipsi voluere, petito ab hoste commeatu. Sed quum a se tutos fore tantum Comes promitteret, nec pro Lubecensibus aut plebe rustica urbanave spondere vellet, nusquam excedere ausi. Multi privatim trepidatione & metu domibus expulsi. Complures pertasi praesentis status, & pejora indices metuentes, incertis sedibus vagabantur. Quis enim rebus suis saluum ac tutum aliquid sperare posset, in tam effrenata scelerum omnium licentia? Quis ab injuriis protegeret, quum regni invasor ad rapinas & expilationes connivens, imperium detrectantes petulantiae ac libidini latrocinantium exponeret? Impune enim erat, quicquid militi libitum, & in lucro reputabatur plebei adversus nobilitatem quam maxime efferare. Nec cessatum a pessimis quibusque, priusquam alios rebellionis intactos seducerent, & ad nefas aliquid audendum instigarent.

Mox in Mceonia Selandiae proxima, quae sub gubernatione *Andreae Billei* fuerat, arx Stecana quatuor nobilibus ac totidem civibus concedita, interfecto procuratore *Johanne Stigotio*, dolo occupatur, haud multo post diruta. Inde regia Nicopiana in Falstria, nondum a comitis reverio *Canuto Guldensternio*, invaditur, tradita postmodum *Thomae Fossio*, & alteri cuidam *Franco* dicto. Iisdem fere diebus

bus Lalandia, per absentiam *Georgii Viscii* rebellat, ubi in An.
castellum regium Alholmiam vi perrumpitur: quod tantis- 1534.
per Comiti servatum, donec ab illo missi *Johannes Eberus*,
& *Johannes* quidam *Megalopolitanus* dictus id acciperent.
Oppugnatum etiam prædium *Johannis Oxonii* a rebellibus,
quorum is duces muneribus corrumpere, atque ita pecunia
obsidionem redimere, quia vis propulsari armis satis non
poterat, tentavit. Sed eo evulgato, obsidentes acriori iræ
stimulo concitabantur, tum contra duces, quos contruci-
dant, tum contra *Oxonium*, quem tanto fortius oppugnant.
Tandem vero ipse ex falconio tormento globum in obsi-
dentes ejaculatus, triste sibi fatum arcessivit; nam quum
id ignis violentia rumperetur, frustum impactum femur
eius contudit. Qua clade eo demum mortuo, prædium
rebellibus deditum. Arx Corforensis nondum in potesta-
tem hostium venerat: Ea, capto procuratore præsidis,
quem per speciem solvendi vectigalis evocatum apud se
Schelforenses quidam retinuerant, astu pariter in potesta-
tem redigitur: Nec erat fere locus reliquus, qui aliqua ac-
cessum in Fioniam impediret: nisi quod Lavinia insula,
quæ nondum hostibus se submiserat, metui navigantibus
esset. Igitur eo etiam hostes transmittentes, castellum Ger-
raniam (seu Traneburgum) petunt, quod non satis muni-
tum, oppugnanter *Henrico Longo* & *Severino Stampeno*, tan-
dem cum *Ottone Crumpeno* præside in deditionem venit.
Ac *Crumpenus* quidem Comiti captivus adducitur; sed vir
strenuus ac bellator ita habitus, ut, fide *Christierno* præsti-
ta, Alholmiam gubernandam acceperit.



NICOLAI CRAGII ANNALIUM LIBER II.

An. 1534. **C**omes auctus harum provinciarum viribus, sed adhuc tamen rebellione civium, quam suis copiis potentior, ad transferendum ex Selandia in Fioniam bellum se comparabat. Quod ubi innotuit, priusquam domi bellum exciperetur, Senatores qui in Jutia erant, tandem quacunqve ratione reipublicæ consulendum censuerunt. *Magnus Goyæus* erat, qui hanc sibi præcipuam curam sum- sit, ecclesiasticis etiamnum ad præsentissimum periculum pertinaciter in adversa sententia obduratis. Is, habita cum *Bannero* & aliis quibusdam deliberatione, Ruviam conven- tum nobilitatis indicit. Pridie Idus Julii, quum frequentes eo procures accessissent, pavidi quidem omnes erant in pu- blico malo, quod haud dubie ingens, plerique tamen ita a- nimati, ut Regem prorsus designari vellent. *Goyæus* præ- reliquis gnarus, quæ in Scania & Selandia contigerant, ac- periculi Jutos & Fionios manentis non improvidus, adver- sa reipublicæ exposuit: „Ante oculos esse omnium, quan- „tis calamitatibus destituta Rege Dania immersa sit: in- „primis enim eam cladem acceptam, quod primariæ urbes „Hafnia & Malmogia deditone in hostium potestatem ve- „nerint. Nam ne quidem mœnibus admotum militem, „ut saltem vim formidasse videri possint: sed ultro rupta „fide Lubecensibus se tradidisse. Paucorum id quidem con- „silio; attamen contagium rebellionis latius jam in utram- „que provinciam & adjunctas insulas diffusum. Plebem „enim rusticam & urbanam inanibus facilem, ab hostibus „spe ac promissis impletam, non amplius imperio regi. „Quin multos in rempublicam nefaria arma conjunxisse,

COS

„cos una spoliare, vastare, agere, quantoque in legitima An.
 „subjectione, conditionem suam duriores putant, tanto I534
 „hoste adventio insolentiores. Etenim quo hostis per-
 „meare locorum imperitia non possit, assumtis paucis ad
 „velandum crimen (si quis tamen perditis pudor est) re-
 „belles penetrare. Non tutum ulli inter eos liberi doloris
 „documentum dare, nec, absque periculo, fidei memorem
 „officium patriæ debitum linguam usurpare. Si quis in
 „publicum consulendum dicat, proditorem libertatis audi-
 „re. Adeo ad extrema malorum ibi ventum. Itaque non
 „esse, quod ex istis provinciis auxilium contra hostes expe-
 „ctetur, quas ipsi prorsus infestas tenent. Nec subvenien-
 „do oppressis Jutiam & Fioniam esse, quibus potius opus
 „sit undecumque auxilium arcessere, ne eandem fortunæ
 „indignitatem subeant. Unde autem promptius & facilius
 „auxilium peti possit, quam a *Christiano*, ad Lubecam
 „cum exercitu sedente, patres secum dispicere jubet: „Mi-
 „hi, inquit, ex dignitate populi Danici haud videtur, ut pro-
 „vincias ab hostibus ereptas in eorum manibus relinqua-
 „mus. An vero Principi impuberi ea fiducia sit, ut resti-
 „tuere eas reipublicæ possit, eisque restitutis libertatem red-
 „dere, vos juxta mecum intelligitis. Itaque, patres, con-
 „sulite reipublicæ, consulite vobis & liberis vestris, consuli-
 „te tot subditorum saluti periclitanti.

Post hanc habitam a *Goyæo* orationem, missi in suf-
 fragia patres plerique censuere *Christiano* Duci regnum de-
 ferendum, cumque contra hostes quam maturime arces-
 sendum. Antistites adversabantur, metuentes, ne Rex fa-
 ctus eorum fortunas premeret. Tum reliqua nobilitas in
 patrum confessum irrumpens, sciscitata, quid de Regis ele-
 ctione censuissent, ubi comperit nihil actum, resistenti-
 bus antistitibus, magno consensu astrepunt, *Christianum* se
 velle Regem eligi. Nolle hostis adventum expectare, nec
 ad periculum extremum exponi. Satis jam exemplo Sca-
 norum & Selandorum edoctos, quid projiciendo in annum
 regia comitia, mali sibi & universis conscivissent. Non ra-
 tioni aut temporis consentaneum, ita antistitem voluntati

An. 1534. subservire, ut salus omnium in discrimen vocetur. Additæ minæ graves; ni huc patres condescenderent. Iussi paululum excedere, spem bonam secum foras efferunt, *Christianum* Regem fore: Tum antistites se apud patres excusantes, quicquid differendo Regis electionem censuissent, bono publico fecisse. Sed quandoquidem destinatum Nobilitati hunc Regem velle, se moram non facere, petere saltem ut Senatus curæ habeat, quo iura & privilegia ordinum ab ipso prius rata habeantur & confirmentur, ac ne religio per *Christianum* evertatur. Quod si fiat, ipsos Deo rationem reddituros. Precari se, quod *Christianus* Rex designaretur, felix faustumque reipublicæ & singulis esse. Ita facto de *Christiano* patrum senatusconsulto, legati destinantur ad eum arcessendum, *Stigotus Crumpeus*, antistes Burglamenti, *Olaus Munccius*, antistes designatus Ripensis, *Magnus Goyæus*, palatii Magister, & *Avo Vincentius Longus*. Intererat huic conventui nuncius a Fioniis missus, qui ut renuntiavit cuncta Ruviæ acta, visum patribus e republica fore, ut & ipsi cum totius insulæ nobilitate rem nondum prorsus perditam consilio juvarent. Sed in oppidum Othiniæ congregi metuebant, ne fluxa fide vulgi, ad nundinas anniversarias ibi congregati, rebellionis scelus in eos patrarentur. Itaque in ædem pagi Hellestæ congregati, præeunte consilio *Canuto Gildensternio* antistite, unanimi consensu *Christianum* sibi Regem decernunt. Missus *Johannes Frisius*, cum plenis super hoc mandatis ad legatos Iuticos, cui potestas una cum illis data, totius negotii conficiendi. Caveri tamen etiam sibi voluere de juribus & immunitatibus, ab *Friderico* patre indultis, quibus si quid mutandum, demendum aut addendum esse cum *Christiano* conveniret, ratum se id habituros.

Seorsum autem *Frisius* hæc mandata ad *Christianum* habuit, Fioniam non ita amplam aut potentem provinciam, præsertim missis in Holsatiam equitibus, periculo autem proximam: facturum Ducem e republica, si auxilium appropere. Hostem facilius accessu insulæ arceri, quam ea occupata ejici. Metuendum, ne plebs rustica decepta pro-

promissis, ut in Selandia, deficiat: id eam haud tentaturam, si praeveniat Dux. Non defuturum ipsi Fioniorum auxilium, ac siue tributo siue milite opus sit, eandem utrobique conditionem cum Jutis subituros. Junctus *Frisius* festinato itinere cum Jutorum legatis simul in Holsatiae fines accedunt. Inde ad Ducem in castris degentem perferibunt, habere, quod Senatus regni nomine cum ipso agant, ut locum & tempus commodum conveniendi designet. Dux non ignarus quid negotii esset, quippe quod *Iustus Urna*, nobilis Fionius, stipendiis vetus multumque in bellis versatus, nunciaturus privato hoc ipsum nomine, accurrerat, tum diem dicit, quo ad Pretanum coenobium accedere velit, quos ibi comparere jussit. Eo quum utrinque ventum, antistes *Crumpenus* paucis omnium nomine verba facit. „Quod felix faustumque sit, inclite Princeps, inquit, Senatus populusque Danicus te Regem sibi designavit, polliceturque honorem, obedientiam, studium, omniaque bonorum & avitum contra hostes protegere, neque id a familia vestra dilacerandum permittere. Ac tametsi fateor in prospera nostra fortuna hunc honorem tibi deferendum fuisse, ut majore favore gratiam beneficii agnosceres; tamen nec modo nos aspernaberis: nam dilatus tantum honor, non neglectum erga te officium nostrum, quod jam ostendimus: ac si in eo proferendo aliqua nostra culpa, forte ea laeso Numini poenam a nobis expetere libuit, quam speramus te Rege mitigatum iri. Quod enim summa quaeque a tua virtute nobis polliciti sumus, ex ipsa intelligere potes. Tu modo hoc regnum, nulli rectius quam tibi debitum, tuoque auxilio innixum, Deo propitio cape, & in cunctis prosperare. „ *Christianus* assecutus a Danis fidem sinceræ caritatis, non diu sollicitos legatos verbis suspensos tenuit, sed regnum a Deo & Senatu populoque Danico delatum acceptare se ait, polliceturque vitam, fortunasque omnes reipublicæ Danicæ saluti impendere, velle, & si Deus illum ad gubernacula venire velit, jus æquumque omnibus administraturum, & quæ immunita-

tes

An.
1534.

An. „tes a prioribus Regibus concessa, solenni sacramento pro
1534. „more confirmaturum.

His placitis conventis in tabulas majoris evidentiae & fidei ergo relatis, Iutici unum secum ferunt, *Frisius* ad Fionios suos alterum. Ita comiter legati dimissi, sequente eos haud longo intervallo *Christiano*, donec Hatherslebiam venirent. Ibi quum natus *Christiano* filius, qui *Fridericus* dictus, Rex Daniae ejus nominis postea secundus, per sacrum baptismi sacramentum ex instituto Christi sancto ecclesiae coactui esset inferendus, testes honoris ergo rogati simul omnes legati adfuerunt. Cum quibus tum Hatherslebiae compositum est, ad quem diem praesto in Iutia esse Ducem oporteret, & solenni sacramento omnia firmarentur. Interim Dux Lubecam ad castra subito excurrrens, omnibus pro voluntate ordinatis ad propinquam revertit diem conventus: quo patres, tota nobilitas, ex singulis oppidis aliqui, nec non ex quolibet rusticorum conciliabulo quidam, cum plena potestate omnium nomine Regem eligendi, accessere. Locus erat designatus Hotterfinesiae, ubi extra urbem sub dio omnia solenniter peracta sunt. *Christiano* fidem, obedientiam in omnibus obligarunt Senatus, populusque Danicus. Is vicissim cuique ordini sua jura & immunitates se confirmaturum spondit.

Sed quia Senatores inter se discordes de forma solenni confirmationis, quae a Regibus obsignari solet, convenire non poterant, nec protelari auxilium adversus hostem res sinebat, communi consensu comprobatum, „ ut restituta „ pace & tranquillitate, Rex designatus rata haberet, quae „ pater ipsius prius indulserat. Cautum tamen, ut voluntate & consensu patrum, liceat mutare, derogare & adungere, quae ex reipublicae usu esse queant. Tum a *Christiano* de concordia ordinum actum, quae in has leges convenit: „ut antistites, praelati, & quicumque ordinis sunt ecclesiastici, si velint, retineant sacra sua, nec non bona omnia ecclesiasticis attributa, donec parva tranquillitate & „ quiete, Senatus populusque Danicus de iis aliter decreverit. E contra nobilitas etiam teneat, quae jam in possessione „ sione

„sione habeat. De religione interea nulla sit dimicatio, An.
 „sed qv̄i usitatis ritibus adhærescere velint, non vetentur. 1534.
 „Qv̄i amplecti reformatam evangelii doctrinam malunt,
 „id eis absqve fraude sit. „ Sed & ne qvid in juris pariter æqua
 administratione desideraretur, institutum, ut præsidibus curi-
 riæ Iuticæ in iudicio adsint *Jacobus Frisius*, *Joannes Hvaf-*
fius, & *Joannes Thome*, qv̄i nobilibus de bonis litiganti-
 bus, ex *Valdemari* legibus, qvatenus in rusticorum concilia-
 bulis vel curia publica provinciali usum habere possunt, jus
 dicerent. „Qvibusvis tamen maneat dominium directum
 „in possessiones & fundos, ecclesiasticis majorum pia devo-
 „tione collatos, redeunte annuæ pensionis fructu ad ipsas
 „ecclesias, qvibus donati. Quumqve liberata ab hostili vi ad
 „tranquillitatem redierit respublica, restituentur auctorita-
 „te regia ecclesiasticis sua, atqve aliis qvibuscunqve itidem
 „sua, sive imodo ademta sint, sive postmodum adimi ali-
 „qua contigerit. Postremo sancitum, ut inter universos
 „pax & concordia illibata maneat, qvo hostili injuriæ late-
 „re effundenti totis viribus resistere liceat, uti Danorum si-
 „de & virtute dignum. Regem designatum haud vicissim
 „commisurum, ut contra jus & fas quisqvam sive inops
 „sive potens injuria & violentia afficiatur. „ Qvæ omnia
 ut inviolata servarentur, litteris ad mutuam fidem signa-
 ta sunt.

Tum *Christianus*, regni certus, undiqve auxilia socio-
 rum expectabat, ut regni amissa ab hostibus recuperaret.
 Primo ad *Gostavum*, qv̄od per sorores utriusqve conjugis
 affinitas intercederet, hæc omnia perscribit: „Haud du-
 „bium sibi esse, qvin *Gostavus* gratum habeat, qv̄od Deo
 „favente Danorum Rex sit designatus; nam necessitudi-
 „nem, qvæ inter ipsos intercedat, requirere, ut alter alte-
 „rius gaudeat commodis, & summa qvæqve utriqve ex-
 „pectentur. Itaqve qvum bello regnum ardeat, nec ipse
 „contra Lubecenses occupatus, utrisqve hostibus par esse
 „qveat, rogare *Gostavum*, ut ex foedere auxilium submittat.
 „Et si ea vis in armis sit, ut Scaniam hosti eripere qveat,
 „id pro fraterno amore operam det, fiduciariam *Christiano*
 H post-

An. 1534. „postmodum tradat. Id ejus tam interessē, quam ex usu Danorum : nam quod modo bellum in Danos est, posse ad Svecos etiam transferri. Lubecenses enim, si desiderii compotes fiant, non spem regnandi Daniæ finibus terminatos. Metuendum etiam, ne hoc ipsum iis propositum in medio belli Danici fervore agitetur.„ Qvod ita habere *Gostacus* minime dubius, *Christiano* de imperio gratulatus, auxilium contra hostes spondet, ac copias se in Scaniam propediem missurum, quibus hoc negotii detur. Sperare rem successū haud carituram, moram certe in auxilio mittendo se haud facturum.

Eadem spe ad *Mariam* in Belgium etiam litteras mittit, petens, ex legibus foederis Gandavensis cum regno Daniæ initi, naves & reliqua, quæ utrinque promissa. Se jam Regem legitime designatum, auxilio contra Lubecenses egere, ut idcirco id ex fide bona repræsentare velit, quod vel maxime eo præstandum, quod bellum feratur a Lubecensibus contra Danos susceptum, denegato a Danis contra Belgas auxilio, permissa Belgis per fretum navigatione contra voluntatem Lubecensium. Sed *Maria*, quum a Lubecensibus bellum in Dania *Christierni* captivi nomine geri comperisset, verbis spem quidem ostendit, verum nihil auxilii misit, finem & eventum belli otiose spectatura. Certum enim habebat, *Christiernum* quacunque ratione liberatum iri, si in hostium potestatem regnum cadere contingeret. Nam apud Lubecenses & Comitem, tam potentibus capti Regis affinibus, liberationem ejus fore faciliorem existimabat. Erat quippe ei nova affinitas, per filiarum nuptias cum duobus Principibus non invalidæ potentiae juncta, *Friderico* Palatino, volente & agente hoc Imperatore, conjugio *Doratheæ* sociata, altera filia *Christiana* Duci Mediolanensi *Francisco Sfortiæ* nupta. Horum conjugiorum respectu *Maria* a Danis animo alienior, non solum in præfenti opem non tulit, sed postea cladibus pluribus contra foederis fidem ad apertum bellum affecit. Incumbebat enim in hoc una cum Imperatore, ut affines Palatinum & Mediolanensem in jus hereditarium duorum regnorum, Sve-

Sveciæ videlicet & Norvegiæ, restitueret, quod filiabus **Ani.**
Christierni Hispanorum more deberi putabatur. Tum ve- **I534.**
 ro regnum Daniæ facile accessurum, quod magnopere ob-
 noxium existimabatur, propter ablatam ab *Isabella* dotem.
 Hæc igitur agitante *Maria* cum Imperatore & affinis
 consilia, *Christianum* destituit, & auxiliis inanem commo-
 to regno reliquit.

Comes interim nihil eo territus, quod Dania Regem
 designatum jam haberet, miserat, qui Fionios ad defectionem
 invitarent. Facile id propensis ad nova consilia, & in
 spem melioris status Comitum pollicitationibus adductis, per-
 suadere, præsertim quibus ex vicina insula Lavinia hostes
 imminebant. Hi Svenopolitani erant, a quibus cœpta de-
 fectione, pleraque oppidorum, partim sponte, partim vi
 secuta sunt. Sed imprimis hi, assumtis Comitum militibus,
 aliisque rebellibus civibus & agricolis, late incendiis, rapi-
 nis, cædibus cuncta impleverunt: quæ antistitis erant, præ-
 postero religionis reformatæ zelo ante omnia petentes. Ita-
 que arcem Orcellam cum publicis diœceseos instrumentis,
 ad servandum inibi in tabulario repositis, reliquaque supel-
 lectile exustam, penitus excidunt. Palatium antistitis, quod
 Othinia erat, porta pice ac sulphure incensa, patefactum
 ita diripiunt, ut nec sacris nec profanis parceretur. Quin
 occupata æde *Albani*, eo simul cum palatio usi sunt propu-
 gnaculo, unde tormentis suis pilas ejaculabantur, multis in-
 terfectis & sauciis, qui arma contra ferre ausi. Cœnobium
 virginum devotarum, ab *nemorosa valle* dictum; factor qui-
 dam Othinienfis, seditioforum dux, cum non ita multis
 complicitibus suis evastavit. *Aqvini sylvam*, arcem regiam
 veterem, agricola quidam *Johannes Lundius* cum nefario
 suo comitatu ingressus, cepit. Complura item cœnobla &
 nobilium prædia direpta, cremata & vastata. Eo plebis
 furentis tumultu nobilium complures capti, in verba *Chri-*
stierni captivi sacramento adaçti sunt. Inter quos *Hilarius*
Bøllerus, qui a vicinis Svenopolitanis vinculis constrictus, in
 urbem ducitur, ubi *Justo Berrio* & *Allardo Flegio*, centu-
 rionibus Comitum, litteris fidem suam obstringere coactus

An. 1534. est. Alii eorum fugati clam evasere; quibusdam arx Neoburgenſis perfugio fuit. Nec usquam tota ea insula nobilis quisquam consuebat, nisi *Christierum* captivum agnoscere se Regem profiteretur. Ita plebs ei animis adhærescens, a nobilitate se disjunxerat.

Rex autem designatus Collinam transiens, audiverat quidem aliquid de motibus Fionicis, rumore tamen adhuc dubio: Sed *Johannis Frisii* aliorumque nobilium litteris certior factus de totius insulae defectione & nobilitatis periculo, opem ferre haud distulit. Itaque quos secum habuit plerosque, cum antistitum aliorumque Juticorum equitibus, adjunctis peditibus, quos ea temporis angustia colligere sivit, auxilio nobilibus in Fioniam ire jussit. Regios ducebat *Johannes Ranzovius*, Jutis *Petrus Ebbonius* cum *Johanne Julio* præerat. Ii, quum trajecto freto, quo Jutia a Fionia dirimitur, pervenerunt, inconditam oppidanorum ac rusticæ plebis turbam sibi obviam habuere. Mons erat leni jugo se attollens, quod ab sylvarum amenitate nomen habet, ad quem utraque acies instructa occurrebat. Plebi non magna in armis fiducia, quorum insolens, sed plus in fuga spei, locorum peritia. Itaque quum ad conflictum ventum esset, non sustinens regionum impetum, facile loco cessit. Cæsis eorum in acie compluribus, nonnullis fuga clapsis, tota ea multitudo repente dissipata. Ex regis pauci desiderati, nec procerum quisquam occubuit: solus *Lauus Brabeus* vultus in facie excepit. Hoc primo prælio pro liberanda republica Regis designati auspiciis feliciter gesto, totius fere insulae plebs, clementia Regis invitata, in potestatem ejus venit, & *Johanni Ranzovio* ac *Johanni Frisio*, nomine *Christiani*, fidem dedit. Svenopolitani, a quibus initium rebellionis factum, metu præsidii, quod a Comite acceperant, redire ad saniora consilia non poterant, si maxime id cuprent. Et Othiniani, sprete regionum paucitate, quum se iis pares fore confiderent, nec se dedere. Quapropter oppidum utrumque militi regio diripiendum datum. Ita crepta hosti jam tota fere Fionia, præsidio, ubi necesse videbatur, oppidis imposito, *Ranzovius* & *Frisius* ad Regem designatum brevi revertuntur. Sed

An.
1534.

Sed vix ii abierant, qvum Comes audito Fionie statu, copias suas ad eam recuperandam & subveniendum plebi navigio Carstemindam tramittit. Arcem Neoburgensem cum oppido tunc tenebat *Olaus Rosæcrantzius*. Qvi, accepto Regis præsidio, nihil ab hostibus sibi aut oppidanis timebat. Sed dum securi agunt, noctu proditione civium in oppidum accepti Comitibus milites, duce *Vbelachero*, eadem ingentem regionem, per somni & quietis tempus inermium, toto oppido ediderunt. Vix pauci evaserunt hostium manus. *Petrus Ebbonius* fuga servatus. *Bertramum Anefeldium*, per fossas arcis aquis redundantes attractum, custodes difficulter ereptarunt. Nec via salutis, cum incedere vulneratus altero pede non posset, ulla patuisset, ni puer quidam, eqvorum curam gerens, nandi peritus, funi, cujus extremo *Anefeldium* alligarat, ad custodes perduxisset. Verum potius oppidi *Vbelacherus*, arce, tormentis & milite munita, excludabatur. Qvam qvum obsidione fatigaret, haud tamen in potestatem redigere potuit, priusquam aquam, quæ per canales in arcem ducebatur, adfluere vetuisset. Ea demta, qvum spes subiti auxilii non esset, nec qvi in præsidio erant idem sentirent, pacti omnes simul vitam & fortunas suas, qvum in deditionem venissent, libere abire jussi. Ita Fionia tota denovo deficiens, haud post multo qvam Regi designato fidem suam obstrinxisset, ad Comitum redit.

Hamburgenses autem, dum haud minus Lubeeenses domi obsessi periclitantur, quam per Comitum in Dania prosperantur, ut ab utrisque gratiam inirent, junctis sibi quibusdam civitatibus Vandalicis, paci & amicitie inter Ducem & Lubeeenses sedulo operam dant. Missi eo a Rege *Ditlevus Reventlovius*, præpositus Reinebecanus, *Magnus Munccius*, *Johannes Frisius* & *Wolfgangus Vrbenbovius*. Sed qvum pluribus diebus tentata permulta essent, nullam tolerabilem pacis conditionem Lubeeenses admiscere: rati enim res suas florentiores esse, & meliorem in Dania fortunam, quam ut ad æqua cum Rege descenderent. Nam *Christianum*, etiamsi diutius in obsidione ad urbem sedeat, frustra laboraturum sperabant: interim vero ipsi regnum defe-

An. 1534. deferendum, quod in discordia intestina plebis & procerum non difficile sit vel armis, si ita necesse, expugnare. Ita ipsi conventum hunc adiere quidem, sed ad pacem non magno opere inclinati, vel hoc etiam indicio, quod militari more per urbem promulgari iusserant, ut quæ Lubecensium merere stipendio vellent, ad ædes diversorii nomina daturi convenirent. Nec dubitabat *Christianus* Rex designatus, irritam fore legationem, ac Lubecenses pacem non nisi segniter & magno suo commodo admissuros: qui & ipse idcirco non destitit copias suas undique collecto milite augere. Ac, præter auxilia aliunde adducta, ex Brunsvicensibus turmam equitum ad bellum egregie instructam in Jutiam præmisit.

Comes jam in Dania trium provinciarum, videlicet Scaniae, Selandiae & Fioniae, vires adjunxisse sibi visus, harum gentium ambiguum aut adversum nihil metuebat. Restabat igitur adversus Jutos major moles, quod ea provincia reliquis magis populosa. Eo præmiserat ad concitandam plebem, quos Malmogiae invenerat, *Clementem*, *Thomam*, *Hermannum*, *Johannem Friccium*, & *Olaum Clintium*, nauceros omnes & nobiles inprimis piratas. Socii ii *Cnipovio* fuerant, qui a *Christierno* captivo ex Belgio in oceanum missus, ut mare navigantibus infestum faceret, ab Hamburgensibus captus, scelerum poenas dederat. Sed hitum evaserant, & ubi *Christierni* partibus favor erat, se continuerant, expectantes rerum mutationem, quæ hoc tempore incidit. Horum projecta audacia usus Comes, fortunam suam in Jutia tentandam statuit. Addidit naves & militem, quantum sibi detrahare per metum periculorum poterat: Apulere hostes, duce *Clemente*, Allaburgum, non obscurum Jutiae septentrionalis oppidum, eoque non ita magno labore potiti, quum auspiciis captivi Regis rem geri fidem facerent. Sed & arx, quam tenebat *Petrus Luchius*, haud multo post dedita. Inde in Veniliam transgressus *Clemens*, totam plebem rusticam ita commovit, ut vix esset pars aliqua provinciae ejus a rebellionem intacta. Injunctus enim terror omnibus, qui convectorum in horrea frugibus, timebant famem rei-

An.
1534.

reique familiari perniciem, si annona incendio, quod minabatur, corrumperetur. Ideo facile quosvis ad se pertrahens, duxit inde secum ex juventute rustica audacissimum quemque, qualitercumque telis armatum, eo milite adversus reliquos resistentes usus. Circumducens itaque undique per Veniliam hanc latronum verius quam militum turbam, adegit in verba Comitis, *Christierni* captivi nomine, quotquot reperit, intentatis minis mortis, carceris, incendii, aliorumque malorum, quæ extrema victi pati possint. Tum prædia nobilium complura direpta ac spoliata. Quorum quidam *Bago Grifius*, ulturus acceptam cum detrimento injuriam, facinus memorabile aggressus est. *Clementem* enim, ex vastatione & populatione Veniliæ reducem, Allaburgum accedit, amicitia & societatis obtentu. Quo dictis ejus fidem habente, nihilque sibi metuente, quum familiarior usus intercederet, captata occasione ei in pectus cultum *Grifius* adigit. Sed *Clemens* insidiarum metu inter coactos & infidos quotidie degens, se lorica intra vestes contexerat, ut in corpus ictus vulneris nullus penetrarit. Verum consternatus tamen repentino timore, *Grifio* elabendi locum fecit, qui infelix tentando egregium facinus, infeliciores evadendo fuit. Nam eqvo vectus, quum per vicos oppidi insequentes effugeret, correpta forte tegula a sutore quodam *Petro Bescheo* capite lethaliter vulneratur: inventusque haud multo post ad Hassæram paludem non obligato vulnere mortuus: Dignus profecto, qui perduellis cæsi gloriam tulisset, ni privatae injuriæ magis quam publicæ calamitatis vindex extitisset.

Hiscæ in Venilia gestis, *Clemens* latius in Jutia per conciliabula Allaburgo vicina seditionis contagium propagarat, ut complures indies spe prædæ & libertatis insana cupiditate ipsi accederent. Ac videbatur brevi impulsurus ad rebellionem totam provinciam, nisi progressu ad ulteriora prohiberetur. Itaque quod ope & consilio plurimum ea res egere videretur, Ransiam complures ex nobilitate conveniunt, ducentes quos poterant ex suis equites tam brevi temporis articulo ad prælium instruere. Eo misere etiam
an-

An. 1534. antistites suos, tum ut labantibus rebus una cum aliis succurrerent, tum per se plebi religionis reformatæ studio infestis. Accessit & *Justus Globeccius*, a *Christiano* cum ala equitum Germanicorum missus. Sed copiarum equestres omnes vix ad quingentosum equitum numerum ascendebant, peditum alterum tantum fere erat. Expectabantur enim a Rege designato quatuor vexilla peditum, quæ his Rarissimæ morientibus nondum accefferant. His igitur instructi copiis *Oligerus Rosacrantius* & *Ericus Bannerus*, qui universis præpositi, contra *Clementem* & rebellem plebem duxerunt: non quidem viribus & numero pares, sed commixtissime confisi, quod adversus inertem & ignaram belli multitudinem res gerenda esset.

Erat tum autumnus finis, quo tempore pluvis jugiter madefactum pingve solum, tota fere Dania solet per agros viasque lubricum & difficile præbere iter. Sed nihilominus regii idibus Octobris ad hostes venire, & in *Svenotorpio* pago prima nocte confedere. Quod ubi *Clementi* innotuit, fatigatis ex labore itineris requiem & reficiendi spatium haud dandum putabat. Summo igitur mane oppido plebis armatæ multitudinem sex millium & eo amplius educit. Et juxta paludes ad collem, pago quo regii pernoctarant imminentem, enisus, ibi aciem sistit, copiarumque regis pugna fecit. Arma erant plerisque pila, ex fraxino, corylo, aliaque materia, longiore cuspide præferrata, quæ isti nationi ab antiquo usitata, in hodiernum usque diem vel nomine saltem hisce regnis horribilia sunt. Alii fustibus, sudibus & clavis manus armarant, nudi corporibus, & quibusvis telis opportuni. Cornibus & tubis, seu cannis ligneis classicum agresti more caneant, tanquam armamenta sua in pastum acturi. Ita agresti quidem more male instructi fuere; sed fiducia ducis sui *Clementis* erecti, præmiorum spe ferociam animis tanquam præcepta victoria induerant. Regii quancquam ex iniquo loco & contra tantam multitudinem pugnandum esset: tamen potius cum periculo belli alcam tentandam, quam cum dedecore sibi fugiendum judicarunt. Itaque milites ita dispositi, ut

Glo-

Dani a fronte hostibus congredierentur; a latere *Iustus* An. *Globeccius* impressionem faceret: Dirimebant utrumque I534.
exercitum interjecti agri, lata quidem planitie, sed argilla & cœno impervii. Eos ingressis regiis, quum onusti fessoribus cataphractis equi altius calcaribus adigerentur, tenaci solo, aut vestigiis hæserunt, aut cœno cum fessoribus volutati ceciderunt. Ea summa regiis clades, quod nullo equorum vel armorum usu, rebellibus corpora impune fodienda & pulsanda præbebant, qui agresti ululatu in equites inventi, immemores fidei, pietatis, clementiæ, immotos jacentes, quos poterant, trucidarunt. Inprimis autem nobilibus infesti, mutuo hortatu se incitabant, densarent ictus, cruribus ferratos & munitos neci darent, proceres & equitum primores perimendos designantes. Alii equorum latera haurienda fremebant, fessores eis deturbatos facile obnoxios fore. Quo factum, ut eo prælio plerique nobilium, qui interfuere, cæsi sint: reliquorum magna pars fuga se periculo subduxit. Occubuere autem ante alios noti, *Oligerus Rosacrantzius*, *Nicolaus Broccius*, *Andreas Hacco*, *Christianus Scrammius*, *Ericus Flemmingus*, *Johannes Julius*, *Georgius Clementis*, *Andreas Guldensternius* aliique plures, sepulti simul in cœnobio Agrimariani. Vivi in potestatem hostium venire *Albertus Goyæus*, *Johannes Crabba*, *Franciscus Povissius*, qui Allaburgum in carcerem abducti. Verum qui fuga dissipati evaserant, diversis itineribus Rannesiæ congregati sunt: quorum *Iustus Globeccius*, metune an dolo fervente improspere pugnae, Danos deserens effugerat. Quo nomine reus, aliquanto tempore in diversorio tanquam libera custodia attinebatur, post dimissus.

Clemens cum suis hanc victoriam adeptus, ne aut illam corrumpere sedendo ipse, aut manus seditionum torpescerent, late per Jutiam arma efferebat. Pugnantem pro libertate, ut ferebat, favor popularis insignis habebat. Itaque in septentrionalibus Jutiæ numerus seditionum indes augebatur. Si qui essent malo seditionis intacti, contra voluntatem adigebantur, ut ducis jussa facerent. Ita & illi quotidiano usu illecebrisque facile similes ceteris efficiebantur. Hoc pacto in Himeræis & Lovarris, Vigoburgicæ dioceseos, defectio

An. 1534. non invalidas vires habuit. In Harfalis, Ripensis dioceseos, nihilo infirmior, ubi regia Lundinusia cum aliis cremata. Ultra Scerimoum amnem ipse tamen non progressus, in Varvitiam ex suis *Hermannum*, quo legato utebatur, misit, qui directum antilitis Ripensis castellum Lonnoburgum exussit. Tum perculsi terrore Varvitiani accepere *Hermannum* pacate, qui in oppido opperiens, ad ulteriores progrediendi opportunitatem prætolabatur. *Clemens* ipse suos inde ducens ad orientales Jutos movit. Ibi ad Rannesiam oppidum in *Monte filicum* castra communivit, ut oppidum caperet. Sed tuebantur id, qui fuga incolumes ex pugna Allaburgica huc venerant, simulque quatuor militum signa, a *Christiano* contra hostes missa. Itaque aliquoties oppugnatio tentata infelicitè rebeli plebi cessit. Nam quia tormentis destitutus *Clemens* erat, languidior erat & minus formidabilis eorum impetus. Quin rustici complures ebrii & infani, nulloque ordine ad portas ruentes, tanquam ipsis paterent omnia, magna caede repulsi sunt. Quæ *Clemens* clade accepta, metuens milites qui modo Rannesie erant, auditoque plures adventare, retro Allaburgum copias suas raptabat, inter vias populatus agros & nobilium complurium plurium prædia exurens. Ac involuti calamitate publica omnes, quæ iter rebelles habuere, aut consortes facinorum, aut egregie ad cuncta dissimulantes.

Quæ omnia impune acta, donec *Christianus* obsidione Lubecensi, quam deferere turpiter non poterat, abstraheretur. Mox vero ibi de pace agi ceptum, *Henrico* Duce Megalopolitano, Philippo Landgravio Hassie, Senatu populoque Hamburgensi, Senatu populoque Luncburgensi, arbitris. Sed Landgravii, Hanaburgensium & Lunaburgensium legati missi ad hanc rem fuerant: Megapolitanus ipse aderat. Urbem ingressi arbitri cum obsessis colloquuntur, quibus afflictis fame & inopia non difficile erat pacem pervadere. Tum Regem designatum adcentes Stokeldorpî, impetrant etiam ab eo æquum responsum. Tandem pax ita convenit, "ut Rex obsidionem urbis solvat, nec Lubecensibus

„bus ulterius bellum faciat. Lubecenses vicissim bellum ab An.
 „Holsatia abstineant, nec Comiti iis in partibus suppetias fe- 1534.
 „rant. De regno Danie autem sine fraude utrinque dimica-
 „re & vires periclitari integrum sit. Captivi utrinque etiam
 „sine pretio dimissi, & nominatim *Afchylus Billens* cum sua
 „familia. De damni accepti restitutione, utra pars sumtus
 „læsis refunderet, cognitio eorum esset, qui se pacis arbitros
 „obtulerant, eaque cognitio intra annum terminanda. De
 „qua controversia pronunciatum, & condemnati ad solven-
 „das impensas Lubecenses. Veruntamen *Christianus* gra-
 „tiam collegio Lubecensi fecit, rogatu *Ditlevi* antistitis. In
 „has leges utrinque cautio litteris data. Causa Danica id-
 „circo in medio quasi relicta, quia Lubecenses putantes sibi
 „a Danis multa deberi, ob accepta a Belgis damna, jure
 „belli ibi acquisita relinquere noluere, præsertim rebus ad vo-
 „luntatem fluentibus: *Christiano* ea in Deo fiducia & in ar-
 „mis spes, uti regnum sibi legitime delatum favente Numine
 „e manibus hostium eximere haud dubitaret. Nec cunctan-
 „dum ratus, ut Danis opem ferret, Comite Fioniam tenen-
 „te, & *Clemente* per Jutiam impune grassante, chariorem esse
 „oportere Danorum salutem, quam de Lubecensibus victo-
 „riam existimabat. Itaque hæc cura ad regnum liberandum
 „animum ejus a bello Lubecano inflexit.

Ducens vero *Christianus* jam in Daniæ copias, ex itinere
 ad *Gostavum* affinem de pace Lubecana perscribit, petens argen-
 „tum promissum exsolvi. „Nam stipendio opus esse militi sol-
 „vendo, ut ad novum bellum alacriori animo duceretur. *Ma-*
 „„*riam* Burgundicam oratam auxilii nihil præstitisse. Ne se velit
 „ille ab affini sejungere: sperare exitum belli fore, quem
 „uterque optaret. Expectaturum *Gostavum* vicissim a se
 „præsentem opem, si aliquando usus veniat. Nec defuit
 „*Gostavus* promissis, a periculo Danis imminente haud alienus.
 „Lubecenses & ipsi, parta pace, & compositis domi rebus,
 „post restitutionem prioris senatus, & abdicationem cen-
 „tum sexaginta quatuor virorum, militem suum qui urbi
 „præsidio fuerat, cum supplemento, Comiti in Daniæ auxi-
 „lio mittunt, duce *Marco Mayero*. Adjunctus illi *Sebastia-*

An. *nus Gessenus*, nothus *Friderici* Electoris Saxoniae, turmam
 1534. equitum ducens, & *Iustus* Hoyensis Comes, parti exercitus
 & ipse praefectus.

Sed regiae copiae jam occupant alias Daniae partes ingredi, quas ipse Rex mox sequebatur. Erant in exercitu ejus, qui in Jutiam ducebatur, equitum duo millia, quibus juncti Globecciani & alii antistitum ac nobilium auxiliares: peditum erant undeviginti signa, quibus quatuor praemissa auxilio contra *Clementem* adjecta, praeter alios domesticos delectu passim habito scriptos. Haec copiae tum sufficere visae, quod nobilitas pleraque cum *Christiano* animis juncta, nec plebs religionis studio ab ipso averfa, etsi seducta a malis consultoribus rebellionem consenserant. Accessit viribus prudenter ordinatae & constitutae per eas partes reipublicae gubernatio, tradita moderatis & gravibus viris, *Acouii Billeo* antistiti, & *Magno Goyaeo*, qui Arrusiae jussi se continere, ut inde militi necessaria in stipendium & commectum submitterentur. Duces autem copiis praefecit viros bello egregie exercitos, *Joannem Ranzonium* & *Ericum Bannerum*, utrique summam rei militaris ex aequo commendans. Hi mox accepto milite a Rege, junctoque eo, qui per vias accessurus erat, arcem rebellium cum ipso duce recta petunt. Senis castris ad Allaburgum veniunt, ubi *Clemens* cum seditiosa plebe eos opperiebatur, jam ex diffidentia & metu se mœnibus tutaturus. Obsessum igitur mox undique oppidum, & acriter a militibus incursum. *Clemens* cum suis ad paucos dies impetum oppugnantium sustinuit. Brevis segnior facta plebs, animi ferociam exuit, & ad tempus summa fiducia elanguit. Expugnato igitur oppido, praeda ingens victori cessit; Recuperata enim, quae rebelles passim vastando & diripiendo corraferant, quibus civium facultates accessere. Omnes sexus virilis, qui adultae aetatis erant, ira hostili trucidati: pueris innocuis & feminis parcere jussum est. Occubere ibi ex plebe rustica ad duo millia; reliqui fuga in Veniliam dilapsi. Qui svafores fuerant & auctores rebellionis publico supplicio affecti. *Clemens* ipse supremum seditionis caput, capto oppido, inscendens

An.
1534.

dens equum ad hoc freno paratum, evadere conatus; sed a rustico quodam *Gaspere Riemanno* a fuga retractus & captus est. Missus deinde ad Regem Collinam, biennium fere duri carceris squalorem toleravit: donec, pacato tandem regno, judicum sententia perduellionis & majestatis damnatus, dignam nefandis sceleribus corpore poenam huius, uti loco reddemus. Præmium *Riemanno* ob captum *Clementem*, pro re gesta exiguum, sed petenti tantum datum, ut immunis ipse & liberi villam, unde vitam tolerarent, possiderent. Inter alia naves etiam, quæ complures in anchoris stabant, in prædam venere victori, tum aliæ, tum quibus *Clemens* eo vectus fuerat. Unde statim nobiles, quos ex infelici pugna captos diximus, carcere liberati ad sua rediere. *Hermannus*, *Clementis* sive legatus, sive ille socius, in australibus Jutiæ partibus eodem fere fato usus. Nam ab *Johanne Rantzovio* Vardis inopinato circumventus necatur. Quos secum & ille traxerat, ne in rebellibus deprehenderentur, se ejus societate eripuerunt. Ita sublati seditionum præcipuis ducibus & plebe sedata, confedit rebellio. Quæ tamen ut penitus extingueretur, nec ex scintillis reliquis incendium resuscitaretur, passim per Jutiæ oppida milites regii in hiberna divisi. Sed deinceps in Jutia nihil a rebellibus motum.

Comes vero interim, dum Rex designatus per duces suos bellum in borealibus partibus contra seditiosos gerit, in Fionia securus hæret. Eum quum *Christianus* fide data & accepta ad colloquium invitasset, venit prope Collinam, habens secum *Tuconem Crabbam* & *Andream Billeum*, quibus, Senatu regni jam tribus in provinciis sibi obnoxio, consiliariis præcipue utebatur. Actum ibi de pace aliqua tolerabili, quam Rex afflictæ reipublicæ omnibus modis præoptabat. Sed ubi ventum ad ferendas conditiones pacis, nimis quam iniquum Comes postulabat. Rex designatus æquas conditiones haud abnucebat, pecuniam Comiti offerens, si regno cederet & provincias occupatas traderet: ratus enim satius jacturam facere pecuniæ, & bello defungi, quam opes regni simul in militem erogare, & fuso

An. 1534. sanguine humano tandem pacem quarere. Comes contra volebat Regem designatum Jutiæ finibus contentum esse, & *Christiernus* captivo Fioniam, Selandiam, Scaniam cum Norvegia restitui, quas a se tradere certis legibus vellet. Verum Regi designato & consiliariis discerpi regnum non placuit, quod unius imperio inde usque ab initio administratum. Fore enim, ut nunquam inter se in securam amicitiam coalescerent, quod, utroque regnum participante, alter ab altero teneri existimaturus esset quod sibi deberetur. Ita belli metum & diffidentiam utrinque hæsuram animis, non quieturis, nisi amissorum recuperatione desiderio expleto.

Ita re infecta Comes cum suis in Fioniam reversus est. Ibi tum confestim comparat omnia ad arcendum insula Regem, si forte cum suis trajicere conaretur. Arcessit copias Midelfariam, quantas necesse, quæ præsidio oppido essent. Naves & scaphas ex utroque litore submovet, quibus milites hostium transveherentur. Hic illicet præsidia distribuit, ut in fide oppidanos retineat, duces promissis onerans, ne in officio sequecerent, denique omnia alia agit, quæ ex usu existimabat. Tum rebus pro tempore ita ibi constitutis, ipse Hafniam propere contendit, quo conventum nobilitatis Scanicæ & Selandicæ indixerat: quæ jussu ejus frequens mox aderat. Cunctis in arcem evocatis, collaudata prius eorum fide & obedientia, multaquæ de suo erga eos studio jactans, tandem pecunia sibi opus esse ostendit, quæ militi in stipendium numeranda esset. Se jam pro regni „salute cuncta impendisse, & a fociis grave sibi ulterius „sumtus bello flagitare. Petere igitur torques, armillas, „mundum & cultum muliebrem cum suppellectili argentea „in medium conferri, ut inde moneta cudi possit. Hoc „eos minus ægre sperare laturos, quod de protectione & „salute universorum agatur, quos delitui & jam hostibus „exponi, tum sibi probrosum, tum ipsis exitiosum futurum. Quod ni fieret, ac si præstare hanc opem detrectarent, metuendum, ne milites, spreto imperio & disciplina, irruerent ipsi in nobilium prædia, & in prædam suam „om-

„omnia verterent.„ Nobilitas in ancipiti malo, hinc ini-
qua Comitum exactione, inde metu direptionis versans, vim
ingentem pecuniæ pollicetur: mundum muliebrem & reli-
quum ornatum uxorum & filiarum excusat; suæ potesta-
tis non esse, quæ iis per vim extorquere, caritate conjugali
& paterna vetentur. Gentes omnes ab humanitate cultas
rata donatione huic sexui ea tribuere & conservare. Co-
mes, adactis huc nobilibus contra fidem datam, quæ
immunitatem promiserat, pecunia se contentum fore
ostendit.

An.

I534

Dum de his consultatur, *Georgius Malmogianus* &
Ambrosius Hafnianus, cum octoviris recens lectis, & magna
oppidanorum multitudine in arcem prorumpunt, & intro-
missi in Senatum, queruntur de proceribus regni, crimini
dantes, quod eorum culpa hoc excitatum esset bellum.
Christiernum inique captum, quod plebi æquior fuisset. Eos
plebi infestos, non posse ne semel miserorum hominum
sanguine expleri. Quæ in nobilitatis invidiam eo crimina-
bantur, quod rati fore uti Comes captos proceres e medio
tolleret. Sed ille eos ita a se dimisit, & quietem oppidanis
imperavit. Sibi curæ fore, ipsis ope & consilio subvenire-
tur. Quo responso irati plebei arce excedunt. Iis digressis
Senatus de hac plebis insolentia & importunitate ad Comi-
tem sollicita oratione disserere cepit, se iussu ejus conven-
tum hunc obiisse, nec ullum periculum a plebe sibi me-
tuisse; Nam ex quo ei fides data, nulla eam parte viola-
tam, nec a se maleficio ullo plebem esse læsam. Quid
patres contumeliæ & injuriæ apud infensos maneat,
quum in urbem redirent, præsciri haud posse. Æquum
esse protegi, qui bona fide, ad parendi studium ostenden-
dum, accessere. Comes paulisper cunctatus respondit;
non jam primum querelam eam ad se allatam, sed sæpius
id crimen senatui regni & nobilitati, plebeiorum accusa-
tione impositum. Moderarentur iræ, & metum pone-
rent, se plebem interpellasse, & a primoribus stipulatum,
ne quæ vis hocquidem tempore in Senatum fieret. Sena-
tores, hoc audito, dissimulavere qualitercumque acceptam

An. a plebe injuriam, sed de cetero, ne se periculo denuo committerent, inter se composuere.

1534.

Ubi rediere dimissi a Comite quisque domum suam, quo plebis indignatio spectaret, experiebantur. Nam perlata tandem fama de clade accepta in Jutia, ut nobilium vires adhuc sibi formidabiles attererent, ne sibi forte idem quod Jutis accideret, tum milites tum oppidani ac rustici crebris agminibus per Scaniam & Selandiam in prædia eorum irruerunt, prædasque inde egerunt: quosdam eorum capientes, alios ingenti pecunia multantes. Nec sceleris ac petulantiae ullum fecere modum, connivente ad omnia & silente Comite. Infesta plus solito nobilitati plebs, ob cæsos in Jutiâ rusticos, infestiorque Comes ipse, quod a *Gostaco* in Scaniam missus exercitus esset, quem procerum fraude in suam perniciem arcesitum existimavit. Infcius enim, *Christiani* rogatu *Gostavum* sollicitatum, quum is, in Jutia Rex designatus, auxilium ex fœdere petiisset.

Erant autem, quæ tum mittebantur, hæc auxilia, septingenti equites, & peditum signa quatuor, ducibus *Johanne Tironio* & *Laurentio Sigonio*. Verum cunctantius & lentiore gradu miles Svecicus progressus, quodque in Hallandia parum prospere pugnasset, non magnopere a Comite timebatur. Nam Hallandiæ finibus hæcenus se tenuerat, ut Varbergam & Halmstadium in potestatem redigeret. Ad Varbergam oppidum, quod pro Comite tum faciebat, obsidio infeliceiter eis cesserat, quumque aliquoties id oppugnassent, cæcis pluribus repulsi sunt. Tandem vero postquam frustra in plures dies continuata fuisset obsidio, actum a *Claudio Billeo* & *Trugoto Vistandio*, ut oppido & arci junctis idem animi & studii adversus Regem designatum esset, utque in ejus fidem se dederent. Ita ab Varberga discessum & tum ad oppidum Halmstadium exercitus ductus, ubi nihilo feliciter tentata oppugnatio. Nam bis urbem invadere scalis aggressi Sveci, magna clade affecti fuerant, pueris & foeminis faxa volventibus & ignem injicientibus haud segnius, quam viris armis eos propulsantibus.

Jam.

An.
1534.

Jamque desperata oppugnatione, incensis castris, Sveci discessum adornarant, quum sublato clamore oppidani in mœnibus laudes Deo pro victoria contra hostes concinuerunt. Quod in contumeliam & contemptum suum Sveci accipientes, retro agmen vertunt, & acriori effervescentis iræ stimulo concitati ad oppugnandum oppidum omnibus machinis se parant. Quod ex mœnibus cives conspicati, extrema jam metuentes, tentare quid animi obsidentibus esset, priusquam denuo ad arma venirent, voluere. Missus igitur alter duumvirum, cum paucis civium, sciscitatur, cujus auspiciis oppidum oppugnatum venissent, & cui deditioem fieri velint. Quibus ut responsum est, Regi Daniæ designato se auxilio missos esse, ei deditioem oppidi petere, omnium nomine pollicentur in ejus fide oppidum futurum, se dominum agnoscere velle quem regni Senatus & proceres Regem sibi designassent. Ita deditio facta, & in verba *Christiani* cives jurejurando adacti.

Sed dum oppidum oppugnabatur, tum demum Corniti de adventu Svecorum allatum. Qui ingentis ea parte periculi haud dubius, non negligendam rem Scanicam putavit. Itaque ad quatuor signa peditum, qui recens Lubeca adveſti duce *Marco Mayo* Helfinoræ hibernabant, quinque aliis adveſtis, quibus *Johannem Hoyensem* Cornitem, *Michaëlem Bliccium* & *Olavum Giglerium* præfecerat, in Scaniam simul omnes trajicere jubet. *Georgium* deinde *Coccium*, cum Malmogianorum & Coronensium civium tribus signis, eis accessurum evocat. His peditibus, ad duodecim firmiter signa, auxilio Halmstadianis ire mandat. Sed post oppidum deditum serius accedentes, quum fines Scaniæ ingressos Svecos comperissent, citato agmine ad inferiora Scaniæ refreant, correpti metu, quod se hostium equitibus haud pares fore opinarentur. Inter vias autem ne tardarent reditus celeritatem tormenta, quæ advexerant, eorum unum majus in amnem prope *Engelholmiam* demergunt: Alterum haud multo post nimio pulvere ultro ingesto rupe-runt, ne in hostium potestatem venirent. Comes autem non satis adhuc gnarus rerum ad Halmstadiam gestarum,

K

pre-

An. 1534. præmissis peditibus pone sequi iusserat *Sebastianum Gessenium*, qui equites in Scaniam ductabat. Sed is, privato consilio an iussu Comitis incertum, quum mandatum accepisset, ut Coroneam adiret, ac se ibi conjungeret equitibus nobilium, qui ex edicto Comitis accessuri erant, Lundiam ad prædam capiendam deflexit, ubi inventum summum Daniae antistitem *Torbernium Billeum* cepit, & secum ductum in custodia habuit. Tum inde Coroneam abiens, oppidum ipse ingressus, illud confestim suæ potestatis fecit, & cives sibi ad quodvis imperium dicto audientes esse iussit.

Venit demum dies, quo equites nobilibus Scaniae imperati Coroneam venturi erant: præmissa fuerant impedimenta & necessaria omnia, ut hospitia parata haberent, quo advenientes commode diverterent. Quocirca *Gessenius*, tanquam hoc honoris proceribus Daniae daturus, & hospitii copiam facturus, eductis suis equitibus oppido cesserat, relictis tamen peditibus, qui ibi præsidio fuerant. Sed erat officii simulatione dolus compositus, quem ad proceres quidam clam enuntiaverat. Indici referenti a Comite mandatum *Gessenio*, ut nobiles capti Hafniam mitterentur, facile fides habita. Nam captum jam summum pontificem audierant, qui a *Gessenio* Helsingburgum, ibi servandus, in coenobium mittebatur, inde tamen a *Tuccone Crabba* exemptus. Hinc metu percussi, ne eadem sors se maneretur, formidabant. Ac postea apparuit non de nihilo hoc fuisse. Nam quum nobilium equites non venirent, ratus, quod erat, *Gessenius* proditam indicio fraudem, in impedimenta & calones omnem iram effudit. Itaque ex composito spoliata & direpta omnia a militibus, *Gessenio* noctu reverso ignarum se omnium simulante. His aliisque perfidia exemplis periculi magnitudinem metientes nobiles, ut erant eorum jam congregati quingenti equites, duce *Accio Brabeo*, & vexillifero *Christophoro Hvitsfeldio*, abjecto consilio proficiscendi Coroneam, Veiam se conferunt. Inde per conciliabulum Gothorum errant, & pagos vicinos, dubii an ad sua quisque redirent, an Varbergam, Bahusium, Aggerusium castella ingrederentur, donec melior spes affulgeret.

Dum

Dum hæc inter se consultant, adfertur Svecicas copias Scaniam ingressas. Eo rediit animus Scaniam haud deferendi. Ac confestim ad Svecos *Johannem Turonium* & *Laurentium Sigonium* mittunt, petunt ut ocyus ad inferiora Scaniæ descendere velint, se e vestigio eis accessuros. A quibus accepto commodo responso, mox Scani Comiti fidem renunciant. Exprobratum ab descendentibus, „venisse cum in Daniæ, non indicto legitime bello: Invitos se & „coactos sacramentum dixisse: Videre non esse ei vires & „potentiam, quibus possint defendi; Sed & contra fidem „captum summum antistitem: nec ab ipso Comite denunciatum periculum, quod ipsis pariter a *Marco Mayero* & „*Coccio* struebatur. Itaque quum nec ejus protectione securi esse queant, nec hactenus promissorum fidei tuto inniti licuerit, ne expectet quam non servavit fidem, sed se „aliud præsidium, quod cuique promptum, quæsituros.

An.
1535.

Nec mora facta, equites Scani cum Svecis se jungunt haud procul Engelholmio, ubi mutuo data acceptaque fide, se Regis designati auspiciis per Scaniam bellum circumlatores promittunt. Tum inde simul versus hostiles copias movent, quæ reversæ Halmstadio Helsingburgi ex fuga substiterant: Nam Høyensis & *Giglerius* saltem in Selandiam transfretarant; *Mayerus* & *Georgius Coccius* cum *Bliccio* in oppido stationem militibus ceperant. A quibus, dum ibi hærent, enixe laboratum, ut castellum, quod paucorum, suorum tantum ministrorum, præsidio *Tucco Crabba* firmarat, in potestatem dolo redigerent. Modo unam, modo aliam fraudem commenti, per speciem amicitiae cum accessere. Sed eos certo numero militum comitatos adesse jubet, nec plures admissurum, quam quibus par cum suis esse possit. Deinde quum ea ratione nihil efficrent, petunt, ut tormentum majus servandum in arcem accipiat; sed hunc astum ita redarguit, ut pontem ligneum ferendo ponderi non esse responderet. Itaque spe semel atque iterum frustrati, quum de *Crabba* fide dubitare inciperent, castra in oppido & cœnobio vicino collocant, ut quavis ratione aut noctu scalis inscensa arce, aut vi ea expugnata potirentur.

An.
1535.

Sensit hoc agi *Crabba*, nec ignarus erat, quid sibi immineret, si res obsidentibus ex voluntate succederet. Tum suos convocatos paucis in hanc sententiam affatur: „Obnoxium se quidem Comiti sacramento, nec id diffiteri posse. „Manfisse hactenus in fide data, nec eam fuisse deserturum. „Nunc autem quid a Comite quaeratur, manifestum. Nam „non hoc agi, ut fide data cum uxoribus & liberis incolumes sint: sed ut proditi ad ludibrium hostium, & tandem ad necem trahantur. Id haud dubie *Georgio Coccio* „aliisque propositum, qui insidias & vim arcis parant. Rogare, ut insidias vigilantia evitent, vim praesentis animi „fortitudine repellant. Non se iis deserturum, sed ad extremum cum illis halitum pugnaturum. „Illis fidem & alacritatem promittentibus, *Gaspri Frisio* turrim commendat, adjunctis iis, qui tormentis pilas ejaculari norant, ipse inferiora arcis cum reliquo milite tutaturus.

Jam diei itinere aberant Helsingoburgo Sveci, junctis Scanorum equitibus, quum consultare inter se duces incipiunt, quo consilio uterentur, progredierentur ad arcem, an ibi subsisterent. Nam incerti erant, *Crabbane* in Comitibus fide persisteret, an vero ab eo sibi auxilium expectarent. Qui vicissim anxius erat, extrema a *Coccio* & *Mayero* metuens, si arcem occupari contingeret. Tum principibus Scanorum, qui erant *Accius Brabens*, *Oligerus Ulstandius*, *Magnus Guldensternius*, *Accius Vgeropius*, visum, ad oppidum ducendum, ut ex loco praecipiti in hostem tutius impetus fieret. Vespera autem diei castellum accedentes, noctem eam quieti dederunt. In alterum diem cessatum etiam ab armis, quod castra hostium non nisi refecto milite oppugnare placuit. Tum a *Crabba* noctu emissus nuncius adfert, cum pariter hostes in oppido oppugnaturum, & junctum cum Svecis & Danis esse velle. Quo nuncio laeti tandem tertio die oppugnare oppidum incipiunt. Primum autem tormentis res acta, quibus in oppidum fulminabant. Ac dum rari globis icti cadunt, arcem animo intrepido oppugnant. Postquam vero *Frisius* e turri castelli pilam ingentis ponderis ejaculatus, quatuordecim milites Malmog-

gia.

gianos uno ictu stravit, tunc perculsi hostes, qui ab arce ad quemvis ictum se expositos videbant, terrorem haud celantes, domibus se occultant. Unde additus animus Scanis & Svecis, ut alacrius in oppidum ruerent. Cæsi igitur Lubecensium milites universi: ex reliquis pauci superfuere qui vivi in potestatem venere. Inter quos *Mayerus & Bliccius* capti, cum *Christophoro Hoccio & Petro Geldro*, Ducis Geldriae notho. *Georgius Coccius* se clam subducens, persequentium manus vix evasit. Qui seu præfagiens infaustum pugnae eventum, seu insito metu, scapham sibi in portu ad fugam pararat, qua tandem Malmogiam incolumis apulit.

An.
1535.

Captorum eo prælio alius alio in custodiam traditus: *Petrus Geldrus* Heccebergam missus asservabatur, ubi scissis stragulis lecti lincis funem nexuit, quo se fenestra dimittens evasit. De *Mayero* nonnihil contentionis inter Danos & Svecos fuit, utrisque sibi ejus capti gloriam vindicantibus. Sveci victoriam eam suam asserabant, quod numero militum superarent, ideoque *Mayerum* ad Regem suum mittendum. Dani contra niti, cum in cœnobium fuga elapsus, Danorum fidei se permisisse: quum audita ab eo vox, quod mallet vitam perdere, quam Svecis se dedere. Sed lis ita diremta, ut *Varbergam* mitteretur, servandus tantisper, dum inter Reges conveniret, cujus ille captivus foret. Id interim cautum, ut si in Sveciam mittendus esset, fide publica securus vitæ esset. Eam curam hostis, etiam magna injuria laceffiti Dani habuerunt.

Sed beneficium postea maleficio *Mayerus* rependit, insigni perfidiæ exemplo edito. Præses castelli *Varbergæ Trugotus Vlstandius* erat, cujus fidei servandus traditur *Mayerus*. Is hominem bellica laude haud vulgarem judicans, ideoque virtutem honorans, comiter & laxè eum in custodia habuit, ita ut accepto fidei sacramento, animi gratia venatum secum aliquando duceret. Ac tum quidem oppidani a præside & præsidariis castelli diffidebant; hi Regis fidem sequentes, illi iterum Comiti adherentes. Quo diffi-

An. dio durante nihil molitus *Mayerus*, continuat fe in fide da-
 1535. ta. Tandem ipfius confilio inter præfidem & oppidanos
 ita convenit, ut eventum belli ad certum tempus otiofi
 fpectarent: interim cunctis commeandi ac redeundi pote-
 ftas utrinque fine fraude & maleficio efferet. His quali indu-
 ciis pactis, *Mayerus* facerdotem, qui facra in castello facie-
 bat, corrumpit, ac per eum ſibi Germanos quosdam mili-
 tes ex præſidiariis conciliat, ut cum oppidanis militibus de
 capiendò castello componerent. Placuit dolus promiſſis
 magnis erectis & nefariæ prædæ avidis militibus. Itaque ſca-
 lis ex ſparteis funibus confectis, eiſque ad feneftram arcte
 alligatis, qua *Mayerus* cœnaculum ſuum habuit, eis aſcen-
 dunt præſidiarii oppidi octoginta. Hos *Mayerus* in cœna-
 culum ſuum accipiens occultavit ad multam diei lucem.
 Præſes ab oppidanis nullas ſibi inſidias metuens, pro morè
 comitatus a plerisque ſuorum, prodierat extra portam ca-
 ſtelli, ut rem familiarem in propinquo prædio viſeret. Ibi
 erupit *Mayerus* ex inſidiis, & confectim portæ cuſtodes ob-
 truncat, eamque obſerat. Tum milites, alioſque præſidis
 miniſtros, nullo motu huc illucque ſparſos, e medio tollit.
 Pauci in turrim evaſere, quibus fuga ſaluti fuit. *Viſtandius*
 præſes, trepidantibus & diſcurrentibus undique multis, ad
 portam ſe curſu recepit, quam ut ſibi oclufam vidit, aſpor-
 tari jubet malleos & trabes adigi, ut iis porta rupta pateret.
 Sed dum hæc ad portam molitur, inclamant, qui in turrini
 evaſerant, ex oppido armatos ad caſtellum appropere.
 Quare coactus *Viſtandius* eqvos cum ſuis inſcendit, & vix
 quidem ita evaſit. *Mayerus*, captis ibi conjuge *Viſtandii*
 cum liberis, ingentem conſecutus eſt prædam. Nam tum
Viſtandius ipſe ſua huc contulerat, tum *nobiles* in viciniâ
 habitantes res quasque ſuas pretioſas ſecuritatis cauſa ibi de-
 poſuerant. *Accius Goyæus* inprimis haud exiguo damno
 affectus. Ita tum oppidum, tum caſtellum in hoſtium
 poteſtate fuit, miſſusque a Comite navigio commeatus, ut
 nihil deeſſet.

Viſtandius mœſtus conjugis & liberorum captivitate,
 & perfidiam *Mayeri* incuſans, Deum ultorem ſeſteſti faci-
 no-

An.
1535.

noris inclamavit. Ipse dubius consilii, nec quæ tuto ire posset certus, tandem ad nobilitatem Scanicam, quæ Lundiam ex prælio Halsinoburgico petierat, se contulit. Nam relicto modico præsidio Halsinoburgi copiarum regiarum, nihil resistens oppidanis, huc ingressus: quibus se *Vstadius* jungit. Sed ante ejus accessum, missus ad Regem designatum fuerat *Christophorus Hvitsfeldius*, ut nuntiaret, quæ fortuna Halsinoburgi adversus hostes sit pugnatum. Jam Scaniam fere totam rediisse in fidem procerum, ac Regis partes sequi. Facile debellari posse, si una legio saltem mittatur. Teneri Malmogiam & Coroneam hostium præsidio, contra quod majoribus viribus opus sit. Reliqua oppida & plebem dicto audientem esse, & proceres ei navaturos insignem operam ad cuncta recuperanda. De rebus autem Varbergicis adhuc ignarus nihil memorare potuit.

Mox transvecta legio, quæ petebatur, stipendio Gostavi Sveci, (convenerat enim ut ab eo id solyretur,) in Hallandiam appulit, atque inde Lundiam adiit. Præerat hisce copiis tribunus *Albertus Belsicinus* rei militaris egregie gnarus. Sed hæcenus regii tantum Lundia ad prædam & populationes faciendas in agrum Malmogianum & Coronensem excursarunt. Hæc legione adjuncta, ad obsidendum utrumque oppidum se parant. *Holgerus Vstadius* & *Magnus Guldensternius* ad Coroneam obsidendam eunt, quam *Raymarus Valdius* præsidio tenebat. Primo accessu oppidi parte cremata, abigunt omnis generis pecora in prædam capta. Sed oppidum capere non poterant, *Raymaro* id haud segniter cum oppidanis defendente. Itaque tracta hic in aliquot menses obsidio. Malmogiam obsesum venerunt *Tucco Crabba*, *Accius Brabeus*, *Accius Vgeropius*, *Canutus Billens*, cum reliqua nobilium turba, qui vastatis ante agris, jam molas oppidanorum extra moenia exusserunt. Unde oppidani ira perciti, eadem clade compensantes, & ipsi ædes nobilium, quot in urbe erant, funditus everterunt. Sed munito egregie oppido, & defendentibus se fortiter, qui intus erant, obsidio diutius etiam hic tenuit.

Cete-

An.
1535.

Ceterum dum utrumque hoc Scaniae oppidum ita a regis premitur, ex edito convenientibus ad supremam Selandiae curiam nobilibus cum tota plebe, eo Comes etiam accedit; in comitatu suo ducens Hafniensium complures, quibus satellitibus utebatur. Actum hic a Comite, ut ultro tributa ad belli subsidium conferrent, quod eo loco res essent, ut sine insigni pecuniae vi subveniri non posset. Sed aegre erat aliquid impetrare a spoliatis, & magna injuria affectis. Id enim plerique nobilium querebantur, qui contra fidem publicam redempta haud exiguo pretio fortunarum incolumitate, a militibus tamen & furente plebe rapinis & populationibus vexabantur. Ex quibus *Anna Rosencrantzia*, foemina omni matronali decore ornatisima, pro auctoritate, qua in aulis trium ex ordine Regum, gynaeceo praefecta, polluerat, liberius aliquantum in militum insolentiam, ob acceptam injuriam indignata, invehebatur; simulque fertur constante voce enunciaisse, hac ratione *Christianum* nunquam ad regnum rediturum, se quidem viva. Quam libertatem, etsi non injustam; plebs sui enormiter impotens indignè ferebat. Itaque plures simul strictis gladiis eam impetunt, & matronam vel aetate venerandam multi armati foede lacerato corpore trucidant. Idemque fatum mansisset duas virgines *Annam* & *Sophiam Golobias*, ni aetatem & speciem miserati nobiles quidam, Comitis ministri, in superiora templi e media turba eduxissent. Hujus caedis a pluribus simul patratæ vindicta potissimum in Hafnienses vertit, quorum aliqui, post deditionem oppidi, noxae ejus convicti poenas dederunt. Mox sedato eo plebis motu, & impunitate tam enormis facti proposita, seu quod in multitudine nullus subijci reus potuit, nemine solícite per metum proprium inquirente, seu quod Hafnientibus, crudelitatis ministris, deditus Comes, eorum animos poenam exigendo alienare a se nollet, impetratur a toto populo auxilium. Nobilibus igitur pecunia imperata: ex plebe decimum quernque militem scribi placuit.

Sed tamen haud ignotum Regi, quantum virium Comiti milite Selandico accederet, tamen pacata Jutia &

re-

An.
1535.

rebus Scanicis non improspere cedentibus, bonam spem recuperandi totius regni ceperat. Opus autem erat navibus, ut fretum Oritanum, quod hostis classe infessum tenuit, pervium sibi faceret. Nam Hafniam & Malmogiam in freti istius angustias sitas, nec obsideri, nec hostibus eripi posse cernebat, ni commeatus navigio invehi prohiberetur. Itaque ad amicos & confœderatos, ut classem undiquaque compararet, naves petiit. Nam classis regni in potestatem hostium, dedita Hafnia, venerat. Misso ea de causa in Belgium, Angliam & Scotiam *Swaenio*, diversa data responsa, quæ tamen omnia in eo convenere, quod nihil auxilii mitti posset. Apud *Mariam*, opem ex fœdere rogatam, prævaluit recens cum Palatino contracta necessitudo, præ quam promissorum fides, quo minus passa aliquid a se impetrari. Quin contra inde legati ad patres missi, *Georgius Brixienfis* antistes & *Carolus Bredovius*, aurei velleris eqves & Imperatori a consiliis, nunciaturi conciliatas nuptias inter *Fridericum* Palatinum & *Dorotheam*, *Christiæ* filiam natu majorem, ideoque eum Regem Dantiæ designatum. Qua de re etiam litteræ Barcinone ad Senatum datæ. Anglus interpellatus de iis, quæ cum Lubecensibus ipsi intercesserant, pecuniam quidem mutuo datam haud inficiabatur; sed fœdus aliud quam a multis abhinc annis jam nuperum factum negabat: Affirmans tamen, nec *Christiano* vel cuiquam Principum aliorum in juris sui usurpatione molestiam creare, aut negotium facessere in animo esse. Quo accipiti responso, quum non esset ubi spes figeretur, quarentem *Swaenium*, eoque ejus tandem sententia, *Christianumne* an hostes in posterum fovere & juvare vellet? perplexo itidem hic sermone & intricatis verbis circumduxit, ac incertum a se dimisit. A Scoto flagitatum, potestatem faceret iis, qui vellent Regi stipendio militare, ibi naves suas instruendi, & militem mercede conductum domo efferendi: simulque Anglum, necessitudine junctum, ex benevolo officio æqui & pacifici Principis commonefaceret, a Dania oppugnanda desisteret. Sed nec ille auxilia ex Scotia Regi venire voluit, prætexens, uti pridem, pari utrumque Regem, captivum & jam designatum,

An. tum sanguinis propinquitate junctum esse; itaque non de-
 1535. corum fore, alterutri ad alterum opprimendum vires ali-
 quas suppeditare: Anglo tamen svafurum, ut a Dania ar-
 ma animumque hostilem abstineat. Nec non ad Lubecen-
 ses missurum exploratum indubitatas belli causas, eisqve
 pacis amplectendæ auctorem futurum.

Ita ab hoc derelictus, ab illis parum tutus, *Christianus*
 suis viribus tantam belli externi & interni molem, terra ma-
 riqve sustinisset, ni *Albertus* Borussiae Regulus & *Gostavus*
 Svecus navibus etiam subvenissent. Qui auxilio ferendo
 tanto promtiores & benigniores, quanto malo ipsi pro-
 priores. Fuerant autem ad Svecum missi legati, *Avo Vin-*
centius Longus & *Juo Julius*, qui per ingentia pericula,
 hiberna navigatione litora Norvegiæ appulere. Illac enim
 ire iussi, acceptis a Rege mandatis, quæ ad ejus regni sena-
 tum essent perferenda. Sed ubi eo venire, quomodo Re-
 gis designati procerumque Juticorum nomine negotia im-
 posita expedirent, ancipiti cura volutabant. Nam Senatus
 brevi convenire non poterat, & moram ibi longiorem tra-
 here res tempusque non sinebant. Comperto tandem
Claudium Billeum Regis designati rebus insignem operam in
 Scania navasse, nec ab ejus electione dissentire, accepta fide
 ei totum hoc negotium Norvagicum committunt. Postu-
 larant autem Regis designati nomine proceres Jutici a Sena-
 toribus regni Norvegiæ, *Olo* Archiepiscopo Nidrosiensi,
Magno Hammerensi, *Jobanne Aslœnsi*, *Nicolao Luccio*,
Vincentio Longo, *Martino Crabba*, *Gvidone Galleso*, ut se-
 cum idem sentirent, nec se in electione Regis disjungerent.
 Quod Dani ad *Christiani* electionem descendissent, incon-
 sultis Norvagiis, necessitate urgente factum; non quod
 eos a se separatos vellent. Haud neglecturos fuisse offi-
 cium requirendi prius eorum consensum, ni tempore ex-
 clusi fuissent, irruentibus in Daniam hostibus Lubecensi-
 bus præter omnem expectationem. Non posse poenite-
 re ejus Regis, cujus nec potentia invalida, & fortuna ea,
 ut per plerasque provincias, quo copias suas miserat, fatis
 prospere res ejus auspiciis gesta sit. Possê eos ab hoc Rege
 omnia

„omnia summa sperare, nec dubitandum, quin jura & im- An.
 „munitates regni propensius sit confirmaturus; quum paca- 1535.
 „to imperio potiri contingeret. Quam ad rem si opem &
 „ipsi conferrent, & si naves ad transportandum copias regias
 „in Iutiam mitterent, ex officio eos facturos, simulque ab
 „designato Rege magnam gratiam inituros..”

Hæc postquam cum Senatu Norvegico agenda *Billens*
 suscepisset, legati recta in Sveciam perrexere, in reditu re-
 sponsum repetituri. Metropolitanus, intellectis a *Claudio*
Billeo postulatis Danorum, in diem dominicum, qui sacro-
 sanctæ Trinitati consecratus celebratur, confestim Nidro-
 siam comitia regni Norvagici indicit. Interea in Daniam
 ad *Avonem Billeum* antistitem Arrusicensem; & *Magnum*
Goyæum litteras dat, quibus sententiam suam quodammodo
 patefacit, & de propensa sua voluntate erga Regem am-
 plissima quæque promittit. „Declarasse se jam pridem stu-
 „dium haud vulgare, quum potestatem illis ipsis faceret,
 „consentiente toto Senatu Norvegico, omnium nomine
 „Regis eligendi, idque ex litteris missis potuisse manife-
 „stum fieri; ni *Aeschylus Billens* qui eas perferendas accepe-
 „rat, a Lubecensibus fuisset interceptus. Idem suum stu-
 „dium adhuc manere, sed tam repente, nisi vocato ad
 „consilium senatu, nihil statui posse. Turbari nonnullos
 „procerum Danicorum discordia, quorum aliqui jam pri-
 „dem Comiti, *Christierni* captivi nomine, adhærescendum
 „svasissent, quum jam ut in *Christianum* Ducem consen-
 „tiant, flagitetur. Sed de summa negotii jubere tamen eos
 „bene sperare. Quod naves transportandis militibus exi-
 „gantur, rem difficilem esse; nam earum non ita ma-
 „gnam copiam ultramontanis Norvagis esse, quibus & pro-
 „cul a Dania dimotis, longinqua ea esset navigatio, sed &
 „eis jure quodam veteris immunitatis cessare permissum, in
 „quibuscunque bellis Vandalicarum civitatum, seu cum
 „Danis, seu cum Norvagis cismontanis: Idque ne com-
 „mercia emporii Bergensis, quæ sine extrema pernicie ul-
 „tramontanorum interpellari nequeant, impediuntur.

Hæc quidem metropolitanus Nidrosienfis ad proceres

An. 1535. Danicos perscripsit : verum haud obscure *Christierno* captivo favens, interim aliud animo meditatus struebat. Nam ad cum etiam datæ fuerant ab Imperatore litteræ de Palatino, ideoque avertis a *Christiano* studiis, huc totus inclinabat. Cujus non ignari cismontani, primum proferri comitia ad festum Johannis Baptistæ petunt : inde consilium frequentandi comitia a metropolitano indicta prorsus omitunt : *Christianum* interim sibi Regem, Danorum exemplo, legentes. Quod tamen ne temere factum videretur, metropolitano se excusant, quo minus ad comitia venire queant. Viam enim prolixam & difficilem tot gentibus fore, ac rem non pati moram. Quodque summum duceretur, ægre omnes ferre, quod *Nicolaus Luccius* in gratiam cum metropolitano rediisset, quem incestu pollutum (constuprasse enim dicebatur *Luciam*, demortuæ conjugis *Ingebergæ* sororem) omnes vident, & abhorreant, adeo ut in consilium admitti nolint. Adjungunt deinde ad metropolitanum earum litterarum exemplum, quibus *Christiano* fidem obligarant, & Regem sibi destinarent. Metropolitanus, eo intellecto, graviter offensus, aperto dissidio a cismontanis se dejunxit ; ita ut in diversa studia utraque regni pars deinceps abierit. Cismontani nihilominus litteras memoratas ad *Claudium Billeum* transmittunt, cui consilium suum rationibus probant : qui vicissim *Accio Brabeo* eas Lundiam ferendas tradit ; a quo ad *Avonem Billeum* antistitem & *Magnum Goyæum* in Jutia perlatae sunt.

Dum hæc apud Norvagos fiunt, durat etiamnum ad Malmogiam & Coroneam obsidio, copiarum Scanicarum omnium duce *Ticcone Crabba*. Sed nihil ad summam rei in alterutram partem magnopere effectum, oppidanis modo ex muris hostes irruentes fortiter arcantibus, modo portis erumpentibus : Quum interim nec segnius ab obsidentibus res gereretur, a quibus repulsi identidem intra munimenta oppidani cum suis præfidiariis. Nam qui ad obsidionem erant, magna alacritate, potiundi utriusque oppidi certi, prædam ingentem involare sperabant. Ideoque quoties signo dato jussi, omnibus viribus ea oppugnabant.

In-

An.
1535.

Inter quos in obsidione Malmogiensi haud ignavi militis specimen edidit quidam *Nicolaus Contius*, cælis quam plurimis oppidanorum. Quem strenue se gerentem conspicatus cum aliis *Crabba*, fortitudinis præmium habere voluit, quod summum solis vitæ prodigis digne conferri censeret, ut ordinis equestris honorem, inspectante exercitu, tribueret, & ordini nobilitatis infereret. Quod mox ad tubæ sonitum evulgatum, ut exemplo aliorum industriam firmaret. Quamvis haud diuturnus Contio honor iste fuit; qui proxima velitatione, quum fugam pavidus nullo periculo arripisset, contra, circumstante exercitu, insignia equestria amisit, & nobilitatis honore exutus est. Enimvero haud iniquo ex utraque parte iudicio, quo virtus præmium meruit, ignaviam dedecus secutum; si modo nihil datum invidiæ malevolorum, quæ plerumque recenti gloriæ commens it.

Verum quum utrumque horum oppidorum, post multas eruptiones & velitationes, nihilominus adhuc obsidionem fortiter toleraret, nec ut Comitern defereret induci posset, proceres Scanici in fide Regis perstabant, & nihil non egere, ut Comiti incommovent, atque ab eo totius populi animos alienarent. Quo nomine graviter indignatus, simulque defectionem ulturus, quam in eos effundere ipse non poterat, in Selandos iram vertit. Suspiciens enim fore, ut & illi tandem desciscerent, non solum quos secum Hafniæ retinuerat, a consiliis usus, cunctos capit, sed & ad capiendum reliquos passim suos mittit. Qui procerum tunc comprehensi sunt, missi Malmogiam, primum in laxiorem custodiam servandi traduntur, mox in carcerem, nullius criminis convicti, compinguntur, pernicioso haud dubie exemplo, nova injuria hominum fidem sibi obligare conantis, quos benevolentia devincire præstitisset.

Inde igitur res Selandiæ statim turbata, nullo non sibi a Comite malum metuente. Ac cernere erat miseram tum procerum sortem, quum haud pauci se fuga Comiti subduxere, alii in loca tuta & munita se, quoquo poterant

An. modo, recipere. Neque enim ulli jam libuit in publicum
 I535. se exhibere; ita omnes, terrore captivitatis pavidī, tremebant. Atque inter alios *Romocius* antistes, amicitiae Comitis, quamvis pretio redemptae, haud confusus, in Serum insulam se proripuit, ibi tantisper commoratus, donec certus fidei, designati Regis litteris in Jutiam arcesceretur. Quo clam infcio Comite permeavit, traditis castellis munitis in eorum manus, a quibus nihil egregiis viris indignum metuere necesse erat. Hoc, quod diu latere non potuit, ubi rescitum Comiti, mox pro hoste *Romocius* habitus, apud eum & conjuratos desertae fidei crimen sustinet, multisque convitiis laceratur, atque ut gratiae pristinae immemor accusatur. Nam in beneficio ponebatur, quum cuiquam relinquerentur, quae sine scelere eripi non possent. Addebanturque haud obscurae in omnes minae, quae in metu publico facile creditae, late illico disseminabantur. Eo, qui loca munita tenebant, intentiore cura hostium adventum indies formidantes advigilabant.

Comes ceriens inanes fore verborum minas, ratusque moram difficultates complures obiecturam, varia mox detrimenta importare Selandis incipit. Castellum pontificis, quod *cercorum insulae* nomen habet, in propinquo situm, opportunum ei visum, quod inprimis peteretur; quia complures ex istis partibus nobiles eo ingressos inaudierat. *Petrum Goschinn* antistes ei praefecerat, intrepidum animi ac fidei egregie memorem: a quo petitur primum deditio, si se fortunasque salvas velit, proposito praemio, si pareat. Sed is nec minis nec blanditiis inductus, ut hostium se fidei committeret: Qui nec admodum pro deditioe deinceps laborarunt, contempta paucitate eorum, qui intus erant. Eaque fiducia Comiti, ut expugnari castellum haud difficile sibi fore existimaret, cum proditoribus potius colludere quam cum fidelibus subjectis pugnare assiveto. Sed major sperato labor ejus milites ibi exceperit, qui castellum multoties oppugnantes frustra tormentis quatiebant. Verum quum tandem, ad unum castelli latu congestis plerisque tormentis, globos ingentes ejacularentur, turribus dejectis,

mu-

muri ea parte labefactati. Itaque *Goscbio* & reliquis, ne ad extrema redigerentur, visum, rebus nondum desperatis, pacto deditionem facere. Quæ postea eo fraudi ipsi non erat, An, 1535: quod adactus ad hoc consilii descenderat, quum nihil in muris esset præsidii, nihilque ab antistite ipsis posset sperare. Super quo cautum ipsi litteris antistitis & collegii Roschil- denfis, ne quam hoc nomine accusationem unquam susti- neret. Navarunt in hac oppugnatione Comiti gnauiter operam scripti ex Danis milites, quos haud inani altu huc adduxerat, ut eos intestinis odiis inter se committeret.

Potitus hoc castello, quum terrorem omnibus incus- sum iri existimasset, nemine ad eum veniente, falsus opi- nione, bellum undiquaque circumferre inceptat. Mox *Jo- hannes* Comes Hoyenlis cum haud contemnenda manu equitum peditumque ad Draconiam (vulgo Drachsholm) obsidendam, arte & natura validam, mittitur. *Hilarius Hardenbergius* arcem hanc, ab antistite sibi commendatam, modico accepto præsidio aduersas vim hostilem tutabatur. Sublevatus nonnihil ope *Canuti Rutii*, aliorumque nobi- lium, qui cum suis securitatis causa ad eum ingressi fuerant. Ea oppugnata & pulsata gravissime, admotis decem tor- mentis maioribus, laxari muris non potuit. Nec fatigati, qui propugnando salutis suæ solliciti, in ejus castelli munitio- ne consili fuerant, quin, quantum vires sinerent, hostes a muris scandendis etiam arcerent. Itaque ad obsidionem ventum, quæ aliquandiu tolerata, obsessos ad ultimam an- nonæ penuriam adegit. Demum vero arte inopiæ subven- tum, deceptis hostibus, qui, quum eorundem & quidem paucorum animalium, sub ipsos muros adductorum, vox identidem cædendo & premendo exprimeretur, existima- bant in magna copia indies tauros, sues, oves mactari, at- que inde majorem vero numerum prædiorum augura- bantur. Quapropter desperantes tum expugnationem, tum deditionem, inde ad oppidum Callunburgum ejusque ibi arcem, majoris utraque momenti & oportunitatis ad res gerendas, ducere instituunt. Nec cunctatus Comes, erecto propugnaculo, impositoque præsidio, ut castello egressi, & per

An. per agros palantes interciperentur, iter illud, quod haud longum, quanto ocius poterat, perficit. Ac oppidum
 1535. Callunburgum, simulque arx satis munita haud magno hostium incommodo deditione in eorum potestatem venit. Huc statim *Hermannus Longus*, frater naturalis Oldenburgici, accessit, cujus fidei castellum protegendum traditur. Qui subinde insidiis Draconiam adortus, re infelicitè semper tentata redibat. Ausus etiam in fossas ipsas noctu scaphis accedere, spe latenter in castellum irrependi, cunctos insidias eumque observantes vix evasit. Hoc igitur modo Draconia, antistitis nomine, Regi & regno servata, quum reliqua fere Selandiæ Comiti cecissent.

Dum autem apud Scanos & Selandos ista geruntur, jam regii Fioniam ingressi, pedem ibi, castris positus, fixerant. Transvectæ enim copiæ onerariis, Coldinga, Hatherslebia & Flensburgo ad hoc contractis, expositaque clam noctu in terram hostes veniendo fefellerè. Mox ut evulgatum est, regios adventasse, hostis suos, nec non cives, & rusticos, quos ad portuum custodiam passim locarat, in unum exercitum contrahit. Occurrit utraque acies inter Othiniam & Midelfariam, ad pugnam parata: Ibi tum acriter dimicatum, haud ambigua tamen regionum victoria. Cæcis hostium compluribus, initium fugæ a Germanis factum. Plebs rustica substitit aliquandiu, mox tamen & illa a regiis impulsæ, domum dilabebatur. Inde Assania, quo ex fuga se hostis subduxerat, obsessæ est. Sed adduci verbis ad deditionem non poterat, Germanis veniæ desperatione resistentibus. Ac ne tum quidem urbs dedita, quum a Jutica nobilitate, compluribus militum adductis, copiarum regiæ majorem in modum auctæ essent.

At Lubecani, accepto nuncio de hoc rerum Danicarum statu, metuentes pessum iturum suscepti belli conatum, alia subveniendis suis consilia inierunt. Novum bello ducem præficere, novas copias transmittere, geminamque classem parare instituunt. *Albertus*, Megalopolitanus Regulus, splendore nominis & dignitate Oldenburgico superior,

rrior, iis copiis dux delectus. In prætextum belli sumta, An.
 quæ ei cum *Christiervo* necessitudo erat. Sororis enim fi- 1535.
 liam, natam Electore Brandenburgico, in matrimonio ha-
 bebat. Spes etiam regni injecta, & prorsus amplissimi præ-
 mii. His igitur adductus, Lubecanis seu fidem Comitum jam
 suspectantibus, sive ejus consilia infelicia damnantibus, haud
 difficulter paret: quippe rerum novarum avidus, & ma-
 jora fortuna sua mediocri affectans. Navigantem in Da-
 niam comitatus *Georgius Textor*, officium hoc honori
 ejus exhibens, ut tanto esset commendator. Verum tamet-
 si Lubecani & militem conducere, & classem instruere
 proposuissent, tamen absque paucis, quos *Textor* habuit,
 non ita multi adducti ab eo milites; tantum vexillum pe-
 ditum cum quadraginta equitibus una ivere. Canes venati-
 tici advecti complures, ac retia capiendis feris, quibus abun-
 dare saltus Danicos haud erat ignarus: Apta vero instru-
 menta Principi venationis experto, ad belli ministeria rudi.

Gratus nihilominus *Alberti* adventus, non minus mi-
 litibus, quam oppidanæ plebi, ex novatione spem melio-
 ris status temere auguranti, eoque plus honoris ipsi defe-
 renti. Solus Oldenburgicus mœrorem inde ingentem tra-
 xit, quem eo penitus in animum defixit, quo magis se in-
 fra Ducem judicio aliorum dejectum cernebat. Itaque nec
 adduci poterat obsequii insolens, ut palatium regium, quod
 tum tenuit, ad habitandum *Alberto* digniori traderet. Qui
 idcirco in antistitis curiam divertere necesse habuit. Inde
 primum natum inter eos dissidium indies gliscebatur, utro-
 que impetum summum, illo meritis, hoc dignitate sibi
 jactantius arrogante. Auxit ea animorum certamina *Textor*,
 volens milites sacramento Oldenburgici solvi, & *Alberto*
 obligari, aduersante pervicaciter Oldenburgico, qui recusa-
 vit sibi obstrictos dimittere, priusquam finis bello impositus.
 „Ita sibi cum Lubecensibus convenisse, uti penes ipsum sum-
 „ma rerum esset neque alteri, durante bello, imperium ce-
 „deret. Nec adhuc incidisse id bello infortunium, ut ipsius
 „aliqua culpa res pejore loco sit, quam fuerit. Iniquum igi-
 „tur, sibi contemptum parari, alterum in spem certam præ-

An. 1535. mii nullo merito vocari. Audiens *Textor* de præmio eos tantum contendere enixa vi, quod non minus Megalopolitanus quam Oldenburgicus spectabat, neuter injuria ad bellum laceffit, offert Oldenburgico episcopam Roschildensem, & quæ antistitis, tum ab iis pro desertore habiti, quondam fuerant prædia universa: præmium haud spernendum, ni regnum ille prætulisset, cujus flagranti desiderio ad pacta subjectionis descendere recusavit. Tandem igitur agente *Textore* convenit, ut ambo pariter imperii participes exercitui præessent. Itaque mansit uterque, quo erat loco: Oldenburgico regiam insidente, Megalopolitano curiam antistitis tenente: ubi ejus uxor gravida, haud multo post Hafniam advecta, filium, *Ludovici* nomine postea dictum, enixa est,

Mox gemina in Daniæ appulit hostium classis, tormentis, comæatu, milite abunde instructa. Altera fretum Oritanum, quod jam ante in potestate hostis erat, subiit, ut extorqueret solitum a navigantibus vectigal. Stabat ea ad fauces Oritani freti in anchoris, naves quasunque extraneorum, non secus quam Danorum hostiliter excipiens: Hollandis autem præcipue infesta, eorum septuaginta naves mox ex alto huc invectas, quantum huiusmodi, vectigal excgit. Nec eo hostis contentus, ratus sibi periisse, quod miseris de proprio illet relictum, tanquam in prædā datos cunctis rebus fere Hollandos spoliavit. Quod in Scaniam perlatum, patres anxios habuit, cernentes vectigal regni præcipuum alendo bello in conspectu fere suo hostes intercipere. Itaque Regem per litteras monent, imprimis operam det, ut fretum Oritanum, ab hostili classe infestum & clausum, patefaciat. Quod in male facta utriusque Megalopolitani & Oldenburgici gratia facilius factum. Eam igitur modo occasionem ne negligat, ni spem maris potiundi in reliquum amittere velit.

Sed Rex, etsi a patribus recte se monitum sensit, ab accessu tamen freti abstrahabatur. Altera enim hostilis classis decem navium, præter minores complures, mare Balthi-

thicum ingressa, militem in Fioniam ex Germania invexerat. Expositæ eæ copię ex altera Fionię parte ad *Neoburgum* fuerant, quod oppidum Comiti tum parebat. Ducebantur autem a Comite Teccelburgico *Nicolao*, *Ottonis* Vestphali filio, Lubecanorum stipendio aliquali, sed amplioribus in speciem promissis ad hoc bellum illecto. Accessit simul huc Comes Høyensis *Johannes*, armorum Danicorum jam expertus, cum haud spernenda militum manu, missu Megalopolitani & Oldenburgici, ut labentibus rebus Fionicis opitularetur. Uterque Comes partiti invicem imperium, evocarant milites per Fionię oppida præsidio collocatos, quibus simul junctis, exercitum ex novem vexillis peditum & quatuor turmis equitum sibi confecerunt. Progressi cum his copiis Othiniam, ea a militibus direpta, propius hostem movere. Amnis labitur itinere fere medio, qua Assaniam Midelfaria itur, ad quæm castris metandis sibi locum delegerunt. Visus is locus accommodus, quo equites, auxilio regiis ex Germania adventantes, insidiis exciperentur. Indidem impediri poterat, ne qua commeatus in castra regia convectaretur. Simulque haud inde longe Assania aberat, unde miles (tria vexilla erant peditum) arcessi poterat, qui oppidum tutabatur.

An.
1535.

Sed hæc iis parantibus, adfertur nuncius, *Rantzovium* regiarum copiarum ducem, centum equitum caterva stipatum, Faburgum oppidum petiisse. Ea res ad novanda consilia hostes impulit, ratos, si ducem ad castra redeuntem intercipere contingeret, posse regios capite destitutos haud magno cum periculo in ipsis castris ex insperato opprimi, atque ita in Fionia debellari. Sed *Rantzovio* doli militaris cauto innotuit, insidias recta redeunti paratas, qui idcirco nactus quendam viarum gnarum, eo duce per diverticula ad castra incolumis noctu remeavit. Hostibus, ubi compertum ex insidiis elapsum *Rantzovium*, ne hoc egisse viderentur, recta Faburgum ducere placuit, ubi in eam noctem stationem ceperunt. Uterque exercitus jam adeo in propinquo erat, ut quodammodo necesse aut pugna fortunam periclitari, aut foeda fuga metum ostentare. Plus animi

An.
1535.

regiis, qui acie congregari non recusarunt. Hosti autem tutius ab actu militari auxilium petere visum. Composuere igitur inter se Hoyensis & *Gostavus*, metropolitanus quondam Upsalensis, ut diluculo regios, nondum somno excitatos, si qua possent, in ipsis castris adorirentur. Quod Assanienfibus quoque patefactum, qui ipsis adventantibus iussi oppido erumpere, & regiis a tergo instare, ut ancipiti praelio utrinque premerentur. Erat forte in coenaculo, quo hæc acta sunt, per eam noctem sacerdos quidam, a metropolitano captus. Is negligentius in vinculis servatus, consilium secreto inter eos habitum eliminavit. Nam erumpens vinculis, quum litus maris petisset, ibi scapha inventa, ad castra regionum remigavit, & indicium ad *Ericum Crummedigium* pertulit. *Rantzovius* nullius, ne quidem minimi, periculi incuriosus, explorata indicis fide, cum tribunis & centurionibus super auditis pauca disserit. Quibus visum optimum factu, ut propere castris igne subiecto versus hostem duceretur. Micante argo in cælum late per castra incendio; territi in oppido milites, incertique repentino ne aliquid accidisset casu, an consulto regii & insidiosæ flammæ excitassent, pedem efferre portis formidabant. Quos si incessit erumpendi libido, *Christophorus Feltenius* cum turma equitum opperiri iustus, ut aut impediret, ne regios assqueverentur, aut in oppidum redactos compelleret. Ceterum illucescente jam aurora, haud longe Assania uterque exercitus conveniunt. Mons ibi est Taurus dictus, leni jugo assurgens, quem hostes præoccupantes ceperunt. Pavidum enim inopinato regionum adventu, non solum loca tuta respectabant, sed & curribus aciem circumdederunt. Regiis contra metus hostilis minime dubius pugnandi ardorem auxit. Mons tantum acclivis ascensu, congregiendi difficultatem aliquam obiectabat. Quod impedimentum ne diutius alacritati militum obstaret, *Rantzovii* iussu tormenta omnia sub ipsum montem convecta sunt, ex quibus mox globi igniti crebro in hostem ejiciebantur. Obfirmati enim regionum animi, ut aut hostem, loco pulsum, in plana camporum adigerent; aut immani tormentorum vi accessum sibi æquo pede congregiendi patefacere. *Johannes Hoyensis*, ut sen-

fit

fit hoc agi, ratus gloriosius gladio quam globulo occumbere, An. in regios duci jubet. Libuit vero prius experiri, an inequi- 1535- tes, impetu incurstantes, tormenta possent in potestatem redigere, a quibus metuebat, ne insignis aliqua clades inter præliandum acciperetur. Quod frustra tentatum, primum excidii causam attulit. Nam turbata est acies, equitibus agminatim sine discrimine concurrentibus. Deinde sclopeta- rii, inserti inter equites ad maiorem inferendam regis stragem, resistere, assequi pernecitatem eorum haud valentes. Sed & reliquum peditum hostilium agmen, læsus lateri equitum initio obvertere coepit. Tum nonnihil antea fati- gatis equis, iussi equites ad pugnam cursum accelerare, quod festinatione spem victoriae duces præceperant. Sed regis sua cunctatio bono fuit. Sensim enim progressi, integra acie, indefessas vires ad prælium adferebant. Nec enim loco moverunt, priusquam intra conjectum teli ventum esset. Inter dimicandum in hostili parte mox equitum agmen loco cessit. Etenim contra bonum militiae morem tum ordinibus emoti accesserant, tum a regis ab altero latere ingruentibus fortiter impulsi sunt. Quibus addidit formidinem deinde *Felteni*, in medio pugnae fervore ab oppido cum suorum equitum turma advolans, suspicantibus iis novam militum recentium multitudinem fessis supervenire. Itaque mox terga dantes cæsi sunt. Pedites vero, quibus provido & lento incessu melius servatus ordo fuerat, & vires nondum elanguerant, diutius certamine contra regios perdurarunt. Ex quibus tamen quum passim multi torrentorum globis sternerentur, & reliqui fugitantes equites suos cernerent, mox & ipsi in fugam versi. Cæsis pluribus, capti pedites mille quingenti, inque eis centum nobiles. Centuriones celebres vivi in potestatem venerunt, *Raymarus Valdius*, *Johannes Saxo*, *Tossius*, ac *Justus Fuldio*, pluresque alii. *Michael Zanovius* dux peditum occubuit, aliique non obscuri nominis. Pauci fuga regios persequentes evasere. Ex equitibus *Nicolaus Tecelburgicus* globo ictus concidit. *Johannes Hoyensis* captus, quem descendentem ex equo nobilis *Hollatus Ditlevus Ratlovius*, quocum veteres inimicitiae ei intercesserant,

An.
1535:

confodit. Metropolitanus Vpsalensis *Gostavus* multis vulneribus saucius, defectu virium impotens evadendi, regiis se dedit. qvi Götterpiam in custodiam missus, ibi vitam finivit. Baro Donanus, Burgravius *Christophorus* dictus, ipse a regiis avectus est. *Sebastianus Gossenius*, nobilis imprimis militum tribunus, & ipse interfectus, sed extra praelium, familiae perfidia. Præter hos undecquadraginta nobiles, centum quadraginta duo, ex equitum vulgarium turba capti. Currus quadringenti cum impedimentis in prædam venere. Tormentis etiam bellicis universis regii victores potiti. Nec tamen ultra quadraginta ex his desiderati. Nobilium nullus interiit, vulnerati pauci, in quibus *Asco Crauerus*, & *Henricus Stenbergius*. *Teccelburgio* & *Hoyensi* in vicina æde sepultis, monumentum positum, donec inde Othiniam pia cura victoris eos asportari juberet.

Albertus Megalopolitanus, qvi Fioniam secreto adierat, ut eventum pugnae securus periculi spectaret, nec praelio interfuerat, accepto tristi nuncio, milites dissipatos fuga colligens, repente navigio in Selandiam se cum iis subtraxit. Qvi Asslanæ erant, partim ingressi onerarias, in Selandiam & ipsi vela fecerunt, partim irrumpentes Lubezensium bellicas naves, quæ hic in anchoris stabant, Svenopolim oppidum, a periculo paulo remotius, petierunt. Ita vel metu sponte dilapsi, vel armis profligati, hostes Fioniam fere vacuam reliquere. Secundum pugnam confestim una cohors regia Asslaniam irrumpens, eam diripuit. Alia autem ægre ferens, quod commune esse oporteret ab iis præceptum, in partem prædæ venire flagitavit, resistentibus intentius, qvi præoccupaverant: & uterqve miles prosperitate insolens (uti fit) præmium sibi ex vicis jactantius vindicabat. Unde haud procul seditione, res fuit. Quam tamen cohibuit *Rantzovii* ducis moderatio, jussis his tenere prædam, quam involaverant; iis data Svenopoli diripienda. Ita utrumque oppidum miserum in modum ab regiis mulctatur. Othiniani cunctantius ab hostibus desiscentes, tertium jam spoliantur. Restabat Neoburgicum castellum, quod *Otto Stigotius* tenebat. Id validum, nec

ex-

expugnato facile, ipse regiis tradidit, ut præveniens obfessionem gratiæ locum promptius inveniret. Pacata hoc pacto aliquatenus tota Fionia, de rebellionis & defectionis auditoribus legibus inquisitum. Quorum factior, qui cœnobium Dallund, quod est ac si *vallis nemorosa* dicas, tenebat, capite poenam luit. *Johannes Lundius*, qui castellum Haqvini Sylvam dictum per prodicionem occuparat, graviore supplicio membratim dissecto corpore, sub ipsam arcem quatuor rotis ad terrorem impositus est.

An.
1535.

Ceterum dum isthæc terra geruntur, classis mare Gothicum navigans, contra hostes & ipsa secunda fortuna usa est. Constabat ea grandioribus navibus bellicis compluribus, quas partim amici & confœderati Principes auxilium rogati suppeditarant; partim procures regni subministrabant: præter celoces, & onerarias commearum vehentes. Earum missæ a Sveco fuerant decem, quarum cura *Erico Flemmingio* concredita. Borussiae Regulus & ipse decem instruxerat, præfecto *Johanne Perenio*. Antistites & reliqui procures in apparatus undecim navium impendium fecerant: quibus junctæ, quæ in portu Slucopiano captæ fuerant naves, Rege Lubecam obsidente, quæque Allaburgum *Clementem* cum rebellibus Hafnia vexerant. Privatim etiam pluribus incessit subveniendi Regi cupido, ex quibus *Henricus Rosacrantzius* præses Gothlandicus, *Claudius Billeus* Bahusianus præses, *Avo Vincentius Longus*, & *Ericus Guldensternius*, aliique. Hi unam, illi plures pro modo facultatum misere. Totius autem classis, sub Gothlandiam in unum collectæ, summus præfectus erat *Petrus Scramius*, Eques Danus. Nam *Gostavo* ipso indicante, non habuit tum Svecia, qui idoneus esset ut classi præficeretur. Quare *Scramius* rogatu Regis hoc muneris acceptans, in Sveciam commearat, relicta apud fratrem *Tuconem Crabbam* nova nupta, quum recentis conjugii gaudia vix semestri percipisset.

Incidere in hanc classẽ, milite tormentis aliisque necessariis egregie instructam, mox per mare Gothicum Transitu-

An.
1535.

fiſulanorum qvatuor naves, mercibus diverſis onuſtæ, qvas deoneratas ad uſum bellicum mutato apparatu, præfectus ſuæ claſſi adjecit, uſus jure, qvod Dani antiqvitus ſibi in exteros huc navigantes vindicarunt. Nam qvia Rex tam ultra qvam citra fretum longe lateqve mare, qvod Daniae ac Norvegiæ fines alluit, tutum a piratis aliisque hoſtibus præſtare ſolet, coguntur, qvum ita neceſſe eſt, qvi maria hæc commerciorum cauſa frequentant, ſimul opem ferre, & Danis contra hoſtes æquo ſtipendio militare. Qvod reipublicæ omnino perutile regnisqve, qvæ mari negotiantur; qvamvis privatim multi detrimentum capiant. Niſi enim Dani maris imperium tenerent, Vandalici omnibus huc navigantibus infeſti, ſpoliandi modum facerent nullum. Nam fretum noſtrum, qva poſſunt impedire, nunqvam aliis patere volunt, maleqve per id ingreſſos, data opportunitate, mulctant: Danorum tantum aliquando cœrciti metu, ne in qvosvis impune graſſentur. Hanc ob cauſam e re communi late Danos mari dominari: qvorum firmandæ opes reliqvis, qvi ſuas a Vandalicis ſervatas velint, uti indubio experimento jam dudum compertum.

Igitur accedentibus qvatuor hiſce Tranſiſulanorum navibus (ut dixi) regii recto curſu verſus Boriniam inſulam descendunt. Ibi mox claſſis hoſtilis obviam venit, ad dimicandum parata. Nec enim ea invalida, utpote regni navibus omnibus potito Comite, qvum Hafniam occuparat. Et militabant ſimul in iis partibus, Lubecanorum, Sundenfium & Roſtochianorum naves. Primariæ Svecicæ navis, qva *Scramius* vehebatur, alteriqve ad nutum ipſius imperio deſtinatæ, progreſſis ante alias, prima dimicatio fuit. Tormentis utrinqve vehementiſſime ſe invicem aliquandiu inceſſebant. *Scramius* ſuorum amiſit ſeptuaginta qvatuor, pluresqve primaria hoſtilis navis a *Michaële* Archangelo nomen gerens. Reliquæ naves aliquanto diſtantes ſpatio, ne tormentorum globis inter ſe læderentur, ſe ad prælium etiam expediebant. Sed illis pugnantis, his ad pugnam contententibus, ſubita exorta tempeſtas cum nube pluvia claſſem utramqve alto ita jaçtabat, ut ſtatim incerto curſu diſ-

disjiceretur. Regia classis terræ propior portum ad vicinam insulam tenuit. Hostilis, cum primaria jam inutilis & lacerata, in fretum Oritanum reveria est. Eam mox *Scramius* cum suis insequi destinat, ut turbatas & vi maris ventorumque quassatas caperet, aut demergeret. Cujus conatum prospera fortuna non videbatur desertura, in tanta regionum alacritate, hostium vero consternatione.

An.
1535.

Sed hæc parantem litteræ regiæ allatæ alio vocant. Jussus enim mare Balthicum petere, ut hostes in Fioniam excensionem molientes prohiberet. Quod tamen si non videretur, malletque fretum Oritanum petere, jussus classi hostili obviam procedere, ac quoquo modo prælio a Fionia accessu distingere. Cui parens mandato *Scramius*, omisso priore consilio, eo navigat, delatusque mari fere usque ad Germaniæ litora, haud procul ostio Dravi, navem Lubecensem permagnam adortus capit, quæ præter merces non exilis pretii, nobiles quidam Livonii vestabantur. Mox inde cum ea præda cursum ad Fioniam intendit, ducens secum in interiora insulæ ex tota classe naves tantum decern numero. Hostes non ausi regios adventantes expectare, scaphis insilientes, partim in Selandiam elapsi sunt, partim in hæc & illa Fionia loca evasere. Ubi plerique aut trucidati aut capti sunt. Navibus autem in litore destitutis, quas hostibus ipsis injecto undique igne cremare vel saltem perdere studio fuit: incendio ereptis regii potiti sunt. Novem ex omnino fuere, in quibus a Leone dicta prætoria, etiam servata, in regionum potestatem venit. Unam earum flammæ vis absumsit. Instructæ hæc fuere tormentis majoribus compluribus, ac potissimum tres grandiores. Nam reliquæ minores quidem fuere, sed necessariis tormentis non destituebantur. Augusta classis regia hisce navibus, aliisque hostilibus, quas passim deprehensas abduxit, per totum hoc mare libere dominabatur. Ac quæquæ cursum tenuit, cuncta sibi ita obnoxia fecit, ut per plerasque insulas minores pervagata, plebem jussa facere cogeret. Lalandia, Lavinia, Faltria, Mœonia, commeatum exacte suppeditarunt, quod in longius tempus nauticis suppetebat.

N

Cor.

An. Corcyram Selandiæ castellum, in extrema ora versus Fioniam, adnavigans mox deditione accepit. Alterum castellum Lavinia etiam nullo fere negotio recuperavit. Utrumque præsidio firmavit, quantum copiis suis demere commode posset, donec alii submitterentur.


Tum Rex accepto nuncio de rebus terra marique ex sententia gestis, Fioniam lætus ingreditur. Ubi omnia reperit cædata, & misere a militibus conculcata. Cernere erat agros alias fertilissimos vastatos, pagos desertos, oppida direpta & cremata. Quæque hostis intacta reliquerat, a suis male mulctata audiebat. Eo majorem in modum afflictabatur, clementiæ semper quam iræ propior. Populum itaque convocans, leniter primum verbis castigat, mox in spem gratiæ consolatione erigit: ut lætiores omnes venia præciperent jam felicitis gubernationis auspicium. Itaque quum de Regis designatione suffragiis suis stabilienda ad plebem referretur (nam Nobilitas jam pridem consenserat, & in castris regis militarat) proni omnes huc inclinarunt. Quo super Othinæ solenni præstito & consignato sacramento, Fionia pariter, uti Jutia, in potestate Regis erat. Dimisso conventu, cum militibus mercenariis de stipendio actum, cujus pars mox repræsentata. De reliquo fide Regia futuram brevi numérationem cautum est. Itaque miles præda expletus, & insuper de stipendio certus, promptum se ad imperia regia præstabat.

Placuit jam in Selandiam trajiciendo hostem petere. Fretum ibi occuparat *Scramius* præfectus classis, impositò præsidio, ut obnoxia omnia & opportuna in aditu provinciae Rex haberet. Expositis igitur in Selandia copiis Regiis, nullus hostis inventus, nec qui iter interpellaret: sed exploratores passim emissi, qui regiarum copiarum numerum Inquirerent. Quod hosti rescitum audaci facinore & astu ejusdam *Stigoti Stigotii*, callidi & militia egregie exerciti. Nam quum præmissi essent a regis, qui locum castris in tuto locandis caperent, aliusque, qui nobilibus per oppida diversoria sua metaretur, his immixtus *Stigotus* ille Ringstadii,

dil, simulat se *Melioris Rantzovii* Marefchalli miniftrum. An.
 Qværit, ubi domino fuo hofpitiũ paretur, ſibi enim in 1535
 mandatis eſſe, ut de comodo loco proſpiceret. Cui do-
 mus monſtrata ad extremum oppidi, ubi in foribus pro
 more *Rantzovii* nomen conſignatum. *Strigotus* offenſam
 ſimulans, qvòd non honoratiore & ampliøre hofpitio do-
 minus exciperetur: „Heus tu, inquit, dominum inter infi-
 „mos detrudis, & ad viliora abducis loca, qvam par eſt;
 „qvum inter regios præcipuus ſit. Qvòd haud dubie ex
 „catalogo & tabulis patebit, qvem mihi cognofcendum
 „exhiberi volo.” Mox accipiens a metatore tabulas, ca-
 piti ipſius ſclopetum illidit, atqve ita ſubditis eqvo calcari-
 bus, pernecitate ejus e manibus elabitur. Ita tamenſi gna-
 rus factus hoſtis copiarum, qvæ a Rege adducerentur; non
 tamen ea animi fiducia, nec eæ copię militum, ut regis
 obviam irent.

Progreſſus igitur Rex pacato agmine (nam per pro-
 pria jam iter erat) ad Coagium oppidum tantisper caſtra
 collocat, dum de claffis adventu in fretum Oritanum cer-
 tior fiat. Ibi Rex parans omnia ad urbis Haſſenſis obſidio-
 nem, exercitum recensendo armatorum numerum init.
 Novem omnino erant ei tum eqvitum turmæ, vexilla pe-
 ditum viginti qvatuor. Duces erant fama celebres, & om-
 ni militari laude inclyti, *Johannes Rantzovius*, & *Reinhol-*
duſ Heidenſtrupius, ille magiſter eqvitum, iſte peditum dux.
 Tribuni militum omnes manu prompti, & ad militaria qvæ-
 vis munera impigri, eoqve magis qvòd Regem commilito-
 nem eſſent habituri. Nec deerant tormenta complura &
 omnis generis machinæ, qvibus ignis injiceretur obſeſſis, &
 muri qvaterentur. Acceſſit etiam claffis ex Norvegia,
 prout tum res ſiverunt, egregie ad bellum inſtructa, duci-
 bus *Chriſtophoro Haccio*, *Johanne Craſſo*, *Erico Guldensfer-*
nio, qvæ cum reliqvis navibus regis portum inſidebat.
 Hoſtis contra munitione urbis conſiſus, certum apud ſe
 habebat urbem Regi haud dedere, promiſſo tum a Belga-
 rum gubernatrice *Maria*, tum Lubecenſibus & aliis auxilio.
 Itaqve obſidia aſpernatus, adventantem cum exercitu Re-

An. 1535. gem intra munimenta opperiebatur. Enimvero tormenta ei & machinae laud deficiebant; quibus, prodita urbe, magna copia potitus est. Commeatus etiam undiquaque con-
vectus, ab civitatibus maritimis belli focils, aliisque. Sed & inacta fuerant ex vicino agro armenta boum, vaccarum & iuvenorum, nec non ovium, aliorumque pecorum greges integri; quo & hosti arciozem annonam redderet, & suam inopiam sublevaret. In portus aditu immanis & magnitudine rara navis collocata, ut classẽ regiam ingressu ad urbem arceret: quam tamen postea crebris tormentorum ictibus pulsata & dilacerata fundo maris regii adegerunt, extante etiamnum in hodiernum diem supra aquas alveo ejus, roboris & magnitudinis pristinae monumento. Ita regii ad continuandam, hostis ad tolerandam obsidionem vel in longius tempus, ut putabatur, apparatus suppeditabat: Eo maxime utrisque diversis, quod huic pro regno occupando, vesano alieni desiderio & ultroneo scelere, fortunam libitum periclitari; illo pro defensione suorum ad arma necessaria adacto, ne quando, male magistratu functo, per dedecus illuderetur, & crimen ignaviae impingeretur.



NICOLAI CRAGII
ANNALIIUM LIBER III.

Ad ix kalendas Augusti regii Cogæa moventes, Hafniam An. circa vesp̄eram subeunt, urbemqve mox corona in- 1535.
vadunt. Rex ipse qv̄atriduo post consecutus, ad pagum vicinum castra ponit, ubi pater annis superioribus sua habuerat. Locus editus est, & jugis montium nihil inferior urbis mœnibus. Extabat etiamnum semirutum vallum, humilisqve fossa, quæ reparatu eo faciliore. Miles haud impiger ad obsidionem, labore indefesso jam castra aggere & fossis communire cœpit. Urbani vero opera turbare omni vi conati. Hi patefactis clam portis urbe erumpere, ignem ingerere, cædere, impellere operantes. Et quidem inprimis *Stigotus* ille *Stigotius*, quem diximus, eqvi pernecitate fretus, ad ipsa castra sæpius projecta audacia penetravit. Tentantem hoc aliquoties regii tandem cognoverunt, ut semel atqve iterum extreme periclitatus, demum se urbe contineret. Sed & hostes magna clade repulsi ab eruptione, metu desistebant. Tormentis deinde tentatum, an possit munitio castrorum impediri. Ex *Jarimari turri*, aliquanto celsiore, tormento peculiari, quod *intortam serpentinam* vocarunt sæpe globos ejaculati. Nec periculo extremo res caruit, adeo ut in ipso tentorio Regis satellites quidam sint interemti: sed interpellari munitio tamen non potuit.

Absoluto igitur opere militari, & communis approbe castris, visum Regi haud opus fore toto ad obsidionem urbis exercitu. Itaque ad oppugnanda alia passim castella ab hostibus infessa cum suis quæque tribunis copiarum destinantur.

An. 1535. Per idem ergo tempus Nicopia Falstria, Allaholmia Lalandia, Callunburgum & Halsinora Sialandia milite circumdantur. Aliqui etiam militum in Scaniam missi, ut auctis copiis arctius Malmogia & Coronea obsessae premerentur. Ipse Rex brevi post delegata cura exercitus ducibus, in Scaniam trajecit. Reperit & ibi omnia, sicut in aliis provinciis, miserum in modum afflicta, nisi quod hi saniore consilio, praeter Malmogianos & Coroneos, Regem receptare parati essent. Lundiam ingressus conventum totius provinciae indixit, vocatis eo Senatoribus, Nobilitate, & ex plebe tum rustica tum urbana delectis quibusdam. Urbs confestim innumera multitudine, laetis Scanis adventu Regis liberatoris sui, completur. Mox ubi de confirmanda electione actum est, prono omnes assensu *Christianum* Regem receperunt. Itaque solennibus, quae in sacramento obligatione intercedere moris est, in *monte Liberi* extra urbem sub dio peractis, in Scania Rex designatus est; ac secuta mox festiva conviviorum gaudia. Rex Svecicarum copiarum duces & tribunos una cum Senatoribus regni epulorū magnifico excipit. Senatores vicissim Regi convivium parant, vocatis simul Svecis.

Inter colloquendum autem cum Svecis, quum *Gustavus* Regis humanitas prolixè ab iis commendaretur, & studium ejus erga Danos in majus extolleretur, incessit Regi desiderium ejus adeundi & videndi. Iter illud mox instituitur, paucis consiliis: nam Senatores id celarat, haud dubius, quin quantum possent a proposito abstraherent. Et vero ut rescitum tandem, Regem iter adornare ac peregre in Sveciam iturum, provisum periculi vehementer illi indoluere. Atque ut officio facerent satis, rebantur suae fidei esse, cum monendo ab incepto dimovere. Ostendunt ei, "tam longinquam peregrinationem alicuiusmo reipublicae tempore suscipi. Accepisse superioribus paucis diebus a subjectis sacramentum fidei, & vicissim praestitisse: Ejus rationem diligenter initio habendam, ne Scani se neglectui habitos queri possint. Pluris opinionem subditorum faciendam, quam ullam affinitatem aut propinquitatem, quae sine aspectu mutuo

An.
1535.

„tuo nihilo esset futura infirmior. Illo discedente, tempu-
 „blicam denuo quasi absque capite futuram. Multa etiam
 „ab inquietis subiectis per ejus absentiam novari posse. Nam
 „de periculo ipsi inde metuendo se male ominari nolle; id
 „tamen usu edoctos, Regi opis egenti, nec in regno suo
 „admodum valido, amicitiae vicinorum non usquequaque
 „confidendum. Multos per tam longinquum iter opera
 „hominum perditorum dolos strui posse, quibus auctor a
 „suspicionem apud alios se vindicet, conscientia sceleris oc-
 „culi haud magnopere formidans. Sed *Christiano* fixum
 „immutumque animo iter illud obire, celeritate reditus peri-
 „culi domestici metum abjicienti. Et eam necessitudinem
 „cum *Gustavo* intercedere putabat, ut mutua conjunctio ob-
 „livisci humanitatis non sineret: Quam quanti ille faceret,
 „praestito tam abunde contra hostes terra marique auxilio,
 „satis ostendisset. Et ut minus affinitatis istius respectu per-
 „moveretur, persuadebat sibi hospitem, ejus fidei se commit-
 „tentem, contra fas & jus tamen non violaturum.

„Sveci, cognito profectionis consilio, clam nuncium
 „praemittunt, qui interdum noctuque ad *Gostavum* pervolans,
 „cum de adventu Regis designati redderet certiore. Ipse
 „haud longe post sequitur, trahens perquam paucos secum
 „aulicos, nec quenquam auctoritate conspicuum, extra unum
 „*Meliorem Rantzovium*. Simul ac Holmiam Sveciae ad *Go-*
 „*stavum* ventum est, non qua tantum hospitem decuit hu-
 „manitate *Christianus* acceptus est. *Gostavus* immitis allo-
 „quio, tetrico vultu & obliquis oculis Dani comitatem, quae
 „natura insita, magnopere laedebat. Ea enim indicia aver-
 „sionis animi, & vel suspicantis perperam de ipsius sinceritate, vel
 „struentis ex opportunitate malum. Jamque suscepti longin-
 „qui itineris poenitens *Christianus*, Senatorum consilia spre-
 „tero apud se dolebat. Causas nihilominus itineris oratione
 „blanda peragit, ut erat moderatus & mansuetus. Actis gra-
 „tulis de praestito contra hostes auxilio, *Gostavum* communis
 „periculi commonefacit. „Fama vulgatum per Germa-
 „niam, idque sibi etiam a fidis quibusdam amicis indica-
 „tum, Imperatori *Carolo* in animo esse, Palatinum in hac
 „reg-

An. „regna, quorum sibi jus per uxorem arroget, vi & armis
 1535. „introducere velle. Qvod si attentaret, in pari causa ipsum
 „fore, ut ejus regnum *Christierni* captivi liberi non minus
 „atque Daniam & Norvegiam sibi vindicent. Ejus poten-
 „tiae resisti viribus regni unius haud posse, praesertim lace-
 „rati & diutino bello enervati. Opus igitur esse arduiore
 „foedere, quam antehac, si saluum regnum suum uterque
 „velit.” Vera memorari, solitudinis jam pridem haud
 „expers *Gostavus* intelligebat. Itaque seu amore, qui *Christi-
 „ano* erga ipsum erat, seu pudore proprio permotus, abje-
 „cto malevoli animi proposito, benignius cum eo agere cœ-
 „pit. Initum mox foedus iis legibus, „ut totis viribus mu-
 „tuo sibi suppetias ferrent, quum opus esset. *Christiano*
 „pecunia suppeditaretur certo pignore ad tolerandos belli
 „sumtus. Bona hereditaria a *Christierno* captivo publica-
 „ta & in aerarium redacta *Gostavo* in Hallandia redderen-
 „tur. Nobiles Sveci, quibus possessiones in Dania essent,
 „juri suo restituerentur. Convenirent inprimis utriusque
 „regni Senatores, qui super hisce cognoscerent, & causas
 „omnes disceptarent: quibus etiam in universum potestas
 „danda, de omnibus, quæ ad horum regnorum salutem
 „spectare videbuntur, discernendi.”

His impetratis, quorum potissimum causa venerat,
 mox *Christianus* reditum ad suos adornans, Reginam ad
 iter paratus salutatum it. Illa placide valedicentem appel-
 lans, vixdum anxietate, quam pro salute ejus ceperat, di-
 missa: „Frater, inquit, tibi fidus auspicatum illuxit, quod
 „sine noxa hinc abire detur. Est igitur ut gratias Deo agas
 „tuæ salutis auctori & servatori. Nam paucis abhinc die-
 „bus ea consilia agitata, quibus tibi exitum parabatur.”
 Attonitus *Christianus*, nec adhuc evadendi certus, ad ani-
 mum revocabat, quantum in periculum se præcipitem de-
 disset: quo lætior fuit, quum a *Gostavo* dimissus, regnum
 suum sospes & incolumis reviseret. Qui gratias Deo agens,
 ex metu quasi vitæ se restitutum, ac tantum non novam
 lucem aspicientem agnoscebat. Salubre vero documen-
 tum Regibus & Principibus, ne temere alienæ fidei creden-
 tes,

tes, se in discrimen dedant. Quotusquisque enim mortali-
 um ita tenax recti, ut non probro exiguum præmium ante-
 ponat, nedum regni aliqua fides sit? Enimvero quo quis-
 que celsiore loco positus, tanto magis decoris sui & famæ
 prodigus facinus nefarium audebit. Ad fastigium enim
 regium pudor, si non indolis bonitate, certe metu infamiæ,
 raro pertingit: Et si quæ est infamia facti, a paucis Re-
 gibus, quanta ea sit, intelligitur. Æmulatio autem ple-
 rumque magnis ingeniis est insita, Regum etiam comitatur
 fortunam, paribus invisam. Et quidem vicinorum eo ma-
 gis, quo propior in oculis prosperitas, quam sibi noxiam
 fore opinantur, suspicaces ipsi, & ex quavis levicula rerum
 mutatione diminutionem sui formidantes.

An.
1535.

Ceterum reducem *Christianum* fere per vestigia conse-
 quitur, qui nunciet mortem Reginae *Catharinae*. Ea quali
 fato functa, fama incertum fecit. Ita varia de propero ejus
 obitu in vulgus spargebantur. *Gustavus* litteris in Daniam
 missis amissam enixe deplorabat: *Christianum* rogans, ni-
 hilo secius in amicitia pristina persistat, nec necessitudinis per
 affinitatem junctæ jus abolet. *Christianus* memor fidei &
 solitudinis Reginae, & ipse serio tristatus, dolorem com-
 munem *Gustavo* litteris vicissim testabatur.

Sed dum hoc dolore angitur, in prosperiorem res Sca-
 niæ fortunam vertunt. *Trugotus Ulstrandus*, qui deceptus
 perfidia captivorum, amiserat Varbergam, non destiterat
 vindictam quoquo modo ab hostibus expetere, sibi ipsi haud
 satisfaciens, priusquam *Mayerum* ulcisceretur. Aluerat ipse
 de suo milites aliquot, ut hostibus ex vicino agro commea-
 tum invchi prohiberet, acceperatque a Rege duo vexilla pe-
 ditum, quibus simul copiis oppidum obsidebat. Nec longa
 fatigato obsidione id recuperatum, cum spe potiundi etiam
 castelli, quod milite clausum undique cinxerat. Sed qui in
 castello erant, diutius durarunt, quam ut se statim exemplo
 oppidanorum dederent.

Pari etiam modo Malmogiani & Coronei, ut ut afflicti,
 obsidionem audacter tolerabant, sine mentione deditionis.

O

Quod

An. 1535. Quod Rex admiratus, litteras ex castris mittit, quibus eos ad
deditionem invitat, postulans, ut aliquos ex suis ablegent,
quibus potestas sit de pace agendi. Monet, „ne experiri
„velint extrema, quæ vi domitis solent duriora esse. Se
„paratum in gratiam eos recipere conditionibus, quæ op-
„pido non sint intolerabiles vel iniquæ futuræ, modo illi
„in pervicacia non obstinatos se præbeant., Malmogiani
rescribendo prolixè se excusant, quo minus id facere liceat.
„Voluisse se statim ab obitu *Friderici* de ejus electione age-
„re, sed minis antistitum id consilii coactos omittere. Ac
„tum quosdam e patribus & nobilibus in eadem fuisse sen-
„tentia, qui antistitum impotentem dominatum ac iniqua
„decreta averfati, clam noctu urbe evaserint. Tum *Cbri-
„stianum* ab eorum factione vocatum Lutheranum & ty-
„rannum, ut qui ecclesiasticos odio prosequeretur, non
„aliam veram ob causam, quam quod evangelii doctrinam
„esset amplexus, eamque pio ardore propagaret. Ab anti-
„stitibus tum præteritum & neglectum, & ipsum fortunam
„suam & regni desiderium neglexisse. Agitatum ab illis de
„fratre legendo, in eo tum acquievisse. Hoc igitur eos agi-
„tantes, timuisse vitæ & fortunis suis malum a pontifi-
„cibus, quorum jam multis documentis nota esset in pu-
„blicum insolentia. A puero Rege patrocinium in annos
„complures nullum expectari potuisse, qui ipse opis egeret,
„ea ætate, quæ se tueri non posset. Voluisse antistites inte-
„rim ita dominatum exercere, ut non superesset, qui Regi
„adultiori factò, se accusatorem profiteretur. His aliisque
„de causis adactos, apud Comitem Oldenburgicum ac Lu-
„becenses auxilium quæsivisse, quibus reformata religio cu-
„ræ, ne cum ea ipsi penitus interirent. Antistites non an-
„tea in ejus electionem consensisse, quam quum frustra in
„propositum suum impium niti se viderent. Absque eo
„fuisset, & si res ex eorum voto cecidisset, nunquam eum
„regnare fuisse passuros. Meditetur apud se jam, qui pos-
„sint fidem Comiti datam ita temere violare. Det igitur
„operam, ut quorundam Principum conventus agatur,
„quo Oldenburgicus, Megalopolitanus, Lubecenses aliique
„invitentur, atque tum unanimiter aliquid decernatur,
quod

„qvod æqvius meliusqve, qvødqvè puro verbo Dei non sit An.
„noxium, tum se haud ægre assensum præbituros. 1535.

Hoc Malmogianorum responsum non ad agnoscendam regiam gratiam sed suam indicandam fiduciam conformatum, minus *Christiano* gratum. Coronei autem ad deditiōnem proniores, demissius Regi rescripserunt: „Obligatos „se sacramento Oldenburgico esse, qvod præstitum, patri- „bus auctoribus, iisque præsentibus & volentibus, qvi tum „in pari essent causa. Petere igitur, fide publica licere Ol- „denburgicum accedere, ut spatio mentruo aut semestri „induciis datis, interim a classe regia, qva iter esset ad Co- „mitem, non violentur. Ei se velle rerum suarum statum „memorare, & ut a fide data liberentur flagitare. Igno- „scendum sibi, si fidei & honoris memores ejus rationem „sedulo habeant. Regressos a Comite confestim missuros „qvi de pace agant. Qvam, si Deus faveat nec fortuna „invideat, sperare se æqvam impetraturos: se prorsus Regi „studia sua ita probaturos, ut culpæ immunes esse sentiat.

Tentata mox a Coroneis apud Comitem pømissu Regis auxilii spes; sed ea infirma & in longius tempus dilata. Ac cernebant ipsi, ut qvi in rem præsentem venerant, qvantis angustiis uterqve, Comes & Dux, obsessus esset, ex qvibus emergere difficile, nedum ut aliis suppetias ferrent. Itaqve domum reversi, utrinqve suos ad pacem petendam hortabantur. Malmogiani statim in castra mittunt, qvi Regem inducias tantisper rogent, dum de pace agatur. Eæ datæ, litterisque confirmatæ, sed legibus illis, qvæ ipsis visæ nimis graves. Cautum enim, „ut per induciarum tempus „urbs clausa obsidione maneret, nec interim armenta in „pascua agerentur, vel in mare piscatores exirent, ni suo id „periculo tentare vellent. Hostibus interim auxilium haud „ferrent, nec hostile quid vel clam struerent, vel palam „molirentur. De his convenire non poterat. Recusarunt eas conditiones Malmogiani tanqvam intolerabiles, & clementiæ indicio nullo conjunctas. Urgebat eas contra Rex, ne nimium indulgendo efferatiores obsessos redderet; ita tenuit adhuc aliquanto tempore obsidio. Sed Coronei

An. 1535. haud multo post faniore consilio ad dedendum oppidum inclinatur. Premebat jam malis aliis fessos etiam inopia commectus. Missis igitur fide publica in castra quibusdam magistratibus, clementia *Christiani* veniam omnium delictorum impetrant, adeo ut, gratia facta, de privilegiis & immunitatibus cautum sit, & mox in protectionem promore recepti. Reversi ex castris Coronei, portas *Oligero Ullstadio* & *Maguo Guldensternio* patefaciunt, & reliqua, quæ subiectos decent, præstant. Quæ res Regi perquam commode accidit, nato opportunum admodum portum, ubi classis stationem per tempus hibernum haberet.

Sed ut *Malmogiam Hafniamque* alatum est de Coroncorum deditione, fremebant indignatione, qui hostium partibus favebant, ac metuebantur omnes, ut proditores libertatis & palam suspecti, qui mentionem deditionis injecissent: Sin autem qui in facto ullo deprehensi, quo Regi posset aliquid gratum fieri, vita luebant. *Malmogiae* ejus asperitatis mox editum exemplum. Quidam ex castris regis milites ad fossas urbis penetrarant, ut injecto metu inclusos huc pellicerent. Sed dum tumultus (ut fit) concurrentibus oppidanis ad regiones arcendos cietur, erumpentes alii ex castris, onerarias quasdam ad urbem stantes spoliant. Quo territa plebs oppidana passim per urbem discurrit, vigilesque præ metu portas quoque deseruere; quas civium quidam effractis feris & remotis repagulis patefecere, ut regiones reciperent. Quibus facile etiam fuisset urbe potiri, ni salutis obsessis fuisset, quod illi nescii hujus opportunitatis. Nam consilii nulla communicatio intercesserat. Sedato tumultu, quum de auctore sollicitè inquisitum esset, nec ille inventus, sex cives suspecti ad supplicium, nullius noxæ convicti, rapti sunt. Atque haud secus *Hafniæ* in suspectos sæviebatur. *Janus* quidam inter oppidanos erat, cubicularius quondam *Friederici* Regis: Is liberius in *Christiernum* captivum, inductus, apud Comitem tanquam proditoris vel majestatis reus infimulatur. Crimen patuit, sed tamen falli coargui non poterat. Adjectum igitur accusationi, litteras ad Regem in castra perscripsisse. Id vero exitio fuit, civibus volentibus &

& a Comite desiderantibus, ut hac causa gladio feriretur. An.
Eorum enim voluntate potius, quam juris ulla æquitate, I535.
haud dum sceleris convictus, cujus maxime arguebatur,
supplicium tulit; haud minimo in seditionibus malo, ita
iudicio perditorum hominum subijci, ut ne infontibus etiam
plerisque evitare perniciem liceat.

Sed enim, quia Hafniensibus prorsus destinatum, spe
undiquaque allata, in obsidione contra Regem durare, nul-
lum audire libuit, qui contra fraderet. Et confirmabatur
eo magis ipsorum pervicacia, quod haud multo post a Van-
dalicis commeatus inopia sublevaretur. Circiter diem Mar-
tini missæ fuerant Lubecanorum, Rostochianorum, Vis-
mariorum duodeviginti naves, partim bellicæ partim on-
erariæ, milite, armis & commeatu onustæ, quæ fretum
ingressæ ad Draconiam anchoras fixerant. Earum mox
minores iussæ oram legere, si quæ ad obsessos possint per-
rumpere, latiore alveo satis difficulter sub ipsam terram na-
vigarunt. Regiæ naves ex adverso stabant, anchoris ad
Selandiam haud procul castris jactis. Ex hisce ubi conspe-
ctum est, quid hostis strueret, visum classis præfecto *Scra-*
mio, scaphas milite & tormentis implere, quibus remigio
impulsis obviam hostibus iretur. Iis expeditis, commissa
brevis pugna retroactæ onerariæ, hostium classem ad Draco-
niam petebant. Sauciatus tamen crure *Scramius*, ut medi-
ci opera vulnus obligaretur, ad castra regia perferebatur.
Quod ut hostibus compertum, postridie denuo accessus ad
urbem tentatur. In quos jam appropinquantes, delata
magno impetu primaria Borussî navis, quæ *Johannes Prie-*
nius vehabatur, in brevia adastra fundo hæsit. Nec prius di-
moveri arenis poterat, utut pluribus ocyus ad auxilium
advolantibus, quam hostis quid evenerat persentisceret.
Itaque dum nautæ contis trudere, rudentibus trahere co-
nantur, onerariæ hostiles perumpentes ad urbem subie-
runt, Rege ex castris inspectante nec prohibere valente. Quo
indignatus, præsentiam *Scramii* magnopere desiderabat, cu-
jus virtute putabat hostibus resisti potuisse. Vicarius *Scra-*
mio deinde delegatus, classi præfectus *Michael Brocken-*
bus,
3

An. *sius*, tantisper dum is a vulnere sanaretur, qui deinceps dignitati restitutus.

1535.

Mox autem classis regia, quum mare instante bruma navigationi non amplius commodum esset, portum Coroneum ad hibernandum ingredi iussa, missis e minoribus aliquot in alia loca hostibus opportuna. Dehinc ne tormentis nihil ageretur, aliquot eorum ex navibus avecta sunt, ad oppugnandum castellum in faucibus freti Oritani situm, Coronæburgum modo vocant. Duodecim ea erant majoris generis, quibus castellum aliquoties graviter pulsatum. Sed eo nec expugnato nec dedito, dum nova hic obsidio instituitur, & priore Hafniensi parum proficitur, Rex abiturum in Holsatiam parat. Qui interim castris præesse jubet *Ditlecum Bruedorpium*: classis præfectum constituit *Ericum Guldensternium*; curamque regni mandat *Aconi Billeo*, *Jacobo Ronuovio*, *Magno Goyæo*, & *Erico Crummedigio*, Roschildiæ daturis responsa petentibus, dum ille peregre esset. Erat autem ut in Holsatiam commearet, quia in vicinia hostes non deerant, & a Belgis etiam regionibus istis metuebatur. Audito autem ibi, Lubecenses in æstatem proximam classem novam summis viribus parare, scribit inde ad gubernatores, Roschildiæ relictos, ut de commeatu nautico provideant; quem, indicta collatione virium, per totum regnum imperari voluit. Sed gubernatores, re cum *Frisio* communicata, dissuadent, ne exigi plebem annonam jubeat. „Ægre enim argenti imperati partem exsolutam, nedum „ut novum onus plebs sit latura. Quin metuendum ma- „gnopere ne irritatis animis utrumque onus detrectetur. „Videri igitur differendam hujus consilii promulgationem, „saltem donec de tributo argenteo nihil sit reliquum. De- „cimas ecclesiarum ab antistitibus concessas ad commeatum „conferre plurimum posse, & de reliquis necessariis sibi cura fore. Indicatum deinde, multum commeatu ex Dania navigio evehi in vicina oppida, Chilonium & Flenopolim, atque inde Lubecam plaustris vectum distrahi. „Eum suppetere navalibus copiis solere, ut collatione plebis „opus non sit. Jam hostes hoc commodo frui, ut inde tum

„tum suas copias alant, tum insuper obfessis Hafniæ & An.
 „Malmogiæ suppeditent. Hoc igitur subsidium hosti cri- 1535.
 „piendum, & edicto huic malo occurrendum. In castris
 „magnum esse penuriam eorum, quæ ad vestiaria spectant,
 „ex quo repressa lixarum avaritia sunt & libidine, certa rebus
 „venalibus pretia sunt statuta. Igitur fore si denunciatur per
 „Slævigiam & Holsatiam, ut convehant mercatores in ca-
 „stra, quæ vestibus parandis contra vim frigoris necessaria esse
 „queant: quæ libero commercio, nulla pretii lege dicta, di-
 „strahantur. Ac inprimis rogatus Rex quanto ocys in re-
 „gnum redire, multis arduis negotiis ita exigentibus.

Sed cum attinuere tamen in Holsatia compluria,
 quæ incidere, negotia. *Georgius Lucchius*, eqves Danus,
 qui in aula Gallica inter ministros regis tum erat, missus a
Francisco Valesio, huc ad Regem designatum venit, ami-
 citiam offerens & expetens: „Desiderare Gallum de statu re-
 „rum Danicarum certi aliquid cognoscere. Cui non igno-
 „tum, quos modo hostes Dania habeat, eis juris nihil in
 „regnum quod sibi vindicant, competere. Nec Imperato-
 „rem Lubecensium conatus favore prosequentem, hoc age-
 „re, quod illos aliqua in parte Daniæ hæere velit, sed po-
 „tius ut mutuis bellis vires tum regni tum Lubecensium
 „atterantur, atque ita utrisque regnum ereptum, *Friderico*
 „Palatino, per conjugium filiæ *Christierni*, destinatum tra-
 „dat. Id Gallo certo indicio compertum, noluisse *Christia-*
 „num celare, cui pro pristina utriusque regni necessitudine
 „benigne cupiat. Simulque indicatum velle, sibi Lubecen-
 „ses Daniæ regnum certis conditionibus obtulisse, sed insi-
 „gni æquanimitate & modestia eisdem se respondiisse, aliena
 „non affectare; Consecutum beneficio Dei eam ditionem,
 „qua opes, qua homines, cujus non pœniteat. Ægre Gal-
 „lo esse ita de inclyto Daniæ regno decertari, ut id per ho-
 „stium ludibrium prodicionis præmium sit; paratumque
 „subvenire, si auxilio opus sit.

Is ubi in Galliam reversus, retulit gratissimam Regi
 designato amicitiam Gallicam, venturumque inprimis lega-
 tum,

An. 1535 tum, qui pluribus de ea ageret, datum negotium *Gulielmo Bellayo Langæo*, Smalcaldiam ad conventum Protestantium cuncti, ut quæcunque ad eam conciliandam facere possent, summo studio, per Germaniam & quæcunque locorum pararet. Missus autem fuerat a Rege designato ad eundem conventum *Melior Rantzovius*, cum *Svavenio*, petitem ut in foederis istius societatem ascisceretur. Ubi quum adessent *Langæus*, a Gallo, & *Eduardus Foxus*, antistes Herefordensis, cum *Roberto Barns*, ab Anglo missi legati, cum utrisque, auctoritate Principum, sine mandato Regis designati, prolixè *Rantzovius* egit. Cum *Langæo*, amplissima ab amicitia Gallica spondente, pactum est, ut ad certum diem Lunæburgum conveniretur, cum potestate æquis conditionibus inter utrumque Regem foedus firmandi. Angli ignaros se ferebant belli, quod cum Lubecensibus erat, cujus causas, initia & progressus idcirco *Rantzovius*, ne suspecto ob regii ministerii obligationem fides derogaretur, a Principibus & civitatum legatis reddi & memorari voluit: ratus fore, ut æquiore deinceps se Anglus præberet. Qui ab iis edocti ore & scriptis prolixè de hoc negotio, rogatu Principum promiserunt, luculenter super omnibus ad Regem perscripturos. Ac vicissim legati a *Christiano* mittendi spem *Rantzovius* facit, qui ipsi satisfaceret.

Sed vixdum redierat Smalcaldia *Rantzovius*, optato renunciâns, quod nemine adversante foederis Smalcaldici societas Regi pateat, atque ascitum iri, quum ejus novandi tempus veniret, aliaque, quæ cum legatis Gallico & Anglico intercesserant, referens, quum Anglus præoccuparat legatos suos in Daniam mittere. Erant *Bonnerus* & *Candisius*, qui Varbergam primum ad *Marcum Majerum* appulere, ibi commorati tantisper, dum litteris de fide publica caveretur. Etenim jure legatorum freti, sine commætu regnum ingredi, cujus se hostem hucusque Anglus professus fuerat, extimescebant. Litteris publicæ fidei per absentiam Regis designati a *Brucdorpio* & *Guldensternio*, qui castris & classi præerant, missis, confestim in Daniam *Candisius* venit. Atque inde ad *Christianum* in Holsatiam deducitur, reliquis alio pro-

profecit. Quem in castello Bredenbergenfi affecutus, hortatur Angli verbis, "ut patiatur controversiam cum Lubecensibus intercedentem ad arbitros devolvi, qui causas belli disceptent, & æquas utrique parti pacis condiciones ferant. Velle Anglum, si Rex id gratum habeat, publico bono cum aliis eam operam suscipere, atque officium suum Regi probare. Rogare præterea naves detentas vel relaxare, quandoquidem a navigantibus nihil delictum sit, & Anglus inimicitiarum aut offensæ argui nequeat. Ad quæ postulata modo soli *Candisio*, deinceps vero utrique simul legato Anglico, Hamburgi in eandem sententiam responsum: "Pati Regem designatum posse quemvis æquum arbitrum, neque unquam iudicio Principum, quos recte facta a probris incorrupta & sincera cognitione discernere spes esset, se subtraxisse. Naves Anglicas, ut stipendio contra hostes militent, non ut ademptæ iustis dominis Regi vindicentur, detentas fuisse. Id ius antiquum regni permittere, absque quo esset, vix navigationem tutam ulli genti, præsertim hoc tempore, præstari posse, Lubecensibus omnes, ex quibus lucrum capere possint, promiscue loco hostium habentibus. Simul ac vero regno pax restituatur, nihil causæ dicturum, quin soluto stipendio & redditis mercibus eæ missæ fiant." Sed tamen Anglus de pace apud Regem designatum ageret, tamen Scoto eam svadenti superbe responsum, "Lubecenses sui honoris ac dignitatis semper fuisse studiosos, ideo deferri non posse. Daniæ regnum nunquam se affectasse, sed voluisse saltim a fociis Lubecensibus injurias Danorum hætenus, propulsare: Jam vero quum videat utrosque belli pertæsos, hoc agere, ut ad pacem veniatur." Quæ *Alexander Morus*, a Scoto missus legatus, retulit; allata insuper Scoti excusatione, quod ad Lubecenses non misisset. Eo hoc omissum, quia post victoriam Fionicam, terra marique debellatum esse fama vulgarat; itaque operæ pretium ad eos mitti non existimasse. Promissa tamen a Scoto abunde auxilia, si Rex posthac opis egeret.

An.
1535.

Cum novo anno nova Regi fortuna illuxit. Castel-
P. hum 1536.

An. 1536. lum regni primum, quod in faucibus freti Oritani situm (Coronaburgum modo dicitur) deditione *Henrici Brantuni* in Regis designati potestatem venit. Id oppugnatum incessanter a *Rantzovio*, tutatus *Brantunus* fuerat, dum vires fiverant, & fortiter oppugnantes depulerat. Sed fatiscente postremum milite assiduo labore, quum requiem non darent obsidentes, & deficiente com meatu, tandem huc animum flexit. Milites, qui in praesidio fuerant, cum singulis armis dimissi, cum pacto, ne contra Regem designatum trimestri spacio cujuscunque tandem stipendio militarent. Captivi utrinque sine pretio relaxati, extra profugos & scelerum reos, quos exhiberi sibi regi voluerunt. Machinas bellicas & tormenta, cum pulvere nitrato, simulque bona civium in vecta in castellum, jussi relinquere. Haec omnia ex fide bona fierent, ne ignis clam occultaretur, qui, iis digressis, incendium fuscitaret.

Castello Oritano praesidiis munito, tormenta inde avecta ad oppugnandum castellum Callunburgicum. Ausus ad ejus oppugnationem militum numerus, missis eo cum duobus vexillis peditum *Volfango Grentzero* & *Meliorre Svigio*. Oppugnatio crebro facta, non terruit obsessos, donec spe auxilii confirmarentur ab *Hermannno Longo*, qui praesidio praerat. Suppetebat aliquatenus com meatus ex iis, quae navigio advehebantur. Quum vero mare glacie sterneretur, nec amplius ulla navigatio esset, tum vero alimentorum defectu coactus *Longus*, arcem se tradere paratum ostendit. Sed soli *Magno Goyao* fides habita, ut ei se committeret Regis nomine. Mox alia castella vi expugnata, alia horum duorum munitissimorum exemplum dedendo se secuta sunt. Alaholmiam Lalandiae *Laurentius Cnobius* armis cepit, quod castellum Reginae viduae restitutum, cui ad vitam concessum. *Scaco Rantzovius* Nicopianum castellum deditione accepit, & postea alia, quae passim hostis tenebat, recuperata,

Haec prosperitas Regis Megalopolitano & Oldenburgico, Hafniae inclusis, metum attulit. Et deficiebat paulatim

tim commectatus, nec ex Belgio expectatum auxilium advehebatur. Itaque metuebant alterutrum, aut bellum fuga turpiter deferendum, aut cum dedecore veniam petendam, quæ si negaretur, nihil superesse, nisi ut in manus Regis venirent. Quem tot injuriis affectum minus futurum exorabilem, nondum ejus clementiam experti formidabant. Quapropter ut haberent, quo pignore se redimerent, si necesse esset, nobiles captivos, qui Malmogiæ servabantur, repetitum mittunt. Ii advecti Hafniam, in longinquam captivitatem hiberna navigatione feruntur. Erat Megalopolitano castellum in sua ditione Plavium, quo missi in custodiam dantur; aliique alio ab Oldenburgico translati.

An.
1536.

Hæc dum in Dania geruntur, Rex designatus in Holstia amicitiae cum Bremensi Metropolitano conciliandæ operam dat. Steterat is a *Christierno* captivus, quem restitutum enixe cupiebat; quod promiserat, si ad regnum rediret, diocesim Roschildensem cum omnibus redditibus Bremensi se concessurum. Sed is promissa impleri ab Senatu petens, repulsam reportaverat, judicante contra regni jura esse, extraneum præcipuo beneficio ecclesiæ Danicæ gaudere. Inde igitur inimicitiae ortæ, nondum sublatae fuere: quæ si alienissimo hoc tempore in bellum erupissent, ex vicinia hostis magno ditiones hereditarias detrimento afficere potuissent. Sed *Henricus* Brunsvigæ Dux, Metropolitano sanguinis propinquitate junctus, & a Regis commodis haud averfus, mature se interposuit. Ejus desiderio missi utriusque Bistehudam legati, iis legibus fœdus fecerunt, ut, „inimicitias in universum sublatis, fida pax & sincera bene-
„volentia esset, secundum decreta Imperii. Sed controver-
„sia de diocesi Roschildensi devolveretur ad arbitrium
„*Henrici* Ducis Brunsvicensis, & *Philippi* Landgravii Hassi-
„ci, usque dum Hafnia capta sit. Interim Metropolitanus
„non toleraret in suis ditionibus, qui Regi malum strue-
„rent, neve transitum hostibus permetteret, quin detineret
„potius, & impediret, quovis modo. Rex vicissim, si quis
„vindicare captivitatem *Georgii Textoris* conaretur, auxilio
„Metropolitano veniret, & contra quoscunque hostes alter

An. „alteri suppetias ferret; salva Imperatoris obedientia, ex-
 1536. „ceptaque religionis causa.„ Atque id de *Textore* cautum,
 quia eum captum extremo supplicio *Bremensis* affecerat,
 Rege haud adversante.

Jam Lubecani etiam pertæsi belli, pacis studium serio
 in animo defixerant. Idque eo magis, quod restituti reipub-
 licæ pristini magistratus, nullam justam causam esse belli,
 quod gerebant, monitu & castigatione Principum quorun-
 dam intelligerent. Nec Rex a pace abhorrebat, Dei cul-
 tum & religionis emendationem, quam sibi toto animo
 proposuerat, haud aliter felici successu propagatum iri cer-
 nens. Convenerunt pacis arbitri inter partes acturi Ham-
 burgum, quo vicinæ Rex etiam accessit, ut præstolaretur
 rei eventum in cœnobio Utersino. Erant autem qui se pa-
 cificatores obtulerant, Saxonie Elector *Johannes Fridericus*,
 a quo legati missi *Arnatus Vildensfeldius* Baro, *Ecabardus*
Dama, *Melior Cretzenus*: tum *Ernestus* Brunsvigie & Lunæ-
 burgi Dux, qui ipse præsto erat: Nec non *Philippus* Land-
 gravius Hassiæ, cujus erant legati *Hermannus Malsburgius*
 Marefchallus, *Johannes Frygius* Cancellarius; Præterea res-
 publica *Bremensis*, unde missi Consules, *Martinus Ham-*
burgius, *Theodoricus Hoyerus*: Respublica *Hamburgensis*,
 cujus intererant Consules, *Paulus Grotenus*, *Albertus Ve-*
steus, *Johannes Hulpius*: Respublica *Magdeburgensis*, quæ mi-
 sit *Levinum Emelensem* IC: Respublica *Brunopolitana*, a qua
Franciscus Callius, *Johannes Simonius* Consules venere:
 Respublica *Lunæburgensis*, cujus erant Consules *Hierony-*
mus Vitzendorpius, & *Henricus Garlevius*: Reipublicæ *Hil-*
desfemensis Consul *Johannes Vildenseverus*. In disceptando
 de pace difficile erat de conditionibus convenire. Hafniën-
 ses & Malmogiani, qui ex suis etiam eo miserant, instabant,
 ut *Christiernus* relaxaretur, nulla alia lege ad pacem inclina-
 ti. Multa quoque Lubecenses pro se fociisque flagitabant.
 Tandem vero pacificatores, quum se diu multumque fatis-
 cassent, studio pacis, obtinere, ut in foedus sit assensum:
 „Quo inprimis data venia omnium delictorum Lubecensi-
 „bus & fociis, præsertim Magistro ordinis Livonici & Dit-
 mar-

„marſis: Quorum his etiam privilegia ac jura priſtina, abo- An.
 „litis novis oneribus, indulta ac ſervata. Reliqui Lubecen- 1536.
 „ſium focii cum conditione foedere comprehenſi. Mega-
 „lopolitanus & Oldenburgicus ea lege in gratiam recepti, ſi
 „reſtitutis quæ per vim occuparant, regno excedant. Ro-
 „ſtochienſibus ac Viſmarianis conceſſum tempus deliberan-
 „di ad ſeptimanas ſex, Sundenſibus ad quinque, an velint
 „foedere includi: quibus pacem aſpernantibus, jura & im-
 „munitates in Dania non manerent. Haſnienſibus ac
 „Malmogianis pariter condonatum, modo ſe in poteſtatem
 „Regis ſubmiſſe dedant. Sed horum quibus regno migrare,
 „& domicilium fortunarum alibi collocare libitum, qua-
 „driennii ſpatium iis liberum factum. Eo tempore elapſo
 „migrandi quidem poteſtas conceſſa, ſed ad leges regni ita
 „reducta, ut nulli noxæ belli ſocietas ſit futura. Ac viciffim
 „Rex a Lubecanis ſtipulatus, „ne in regni ſui poſſeſſione un-
 „quam turbetur aut inquietetur, ſed ut Regem Daniæ &
 „Norvegiæ omni cultu & obſervantia agnoſcant. Nec ho-
 „ſtibus auxilia deinceps ſubmittant, aut ex ſuis ditionibus
 „importari ſinant; ſed ubicunqve hoſtes regii deprehenſi,
 „petentibus regiis miniſtris, detineantur. Quod ſi Megalo-
 „politanus & Oldenburgicus pacem abnuant, copias ſuas,
 „quacunqve regni parte militantes, domum propere Lube-
 „cani revocent, exauctoraturi a ſtipendio ſuo, ſi parere re-
 „cuſent. Sveco & Boruſſo, fociiſ regiis, ita conſultum, ne
 „qua hujus belli cauſa ipſorum ſubjecti ab Lubecenſibus læ-
 „derentur. Veruntamen actiones, quæ heredibus Comit-
 „is Høyenſis & Bernardo Mileno contra Svecum competunt,
 „abolitæ non ſint, ſed Chriſtiano arbitro diſceptandæ. Quem
 „ſi Svecus arbitrum recuſet, aut ſi arbitrio non pareat, con-
 „tra Lubecenſes juſ armis perſequentes auxilium a Chriſtia-
 „no haud præſtandum. Utrinque autem convenit, tum ut
 „jura & immunitates, a prioribus Regibus Johanne, Chri-
 „ſtierno & Friderico indulta Lubecenſibus, ſerventur; tum
 „ut ii onera conſveta in utroqve regno & ditione heredita-
 „ria ſolvere haud detrectent. Deinde, ut quæ privatorum
 „ſalva ſunt, veris dominis reſtituantur: atqve itidem exer-
 „citus, naves, tormenta aliaqve quæ etiamnum Lubecano-
 „rum

An. 1536. „rum sunt, nec in potestatem Regis venire, libere ave-
 „hantur. Naves autem, tormenta, & quæ alia regni fuere,
 „bona fide relinqvantur. Belli sumtus & impendia neutra
 „in parte imputentur; sed eorum compensatio utrinque
 „fiat, ut nulla amplius actio de damnis & acceptis injuriis
 „competat. Quæ vero utrinque a subditis legitime debentur,
 „ea iudicio persequi fas sit; quibus jus recte admini-
 „stretur. Captivi utrinque liberi ita sine pretio dimittan-
 „tur, ut quod ejus pacti reliquum uspiam est, solutio post-
 „hac non exigatur. De *Christiæni* captivi liberatione, pa-
 „ce composita, arbitrio Electoris Saxonie, *Ernesti* Lunæ-
 „burgensis, Landgravii, & Civitatum, aliquid ex æquo &
 „bono statuatur. Atque hoc foedus, cum Lubecensibus,
 „firmatum, ut eo aliqua in parte violato, non tamen ad
 „bellum profiliatur; sed quæcunque emergant controver-
 „sæ delectis utrinque arbitris disceptentur.”

Concepta scripto hæc foederis formula, quum, rogatu *Ernesti* Lunæburgensis & legatorum, Rex Hamburgum adiisset, ibi utrinque obsignatur, unaque litteræ de Borinia insula. Rex etiam utrumque ratum gratumque habiturum Senatum regni sponndit. Sed foedus quidem postea acceptum. Intererant his omnibus legati a Sveco missi, nec non Anglici legati. Quibuscum a Lubecensibus tamen nihil communicatum; sed tum demum patefactum consilium, quando de pace transactum. Nec vero foederis formula petentibus Anglis exhibita; ita eos ignaros omnium esse voluerunt. Quamvis pleraque foederis in vulgus mox emanarunt, & ad *Marcum Mayerum* ab eis perscripta sunt, cum gravissima contra Lubecenses querela & ingratitude nis exprobratione.

Soluta autem conventu Hamburgensi, ut promissis satisficeret, missus a Lubecanis *Bernardus Milenus* in Daniæ nunciatum Megalopolitano & Oldenburgico, quid cum Rege designato actum: „Foedus cum Rege initum æquis & honestis conditionibus; Ipsos eodem inclusos esse

„esse, modo dulce pacis bonum complecti velint. Svadere An.
 „Lubecenses, ne se in extrema pericula vitæ fortunarum- 1536.
 „que projiciant, & læsa Regis clementia, exitum deditionis
 „vel expugnationis expectare velint; sed ultimam necessi-
 „tatem deditione antevertant. Obsessos semper eam
 „tolerabilioribus conditionibus facere, quum petitur,
 „quam quum coacti offerunt. Pacis optionem ne quidem
 „prosperè agentibus spernendam; nedum ut ii afflicti, &
 „omni ope fere destituti pervicaces se præbeant. Ex Bel-
 „gio frustra tam diu expectari auxilium, Imperatore milite-
 „egente, tum bello Africano, tum Frisiaco & Geldrico.
 „Palatino in mediterraneis Germaniæ degenti tam longin-
 „quam expeditionem haud in facili esse, ut maxime opes
 „suppetant. Qvi seu navigio in Daniam copias transmi-
 „tere velit, ægre impetraturum a Belgis naves, & potissi-
 „mum tantum commeatus, cujus ipsi indigi. Sin terra du-
 „cere malit, tot provincias & ditiones, tot fluvios, tot
 „montes permeare necesse esse, ut fessas copias, bello fere
 „inutiles, sit adducturus. Ne cogitent igitur sibi promp-
 „tum fore evadere, quum ita libitum. Classem regiam in
 „portu stare, contra quam parem comparari, quæ eam ar-
 „ceat, non esse suæ potestatis. Lubecenses jam exhaustos,
 „& belli sumptibus fatigatos, sibi consulere necesse habuisse.
 „Ipsorum etiam habitam rationem, & impetrata quæ æqua
 „videri possint, modo huc descendant. Clementiam Re-
 „gis magnam esse, si eam experiri velint, non provocare
 „severitatem. Sin malint bellum continuare, coactos Lu-
 „becenses societati renunciare.

Illi oratione *Mileni*, & separatione Lubecensium ni-
 hil moti, pacem repudiant: "frustra enim sibi periisse la-
 "bores & pericula, si jam desisterent. Parum convenire
 "tam celsò loco natis, fiduciam ex armis sumptam temere
 "animo abjicere. Appetere vernum tempus, quo naviga-
 "tio & auxilii importatio opportunior sit. Haud in animum
 "inducere, ut Palatinus sit cessaturus, cui regnum Cæsar
 "velit tradi. Et ut ille hanc curam difficultate deteritus
 "minus serio animo dimittat, Anglum tantam ad impe-
 rium

An. 1536. "rium suum accessionem haud aspematurum. Si nullum
 "horum sit, tamen ante extremas angustias se dedere, pa-
 "rum decorum. Principibus viris spem ex Lubecensium
 "animis aptam habere, in magno probro futurum. Non
 "se regno etiam indignos, & pro eo, dum vita sinat, pu-
 "gnaturos." *Milenus*, tentatis semel atque iterum eorum
 "animis monendo & obtestando, ubi sensit se nihil proficere,
 milites Lubecensium in unum vocatos, sacramento solvit &
 dimisit: stipendiumque abhinc nullum ipsis expectandum
 a Lubecensibus, indicavit. Eo jam urbi excedere ipsis in
 animo; sed Megalopolitanus & Oldenburgicus actum de se
 fore cementes, si a militibus defererentur, de suo stipen-
 dium promiserunt, & magistratus urbani simul a civibus
 pecuniam sponponderunt. Aderat tum in urbe *Leonbardus*
Furaccius, a *Maria* Belgii Gubernatrice missus, qui in ma-
 ximam tum hos tum illos auxilii spem promissis erexit:
 "Affuturos a Cæsare milites & præsidii abunde cum instru-
 "ta classe ex Hollandia. Ea Palatinum ipsum accessurum,
 "ad quem regni jus per matrimonium sit devolutum. Si
 "quid de stipendio reliquum deberetur, se cavere paratum
 "a Burgundis omnia solutum iri. Urbem saltem Cæsari &
 "Palatino servarent; se fidem promissorum servaturum."
 Sed ægre militibus pars aliquota stipendii a civibus Hafni-
 ensibus soluta, & reliquus conatus irritus fuit, uti loco me-
 morabimus.

Ita Lubecenses, quia obtineri non poterat, ut urbs a
 Megalopolitano & Oldenburgico dederetur, eos deseruere.
 Sundenfes mox ultro in fœderis conditiones consensere,
 participes idcirco pacis facti. Sed Rostochiensibus & Vis-
 marianis, quia Megalopolitanum dominum aliquo jure
 agnoscunt, repudiata pace, bellum continuare necesse fuit,
 haud dubie pacem præoptaturis, si res eorum arbitrio ste-
 tisset. A quibus confestim de auxilio obfessis submittendo
 deliberatum. Rex haud dubius id futurum, præmonuerat,
 quos in regno rebus gubernandis præfecerat, ut ei rei cu-
 ram intenderent. Inter quos *Amirallius* mandatum a Rege
 per *Jearum Crabham* & *Ulricum Pentzium* accepit, classem
 por-

portu Coroneo educere, ne ad obsessos quisquam deinceps
adnavigaret.

An.
1536.

Sed dum classis regia instruitur, navis quædam hostilis, pannis & commatu onusta, cursum Hæliniam tendens, accedit. Quæ haud procul urbe erat, quum glacie detenta, cursum sistere cogitur, & vela laxare. Ibi non segnibus labor nautarum, ut navis ad urbem penetraret, glaciem rumpentium, contis impellentium & trahentium funibus. Et advolarunt ocyus ex urbe passim milites & inermes complures, ea visa, ut periclitantem eximerent. Sed glacie spillore, frustra se fatigarunt & impediuntur mox ab regiis, ex castris quid id rei esset conspiciantibus. Quorum complures mox permissu ducum huc properant, indigi & ipsi commeatus. Commissa est super glacie infido solo pugna, iis laborantibus ne advecta eriperentur, hisce nitentibus, ut prædant auferrerent. Prævalentibus regiis, hostes fugati in urbem redeunt, & prædam in regionum manibus relinquunt: quæ partim in castra asportata, partim, quæ devehî non poterat, corrupta.

Mox comperta hostium audacia, qui ne hyemis quidem atrociori rigore abstinuere a subvehendo commeatu, Amirallius classem portu educere parat. Sed & illa parte fretum glacie vinctum horrebat, continuato aliquot mensium gelu. Itaque cum velis evadere classis non posset, præmissi, qui glacie confracta, navibus remulco trahendis & quacunque vi impellendis, meatum patefacerent. Naves aliquo actæ, improbo labore nautis conflantibus, sed ad longius spacium fretum glacie constrictum erat, quam ut tam vastæ moles educere vi potuerint. Et mox ventus tractu nubium validus exortus, quando crusta ruptæ glaciæ, tanto impetu in naves illisit, ut soluta compage tabularum pleraque rimas duxerint, & corrumperentur. *Ulricus Peitzius*, qui una cum Amirallio vehebatur, frigoris tanti insolens, in paucis diebus apud ipsum expirat. Quum ergo frustra iste conatus esset sumtus, in portum remcare ad vitandum majus periculum Amirallio visum. Sed haud minor labor regredi volentes excepit, quam egredientibus incubuerat, ut

Q

tan-

An.
1536.

tandem vix, nautis & militibus fregore tabescentibus, & labore fere exhaustis, naves in portum sint reductæ. Ita concreto frigore mari, non minus regis quam hostibus navigatio cessabat. Tandem apparente vere, quum tepore appropinquantis solis, & jugibus pluviis soluta glacies, classis regia refecta e portu solvit, & oram Germaniæ, quam hostes accolunt, adnavigavit. Jam frequentes hinc inde egresse naves, mari vela faciebant, partim sponte commeatum advehentes, ut ex caritate rerum lucrum ab obsessis capterent, partim ex lege societatis a civitatibus missæ. Hæ omnes aliis atque aliis temporibus in classem regiam inciderunt, a qua capte in universum sedecim numero. Ex quibus, dictu ridiculum, una vehebat Megalopolitano canes venaticos, quibus in vicina insula Amagriana lepores sectando se oblectaret. Magna enimvero animi & consilii levitate, ut, qui sui non satis securus esset, in tam arcta obsidione, voluptatum svertas illecebras, salutis neglectu, persequi non formidaret. Classis regia hac præda potita, & commeatu abunde in aliquot menses aucta, quum non offerrent se plures, qui eo navigarent, & ut posset, siqui id tentarent, commodus prohibere, in fretum regressa, ibi ad deditionem urbis in anchoris stabat.

Ceterum bello jam ad finem vergente, quum maxime auxilii Rex designatus egeret, *Gostavus* iratus causa fœderis Hamburgensis, copias & navales & terrestres ex Dania revocavit. Nam tametsi pridem indicatum ipsi de conventu, missique fuerant legati eo ituri; tamen irrita tum legatio. Jam non præmonitus erat, quod Rege designato in Holsatia agente denuo cœptum hoc negotium. Nec contentus, quod ipsi in fœdere cautum, uti per nuncium Rex designatus ostendit, indignabatur, absque suo consensu, qui socium se tam fidum præstiterat, pacem initam. Ideoque a societate, quam per Regem ruptam interpretabatur, discedere voluit. Itaque ut ei satisfaceret, legatos *Oligerum Ulstrandium* & *Accium Brabeum* mittere necesse fuit. Illi adterentes, quæ excusando Regi designato essent, luculenter de ratione ac modo initi fœderis disseruere: "pacificatores ita in-

sti-

„stitisse, urgerlo negotium; ut tempus præmonendi ade- An.
„merint; Ipse enim de discessu cogitasse, moræ pertæ- 1536.
„fos, quos tan longe diffitos difficile fuerit iterum congre-
„gari. Non potuisse Regem sumtus belli tolerare, si qua
„commoda ratione minui possent; ita iis exhaustum.
„*Gostavum*, si o loco fuisset, haud dubie idem facturum
„fuisse. Nunquam tale nihil expertus sit, aliter sentire. Pe-
„tuisse Regem sociis, atque ipso item *Gostavo*, amplius
„auxilium, fecid negatum. Fœdus hoc, quod jam ini-
„tum, fraudi eï non esse; cuius participem esse liceret, si vel-
„let una comprehendere. Sin mallet causam contra Lube-
„censes jure disputari, se arbitro, quod melius æquiusque
„consecuturum. His aliisque *Gostavus* recte a legatis de
„fœdere edoctus iram remisit, copiisque ad belli finem ma-
„nere iussis, quoniam Regi designato commodum esset, ajebat
„affuturos, qui causam contra Lubecanos agerent.

Latus hoc per legatos responso allato Rex; mox in
castra reversus, unciuncum haud minus gratum a Malmogia-
nis accipit. *Gergius Coccinus*, animadvertens prospera om-
nia Regi esse, eivæ accedere indies alia atque alia castella &
oppida regni, disciscere autem socios, qui id bellum capti-
tarant, Belgasque lentos ad auxilium dubiam spem relin-
quere, casuum humanorum haud improvidus, & sui peri-
culi cautus, quonodo civitati consuleret, dispicere cepit.
Inprimis igitur per *Thomam Sturium* Holstatum, quem ex
nobilibus captivum Malmogiani solum sibi retinuerant, Re-
gis alloquium pett. Data igitur fide publica, liberum ei
accessum rediturumque fore, in castra ad Regem venit. Cui
supplex factus, excusata defectione, veniam commissorum
demitte precatur: „Descivisse se aliosque a senatu, non quod
„Regem nollent, quem maxime designari desiderassent; sed
„religionis reformatæ studio, cuius tuendæ plebs esset cupi-
„dissima. Eam tum hostes antistites opprimere voluisse,
„qui & maxime Regiæ electioni sint adversati. Eo socie-
„tatem cum Lubecensibus initam, ne lux evangelii & sanæ
„doctrinæ extingueretur. Nec existimare, antistites satis
„æquo adhuc in religionem esse animo, ut inde prudenter

Q 2

Rex

An. „Rex judicare debeat, quid sibi de iis polliceri queat. Nam
 1536. „quod tandem in ejus electionem consenserit, videri fecisse
 „partim coactos a Senatu & Nobilitate, partim quod res
 „tum ita ferret, nullo alio Principe valenti eos asserere a
 „periculo. Si pax aliquando restitueretur, laud cessaturos,
 „quin pro dignitate acerrime dimicent. Sudare igitur, in-
 „cat aliquam consilii rationem, qua eos in ordinem redigat,
 „aut prorsus totum eum statum invertat. Sona eorum in
 „fiscum redigendo majorem in modum posse Regem lo-
 „cupletari, ut oneribus belli, aliisque ferendis esse possit.
 „Plebi gravem admodum esse monachorum circumcur-
 „santium mendicitatem, cui nihil charius orum abolitio-
 „ne futurum. Si necesse sit prius bellum componi, &
 „pacem regno restitui, se ad eam rem operam suam offerre.
 „Sperare Malmogianos in sua potestate futuros, & persua-
 „deri haud difficulter Hafniensibus posse peris petitionem,
 „qui ad extrema fere redacti sint.„ Huic orationi callide
 „adjecit, quibus fidem verbis suis faceret: nam secretiora
 „quæque Comitibus consilia prodidit, ex quibus multa utiliter
 „ad reliqua belli conficienda Rex edocebatur. Quo propen-
 „sior ad gratiam consuli tribuendam, ejus iridicio multorum
 „periculorum securus, factus, gratumque a modum habens,
 „quod plebeis probari ex ejus verbis intellexerat, quæ jam
 „pridem in antistites meditabatur.

Tum impetrata venia, *Coccius* ad Malmogianos rever-
 titur. Res initio cum paucis communicat, iisque saltim,
 quos aut defectionis consiliis sibi obnoxios ecerat, aut pro-
 pinquitate & beneficiis sibi devinxerat. Quibus probanti-
 bus consilia, pactus silentii fidem reliqua aggreditur. Osten-
 dit sibi in animo esse, Hafnienses, omnium etiamnum igna-
 rōs, adire, si qua possit eis pacem persuadere. Interim per
 suam absentiam jubet eos cum plebe agere de urbis deditio-
 ne, qua sciscitanti & jubente mitterent ad Regem, qui veniam
 rogarent, & super aliis conditionibus transigerent. Ac edo-
 cet deinde singula, quæ a Rege peti vellet. Sperare preci-
 bus eorum animum Regium inclinatum, exorabilem fore.
 Omnia saltim prudenter & tacite geri monet, ne se auctore
 hoc

hoc consilii cœptum, ad Hafnienſes emanet. Cum Malmö-
gianis re ita compoſita, ipſe Hafniam navigio petit, ubi
mox, majore quam ſperarat difficultate, excipitur: Aver-
ſum enim proſus utriusque, Megalopolitani & Oldenbur-
gici, animum a pace ſenſit, & cives ipſi obdurati in rebel-
lione, ſurdas ad ſana conſilia aures præbuere. Nec pericula
memorantem, nec ampla a Rege promittentem, quantum
quidem utrumque tuto poſſet, quicquam audit; ita in au-
xilio Belgico conſili ſpem firmarant.

An.

1536.

Interim vero illo Hafniæ conſulto moram trahente,
tanquam hac cura attineretur, Malmögiani ſuos Haſſino-
ram ad Regem cum mandatis ablegant. *Jacobus Nicolaius*
& *Jobannes Fæoniſ*, nec non ſenatorum quidam ii erant,
primarii poſt *Coccium* in urbe viri. Rex intimis conſiliis
Magnum Goyæum, *Meliorem Rantzocium*, *Jobannem Fri-
ſium*, ad Malmögianos primum audiendos, adhibet. Mox
ut utrinque in unum coierunt, Malmögiani qua cauſa ve-
niſſent, indicant: „Paratos dedere Regi urbem, modo de-
„ſectionis & reliquorum, quæ plebs furens erga proceres ac
„nobilitatem commiſiſſet, gratiam faceret: Eam igitur ut
„clementer indulgeat, ex animo omnium nomine precari.
Regii in bona ſpe eſſe jubent, modo de reliquis conveniat:
Regem ea clementia eſſe, ut malit noxios, ad ſanam men-
tem poenitentia præteritorum revertentes, ſervari, quam
ſanguine ſuſo regni ſui auſpicia dedicare. Tum Malmö-
giani in ſpem erecti, quæ promitti ſibi plebs a Rege vellet,
demiſſe oratione exſequuntur: „Religionis reſormatæ mi-
„niſterium publice per templa uſurpare, & profiteri, ut cui-
„vis ſine fraude ſit. Jura, privilegia; & immunitates, quæ
„cunque antiquitus indulta, ut per omnia illibata & inte-
„gra civitate ſerventur. Arcem, civium libertati gravem,
„ne in urbe inſtaurare fas ſit, abſque qua in fide Regia ſin-
„cere conſtantes futuros. Facile in veniam delictorum &
reliqua aſſenſum: de arce aliqua diſceptatio tenuit, urgenti-
bus proceribus ejus inſtaurationem, quod urbis haud alias ſe-
curus Rex videri queat, facili & prompta civium rebellionem, ſi
qua fortunam ex inſperato variare contingeret. Sed legati

An. civium plebis mandatis se ita astrictos respondent, ut ejus
1536. injussu instaurationem arcis postulatam spondere nequeant. Petere igitur tempus tantisper dari, quo ad plebem de eo referre possit. Si ea non refragetur, propediem redituros, ut pace confecta, diem deditionis renuncient. Sed metuebatur plebis insolentia, cujus in lubrico nullaque certa ratione innixa consilia levi motu ad pejora & turbulentiora flectuntur. Itaque Rex, ne re infecta discederetur, in praesentia postulata omnia indulsit, ratus opportuniore post tempore commodius obtineri a civibus posse, ne arcis aedificationi adversarentur: & modo recuperari Hafniam, nisi dedita prius Malmogia, longe difficillimum fore cernebat. Litteris igitur super pacis conditionibus confectis, Malmogiani mox claves urbis tradunt. Haud multo post, eis domum cum gaudio reversis, Rex consequutus, Malmogiam A.D. III. Idus Aprilis optato ingreditur, ducens secum equites saltem ducentos, cum vexillo peditum. Ibi sacramento solenniter a civibus praestito, iisque in fidem acceptis, inimicitias omnes cum nobilitate per belli tempus componit. Mox itinere Londia capto, in castra propere regreditur.

Georgius Coccinus interim Hafniae, de deditione urbis laborans, ita se gerit, tanquam horum omnium inscius esset. Allato demum nuncio, se indignari simulat, ausos hoc cives per suam absentiam. Iturum visum, qui hoc actum sit, & de cunctis Comitem certiorum facturum, ut e re nata consilium capere possit. Reverfus Malmogiam, omnia intelligit confecta uti convenerat. Et jam liberata erat urbs obsidione, dimissis prorsus militibus. Inter quos copiae Sveticae eo ipso die, quo Rex urbem adiit, missionem petiere. Nec multa rogans & obtestans, eas retinere potuit. Paulo post & classis Svetica, pariter vento secundo spirante, abnavigavit, ita ut suis ipse viribus Rex belli reliqua persequi necesse haberet.

Oldenburgicus neque hac Malmogianorum defectione, nec sociarum civitatum defectione, animum despondit. Respectarat jampridem, renunciata a Lubecensibus societa-

te,

te, Burgundica auxilia. Ambire clam cœperat nuptias *An.*
Christinae, filiae *Christierni* captivi, quam *Frauciscus Sfortia* *I536*
 Mediolanensis in flore juventutis viduam moriens reliquerat.
 Quæ opibus amplis a marito relictis ditata, in Belgium
 jam redierat. Illa in matrimonium data, auxilium obfessis
 latum iri expectabat: Ipse vicissim majora viribus a se polli-
 citus. Nam non solum commercia Belgis permessa, immu-
 ni navigatione, libera per mare Danicum fore, ut ad opes
 augendas & firmandas nil magis sint desideraturi: sed &
 se totumque regnum in potestate Imperatoris futurum. Ci-
 ves Hafnienfes & Malmogiani, adjunctis suis litteris, pariter &
 ipsi, una cum Comite, Burgundis se commendarant, au-
 xiliaque rogarant. Sed *Maria* conjugii spem silentio eludit,
 spreta Oldenburgici vilitate præ familiæ Burgundicæ splen-
 dore. De auxilio amplissima respondens promiserat, quæ
 propediem missura. „Li modo exigui temporis mora elan-
 „gvescere vires ne sinerent. Tam longinquam enim expe-
 „ditionem apparatu majore constare, quam ut paucis die-
 „bus adduci copię idoneæ ad ferendum auxilium queant,
 Quod responsum ipsis votorum desiderio gratum, sed rei
 inane & vanum erat. Nam promissa bono Palatino, non
 Oldenburgico, fore destinabantur.

Nec multo post Palatinus ipse ex Germania superiore
 copias Rheno vectas in Belgium adducit. *Maria* etiam
 militem collegerat, ac parabatur classis, qui exercitum in
 Daniam portaret. Sed quum ex Belgis multi bellum sva-
 derent, Palatini opes auctas volentes, tum, ut quisque ma-
 xime cordatus & rerum peritus, male de hoc incepto omi-
 nabantur. Nihil tamen de summo studio remissum, quin
 abunde suppetere omnia necessaria. Imperator vero, prius-
 quam vim adhiberi voluit, tentandum per legatos exstimavit,
 velletne *Christianus* sponte, parte regni jure cedere. Ita-
 que Neapoli expeditionem in Africam meditans, hujus rei
 curam habet, mandato *Mariæ* dato de mittendis ad *Chri-*
stianum legatis. Designati statim *Johannes Comes Montis-*
fortis, *Gulielmus Baro Rennuebergius*, & *Gotscalcus Erici*.
 Eos adventuros fama præcurrrens nunciarat, delata ad Re-
 gem

An. 1536. gem, in Daniam pridem reversum. Itaque *Callanburgi* negotium dat relictis ad gubernationem in Holsatia, *Wolfgang* *Utenbovio* Cancellario, *Godefralco Alefeldio*, *Godefralco Ranzovio*, & *Petro Svavenio*, ut auditis legatis de summa rei cum iis pertractent, aut etiam volentes in Daniam ad Regem remittant. Sed ubi legati in hæc partes venire, comperto Regem in Daniam ultra mare Balthicum concessisse, & ulterius ad fines extremos regni tendere, Hamburgi substitere. Inde mox nuntium ad regios gubernatores mittunt, petentes, ut litteras ad *Christianum* datas aut perferendas ipsi curent, aut nuncio ostendant, quo loci ipsum reperire sit. Interim esse sibi apud alios Principes, quod agant; rogare, ut mittant, qui salvos & incolumes per ejus ditiones deducant.

Ceterum legatorum litteris ad *Christianum* datis hæc fere continebantur. „ Mandatum Neapoli allatum, *Christianum* in Holsatiam adirent, & exhibitis litteris fidei, hæc ab „ Imperatore nunciarent: Intellexisse haud dubie *Christianum*, „ opera & consilia Cæsaris confectas esse nuptias inter *Fridericum Palatinum* & *Dorotheam* cognatam suam. Quem „ Principem hoc matrimonio idcirco dignatus sit, quod non „ solum ex veteri Electorum familia ortum ducat, & per se „ prudens magnanimusque; sed & in Cæsaris & Imperii negotiis magna cum laude versatus. Non igitur Imperato- „ rem potuisse Principem tantis donis cumulatum destituere, „ quin quantum necesse adjutet, ut regna Daniæ & Norvegiæ, quæ ipsi per uxorem debeantur, consequatur. Ita- „ que ante biennium circa solstitium æstivum missos legatos, ut indicata ejus voluntate, cum Senatu utriusque regni agerent de *Friderico* eligendo. Eos nequivisse tum legatione recte defungi, Dania bellis flagrante, quæ ab ipso „ nulla justa de causa concitata essent. Quo factum etiam, „ ut Senatores ad legitimam & liberam relectionem descendere haud potuerint. Nec vero cum adhuc ab armis cessante, ut ex proposito suo regnum occupet, exclusi iis, ad „ quos hereditatis jus propinquitatis nomine sit devolutum. „ Imperatorem igitur, quum deceat ex officio quemlibet in suo

„suo jure tueri, non consentaneum pati, hostili *Christiani* An.
 „machinatione propinquam contra jus per vim hereditate 1536.
 „sua spoliari & detrudi. Sed & Germaniæ cum regno Daniæ
 „propter viciniam multa intercedere commercia, quorum
 „usus antiquitus obtinuerit, quæ modo bellis interpellentur,
 „magno omnium subjectorum detrimento. Itaque
 „Imperatoris esse, operam dare, ne regnum Daniæ pessum
 „eat, sed commercia terra marique restituantur. Quæ
 „propter his aliisque de causis ei in animo esse ad vim hostilem
 „haud diutius connivere, neque ut bella gerantur
 „diutius tolerare. Monere serio Cæsaris nomine, bellum
 „deponat, & vi omni manus absteineat, simulque exercitum
 „omnem dimittat, nec regnum Daniæ ultra oppugnet.
 „Si quam sibi actionem competere existimet, judicium ex-
 „periat. Sperare, simul ac amotus miles ejus fuerit, effecturos,
 „ut pariter obsessi in potestate Cæsaris sint futuri,
 „& rem ad inducias venire sinant. Imperatorem tum ex
 „officio obligatum, tum ad pacem conservandam proclivem,
 „ut unicuique jus petenti, quod æquum est, tribuat.
 „Quantum igitur juris in hæc regna vel alia *Christianus* sibi
 „usurpare possit, ad cognitionem suam Imperatorem velle
 „revocari, a quo expectent sine dilatione, quod æquius
 „meliusque videbitur, ut nulla querela sit superflua.
 „Sin *Christianus* detrectet Imperatori obedientiam, & a vi
 „non desistat, metuendum esse, ne ex officio alia remedia
 „querat, quo pax regno Daniæ restituitur, & ab Imperii
 „finibus malum atque vis arceatur. Quibus ut mature occurrat,
 „& rebus suis consulat, monere, obedientem Imperatori se præstet,
 „& quid prorsus animi habeat, per eundem nuncium scripto ostendat. Nam mandato Cæsareo
 „Injuncta alia, quæ diversis in locis peragenda. Sin non in
 „commodum rebus suis accidat, ut aut ipse in Holsatiam
 „locave vicina commeare velit, aut per relictos in Holsatia
 „gubernatores rem tractari malit, se præsto Hamburgi, Lube-
 „becæ, vel alio quoviam tuto loco futuros, ubi se offerant
 „ad agendum de hujus suæ legationis negotiis.

Sed interim, dum hæc litteræ legatorum ad Regem perferun-

R

ferun-

An. 1536. feruntur, nullo expectato responso, legati *Henricum* Megalopolitanum Ducem adeunt, & apud eum mandata peragunt. Cujus ignari Regii gubernatores, Hamburgum frustra veniunt, haud opinati tam brevi eos illud iter fuisse ingressuros. Ideo eis, Sveriae responsum a Megalopolitano expectantibus, missis litteris ostendunt, "potestatem sibi a Rege factam de toto negotio agendi. Qui & parati sint Hamburgum aliquos amandare, simul ac eo reversi ipsi essent; ut rem expediant." Legati autem praefertunt excusationem, "quoniam Hamburgum reverti haud liceat, parum quod negotia praeter opinionem incidissent, quae venire eos non sinant: partim quod nullo missio commeatu, tuto per ditiones *Christiani* transire nequeant: Lubecae se intra spacium sex dierum affuturos promittunt. Petere ut eo, quos mitti velint, accedant." Sed regii Segebergae reditum Caesareorum a Megalopolitano aliquamdiu praestolati, missis inde litteris rogant, "in coenobium *Arnobochianum* accedere ne graventur, ubi eos tuto satis fore, & se missuros, qui sine periculo eo deducant. Simulque sive huc sive ad Regem ipsum ire velint, paratos fidem publicam litteris spondere." Verum legati recusarunt etiam eo venire, "quod negotia Lubecae sint, quae inde excedere non patiantur, & simul temporis brevitate excludi, quo minus alio venire liceat. Quum itaque mora utrique nota, rogare, intra biduum Regii Lubecam adeant, ut ibi responsum dent, deque toto negotio colloquantur. Eos omnino hoc futurum expectare, & inde res suas disposituros."

Tandem quum viderent regii, destinatum legatis nusquam loco movere, ex suis *Gozidium Rantzovium* & *Petrum Swarvenium* Lubecam mittunt, qui responsum referant & legatos expediant. Summa autem responsi Regii, scripto exhibiti, haec fere fuit: "Rem ita postulasse, ut necesse habuerit Rex ultra mare in Daniam regredi, ubi mox de adventu legatorum ipsi litteris eorum innotuerit. Quod si praescivisset, suam praesentiam eis mare eis exhibiturum fuisse. Nunc rebus ita turbatis & commotis fieri id non pos-

An.
1536.

„posse. Itaque scripto legatis responsurum, quid animi ha-
 „beat. Salutem a Cæsare grato animo accipere, & eam
 „reddere: simulque deferre Cæsari sua officia, ut Regem
 „Danorum designatum; & obsequium ac obedientiam
 „præstare paratum, ut Ducem Holsatiz. De nuptiis *Frideri-*
 „*rici* Palatini & *Dorotheæ* non ingratum quod allatum sit.
 „Laudibus enim *Friderici*, quas veras agnoscat, se favere,
 „nec iis detractum velle. Et cognatæ talem maritum con-
 „tigisse, non posse non ei gratulari. Precari, velit Deus
 „felix faustumque hoc connubium esse. Legatos, qui in
 „Daniam ab Imperatore ante biennium missi fuerant, ut
 „de eligendo *Friderico* Palatino agerent, si retulerint a se
 „regnum bello petatum sine iusto titulo, aut ignaros rerum
 „fuisse, aut invidia & malevolentia veritatem depravasse;
 „Nam rem longe aliter habere. Priusquam enim ipse in
 „Daniam movisset, non solum ab hostibus eo ingressis
 „misere afflictam, sed bello intestino civium inter se turba-
 „tam, ut pristini decoris & virium nihil fere superesset.
 „Occasionem se bello nullam præbuisse, a quo semper lon-
 „ge animus abfuerit. Ita se a patre, pacifico & moderato
 „Principe, a prima ætate edoctum, in cuius obedientia huc
 „usque vitam contriverit. Eo extincto utriusque ducatus,
 „suo fratrumque impuberum nomine, administrationem
 „suscepisse. Quo tempore nihil de priore instituto mutasse:
 „Sed pacem undique quæsitam. Ac quidem cum *Maria*
 „Cæsaris sorore & Belgis fœdus initum; ne bellorum ali-
 „qua inde existeret materia. Id indigne tulisse Lubecenses,
 „quibus tum præerant inquieti homines *Georgius Textor* &
 „*Marcus Mayerus*: qui violato fœdere, quod cum patre
 „intercesserat, in suam & fratrum perniciem insurrexerint.
 „Ab iis, Oldenburgensi impulsore & duce, initum injuriæ
 „factum, qua populabundi Holsatiam ingressi sunt. Mox
 „vero comparatis contra eos copiis versum in Daniam bel-
 „lum: ubi proditione quorundam, quos donis & spe cor-
 „ruperant, præcipuas urbes sine armis occuparint. Hoc
 „impedimento fuisse, quominus Senatores ad Regis desig-
 „nationem descendere potuerint. Interim se, & Holsatiam,
 „totum in defensione & recuperatione fuisse. Nec aliam

An. 1536 „causam gravio rem belli Lubecensibus fuisse, quam quod
 „noluissent foedus cum *Maria* ictum, rati officere id, quo
 „minus mari libere dominarentur. Eam sibi occasionem
 „belli contra *Johannem* patrum, & alias contra Reges
 „Daniae sumsisse. Austam deinde Lubecensium malevo-
 „lentiam in conventu Hamburgensi, studio aliquo erga
 „Caesarem declarato. Nec nihil indignatos, quum Belgae
 „naufragio ad Daniae littora ejecti, hospitio & victu adjuti
 „fuisent. *Mariam* haec ignorare non posse, editis Lube-
 „censium ea de re scriptis, quorum unum initio horum
 „motuum ad se miserit. Non igitur faciendum Caesari
 „fuisse, ut bellum legitimum impediret, quod excitatum
 „ipsius potissimum causa, nedum ut regna Daniae & Nor-
 „vegiae affini suo peteret. Non posse esse haec consentanea
 „iis, quae aliis legationibus acta, quibus nunciatum est;
 „nolle Imperatorem ad regnum Daniae venire, nisi ali-
 „quem filiorum *Friderici*, quibus si quis obsisteret, auxilio
 „iis futurum. De quibus & aliis amplis promissis superesse
 „etiamnum documenta, quae fidem faciant. Nec posse
 „ullo jure *Fridericum* Daniam sibi per uxorem vindicare,
 „quod liberum regnum sit, & per electionem Ordinum
 „conferatur. Nam ne filio quidem Regis obstrictos un-
 „quam Ordines, nedum ut filiarum ulla id petere possit,
 „quamvis plerumque illius ratio haberi soleat. Caveri so-
 „lenni sacramento in Regum inauguratione, ne hoc jus
 „violetur. Quod Rege machinante, eo ipso solutos esse a
 „fide & obedientia ordines. Hisce legibus ex familia Olden-
 „burgensium *Christiernum* I. ad regnum assumptum, & reg-
 „nasse iisdem ordine huc usque reliquos. Constare de his
 „omnibus *Godescalco Erici*, utpote in hisce regnis educato.
 „Ac tamen liberum regni jus, tamen eligi Palatinum non
 „potuisse, ut maxime legati ante biennium ad comitia ac-
 „cessissent. Nam se obligasse Senaturn, *Friderico* patri ali-
 „quem ex filiis successurum. Eo interregnum tum agita-
 „tum, ut adhibitis Norvegiae proceribus communi consilio
 „super hoc decerneretur. Non defuisse tum occasionem
 „extorquendi electionem, si ita libuisset, instigantibus Lu-
 „becensibus, & haud obscure studiis multorum in id incli-
 nan-

An.

1536.

„nantibus. Noluiffe regnum armis implis sibi parare, &
 „potuiffe ferre electionem cujusquam fratrum impuberum,
 „Senatoribus autem, cum Dania armis undique premeretur,
 „visum regiam dignitatem sibi deferre. Non potuiffe affli-
 „ctos & effictum operi petentes destituere, sed eorum desi-
 „derio paruisse. Inde jam pro regno, non solum paterno
 „& avito, sed & suo asserendo, auxilium ab armis petitum.
 „Deum justæ causæ favisse, & victorias terra marique con-
 „tra hostes hactenus dedisse, ut unicam saltim urbem etiam-
 „num tenerent. Eam, utpote regni primariam sine dede-
 „core & perniciæ regni in manibus hostium deferi non posse,
 „ideoque exercitum tanto impendio paratum, dimitti haud
 „integrum esse. Oldenburgicum in ordinem armis cogen-
 „dum, & pervicaciam ejus domandam, qui oblatas æqvas
 „conditiones præfracte repudiarit. Nam judices adauctum
 „omnes sprevisse; tanta ipsi in fortuna, quæ tum afflu-
 „bat, fiducia. Nec res meliore loco jam positas in eventum
 „incertum committere, & hosti viam patefacere; Cæsarem
 „sibi auctorem futurum. Commencia nullo pacto a se tur-
 „bata, sed ab iis potius, quibus bellum imputari merito de-
 „beat. Haud id quæsitum, quod prætenderit Oldenburgi-
 „cus, ut *Christiernum* liberatum vellet: sed ut vel ipse folio re-
 „gio federet, vel ad alium regnum, qui pluris id licitaretur,
 „transferret. Id enim actum apud quosdam ab Imperio
 „„ alienos, & acceptam eo nomine pecuniam. Rem con-
 „„ fessione *Textoris* patefactam esse, & de ea certiorum red-
 „„ ditum iri Imperatorem. Horum consiliorum auctores
 „„ puniendos fuisse, & ab iis pacis turbatæ rationem peten-
 „„ dam. Intercedere regno Daniæ & Holsatiæ Ducibus cum
 „„ Imperatore arctum fœdus, quod nulla in parte hinc sit
 „„ violatum. Itaque nihil minus expectasse, quam ut tam
 „„ iniquum postulando se Imperator fatigaret. Non videri
 „„ hoc facturum, re exactius intellecta, & fiduciæ in ipsius
 „„ æquitate collocatæ minus id convenire. Judicium non
 „„ detrectare, sed patrem ad curiam Imperialem controver-
 „„ siam retulisse; se item judices æquos & non suspectos ferre
 „„ posse. Vigere de Imperatore per totum orbem famam
 „„ moderationis & mansuetudinis; eam, durius in se aliquid

An. „decernendo, sperare ipsum non aboliturum. Hostes sibi
 1536. „excitatos potissimum Belgarum causa, quorum nec minis
 „territum, nec aliis incommodis adactum, ut foedus trans-
 „grederetur. Quapropter rogare, ut memor horum Im-
 „perator expendat, quid se deceat, & quam nihil juris *Fri-*
 „derico Palatino in hoc regno sit, ob quod grave aliquid
 „contra se statuatur aut inceptet.

Accepto hoc responso, eoqve perlecto, legati Caesaris
 minus acquieverunt. Non enim putabant postulatis Im-
 peratoris satis per omnia factum: prae se ferebant etiam,
 quod metuerent Imperatori renunciare, quae de violato foedere,
 & de iniquitate postulatorum essent objecta. Itaque
 reddidere regis responsi tabulas, de quo nec audire nec mu-
 tua oratione conferre placuit. Regii autem contra puta-
 bant, se de omnibus abunde hic egisse, ut nihil declaratio-
 nis loco desiderari merito possit, & Regi prorsus non aliam
 super hisce stare sententiam.

Ita irrita fere hac legatione utrinque discessum, regis
 in Holsatiam remeantibus, legatis in Germaniam ad Ele-
 ctorem Saxoniae *Johannem Fridericum & Philippum* Land-
 gravium abeuntibus. Ubi apud utrumque idem fere nego-
 tii, quod in Dania, erat; petebaturque Regem deferi, cui
 crimini dabatur, quod Daniam nullam justam ob causam
 oppugnaret: „Nam ei nihil juris esse, sed ad *Fridericum*
 „Palatinum per uxorem hereditario regnum pertinere. So-
 „roris filias Imperatorem velle restitutas suae hereditati.
 „Commercium etiam redintegrata cupere, quae cessant bellis
 „flagrantibus. Svadent *Christiano*, ut ab armis desistat &
 „judicio causam submittat. Si haec nolit, Imperatori in
 „animo alia remedia parare, & *Fridericum* ab amicis auxilia
 „petiturum. Inde quae bella per has Europae partes excita-
 „ri necesse sit secum meditentur, & quam noxia ea futura;
 „praesertim hoc alienissimo tempore, quo tum pacem reli-
 „gionis Concilio constituere Pontifici ac Caesari in animo sit,
 „tum rebus contra Turcam aliosque Imperii hostes geren-
 „dis operam dare oporteat. Quapropter tum reipublicae
 „causa, tum in gratiam Imperatoris suavis *Christianum*
 huc

„huc flectant, aut si parere contumaciter, recuset, ne Cæsari in instituto suo adversentur.,, Responsum utrobique, *Christiauum* deferri non par esse, causam ejus non esse ini-
 „quam :., & de occasione belli, de jure regni, de proposito Oldenburgici & Lubecensium, pleraque in eandem sententiam, quæ prius regii prolixè disseruerant. Quæ haud grata legatis, dicentibus „non ad discceptandum eam controversiam se missos, sed saltim, ut monerent, ne *Christiano*, „obedientiam detrectanti & rebeli, ulterius contra Imperatorem adhererent.,, At Princeps uterque: „non odio „alicujus, sed veritatis amore se hæc disseruisse, quæ sperent „etiam Imperatorem in bonam partem accepturum, & „æquum se Regi præbiturum, simulac causam penitus intellexerit.,, An. 1536.

Jam Regi ab Imperatoris exercitu metus inaccessit, quem in Africa *Muleassenu* restituere conantem, haud dubitabat tamen bellum hisce partibus facturum. Itaque callido consilio id operam dedit, ut ejus curam a Daniæ cogitatione ad pericula domestica verteret. Rebus igitur in castris ordinatis, quibus præficiebatur *Christophorus Feltenius*, in consilium adjunctis *Avone Vincentio* & *Johanne Frisio*, mox Rex in Holsatiam properat: Quo statim evocat *Meinardum Hamam*, veterem sui stipendii & militia bonum. Eum quid factum velit edocet, & confestim copias conductas in Frisiam Orientalem ducere jubet. Cum Geldro deinde res composita, qui Groningensibus pridem infensus, quod flagitanti auxilia & pecuniam, utrumque denegassent, ut oppugnarentur Regi auspiciis facile patiebatur. *Hama* militibus passim notus, per Vestphaliam, & in vicinia brevi confecit decem vexilla peditum. Geldrus & ipse suas aliquas adjecit, ducibus *Johanne Grallio*, & *Bernardo Hocfordio*. Quæ copię junctæ inopinato in Frisiam irrumpunt, Damnamque, oppidum reipublicæ Groningensis, ad ostium fere Amasis situm, occupant. Inde populabundus miles late per agros & vicinos undiquaque pagos excurrit, stragemque & tristia incendia passim edit. Nec metus regiis erat ipsa Groningensium mœnia subire, quorum etiam na-

An. 1536. vale crematum, ipsis ad vim hostilem in ista celeritate im-
paratis. Qua elade accepta, quum auxilium a Geldro pe-
tentibus nullum submitteretur, eo relicto, ad *Mariam* Bel-
gii Gubernatricem Groningenses deficiunt. At illa rata
gratum se Imperatori fratri facturam, si ditiones ejus augere,
& imperium dilatare posset, lubens hanc occasionem attri-
puit. Timebatur etiam, ne Danus, parum sincera amicitia
metuendus marique potens, Groninga potiretur, atque inde
Frisiam occidentalem & alias Caesaris ditiones adoriretur,
Belgarumque commercia iis in partibus impediret. Itaque
Baronem *Teutenburgium*, Frisiae Occidentalis gubernatorem
ocys ad accipiendam Groningam in fidem Imperatoris
amandat, jussu eo contra Geldros & quosvis, hostes qui
Groningenſium essent, tutari. Ille, acceptis ab *Maria* co-
piis, quae contra Daniam ab Imperatore comparatae fuerant,
haud diu cunctatus huc venit, & Groningam ingressus cives
& magistratus, sacramento solenni accepto, Imperatori ob-
strinxit. Mox inde ducens loca Dammæ vicina & ad eam
oppugnandam opportuna capit. Tum ad obsidendum
militem regium, qui impar hosti se Dammæ continebat,
aggreditur.

Rex hac de re certior factus, & periculi suis imminen-
tis gnarus, tria peditum millia *Meinardo*, cum suis obfesso,
in auxilium mittit, ducibus *Breidone Rantzovio* & *Georgio*
Munſtero. Nam bello Burgundos & Palatinum distineri iis
in partibus prorsus e re sua fore cernebat. Sed prodita
Teutenburgio Regis consilia a speculatore *Adriano Hispano*,
homine omnium scelerum genere cooperto, cui nimium
quantum confusus. Is pridem homicidii reus, Dania extor-
ris agebat; sed Anabaptistis insinuat, cum aliquibus co-
rum in Holfatiam reversus, captus fuerat. Unde blanditiis,
& verbis ad pietatem confectis, elapsus est, homo quantivis
pretii visus, & Principum quorundam arcana haud igno-
rans: Ei itaque in familiam Regis ascito creditum, ut res
Frisicas scrutaretur, & exploraret, renunciaturus, quae Re-
gem scire opus esset. Sed is pariter famae & fidei prodigus
Teutenburgio omnia patefecerat, quae ipsi credita, praesertim
quae

qvæ jam de submittendis auxiliis instituebantur. Itaqve An. hujus *Adriani* proditione *Teutenburgius* gnarus, qvo tem- 1536.
pore quantisque copiis adventarent, ad *Vestvoldiam* eis occurrit, ibiqve conferto prælio cunctos fudit, fugavitqve, captis ducibus, qvi ad *Mariam* statim missi sunt. Victoriæ ejus opportunæ gaudium *Palatinus* participavit, qvt eo ipso die qvo hæc pacta, in castra ad exercitum victorem accessit. *Teutenburgius* autem liberatus metu regiorum, ne in hostium manibus *Damma* relinqueretur, ad ejus obsidionem secundum hanc pugnam e vestigio revertitur. Tolerata a regis obsidio ad extremum usqve; donec tandem, desperato auxilio, penuria rerum omnium, ad paciscendum adigerentur. *Meinardus* ergo, *Hama*, *Johannes Grollius*, & *Bernardus Hacfordius Teutenburgio* se tradiderunt, reliqui sine armis dimissi: qvæ tamen ut hosti inutilia redderentur, prius haltas fraxineas oblongas, quas gestare Germanis in more est, per medium *Hama* fecat, & ne fraus pateret, obducere ea parte holoserico vel corio mandat. Ita *Teutenburgius* partim captis partim fufis regis, postquam *Veldam*, *Coverdam*, & *Cynortum* ad *Meppelam*, aliaqve sibi subjecisset, *Frisiam* totam sub potestate Imperatoris redegit. Tandem pax necessario a *Geldro* inita, & venia *Frisiis* data, præconis voce *Groningæ* extremo anni, qvo hæc acta, promulgatur.

Rex vero, dum initio in *Groningen*si ditione res non infelicitè cederent, demto *Burgundorum* metu, *Megalopolitanum* & *Oldenburgicum* libetius obsidendo perurgebat, fiduciaqve eorum, ad spem *Burgundorum* avide anhelantium, illudebat. Accesserant in fretum *Oritanum* naves ex omnibus *Belgii* provinciis, junctis simul *Gallicis*, *Anglicis*, & *Scoticis* quibusdam. qvæ ex mercatura lucrum in hisce partibus qværebant. Hæ Regis jussu ad anchoras sistebantur, donec justæ classis numerum complerent. Mox ut ducentæ collectæ, *Hafniam* versus navigant, tanquam obfessis auxilium laturæ. Regiæ passim per fretum ad excubias dispositæ, his obviam veniunt specie prælium conferendi: quarum tamen sex relictæ in insidiis, si forte hostes delusi ex portu *Hafnien*si venientibus opem ferrent. Simul

An. 1536. ac vero concurrere, aliquot horis est dimicatum. Obfessi, ubi classis propius urbem contra regias naves adnavigaret, rati sibi auxilium præsto esse, portas patefaciunt, in muros armati conscendunt, signa pandunt, ac per totum urbis circuitum tormentis globos explodunt. Cernere tum erat senes & pueros, virgines & matronas, macie fere tabefactas, præ inani gaudio in publicum irrumpere, ac vicos compitaque passim strepitu compleri. Tandem fumo & igne, quibus classis utraqve involvebatur, paulatim evanescente, deprehensum magis averfa parte navium tormenta explosa, nihilque damni acceptum. Tum vero dolus patefactus, pudorem inanis gaudii, dempta auxilii spe attulit. Itaque clausis portis ad extrema ferenda se quasi de novo comparant.

Inde quum hac arte hostes non deluderentur, vis undique adhiberi coepta. Ex insula urbi vicina, quæ ab ubertate agrorum nomen habet, (Amagriam vulgo vocant,) suppeditabatur obfessis indies commeatus aliquid, ut minus tæderet inopiæ publicæ opulentiores, qui habebant unde sibi victum quovis pretio pararent. Id ut compertum Regi, transportati sunt ex castris milites, qui insulam occuparent. Agricolaë saltim inventi, militum præsidio destituti, qui facile armatis cessere. Iis igitur ad opera cum militibus adactis, propugnaculum haud procul urbe in obverso littore magna terræ mole erigitur. Nec exinde obfessis aliquid hinc commeatus exportari potuit, vetito ad urbem accessu. Hostes jam pridem magna penuria laborantes, amissam insulam, quæ instar penu fuerat, magnopere deplorabant.

Mox indies magis magisque gliscere, & publica annonæ calamitas privatim apud omnes augeri. Itaque consilium a prudentioribus civium initum, quo pacto huic malo subveniretur. Quibus hæc res maxime curæ, ostiatim denunciaverant singulis, magistratum nomine, ut postero die in forum frequentes convenirent. Parent mandato cives, & a sacra concione egressi inermes ibi præsto sunt. Propositum ipsis, de fame sublevanda invicem agere, ut mitterentur ad eos, qui urbem in potestate habebant, delecti quidam civium petitem, rationem annonæ expedirent, aut egen-

An.
1536.

egentes & macie confectos urbe mitterent, ne fame in urbe enecarentur. Sed rescitum fuerat gubernatoribus urbis, hoc agi, qvi omnia in pejus verterunt. Sparsus enim per eos rumor, agitare cives, ut urbem Regi dederent, atqve ita omnes in potestatem ejus venirent. Eo milites, qvi in præsidio erant, audito, undiqvaqve armati concurrunt, & ut in repentino periculo, attoniti vociferantur, se a civibus prodi, auditaqve vox impia & crudelis *Ambrosii* & *Johannis Bosii*, „vindicandam civium perfidiam, ne scelus gaudio „sit. Tollendos seditiosos & rebelles, ut reliqui parere in „qvavis afflictione assuehant.„ Mox illi ipsi, & ex senatu urbis alii quidem armati, primum inermes cives sclopetis & gladiis petunt. Hinc miles in eos qvasi dato signo impetum facit, ac trucidantur ita civium ducenti: Reliqui clam domum delapsi quisque suam, qvæ tamen tutum perfugium præstare non valuit. Nam cæsi ibi permulti, ac quidam inde in publicum extracti. Nec pauci hujus cœtus, omnium inficii, in amplexibus conjugum & liberorum contodiuntur. Quidam etiam in officinis, nullo metu, labore domestico occupati, cæsi. Non tuta ulli domus, unde pecuniæ aut annonæ spes aliqua: Si quem militum offenderat civis, cum per invidiam, ut prodicionis reum, suæ domi mactandum nefariis manibus tradunt. Tandem cœsis compluribus, hisce atqve illis modis, ut fides rumori prodicionis ex specie aliqua veri conciliaretur, vetitum, in publicum ne quis civium ad aliquod tempus egrederetur. Ita inopes & egeni qvasi carcere domi suæ inclusi sunt, ut qvibus aliunde victum qværerere necesse esset, eo qvarendo prohiberentur, & famem qvasi pœnam indictam miserabiliter tolerarent. Tandem vero satiati sanguine & cæde, qvi faeces hujus crudelitatis fuerant, *Ambrosius*, & *Johannes Bosius*, volente id Oldenburgico, dissidium inter cives & milites ita componunt, ut patratum scelus nulli noxæ sit, ac deinceps utrisque securis a periculo esse liceat. Qvæ ratio, necessario metu majoris mali, a civibus inita est. Nam audita minæ, ni restituta foret concordia, militem domos qvorumcunqve direpturum. Nec aliter tot innocentium civium cædes in cujusqvam caput vindicata, magistratu urbis ad omnia connivente.

T 2

Sed

An. 1536. Sed Deus sanguinis innoxii acerrimus vindex, non tulit tantum sceleris impunitum, qui induratos animo ad poenam traxit. Nam fame per obsidionem augeſcente, tanta calamitas tandem in univerſos incubuit, ut in communi malo ſummi pariter & infirmi ingemiſcerent, & mortis miſerrimæ imaginem ſibi ob oculos ponerent. Panis enim jam deficiebat, & furfuraceus pretium habebat, eoqve peior ex polentæ retrimentis confectus. Nec ſi totus cenſus in panem quantumcunqve impenderetur, non erat qui venderet, ne quidem hordei & avenæ, tanta eorum ibi penuria. Si quibus quantumcunqve erat frumenti, privatim tundeſatur, vel integrum vorabatur. Non caro cuiquam ſupererat, niſi quam jumentis, felibus & canibus maſtatis paraverant; & ea ipſa adeo tabida & emaciata, deficientibus pridem jumentorum pabulis, ut nihil in edendo voluptatis, parum in refovendo utilitatis eſſet. Quæ & ſicubi coquebatur, ad manducandi obſcœnum uſum nec periculum aberat, incuſantibus militibus alia ſervata ſuperſeſſe, & ad fallendum tantum ſœdos illos cibos menſæ apparari. Quidam domos opulentiorum ingreſſi, cibum quærebant, non eo contenti quod nihil reperiebatur, ſed tanquam penitus aliqua recondita, vim & mortis metum, ni proferrentur, intentabant. Et multis ea mors grata, ſed negata. Non ab herbis abſtinebatur, quæ per hortos & ſub mœnia urbis extirpatæ, quocunqve modo coctæ vel etiam crudæ, ſi fames moram non dabat, in ventrem abſumebantur. Nec fere tam quicquam obſcœnum, quod dentibus teri aut in ſtomachum poſſet ingeri, quin in cibum veniret. Multum hæc ipſa, dictu & auditu ſœda, foris ſolicite quærent, per vicos urbis defecti viribus concidunt. Nonnullos domo egredi haud valentes, mors in lecto per ſomnum oppreſſit, Quidam ne ſepultura, carerent ſi domi contabeſcerent, in publicum ſe proruunt, & ibi per compita viarum & ad valum, langvido corpore animam foetidam exhalant. Robuſtioribus paulo ſolatio erat ad cœmeteria ſerpere manibus pedibusqve, quum ſe levare erecto corpore defectu virium non poſſent, ut ibi expirarent, & cum reliquis, quos aſportari contingeret, terræ mandarentur. In conjugum ample-

xibus uxores gravidæ, duplicis mortis exitio extinguebantur. Liberi ad parentum misericordiam perfugientes, cibum lamentabili ejulatu ab egentibus faucibus quasi præripiebant. Infantes in cunis vagientes, quum mater nullo cibo sustentata lac non præberet, lucem quam recens viderant, tenebris mortis commutarunt. Quidam etiam ab uberibus cum matribus simul contabescebant: atque inter complura tristitia mortis exempla hoc erat, quod mulier quædam ad templi parietes mortua inventa, in cujus gremio duo vivi infantes jacebant, sanguinem ex mamillis fugentes, quibus paulo post extinctis cruor per ora manabat, ut ex ipsis uberibus, unde vita foviri debebat, lethalem humorem traherent. Quod miserandum spectaculum multis millibus hominum visum, ingenti omnes horrore perculit. Atque in hac tanta fame id maxime animos afflictorum cruciabat, quod nullum a magistratibus solatium, non sublevandi spes, saltem verbis afferebatur. Si qui eos auxilium instantius flagitabant, jussi facessere, "nondum ad infantum esum ventum esse, quod Hierosolymis contigit." Qui emittebantur portis, beneficium moriendi ab hoste petitori, vel saltem jejunii diutini solatium captivitate redempturi, ad famem augendam in urbem redigebantur, parentibus regiis hosti, quem victum maxime voluere. Horum plerique in ingressu ægre pedes firmabant, & vel in limine portæ ruebant, vel probris & conviciis militum excipiebantur, quæ nihilo morte acerbiora. Ita apud nullum in urbe inveniebatur solatium, hoste aliquam tamen misericordiam exhibente. Nam Ducis Megalopolitani conjugii, in Dania filium enixæ, missæ in cibum farinæ, carnes & alia, quibus pluribus protracta aliquousque deditio.

An.
1536.

Demum vero multitudo sibi ipsi gravis, tantum aberat, ut arma contra ferre possent, uti pauci vitam præ inedia tolerarent. Itaque domiti fame, victique malis suis, calamitatem communem recognoscere didicerunt. Cincti enim duobus castris ab occidentali & boreali urbis parte fuerant, & classè portus obstructus erat, ac propugnaculum in insula vicina erectum, ut nec aliquid invehi, nec ipsis

U

de-

An. 1536. deserta urbe effugere liceret, sed necesse esset miseriæ immori. Itaque jam re consultata, ad tradendam urbem cuncti animos inclinant. Mox ab Megalopolitano & Oldenburgico in castra ad Regem missi, qui deditionem offerant, si aliquo saltem modo tolerabiles conditiones concederet. Sed angebat Regis animum, alias per se mansuetum & placabilem, pervicacia hostis, ut haud aliter deditos acciperet, quam si ejus potestati omnino se permitterent.

Advenérat commodum in Daniam per hosce dies, *Guilielmus* Dux Lunæburgensis, qui supplicum preces intercessione sua apud Regem juvit. Cui obsecranti tandem benignitate & clementia Regis indultum, ut ascitis regii exercitus tribunis & legatis, veniæ & pacis leges moderarentur. Erant autem, qui ad hoc negotium adhibiti sunt, *Christophorus Feltenius*, regiarum copiarum dux, *Gebhardus Schenccius* & *Bosso Feltenius* equitum præfecti, *Conradus Penningus*, & *Conradus Hogenstenius*, tribuni, *Petrus Ultrajectinus*, *David Dracus* & *Volfgangus Rosenbergius*, centuriones, ac præterea alii ex utraque urbem obidentium legione. Hi exorato Rege primis verbis in universum obtinent, ut Megalopolitanus, Oldenburgicus, totusque exercitus hostilis, & cives cuncti in gratiam acceptentur, ita, ut quibus libitum impune regno excedere liceat.

Postea vero leges pacis deditis sigillatim ab iis dictæ:
 „*Albertus* Megalopolitanus cum conjuge, liberis, consilia-
 „riis & aulæ ministris, navibus regijs ad Germaniæ litora
 „transvehatur, & in tuto, securus omnis a Rege periculi,
 „sistatur. Bona non exportet, nisi quæ ab ipso in regnum
 „invecta sunt, relicturus quæ aliorum esse constiterit. Tor-
 „menta & naves in Daniam adductas cum armamentis suis
 „non corruptas Regi relinquat. Regias naves, quibus
 „transvehendus, cum præfectis & nautis reliquis, simul ad
 „litus Germaniæ appulerint, illæsas domum remeare sinat.
 „De injuria & contumelia, Regi ab Megalopolitano imme-
 „rito illata, arbitri utrinque cognoscant: quibus dissidenti-
 „bus arbiter honorarius allegetur, & ita transactione vel
 „judicio lis finiatur. Liberum sit quibuscunque, comitari
 Me-

„Megalopolitanum volentibus, cum eo in Germaniam ire, An.
 „sive ii ex nobilitate sive ex plebe sint, exceptis *Georgio Coccio* 1536.
 „& *Ambrosio Bibliopego*: Qui tamen exierint, non in Da-
 „niam redeant. Qui mercatorum ex Germania Hafniam
 „venere, & per belli tempus ibi sublitere, præter naves &
 „earum armamenta, cuncta sua auferant, & cum Megalo-
 „politano discedant. Oldenburgicus cum suis pariter in
 „Germaniam regis navibus sine noxa vehatur. Idem, sa-
 „cramento prælitto, tota vita nihil contra Regem, pro-
 „pinquos & socios molitur, nec subiectos regno Daniae
 „Sveciae, Norvegiae, Sliævigiae, vel Holfatiae deinceps violet
 „aut injuria afficiat. Ingressu Daniae, Sveciae, Norvegiae,
 „Sliævigiae & Holfatiae tota vita abstineat; nec ibi quic-
 „quam clam, sub infamiae poena, in alicujus perniciem struat.
 „Equites, qui per tempus obsidionis Hafniae fuerint, cujus-
 „cunque tandem stipendio meruerint, cum armis & equis
 „aliisque, quæ sua habuerint, terra marive, uti visum fuerit,
 „facessant. Pedites, & quicumque alii Megalopolitano aut
 „Oldenburgico militarunt, soluto quod civibus debetur,
 „pari conditione cum reliquis terra marive exeant, sed ve-
 „xillis substrictis aut dimissis: nec Germaniam ingressi con-
 „tra Regem, propinquos, aut socios, quadrimestris proximi
 „spatio militent; poena infamiae irroganda, si secus faxint.
 „Qui in comitatu militum subducere se regno voluerint,
 „excepto *Georgio Coccio* & *Ambrosio*, non vtentur. Sed
 „in Daniam post, nisi a Rege impetrata venia, non redeant.
 „Cives Hafnienses, cujuscunque commissi facinoris rei, ad-
 „versus Regem, fratres, senatum, vel nobilitatem, noxæ
 „venia, intercessione *Gulielmi* & reliquorum, sint donati:
 „quos & Rex contra quorumcunque vim & injurias prote-
 „gat. *Georgius Coccius* & *Ambrosius* in gratiam accepten-
 „tur: qui tamen domicilium extra regnum vel ducatus
 „haud transferant; sed in horum oppido aliquo habitent,
 „ubi Rex indulerit, ibique commercia sua libere sub pro-
 „tectione Regis exercent. Ceterum gratia eatenus gau-
 „deant, modo sacramenti fidem iidem non violent, quo se
 „obligarunt Regis & regni commodis sincere & constanter
 „consulturos, & vicissim noxia amolituos: nec palam aut

An. „occulte de *Christianni* captivi liberatione, aut Regiæ fami-
 I536. „liæ mutatione laboraturos. Captivi, quos terra marive
 „in prælio capi contigit, utrinque sine pretio dimittantur;
 „soluto prius, quod a quopiam hospiti debetur. Qui ex
 „Senatu & nobilitate Danica extra regnum in Megapolin
 „aut alio captivi missi, restituantur libertati suæ, sine pretio
 „aut obligatione aliqua: Et sistantur inprimis præfidi Se-
 „bergenfi in Holsatia; denturque pro iis obsides, qui facta
 „restitutione dimittantur. Sed eorum, qui Hafniæ modo
 „exsistunt, liberatio confestim sequatur. Urbs Hafniensis,
 „cum arce, tormentis, globis, pulvere nitrato, & aliis huc
 „facientibus, Regi aut procuratori, Regis nomine, tradan-
 „tur. Nec non naves quæcunque, sive intra urbem sive
 „extra in statione sint, cum armamentis & tormentis om-
 „nibus; pariter & supellex, litteræ, thesauri, & quæcunque
 „alia vel Regis vel civium regni esse constiterit., His legi-
 „bus pax facta, quæ in tabulas relatæ, & utrinque obsignatæ
 a Rege, Lunæburgico, Megalopolitano, Oldenburgico, Re-
 giis tribunis & centurionibus jam memoratis, nec non hos-
 titum tribunis & centurionibus, qui erant *Christiannus Ollius*,
Heido Ermandorfius, *Henricus Deccemus*, *Georgius Snattemus*,
Jobannes Chindelburgius, *Ludovicus Salisburgius*, *Tbiessa*
Raimundus, *Jobannes Slengellus*, *Martinus Lipsius*, *Ulzo*
Fleuchtevangius, *Guilielmus Schollens*.

Deinceps arbitri cognoscendæ & decidendæ controver-
 siæ inter Regem & Megalopolitanum nominati. Rex *Phi-*
lipppum Hassiæ Landgravium, Megalopolitanus *Albertum*
 Electorem Moguntinum delegit. Promissum autem utrin-
 que, „simul ac a Rege requisitum esset, intra spatium de-
 „cem septimanarum, Moguntinum a parte Megalopolita-
 „ni, pariterque Landgravium eodem loco præsto futurum
 „a parte Regis. Arbitrorum eatenus se extenderet potestas,
 „ut ab eis aut causa consensu partium componeretur, aut,
 „sententia prolata, decideretur sine provocatione. At dissi-
 „dentibus iis arbiter honorarius allegeretur, quo ad alteru-
 „trum accedente, ejus sententiam ratam faceret., Super
 quibus etiam litteræ utrinque confectæ sunt.

Tum

An.
1536.

Tum vero de captivorum Danorum liberatione & obfidibus, eorum loco dandis, cautum. Megalopolitanus & Oldenburgicus nominatim hosce nobiles Danos patriæ restituendos sponponderunt: *Andream Billeum, Johannem Billeum, Ottonem Crumpenum, Matthiam Bollum, Johannem Urnam, Nicolaum Vincentium Longum, Canutum Petri, Jacobum Hardenbergium, Hilarium Konnovium, Canutum Henrici F., Ericum Matthea F. & Benedictum Billeum*. Hos enim deditos, & sacramento sibi obligatos, contra fidem datam in Germaniam ad suas ditiones captivos miserant, ut eo quasi pignore se suosque redimerent. Pro iis liberandis & sine obligatione solvendis obsides dati a Megalopolitano *Christophorus Burggravius, & Baro Donanus, Joachimus Jesseus, Viccius Stralendorpius, Melchior Campenus, Theodoricus Oldenburgius & Johannes Velzovius*. Ab Oldenburgico *Henricus Deccenus, Heido Ermandorpius, Ludovicus Debenus, Georgius Lista, Henricus Fuchterus, Hieronymus Schuiringius*. Hi exhibitī in manus Regis, paulo post publica fide dimissi sunt, hac obligatione, "ut Hamburgum recta proficiscentes se conferrent, ubi in diversorio publico tantisper commorarentur, donec Dani captivi postliminio essent reversi. Quo facto & ipsis ad sua liberum esset remeare. Reversī autem domum, quatuor mensium spatio a tempore reditus, cujuscunque tandem stipendio contra Regem socios, ve non mererent, aut interim quicquam clam machinarentur." Quo pacto Oldenburgicus se etiam Regi obstrinxit: a quo exactum super eo aliisque sacramentum solenni scripturæ formula conceptum, quum Megalopolitano litteris datis fides sit habita.

De omnibus his cautionibus redditis & acceptis, coram Rege in castris comparent Megalopolitanus & Oldenburgicus, ut convenerat, supplices futuri & noxam deprecaturi. Uterque gestantes manu albam virgam, nudo capite, pedibus ingrediebantur. Ut in conspectum Regis admissi, mox in genua procidunt, & confessi culpam, veniam, ante promissam, precibus ex Regis ore obtinent. Megalopolitano Rex æquior fuit, quem pertractum in societatem haud ignorabat: Oldenburgicum, totius calamitatis auctorem, ora-

An. tione severiore oburgans ; “ qvo te laesi, inquit , ut tantum
 1536. „ mali mihi meisque creares? An tibi ulla injuria ante illata,
 „ quam tam cruento bello concitato persequeris? si qvo
 „ te incommodo affeci, non res repetitum oportuit? Jam
 „ tu mihi non meritum aliquod memorare, nec faltim inju-
 „ riae speciem, si maxime coneris, ostendere habebis. Bello
 „ tamen non denunciato irrupisti in Holsatiam, & qua iter
 „ dabatur, ferro flammisque omnia vastasti. In Dania etiam
 „ rebello & seditio tuo impulsu excitata, ut totum regnum
 „ cadibus & incendiis miserum in modum deformatum sit.
 „ Nec, si sanguinis fusi poenas Deo exigere a te placet, erit,
 „ qvo noxam tantam expies. Id igitur operam des, ut Deo
 „ serua cordis anxietate & dolore lites, ne in iudicii die tan-
 „ tum tibi facinus imputet. Mihi enimvero, quamvis tuae
 „ propinquitatis nullam rationem habueris, haud decorum
 „ fuerit, necessitudinis nostrae & sanguinis oblivisci. Nec si
 „ tu pudorem exuisti, dignum honore meo fuerit, ut man-
 „ suetudinem meam deponam. Non utar igitur vindican-
 „ di occasione, quam modo tempus offert, nec ulciscendi
 „ mihi libido erit. Vincam iram & justam indignationem
 „ & tibi pacem, quam exposcis, propitius dono. Memor sis
 „ modo beneficij, quod eo ipso tibi confertur, quia a te
 „ nullam expeto poenam maleficij. Consule tibi deinceps
 „ rectius, & Deum veniam exora. „ Hæc Rex mixta ira &
 „ miseratione fatus, vix se continuit, fortunam casus huma-
 „ nos mire variantem altius animo meditatus; nec felicitate
 „ magis tum insolescens quam gaudia moderans. Tum iussi
 „ ambo se humo levare, dimittuntur, & e vestigio stipati sa-
 „ tellitio regio, in urbem redeunt.

Secundum hæc accessere etiam in castra, qui totius ci-
 vitatis nomine ad Regem missi fuerant, ex consulibus, se-
 natoribus urbis & civibus. Quibus, noxam humili confes-
 sione deprecantibus, data est venia defectionis, delictorumque
 omnium. Inde Rex, stipulatus ab iis in posterum fidem &
 obedientiam, indulget omnia, quæ efflagitarunt. „Refor-
 „mata Evangelij doctrinæ adhærere ipsis sine fraude fore,
 „ modo adhiberent ad docendum publice ministros nulla
 pra-

„prava opinione infectos, sed modestos, pios, & Regi eru-
 „ditione & moribus probatos. Jura, immunitates, & be-
 „neficia superiorum Regum, *Johannis & Friderici*, non mi-
 „nuenda, sed firmanda, & in Regis coronatione augenda.
 „Agrum vicinum, quem *Cereris* dicunt, pro totius civitatis
 „armentis compascuum retinendum. Urbem, cum pro-
 „pugnaculis, turribus, tormentis & aliis, in manus Regis
 „tradendam, quibus Rex ab eis cujusvis violentiam & in-
 „juriam propulsaret. Quæ tempore belli commissæ, per
 „sacrilegia, cædes, latrocinia, incendia, aliisque modis, sive
 „in urbe sive extra urbem, prorsus condonanda: pœnis sal-
 „tim ab iis exigendis, qui manus violentas *Anna Rosacrant-*
 „*ziæ* intulerunt. Bona publica regni, & quæ privatorum
 „uspiam extant, restituenda. Potestatem creandi consules
 „deinceps penes Regem fore. Infamiae alicujus vel proditi-
 „onis reos, ex legibus & privilegiis convictos, pœnis affi-
 „ciendos. Commercia, per Norvegiam & alias Regis pro-
 „vincias, libera præstanda. Urbem Hafniensem Regi in po-
 „testate & obedientia futuram, quousque is in vivis: at eo
 „mortuo, Senatui, vel quem Senatus Regem designarit, ser-
 „vandam. De his postquam utrinque Rex se Hafniensibus,
 „& ii vicissim Regi se in castris per litteras obligassent,
 „mox illi in urbem remissi, pacem promulgant.

Nec diu morati Megalopolitanus & Oldenburgicus,
 sarcinis collectis, quanto ocyus poterant, ex portu solventes,
 in Germaniam abnavigant. Inde in paucis diebus Rex cum
 Regina & Senatu urbem, jam suam, solenni pompa inve-
 huntur. Excipitur tacito gaudio, tanto plebis ipsius ma-
 jore, quanto fuerat per obsidionem majore calamitate im-
 mersa. Effusi in fores & plateas, qui quacunque ratione
 agrum corpus trahere poterant, faustis omnibus transeun-
 tem per ora hominum prosequébantur. Et superstitem
 liberationi suæ vitam sibi gratulabantur, quicumque vel ad
 liberam religionis reformatæ professionem anhelabant, vel
 fortunis penatibusque suis tandem tranquillitatem aliquam
 & otium desiderabant. Magistratus etiam officiis erga Re-
 gem functi, porta tenus obviam venienti exierunt. Cohi-

An.
1536.

bita tamen ab omnibus gaudia præ magnitudine mali publici, fœlitiqve planctu & gemitibus studia in Regem testabantur. Qvi conscii scelesum sibi formidabant, soli silentio suspicaci mœrorem obruebant. Rex ipse, dum traducebatur, quæque oculos vertit, tristem faciem urbis mœstus cernit. Testa ædium & templorum tormentis semiruta patebant: parietes pertusi, & effracti, domibus vacuis, in omnem partem nutabant; nec fenestræ laceræ intuituræ ab ullius privato infortunio arcebant. Officinæ & tabernæ, mercibus aut prorsus distractis aut violenter creptis, undiqve clausæ. Qvi se videndos in publicum exhibuere homines, magis spe boni sustentari, quam fortuna sua lætari apparuit. Sed quæ in oculos omnium incurrebant exempla calamitatum, Rex unus altius animo defigit, auctorum insanam perviciam amore miseræ plebis execratus. Quo moderatius etiam victoria usus est, a nullo, cujuscunque criminis, seu sacrilegii, seu cædis, stupri aut rapinæ reo, pœnam expetens. Tantum qvi principes fuerant patranda cædis in nobilissimam matronam *Annam Roscrantziam*, propinquis accusantibus, capitis supplicio damnati, culpam suam luerunt. *Ambrosium* Consulem uxor *Johannis Cubicularii* reum egerat iniquæ in maritum latæ sententiæ: Sed quum postmodum causam dicturus esset, & iudicibus rationes facti probaturus, sumto veneno fatum sibi acceleraverat. Quæ haud dubie divini iudicii vindicta, non passâ pœnam evadere, qvi ambitione, avaritia & dominandi libidine tot atrocibus calamitatibus innumeros mortales involverat.

Regi autem urbis potito, eoque totius regni compoti, omnis cura cogitatioque in eo versabatur, ut rempublicam collapsam instauraret. Itaque adhibitis, qvi præsto erant, patribus, *Magno Goyæo*, palatii Magistro, *Ticcone Crabba*, Mareschallo, *Accone Longo*, *Accio Brabeo*, *Camuto Billeo*, *Olo Roscrantzio*, *Oligero Vistandio*, *Trugoto Vistandio*, *Magno Guldensternio*, *Erico Crummedigio*, *Johanne Frisio*, hæc res eorum secreto consilio agitata. Nam antistites & reliquos senatores ecclesiasticos odium religionis & metus mutationis domi continuerat, quo minus Regem a se designa-

gnatum, publicæ calamitatis fere securi, observantes affectarentur. Nec adhuc redierant ex captivitate, qui in Germaniam missi a Megalopolitano & Oldenburgico attinebantur. Omnibus eadem sententia placuit, "abolendam antistitum „auctoritatem, opesque eorum reipublicæ applicandas, nec „ferendum ullum eorum posthac ad gubernationem alii- „quam ecclesiasticam vel politicam admoveri, nisi synodo „generali Ecclesiæ aliter sancitum. Et ut maxime synodo „ita decretum fuerit, nulla machinatione tamen enitendum, „ut ullus pristinum locum recuperet, nisi Regis, Senatus „populique Danici consentientibus suffragiis. Religioni re- „formatæ velle universos adhærescere, ejusque sinceræ do- „ctrinæ inoffensum cursum adjuvare. Regi, tum religionis „tum reipublicæ causa, si necesse sit, vitam & fortunas om- „nes velle impendere. In hæc se mutuo obligabant, quæ & litteris consignata sunt, ac silentii fides sacramento ab sin- „gulis senatorum exacta, ne ante tempus consilium hoc ever- „tendi status ecclesiastici evulgaretur. Formidabilis enim antistitum etiamnum potentia, eo Regi magis suspecta, quo animo erat ab illis & eorum religione alienior. Et nitebantur adhuc non invalido tum nobilium tum plebejorum multo- „rum præsidio, nondum exstirpata prorsus ex animis omnium superstitione. Itaque visum tutissimum factum, ut ignari omnium uno die cuncti opprimerentur.

Paulo autem postquam hæc acta, Hafniam officii ergo Regem adierunt *Torbernus Billeus* Metropolitanus Lundensis & *Ronnovius* Roschildensis Antistites. Ibi illi iussu Regis inopinato a *Meliore Rantzovio* capti, *Billeus* in hospitio suo, *Ronnovius* in ædibus, quæ tum antistitis erant, uterque eo die simul epulati. Quorum ille quidem necessitati parens, sponte se dedit; sed hic a militibus effracta vi porta in ædium interiora se proripiens, super laquearia in foedum latibulum conscenderat, ac demum undiqueque quæsitus, postmodum reperitur, violentus etiamnum contumelia, quia tolerandi insolens. *Canutus Guldensternius* Antistitem Otthinianum, quum sacris operatus ex *Albani* templo egrederetur, *Claudius Daba*, cum centurione Ger-
ma-


An.
1536

mano opprimunt : qui initio fremens & indignans, tandem lectis litteris Regiis, quibus hoc ministerii mandabatur, acquievit, nullo motu concito. Eadem mandata secutus *Johannes Rantzovius*, Antistites Jutiæ partim vi, partim astu adoritur, ac tandem in potestatem redactos ad Regem captivos adducit. *Georgius Frisius* Viburgensis, opera civium quorundam prehensus est, quum nihil mali sibi metuens, ad excipiendum *Rantzovium* honoris ergo extra portas castelli Hallensis esset egressus. Nam a Viburgensibus, interemto janitore, antistiti fugienti portæ obsecrata, quem ita exclusum *Rantzovius* consecutus, mox ipso pariter ac castello potitur. Nec magna vis contra *Stigotum Crunapenum* Burglamsensem adhibita, qui in sua diocesi longius dissita contra dolum minus paratus. Antistitem Arusiensem, quia vi capì *Christianus* vetuerat, redigendi in ordinem major labor erat: Is enim castellum Silkeburgicum dedi non patiebatur, quantumvis acriter *Rantzovius* id oppugnaret, sed per *Johannem Stigotum* contra vim defendebat: Quod & tenuit tantisper, donec ad *Christianum* scriberet; a quo fiducia meritum, quorum, sub tribus Regibus Cancellarii munere functus, sibi conficius erat, petiit, ne id, sibi a collegio Arusiano fide jurisjurandi traditum, extorqueret, atque ita perjurii reum faceret. Sed tametsi deprecatio ejus inanis, nolente Christiano quemquam antistitem diceceseos aut castellorum amplius compotem esse, tamen præ reliquis ejus ratio habita, idque honori ejus tributum, ut mitterentur *Johannes Frisius*, & *Olaus Rosacrantiæ*, qui cum hortarentur ac monerent, ut Regis potestati se permitteret, ac jussis pareret. A quibus persuasus, castello tradito, in Selandiam in ipsorum comitatu liber versans deducitur, usquedum Roschildiam ventum, ubi demum, adhibito *Stenbergio*, militum custodia septus est. Ita & ille pro captivo asservatus est. Solus autem *Jeanus Munccius*, qui antistes Ripensis fuerat, quia jam antea deposita dignitate ecclesiastica, vitam privatam elegerat, & per invaletudinem senecta ad extremum vergente, nusquam duci poterat, evasit captivitatis infortunium. Electus tamen *Olaus Munccius*, cum reliquis eandem fortunæ necessitatem subiit. Ita capti antistites alii alio in custodiam dedun-

duntur, quidam Draconiam, nonnulli Vordinburgum, *Grumpennus* Sunderburgum, & *Ronnovius* jam hac jam illa arce asservatus. Nam prout quisque modeste se gessit, & a contumeliis temperabat, ita humaniter habitus. Ac plerisque, quibus magis tractabile ingenium, liberatio contigit, non solum restitutis bonis hereditariis, sed etiam beneficia unde viverent, a Rege tributa. Cum *Ronnovio*, reliquis ferociore, durius postea actum: qui primum in regia Hafniensi detentus, inde Draconiam vectus, tum in arcem Helfinorensem, inde in Visbuensem, ac demum in Hafniensem ductus, donec tandem in custodia diem novissimum explevit.

An.
1536.

Mox autem, captis antistitibus, bona ecclesiastica omnia, quæ cujusque dioceseos fuerant, & monasteria a Rege occupata. Qui tamen usus insigni benignitate, conservavit quinque Collegia Canonicorum, ac in monasteriis vitam degere permisit, quotquot claustris istis exire volebant: haud vetitis tamen ad ministerium evangelii adhiberi, qui divinarum litterarum studio mediocri imbuti, ad docendum erant idonei.



NICOLAI CRAGII
ANNALIUM LIBER IV.

An.
1536. **C**HRISTIANUS, ne quis publicum regni liberi statum injus-
su populi mutare eum crimineretur, indictis comi-
tiis, ex plebe urbana ac rustica delectos, ex nobilita-
te superstites universos Hafniam vocat. Ordo ec-
clesiasticus, qui captis antistitibus perturbatus erat, exclusus,
ne dominari in comitiis assu-eretur, libertati suffragiorum offi-
ceret, quia contra eum omnia fere tendebant. Quum ergo
ingens ex reliquis duobus ordinibus hominum multitudo
confluxisset, principio cum patribus actum de obligatione,
qua jura nobilitatis & ordinum sacramento a Rege præstito
confirmantur, quibus ea verbis conciperetur, ac quæ jura,
immunitatesve superioribus adjungerentur, de quibus post-
quam utrinque convenisset, convocata in forum concione,
Rex & Senatus in pegmate ad eum usum exstructo consi-
stens, populum circumstantem ex scripto per interpretem
affatur. Exorsus autem a publicarum calamitatum mise-
ratione, ostendit "ex animo se dolere infausta tempora, quæ
„republicam affligerint. Ac malorum causam quidem
„merito ecclesiasticis imponi agnoscit; sed tamen reliquos
„ordines non ita culpa procul esse, ut proflus innoxii sint.
„Nam nobilitatem contra plebejos multa commisisse, ple-
„bem item contra nobiles ac proceres nimis infesto odio
„exarsisse; ac utrosque contra rempublicam multorum
„criminum reos. Sed Regem omnibus ignoscere, ac pro
„sua clementia delictorum gratiam facere inclinatum: Vi-
„dere enim, si omnia ad severæ justitiæ normam exigenda,
„& vindicanda essent, nullum finem effundendi sanguinem
fo-

„fore. Nolle autem regnum a fangvine auspicari, sed po- An.
 „tius benevolentia & gratia id erigere & instaurare. Svadere, 1536.
 „monere, rogare, itidem illi ex animo faciant, ac mutua delicta
 „reipublicæ condonent. „ Hac sua moderatione & commo-
 „nefactione coaluisse quodammodo nobilitatis ac plebis animos
 „existimans, mox prolixam adversus quælibet antistitem
 „pertexit accusationem, memoratis dictis & factis, quibus
 „republicam læsissent, aut Regem offendissent. Alia aliis
 „objecta, quorum pleraque erant, quæ extremis suppliciis
 „vindicare jure solent. Uni eorum præ reliquis exprobratum,
 „quod mens meminisse horret; „optasse cum in diabolum
 „transformari, ut animam *Friderici*, hæresi infectam, apud
 „inferos quanto vellet cruciatu posset affigere. „ Univerſi
 „autem hoc nomine maxime infimulati, quod doctrinæ re-
 „formatæ pertinaciter omnibus viribus obstitissent; quod
 „Evangelii doctores implacabili odio essent persecuti; quod
 „jura regni suis statutis & decretis antiquassent; quodque
 „in sua quisque diocæsi, nec prorsus Pontificii nec Luthera-
 „ni, regnum sibi erigere constituissent. Eis de causis anti-
 „stitibus electioni Regis intercedentibus, rempublicam ac-
 „cepisse cladem, quæ modo ante oculos versetur. Hæc &
 „ejusmodi innumera per summum dedecus & flagitium
 „antistites patrasse, ideoque visum intolerandam ipsorum
 „superbiam esse, & exitiosam dominationem; proinde
 „placere ecclesiasticam illam dignitatem in perpetuum abo-
 „leri, ut potestas omnis reipublicæ deinceps penes procures
 „laicos sit. Doctrinam etiam velle reformari, ac religio-
 „nem ritusque ecclesiæ Romanæ cessare; ita tamen, ut si
 „qui sint, qui Pontificiis renunciare nolint, non idcirco dis-
 „sentientes malevolentiam formident, nedum ut vi contra
 „conscientiam adigantur; sed ex verbo Dei de veritate po-
 „tius erudiantur: Tum si parere recusent, reddituros ipsos Deo
 „fidei rationem. Se nihilominus agnitam veritatem deferere
 „nolle. Quod si autem pariter illi doctrinam puriorem ample-
 „ctantur, & ecclesiasticam dignitatem abrogatam velint, haud
 „dubie passuros bona ecclesiasticorum in fîcum redigi; quod
 „non videantur in meliorem alium usum converti posse, quam
 „ut inde æs alienum tempore belli conflatum dissolvi, & plebs

An. 1536. „tributorum exactionibus liberari facilius queat. Nec tamen
 „cenfere ita prorsus omnia fisco vindicanda, quin ad pios
 „usus remaneant. Nam jura patronatus, quæ nobilibus
 „competunt, ferventur; fundi & prædia ecclesiis suis ma-
 „neant; decimæ etiam pro Superintendentibus & aliis do-
 „ctis viris alendis inferantur; Academia necessariis professio-
 „rum stipendiis instauretur: Collegia canonicorum & vi-
 „cariorum, cum prælaturis & præposituris, sua retineant;
 „Reformatis cænobiis, monachi & virgines ibi, si velint,
 „alantur: & nosocomiis aut ptochotrophiis erigendis de pro-
 „ventibus prospiciatur. Atque hæc de rebus sacris statuta,
 „aliis non omiffis, sed cura reipublicæ etiam suscepta, ut
 „quovqvo modo restituatur. Deprehendisse autem scaturi-
 „ginem malorum omnium fuisse, quod in tempore de suc-
 „cessore Regis defuncti nihil fuerat decretum. Existimare
 „itaque ad salutem regni esse, ut provideatur, ne unquam
 „respublica in hoc infortunium recidat. Id fieri posse, si
 „Regiam legem seu constitutionem condere placeat, juben-
 „tem successorem designari, qui decedente Rege imperium
 „capeffat. Quo adducta vicinorum populorum exempla,
 „quorum Germanos habere Regem Romanorum, Gallos
 „Delphinum, Hispanos Infantem, Anglos Principem, quem
 „declaratum priori successorem omnes agnoscant. Id insti-
 „tutum Danis etiam sequendum, si vitare seditiones velint;
 „documento ex superiorum temporum motibus perquam
 „luculento. Veruntamen testem Deum facere, non id
 „sua causa agi, nec fratribus præjudicium allatum velle, sed
 „tantum reipublicæ saluti consultum. Cujus haud mini-
 „mam infelicitatem eam esse, quod jura legesque multis
 „modis interpolata, & introductis variis consuetudinibus ac
 „statutis judiciorum ratio labefactata. Deliberasse ergo cum
 „senatu etiam de legum emendatione ac judiciorum instau-
 „ratione, conscriptis legibus & formulis, quibus judices se
 „jure jurando astringant. Eas leges, deinceps recitatas, in-
 „dicat publico bono ita sancitas, ut jura nobilitatis & plebis
 „tueantur: Utrique enim ordini consultum se voluisse; ideo
 „& nobilitati, ut immunitatibus pridem impetratis ac jam
 „desideratis gaudeat, indultum: plebi permissum esse com-
 mer-

„mercia, opificia & alia pro cuiusque vitæ genere exercere;
 „sed ei interdictum fundos nobilium comparare, aut sibi
 „obligare. Tandem quia insolentius se plebs gessisset, quam
 „par erat, sententiam suam esse, deprecatione culpæ gra-
 „tiam a nobilitate orandam, quæ &, se intercedente, no-
 „xam remissura, promississet, ut ita injuriarum omnium in
 „perpetuum memoria obliteretur ac inducatur. Horum
 „omnium patres secum auctores factos, eisque cuncta pro-
 „bari: restare igitur tantum, ut eadem populus jubeat,
 „velitque.”

An.
1536.

Tum hujus scripti post quartam horam demum recita-
 tione finita, populus uno ore exclamans, scivit, uti rogasset.
 Itaque perlata rogatione, tabulæ publicæ confectæ, quibus
 continebantur hæc omnia decreta; insertis nobilium univer-
 sorum & delectorum ex plebe nominibus, vulgo *Recessum*
 vocant. Atque ad eum modum supremus Senatus, in quem
 ecclesiastici, videlicet Antistites omnes, & Abbates quidam,
 nec non Priores, ordinante ita Sancto *Canuto*, annis abhinc
 plus minus trecentis quinquaginta, cooptati erant, qui &
 auctoritate semper prævalere, ex solis laicis (ut vocabant)
 constare cepit: ecclesiasticis ad parendi necessitatem deje-
 ctis, ut nullum in Senatu amplius suffragii jus habeant.
 His cum populo actis, quilibet in publico gaudio lætus, &
 jam bonæ spei plenus domum se recipiebant. Senatus tum
 multis de causis aliis cum Rege mansit, tum ut successurus
 in regnum nominaretur.

In qua deliberatione Rex quidem fratrem *Jobannem*
 successorem dicendum censuit. Sed eam sententiam pauci
 saltim secuti, *Jobanni* jurejurando obstricti; eo tamen ma-
 gis, quod ætas adultior, & spes laudabilis Principis jam de
 se præbuerat. Alii autem merita Regis, reipublicæ libera-
 toris, pluris faciebant, quibus dandum, ut successionis spes
 in filium *Fridericum* transferretur. Quorum sententia, a
 nemine pertinaciter oppugnata, vicit. De forma gubernationis,
 per minorem ejus ætatem constituenda, si quid hu-
 manitus Regi contingeret, major disceptatio fuit. Erant

An. 1536. qui Reginae matri adjungi quosdam senatores vellent, atque eis simul reipublicae gubernationem committendam. Aliis alia ratio placuit: nec de hac re conveniri potuit. Quae & eo tutius prolata, quo firmior valetudine & validior robore Rex, quam ut mortis metu urgeret. Senatusconsultum tamen factum, ut deinceps, dum in vivis Rex esset, successor Principis nomine declaretur, & quidem *Friderico* jam regnum moriente patre destinatum.

At vero Rex qui ecclesiasticorum bonorum, quae fisco vindicabantur, possessionem cerneret, prius *Lutheri* consilium de iis & antistitibus captis sciscitatus fuerat. Cujus ea sententia: "captivitatem antistitum, utpote a persecutione, verbi Dei non cessantium, & rempublicam pariter perturbantium, defendi quidem posse, ac se velle hoc factum excusare ac propugnare, quam posset validissime. Veruntamen ex bonis ecclesiasticis in publicum additis tantum pro ministerio reservandum, ut docentes habeant, quo mediocriter sustentari queant: alioquin metuendum, iis dissipatis, unde suppetat quo docentes alantur. Quod quidem *Lutherus* agebat a se moneri forte non necesse, praesertim Regem tam pium, qui absque eo officium sit factururus: sed aliorum exemplo excitari, quibus nisi restitissent pii Principes, in iis partibus omnia ad se rapuissent: Quales si aliqui in Dania a Satana exfuscitentur, Regi optare a Deo, ut ecclesiarum necessitatem recte meditetur, id est, verbi Dei, unde qui jam sunt, & futuri erunt, aeternam salutem discant, & damnationem sempiternam evitent: Nam in verbo omnia sita esse." Haec *Lutheri* ad *Christianum* fere verba: atque hoc gravissimum ejus de bonis ecclesiasticis consilium. Quod secutus Rex, reliqua quidem in usum Ecclesiarum, Scholarum, Academiae, Nosocomiorum contulit; castella antistitum & monasteria pleraque sub jus fisci redegit. Quorum tamen compluratum & deinceps a fisco alienata; aliqua donatione in bene meritos collata; quaedam venditione aut permutatione distracta; nonnulla nobilibus fruenda data & locata, rationibus obnoxia, aut certa pensione fisco quotannis inferenda.

Haec

Hæc Regi agenti, a consiliis semper erat Senatus, An. suamque auctoritatem accommodabat, sed ad paucos red- 1536. actus. Nam complures patrum nondum in gratiam redierant, ex quo hostium potiti sunt. Mox tamen qui ab Oldenburgico & Megalopolitano in captivitatem abducti fuerant, acceptis Hamburgi publicæ fidei litteris, domum reversi sunt. Qui tum aliorum intercessione, tum supplicii sua deprecatione delictorum veniam impetrant. Ac mox restituti Senatui, quæ patres reliqui de ecclesiasticæ dignitatis abrogatione, & *Friderici* designatione, aliæque omnia de statu regni in comitiis populo probata, suffragiis suis confirmant. Quorum in pari causa erant *Jacobus Hardenbergius*, *Nicolaus Longus*, *Hilarius Romovius*, *Canutus Sparreus*, *Matthias Bollius*, *Ericus Bollius*, *Canutus Guldensternius*: non quidem sponte fide rupta, desertæ reipublicæ rei, sed crimini saltim fuit, quod vitam & fortunas omnes, ad extremum contra hostem perdurantes, reipublicæ non impendissent. In pejore causa erant *Otto Crumpenus*, *Johannes Billens* & *Andreas Billens*; quia & facilius hosti acceperant, & beneficiis acceptis ei se obligarant. Quibus Rex idcirco ad indulgentiam veniam se difficiliorem præbuit. Quamvis & illi, nobilium matronarum ac virginum intercessione, dignitati pristinae etiam redditi: Ac universi pariter fidem litteris obligarunt, datis insuper sponsoibus, ne quid unquam contra Regem, rempublicam, atque quæ jam acta comitiis essent, molirentur. Tandemque ita in supremum ordinem aliis restitutis, aliis allectis, Senatus ad justum numerum completus: atque ita regni potestas & autoritas summa Regi ac Senatui confirmata.

Cujus auctoritate per eosdem fere dies cum legatis Svecicis, *Laurentio Sigenio* Marechallo, *Gustavo Olai*, & *Cbristophoro Andrea* foedus venit, quo sancita horum regnorum arcta conjunctio, ad mutuam auxilium ferendum: simulque decretum, quomodo de litibus publicis vel privatis habendum sit, & de commerciorum mutuo usu. Quod tamen signatum a Rege Daniæ & Senatoribus plerisque,

An. *Gustavus* raturum non habuit, quia in provincias quasdam, quod sibi vindicabat juris non fuerat reservatum, & controversiæ de finibus aliquibus non erant decisiæ. Legati etiam in Belgium ad *Mariam* decreto Senatus missi, qui fœdus Gandavensē renovatum confirmari peterent, postulata haud obtinuerunt. Dies tamen dictus, quo utrinque legati Hamburgum convenirent, ubi de hac re ageretur. Atque ita salus aliqua *Christiani* moderatione & prudentia rebus fere perditis affulsit, & respublica Danica quodammodo caput attollere cepit.

Interim vero in Norvegia toto hoc anno cum ingentibus turbis conflictatum: ubi res eo loco erant, ut istud regnum a paucorum fide aptum esset. Metropolitanus enim Nidrosiensis offensus, quod cismontani, auctoritate sua sprete, ab ipsius consiliis discessissent, tum potentiores, tum plebem sibi adjunxerat, certus in *Christiani* electionem nequaquam consentire. A quo quum comitia, hujus anni initio, Regi creando Nidrosiam indicta fuissent, missi sunt eo a *Christiano* legati *Johannes Revæus* antistes Aslœnsis, *Claudius Billeus* & *Vincentius Longus*. Qui adulta jam hyeme ipso brumæ tempore, per scopulos Norvegiæ glacie ac nivibus obtectos, Nidrosiam penetrarunt. Ii humaniter a Metropolitano accepti, ilico Regis mandata proceribus Norvagicis exponunt, petere "*Christianum* Norvagiæ Regem, „pariter ut Dani, designatum cognoscant. Simulque tributum belli oneribus ferendis inferant. Proceres quidem utriusque bonam spem legatis fecere: placuit tamen in concione ad populum de iis rebus referri, quæ in biduo futura. Interim dum concio indicta expectatur, emanat in vulgus, quid a *Christiano* desideratum. Itaque plebs fremere & indignari, quod nondum Rex creatus tributum imperaret, atque hoc initium pro gravis & intolerabilis imperiî augurio accipiebant. Sed nihil tentatum, priusquam de Metropolitani voluntate constaret. Ad quem missi delecti ex plebe, qui ejus consilium sciscitarentur, simulque rogarent, ut regno Norvegiæ nec non afflictæ plebi pro sua benignitate consuleret. Quibus auditis, Metropolitanus non solum.

An.
1536.

solum plebem a turbulentis consiliis non deterret, sed seditiones magis instigat & confirmat. Quum ergo is abhorre-
re a plebis consilio non videretur, ingens multitudo homi-
num in curiam ejus confluit, querens graviter de Senatori-
bus Norvagicis in partibus cismontanis, quod indictis supe-
riore anno in dominicam trinitatis comitiis Regiis venire
detrectassent, ac neque iis ad Johannis festum prolatis com-
paruissent. Nam tum excusationem saltim allatam, quod
per belli pericula, obsessio ab hostibus mari & portibus,
accedere Nidrosiam non possent. Repetiturque *Johannem*
Revæum antistitem Aslœensem, *Martinum Crabbam* Præ-
positum, *Vincentium Longum*, & *Ericum Ugeropium*, *Chri-*
stiano fidem dedisse; Atque ab iis ita non solum plebem
frustratam, sed Metropolitano quoque turpiter illusum.
Rogare igitur eum, "ne Regem fieri patiatur, qui nec una-
nimi Senatus consilio sit designatus, neque eo loco Rex
declaratus, ubi lex Regia requirit. Præsertim quum tam
importune iniquus ac gravis reipublicæ sit, ut nondum
juribus regni atque ordinum pro more confirmatis, haud
dubitarit tributum irrogare.", Metropolitano non minus
agere erat, quod cismontani & alii quidam ipso inconsulto
Christianum Regem agnoverant, quam plebi, quod tribu-
tum exactum. Itaque utrisque offensis, auctore Metropo-
litano, plebs scivit, ut *Magnus* Antistes *Hammerensis*, *Re-*
tvæus Aslœensis, *Claudius Billens* caperentur; reliqui *Vincen-*
tius Longus, *Martinus Crabba*, *Ericus Ugeropius*, *Ericus*
Haccius plecterentur capite, ubicunque deprehenso essent. Vix
hæc utrinque statuta, quum furore adhuc recenti plebs in
hospitium *Vincentii Longi* irrumpens, ipsum confodit. *Ni-*
colaus Luccius & ipse a plebe obtruncatus, sed propter in-
cestum cum sorore conjugis suæ commissum, uti plebs fe-
rebat. Quamvis verior causa erat, quod metropolitani
machinationibus adversatus fuerat, ex quo superiore anno
pariter cum ipso regnum *Christiano* detulisset. Ab eo enim
tempore semper animo metropolitani dissidentia inhæsit,
ut timidius deinceps de rebus Norvagicis cum eo, cujus
mentem explorarat, communicaret. Iis sublatis, nulla
mora intercedente, properatum est ad legatos capiendos:

An. 1536. qvi ubi vident, nec innocentia nec gentium jure se tutos, furori plebis cedentes, se dedunt. Captusque una *Æschylus Billens*. Atque hi in insulam, *Mouachorum* dictam, urbi vicinam, quæ metropolitani erat, avecti, ibi in custodiam deduntur.

His Nidrosiæ a plebe patratæ, quum ex litteris ipsorum Bergenſes de omnibus certiores facti eſſent, didita mox fama per totam Norvegiam, *Chriſtianum* ſpe regni dejectum, magnum itidem in ciſmontanis partibus tumultum excit. Nam plebs ibi pariter de tributo indignata, abjecit obedientiam, revocante fruſtra *Erico Guldenſternio*, minataque malum eſt univerſis, qvi *Chriſtiano* adhæreſcerent. Ubi ſeditio, auctore *Magno Hamerenſi* antiſtite, & *Gvidone Galileo*, ſuſcitata, eo gliscebatur magis, quo *Guldenſternius* ferocius ageret. Qvi non ſolum prædium *Gvidonis Gallei* incendit, ſed nonnullos etiam privatim ob recuſatum tributum male mulctavit. Ac viciffim ipſius *Guldenſternii* prædium crematum, qvi nec uſquam a plebe jam irritata tutus, niſi caſtello Aggeruſiano, ubi regium præſidem agebat.

Sed tum hic, tum ibi haud multo poſt tumultus ſedatus, initio a Metropolitano tumultus auctore facto, qvi pœnitens facti, mittit ſuos ad *Billeos* captivos pertentatum. Quos ille ubi æquiore animo injuriam ferre (ut neceſſe erat,) comperit, cuſtodia relaxatos dimittit. Antiſtitem *Asloenſem* retinere quidem in animo erat; ſed *Billei* ſuo conſilio & auctoritate obtinuerunt a metropolitano, ut cum quoque miſſum faceret. Nam metropolitaniſ jam pravi facinoris conſcientia ſtimulatus, non potuit non metuere pœnas violati juris gentium, & ſpretæ petitionis Regiæ. Itaque dimiſſurus legatos, non ſolum cum iis amicitiam redintegrat; ſed & auctoritate, qua apud Regem pollebant, conſiſus, ipſis & amicis eorum interceſſoribus ſpem gratiæ præſumit. Atque ut de fide ejus viciffim minus dubitare eſſet, legatis mandata ad Regem perferenda ſcripto tradit, ſimulque per litteras ſe obſtringit, quibus ampliffima a ſe promittit. Mandatis continebatur, ut Regi tum cædem *Vincentii Longi*,

gi, tum alia contra electionem Regis structa excusarent. An.
 Litteris promittebatur "fore, si Rex designatus metropoli- 1536
 "tarum de gratia securum præstet, ac veniam delictorum
 "omnium litteris obsignet, tam quæ adversus *Fridericum*
 "patrem commissa, quam adversus ipsum *Christianum* pa-
 "trata, inprimis ne legatorum detentio irato animo acci-
 "piatur; ne cædes *Vincentæ Longi* vindicetur, ne oppugna-
 "tio *Erci Guldensternii* ipsi imputetur, neve recusatio Regis
 "& electionis in cismontanis partibus facta oppugnatio
 "fraudi sit. Hæc si Rex propitius promittat, tum vicissim
 "habiturum cum pro Rege, auxilia ex regno suppeditatu-
 "rum, a bello & seditione quieturum; regnorum conjun-
 "ctionem non soluturum: sed comitia inprimis habiturum,
 "quibus unânimi consensu, magno cum honore Rex re-
 "nunciatur. Atque legatos ex regni senatoribus mittendos,
 "qui litteras de hisce ferant, ac simul confirmationem pri-
 "vilegiorum ac immunitatum accipiant. In quibus om-
 "nibus quum legati sedulo operam se navaturos promississent,
 "a metropolitano benigne dimittuntur. Qui in reditu Ber-
 "gas primum appellant, ut ibi res seditione illa Nidrosiensi
 "turbatas restituerent. Cui rei dum diutius incumbunt,
 "*Æschylus Billeus*, præmonitis Norvegiæ proceribus, tanquam
 "ejus regni & Senatus ibi aliquota pars, electionem Regis
 "ratam habet, litteris confirmat, idemque reliqui ut facerent
 "studet. Conjungunt consensum cum *Billeo Osfoldus* Sta-
 "vangriensis antistes, *Johannes Crucovius*, regni senator,
 "sacerdotes collegii Bergensis, atque urbis senatus. Quod
 "*Æschylus* postea, missis ad comitia ministris suis cum man-
 "datis ac legatorum potestate, Regi nunciat. Mox descen-
 "dentibus Asloam legatis, quæ iter fuit, Regi omnes accedunt,
 "Nobiles, Abbates, & plebs universa. *Acidoni Galileo* gra-
 "vius offensi legati ob inimicitias cum *Guldensternio* suscep-
 "tas, quam ut facile ipsi ignoscerent: Veruntamen ubi plebs
 "rustica provinciæ Borgefysfel luculentissimum testimonium
 "innocentiæ ejus perhibuisset, etiam ipsi, fidem suam in *Chri-*
 "*stiani* electionem assentiendo probanti, venia indulta. Ita-
 "que inde spe erecti, ex omnibus partibus provinciæ Agerhu-
 "sianæ Asloam delecti mittuntur, uti jussi fuerant, qui plebis

An. nomine cum Legatis transigant. Quibus tum spes
 1536. veniæ facta, si deinceps non parere reculent, nec vectigalia
 debita solvere detrectent. Res tamen integra Regis & Sc-
 natus cognitioni sine præjudicio reservatur, ita ut veniam,
 tum demum, quum Rex responsum dederit, pro ea, quæ
 iplius erga omnes est clementia, expectare possint.

Atque ita in partibus cismontanis, quum nulli non
 Regi fidem dare parati essent, res ibi pacatæ, & status regni
 Norvegici ad tranquillitatem aliqualem redactus. Ex legatis
Revens itinere fatigatus, domi temansit, Regi se litteris ex-
 cusans, & fidei *Claudii Billei* omnia committens. Quo ré-
 ferente, quæ legatione ista in Norvegia gesta essent, reliquis
 quidem ignoscendum, Rex & Senatus censuere, & gratiæ
 beneficium promissum servandum: At metropolitani perfid-
 iam crudelitatem, & projectam audaciam haud inultam
 voluere: Contra quem, promissis a senatu & nobilitate au-
 xiliis, bellum decretum, frustra intercedente *Æschylo Billeo*,
 qui rogatu metropolitani bellum iisdem, quas ad Regem de
 electione scripsit, litteris deprecatus, dissvaserat exercitum
 in Norvegiam transportari. "Nam regnum pridem affli-
 ctum si miles ingreditur, prorsus exhaustum fore. Pos-
 se gratiam indulgendo facile rerum ibi potiri, omnesque
 incolas jam ei accessuros. Metropolitanum quoque iusta
 facere paratum, nec Regis electioni ulla ratione adverfa-
 turum. Sed Rex designatus noluit metropolitanum im-
 pune habere, quod patrarat, gnarus non fuisse antenac eam
 hominis constantiam & sinceritatem, ut ad officium nisi
 coactus reduceretur. Itaque eo in proposito perseverante,
 copiæ undique contractæ *Trugoto Ulfstandio* & *Christo-
 phoro Hvitsfeldio* traduntur, Nidrosiam ad oppugnandum
 metropolitanum vehendæ, quam ad rem parata classis præ-
 fecto *Josepbo Falstrio*.

An. Quum igitur metropolitanus accepisset, a Rege desi-
 1537. gnato exercitum in Norvegiam parari, ut adventum ejus præ-
 veniret, fugam meditari coepit: atque ad eam rem, quæ-
 cunque potest, comparat. Arcem igitur, imposito præsidio,
 decano & sacerdotibus collegii Nidrosiensis, nec non nobi-
 libus

libus quibusdam committit, eorum fidem sibi sacramento obstringens. Ipse interim in naves, quas quatuor adornarat, quicquid erat auri, argenti, tum in suis, tum in ecclesiae thesauris, invehit, cum tormentis bellicis, & aliis rebus, quibus pretium. Adeoque castellum ipsum nudavit, ut ne pulverem quidem nitratum, quantum opus erat, relinqueret. De quo remittendo interpellatus, promisit quidem per *Thorpinum Olai*, qui ea de causa conitabatur, in naves etiam septem, sub *Insula Monachorum* ad anchoras stantes, quantum satis esset remissurum: sed cum tamen inanem prorsus in oppidum redire jussit. Fidem etiam dederat sacerdotibus collegii, fraudi haud futuram cædem *Nicolai Luccii*, eoque nomine scriptam in pergamena cautionem traditurum nobili cuidam *Christophoro Nicolai*, ad mare ipsum deducturo. Sed neque hic promissa impleta sunt. Utrobique enim eos frustratus, flantibus ventis recta cursum in Hollandiam tenuit, si qua spes reditus postea asfulgere posset, præstolaturus. Nec quam in discessu ab aliis exigebat fidem, ipse in rebus quidem leviculis præstitit. Mox adulto vere, ac fuga elapso, copiae Regiae advectæ: quæ facta exscensione, pars late per agros vagantur, pars obsidionem castelli, castris positis instituunt. At qui in præsidio erant, quoad suppetebat, unde obsidionem tolerarent, arcem contra vim tenuere. Sed quum imparati ad diuturniorem obsidionem essent, & jam necessariis fere destituerentur, cœpere cum popularibus suis, qui centuriones & legati in castris iisdem *Christiano* militabant, permissu ducum de pacis conditionibus agitare. Quæ haud difficulter convenerunt, utrisque in tam turbulento regni statu pacem incertæ belli alæ præoptantibus. Itaque quum eæ a ducibus ratæ habitæ essent, nulla arcis deditio ni mora facta. Erant autem ejusmodi, ut cum obsessis haud inique actum sit; quippe quibus de gratia Regia cautum, ut salvas fortunas suas efferre liceret, & retinerent beneficia ecclesiastica ad extremum vitæ, neque fraudi esset aut cædes *Vincentii Longi*, aut dedecori apud quenvam deditio. Castellum ita deditum, a *Trugoto Ulstandio* traditur *Hvitfeldio* servandum in fide Regis aut Senatus, si Regi quid humanitus con-

An. 1537. tingeret, eadem lege, qvæ reliqvæ arces Daniae & Norvegiae. Relictus ita cum mediocri praesidio in borealibus partibus
Heitfeldius, ne qvæ plebis motus ibi oriretur, Norvegiam transmontanam moderatione sua tranquillam praestitit. Reliquæ copiae, denuo navibus conscensis, ad inferiora Norvegiae Hameræam transportantur: Bergis relictis, qvæ mortuo antistite, omnia virtute *Aeschylus Billei* pacata: Oppidum ipsum sine magno labore ac periculo occupatum. Verum antistes, qui & prius a metropolitano steterat, nec etiamnum in *Christianum* consentire in animum induxerat; curiam suam contra vim aliquousque defendit, praesidio & tormentis aliisque necessariis ad eam rem instructus. Tandem elapsis aliquot diebus, qvum se arctius premi cerneret, quam ut durare contra tantam vim posset, fide publica ad finem unius diei accepta, cum *Ulfandio* acturus in templum cathedrale descendit, ubi multis ultro citroque habitis sermonibus, tandem stipulatus certas quasdam conditiones de vitae fortunarumque incolumitate & vivendi ratione, se suaeque in potestatem Regis dedit. Ejus curia tradita *Theodoro Ruffo*, donec Rex designatus quid de illa fieri vellet, statueret. *Johannes Revæus* antistes Asloensis, qvum eo ventum esset, reliquorum malis cautior, nihil contra regios molitur. Qvum ipse paulo post in Daniam profectus, Regis potestati, qvæ suæ dioceseos erant, abdicato sponte antistitis officio, permittit, simulque probat, qvæ a Senatu populoque de abrogatione antistitum & religionis mutatione sancita fuerant.

Qvæ qvum Regi ad voluntatem affluerent, tum vero accessit ea insignis felicitas, qvod a duobus potentissimis Regibus, Gallo & Scoto, foedus & amicitia oblata: Missus eo nomine denuo ex Gallia *Georgius Lucchius*, qui ab utroque litteras officii & benevolentiae plenas attulit. Gallo tum temporis cum Imperatore in Pedemontio bellum erat, eapropter amicitiam *Christiani*, qui eundem hostem habebat, expetebat, ostenditque se in eo esse, ut quatuor simul Reges foedus contra Imperatorem, monarchiam in Europa sibi erigere affectantem, jungant, quorum praeter Anglum &

& Scotum unum esse Danum velit. Scotus recens cum Gallo affinitatem contraxerat, ideo & illi curæ fuit amicos, quos focer alicujus faciebat, sibi adjungere. Tametsi ipsi sua quadam de causa etiam Imperator invisus, nempe quod petenti uxorem *Christinam*, *Christierni* Regis captivi ex *Isabella* filiam, Mediolanensis affinis fuisset prælatus. Huic a *Christiano* responsum, non ingratum fore, quandocunque placeret ea de causa legatos in Daniam amandare. *Christianus* enim ejus amicitiam haud aspernatus, ne qua Gallus offenderetur: alias tamen erat, cur eam non magnopere cordi esse oporteret. Nam rogatus auxilia belli tempore, contra *Christiernum* & Lubecenses, pari utriusque Regis propinquitate se excusaverat.

An.
1537.

At cum Burgundis haud multo post induciæ eo lubentius factæ, quia belli jam pertæsum. Hamburgenses eam operam sibi præcipue sumserant, tum ut commercia maritima, quæ belli tempore fere cessarant, tutiora sibi redderent, tum ut Regi designato hoc officii præstarent. Hi per litteras primo *Mariæ* animum explorarant, an passura de pacis æquis conditionibus agi. Qvam ubi haud se difficilem præbere compererunt, auctores *Christiano* fuere, ut legatos eo nomine cum suis in Belgium conjungeret. Ille pacis semper cupidus, haud recusavit, quin cum mandatis ad eam ablegaret. Bruxellis acta res est non sine animorum dissidio & contentione, quia acceptam injuriam utraque pars alteri imputabat. Nec de pace convenire poterat, sed tantum inducias in triennium pacti, quæ his conditionibus sunt constitutæ: „*Christianus* refunderet Transilvanis, Da-
„ventriensibus, Zwollensibus, & Campensibus, nec non
„Groningensibus mercium, tempore obsidionis Hafniensis
„publicatarum, pretium, idque ad æstimationem quatuor
„idoneorum hominum, qui Hamburgi e civibus deligeren-
„tur. Sed earum duntaxat mercium, quæ a Calendis Fe-
„bruarii distractæ & alienatæ fuerant, expendenda in solu-
„tionem pecunia, trimestri ab æstimatione facta spacio.
„Reliquarum vero, quæ ante eum diem venditæ, tum de-
„mum pretium exsolvendum, quum pax certa utrinque

An. „conveniret, æstimandis iis pariter a quatuor civibus Ham-
 1537. „burgenſibus, eadem ratione qua reliquis., Ac viciffim a
Maria poſtulatam, ſine pretio dimitteret, quos Regi mili-
 tantes in Friſia capi contigerat. Sed impetrari non poterat,
 ut eos liberos diutius faceret, quam quoad induciæ expira-
 rent. Ac neque omnibus captivis *Maria* hoc indulgere vo-
 luit; tametſi bonam ſpem verbis faceret. Qvin dimiſſis
 legatis, priuſquam captivi nexu liberarentur, obligare fidem
 juſſit, ſimul ac repeterentur in cuſtodiam, haud moram fa-
 cturos, qvin ſe in ejus poteſtatem denuo ſiſterent.

Et *Chriſtianus* quidem, tametſi legati, impellentibus,
 Hamburgenſibus, aliquantum mandata exceſſerant, tum
 aliis modis, tum ſpondendo iis reſtitutionem, qui in parti-
 bus fuerant, rata tamen habuit, quæ ab eis acta erant. Nam
 æſtimatione mercium facta, aliquotam partem pretii repræ-
 ſentans, de reliquis cum Tranſiſulanorum procuratore ad
 certum diem tranſegit. At vero a Burgundis tametſi indu-
 ciæ acceptæ, tamen non uno ſaltim modo fraus facta. Re-
 nunciante Tranſiſulanorum procuratore, quid Hamburgi
 actum, *Maria* ipſa certa jam fidei Regiæ, haud multo poſt
Meinardum Hammam & *Grollium* ſub fide data in cuſtodiam
 revocat, prætextu ſumpto, tanquam cum Geldro commu-
 nicatis conſiliis rebus novis ibi ſtuderent. Neque a *Fridrico*
 Palatino induciarum fides ſincere ſervata. Is enim, quia
 expreſſe ſimul induciis comprehenſus non erat, putabat ad
 ſe non pertinere, quæ inter *Mariam* & *Chriſtianum* pacta
 interceſſerant. Qui audito *Chriſtianum* jam utriusque regni
 potentem, non aulus ipſe Daniam bello aperto adoriri, ve-
 terem ſtipendii & raptò vivere ſvetum *Ubelacherum*, mini-
 ſtrum audacis facinoris conducit. Datum ei negotium, ut
 in Weſtphalia & vicinis provinciis, quam celerrime & occul-
 tiſſime heri poſſet, milite coacto ad viginti millia, primo
Caroli Geldri Comitatum Bergenſem invaderet: mox inde
 juncturus ſuas cum Palatini copiis, in Daniam ex improviſo
 uterque irrueret. Hoc evulgato Palatini conſilio, antequam
 juſtas copias *Ubelacherus* conficeret, in ipſo conatu a Gel-
 dro eſt oppreſſus. Simulatque enim comitatum Bergenſem
 in-

ingressus, cremare paucos pagos, & spoliare nonnulla templa cœpisset, cum aliquali exercitu obviam procedens Geldrus, copias ejus facili negotio fugat, eum vivum capit. In qvem, apud judices pro latron. & incendiario reum factum, ea sententia lata, ut vita vel mors ejus in arbitrio & potestate Geldri esset. Sed *Ubelacberus* subjectus quæstioni, quum de Palatini & suo contra Daniam & Geldriam proposito confessus fuisset, quodque hæc, instigantibus & clam suppeditantibus pecuniam Burgundis hostibus, aggredi ausus fuisset, capite supplicium luit. Quod & Rex & Saxonie Elector per litteras a Geldro petierant. Sed priusquam eæ exhiberentur, truncatæ ita a^la *Ubelacberi*, ut nocendi cuiquam periculum amplius nullum esset. Hæc enim verba in Geldri responso ad utrumque perscripta.

An.

1537.

Interim litteræ hinc inde ad Reges & Principes propinquos, atque vicinas civitates dantur, quibus ad festiva & publica Regiæ inaugurationis solennia invitantur. Quæ ne fœdarentur communi antistitum captorum & amicorum luctu, inter quos complures viri primarii, decus honori Regio addituri, neve in totius populi gaudio ii soli tenebris & squalore obruti jacerent, dimittere eos e custodia libuit. Horum non erant omnes in pari causa: Sed alii ante captivitatem minus barbarum dederant, & postquam capti, modestius verbis se erga Regem gesserant. His primum gratia facta, latis conditionibus ut probarent, quæ populus de reformanda religione & ordine ecclesiastico abrogando sanxisset. In quæ quum fidem suam obligassent *Torbernus Billeus*, *Aco Billeus*, *Canutus Guldensternius*, simulque promississent, nihil unquam contra statum præsentem regni pro ordine ecclesiastico molituros & in ea sponsores Regi dedissent, aucti honoribus & beneficia ab eo consecuti, liberantur. *Olao Munccio* vero, post aliquantum temporis dimisso, quia ætas ita ferebat, præterea impositum, ut uxorem duceret. Ea ratione existimabatur, facilius animo exemptum iri religionis Pontificiæ cogitationem, minusque deinceps ad ordinem ecclesiasticum juvenem honoris avidum anhelaturum. *Johannem Revæum* facile eo etiam

An.
1537.

traxit horum antistitum exemplum, ut ille quoque dignitatem ecclesiasticam deponeret, & decreta comitiorum Danicorum rata haberet; quo facto liberationem impetravit. Reliqui tardius relaxati: *Frisius* anno proximo: *Crumpenus* aliquot post annis, interim *Sunderburgi* asservatus. *Ronovius* postquam ad varia loca translatus, tandem captivus mortuus. Etenim ferocior is ingenio, causæ etiam fiducia pertendebat, quia, soluta pro dioecesi pecunia, cautum ei litteris a Rege defuncto & Senatu fuerat, in jure suo haud turbatum iri, damno luendo si secus fieret. Hanc autem iis gratiam a *Christiano* indultam, priscum morem secuto, erant qui interpretabantur. Inolevit quippe ex antiquo mos apud Danos, ut Reges solenniter inaugurandi, clementiæ auspicio delictorum veniam iis faciant, quos carcer non usque adeo atrocium scelerum reos attineret. Alii hoc ad amicorum auctoritatem referebant, qui quoniam potentiores, plus apud Regem pollebant. Sed omnino ambigi non potest, multassi Regi clementiam tum regni initio, tum vero toto imperii tempore fuisse, nec severitatem suppliciorum ipsi unquam adhibitam, nisi desperata emendatione, aut ubi exemplo opus. Hoc igitur pro lenis & moderati imperii augurio accipientes, complures eo latiores comitia frequentant. Borussus *Christiani* sororius ipse etiam cum conjuge venit. Et legati hinc inde a Principibus & Rebus publicis missi aderant.

Tandem solennia inaugurationis, sacra administrante *Pomerano*, verbi Dei ministro *Witebergæ*, & ejusdem Academiae professore, pridie Idus Augusti peracta sunt. Ac *Christianus*, hic primus Rex reformatæ religionis ritibus, non exquisitis, magnificis aut superstitiosis, inauguratus est, a repurgatæ doctrinæ ministro; quum antea insolens fuisset, nisi a metropolitano, aut aliquo Pontificis Romani legato, inaugurationis regiae sacra celebrari. Etenim Rex volens abdicare toto regno ceremonias pontificias, haud consentaneum existimavit eas regni initio usurpari, utut ad splendorem facere videbantur. Ritus unctionis tamen pro more adhibitus, quævis mandatum divinum priscæ ecclesiæ editum

tum sacravit. Corona aurea gemmis pretiosissimis distincta caput redimitum, gladiusque cum sceptro & pomo in manus tradita. De quibus omnibus pia concione Rex instruitur, monitus regnum regniqve insignia per manus ministri, Numinis supremi provisu, ad summum hujus magistratus honorem Regi evecto tradi ejusque gloriam cum salute reipublicæ unice quærendam. Hæc & alia, quæ piis meditationes animo ingenerarent, ex sacris litteris adducta.

An.

1537.

Mox iv Nonas Septembris, ab eodem *Pomerano* ordinati seu consecrati, ex omnibus reformatæ religionis piis & doctis viris septem delecti, qui deinceps ecclesiarum curam gererent, earumque inspectionem haberent, Superintendentes dicti potius quam Episcopi, quod tum vocabulum fastu & ignavia hominum in invidiam verterat, tametsi hoc a gentium Doctore in isto officio designando dedicatum. Erant autem, qui tum initiabantur, hi: *Petrus Palladius* Selandiæ diœceseos; *Franciscus Vormordus* Amsterdamsis, ex Carmelita Halsinorensi minister & professor Theologiæ Malmogiæ factus, Scanicæ diœceseos; *Georgius Vibergius*, ex ministro Hafniensi, diœceseos Fionicæ: *Johannes Vandalus* lector Hatterslebianus, diœceseos Ripensis; *Matthias Langius* minister Randrensis, diœceseos Arhusiensis; *Jacobus Scanningius*, minister Viburgi, diœceseos Viburgensis; *Petrus Thomæ* minister ecclesiæ Torn, Alburgensis diœceseos superintendentes seu episcopi creati. Ritus in hunc usum fere non alii adhibiti, quam quos ecclesiæ Christi columnis Apostolis usurpatos fuisse memoriæ proditum est: qui præcipue in oratione & manuum impositione consistunt, adhibitis saltim præterea hymnis & sacris lectionibus, quæ officii eos commonefacerent. Horum pro se quisque fidem & obedientiam Regi, ad ejus honorem, emolumentum, pacem & tranquillitatem, obligans, in officio diligentiam & integritatem pollicitus est, tum verbum Dei sincere docendo, tum sacramenta ad formam a Christo institutam administrando: Idemque curæ habituros ut præsent ministri singuli in suis ecclesiis, utque rudimentis catecheticiæ doctrinæ ignaros instruant. De scholis etiam puerorum & elemo-

Dd

fynis

An. synis in pauperes conferendis ac recte distribuendis sollicitos
 1537. futuros atque a corruptela munerum in omnibus se integros
 prastituros, nec affectibus indulturos.

Ac mox, ne qua dissensio in doctrina vel in ritibus dissimilitudo ecclesiarum unionem turbaret, publicata est formula, nomine Ordinationis dicta, ad quam omnes docentes in ecclesiis & scholis astringerentur. Concepta hæc formula fuerat anno superiore a doctissimis quibusque Daniæ viris, tum pontificiis, tum reformatæ religionis, quos Rex ex collegiis & ministerio ob eam rem arcesiverat, qui iussi tum nomina subsignarant. Ii, qui fuerint, haud pigebit cognoscere, quibus cordi est scire, per quos tum Evangelii lux per totam Daniæ sparsa, & quam late, etiam initio, diffusa fuerit, vix dum reformatione cæpta. Quod est dandum meritis istorum virorum, ut memoria eorum posteris grati animi ergo prodatur. Erant autem bini ex quovis collegio missi collegii nomine, quum ministri ipsi pro se quisque manu subnotarant: *Andreas Schougaardius*, *Nicolaus Frisius* nomine collegii Viburgensis, *Georgius Samfingius*, *Johannes Olai* nomine collegii Arusienis; *Petrus Ivari F. Benedictus Arvidus* Lundensis collegii nomine: *Christophorus Ransbergius*, *Nicolaus Hammerus* pro collegio Roschildensi: *Severinus Olai F. Johannes Christiani* nomine collegii Ripensis, subsignarunt. Horum quosdam satis constabat etiamnum pontificios esse; quos tamen Rex tolerans subsignare voluit, ne quid contra hanc formulam tentarent. *Schougaardius* etiam in subscriptione palam testatus est, „aliter ordinationis articulos acceptare, nisi donec aliquid „melius in laudem & honorem Dei concilium generale de- „finierit, & constituerit, ad id quodammodo provocans. Reliqui religionem reformatam palam professi sunt, nec dubitabatur eos esse, quod profitebantur. *Petrus Laurentii F. Lector* Malmogianus, *Johannes Tausaenus* ecclesiastes Helsingensis, *Franciscus Vormordus* ecclesiastes Malmogianus, *Olaus Chrysostomus* politioris litteraturæ Malmogiæ professor, *Jacobus Scanningius* concionator Viburgensis, *Petrus Thome F.* clericus Viburgensis dioceseos, parochus ecclesiæ
 Torn,

Torn, *Georgius Vibergius* ecclesiastes Hafniensis, *Martinus An.*
Hegelandius ecclesiastes Alburgensis, *Andreas Lyngius* Co-
 ronensis ecclesiastes, *Nicolaus Jacobi* F. Arrufiensis Ecclesia-
 stes, *Thorcbillus Abilgardius* prædicator Arrufiensis, *Paulus*
Petri ecclesiastes Ripensis, *Christianus Scroccius* prædicator
 Svenoburgensis, *Melchior Jobannis* F. ecclesiastes Callun-
 burgensis, *Erasmus Vordinus* concionator Foburgensis, *Pé-*
trus Stormius prædicator Horsnensis, *Severinus Magni* F.
 prædicator Coagiensis, *Matthias Langius*, ecclesiastes Ran-
 drensis, *Nicolaus Caspari*, ecclesiastes Coldingensis, *Johan-*
nes Alberti, *Johannes Sclavus* seu *Vandalus* lector Hattersle-
 bianus, *Reinboldus Vesterboldius* pastor Sliævicensis, *Herman-*
nus Tasti ecclesiæ Hufemensis pastor, *Gerardus Sleverti-*
nus, ecclesiæ Flensburgensis ad divum Nicolaum pastor,
Georgius Vinterus concionator Hatterslebianus. Hi omnes
 quum hanc Ordinationem quasi quasdam juris facti leges
 conscripissent, & comprobassent, exhibitus fuerat Regi li-
 bellus. Qui totus fere tum a *Lutheri* judicio dependens,
 cum Vitebergam miserat, ut Academia istius celsuræ subji-
 ceretur. Jam vero ut a reliquis ejus scholæ doctis viris re-
 cognitus & probatus, hisce comitiis per Cancellarium Se-
 natui regni exhibitus est, qui sibi quidem probari & placere
 omnia profitebantur, sed monitos ministros velle, excom-
 municatione initio non usque adeo sciendum in eos, qui
 sacramento cœnæ Dominicæ essent arcendi. Ad hunc ita-
 que modum Ordinatio ecclesiastica conscripta, & confirma-
 ta a Rege, Senatu, Collegiis, & præcipuis, qui tum erant,
 ministris, in publicum typis evulgatur, & ecclesiis Danicis,
 Norvagicis & Sliævigicis commendatur. Jussique sunt re-
 cens creati superintendentes & episcopi omnia ad istam
 quasi normam in ministerio evangelii exigere, neque ab ea
 in doctrina vel ritibus discedere. Sicut & huc usque nihil
 in ea interpolatum, sed omnia retenta sunt, etiam quæ
 docti & pii viri usurpare religioni habuere, & abolita jam
 dudum optavere.

Quumque jam ministrorum ordinatio Superintenden-
 tibus esset mandata, nec munus docendi usurpare fas esset,

An. nisi explorata cujusque doctrina ipsis admittentibus, qui so-
 1537. lebant passim se rudi plebi docendo ingerere, vetiti sunt am-
 plius circumcurfare. Inde mendicantium ordines, qui tres
 tum in Dania fuisse feruntur, mox aboliti, quibusdam ex iis
 aliisque sectis in ministerium ascitis, quibus ea doctrinæ fa-
 cultas; aliis regno profugientibus; nonnullis etiam profa-
 næ plebi, deposito religionis habitu, se inferentibus, ut in
 paucis annis per totum regnum vix unus aut alter superes-
 set, qui non abdicata religione pontificia reformatam do-
 ctrinam sit professus. Hoc pacto religionis reformatæ incu-
 nabula, cœpta tempore *Friderici*, sub initium *Christiani*,
 leges ei & modum ex verbo Dei constituentis, adolevere, Deo
 pacem ecclesiæ mirabiliter procurante, & Regis pietati ex-
 terna pace & tranquillitate, subditorumque constanti fide &
 amore, toto deinceps regni tempore benedicente.

Verum interim dum hæc pro ecclesiæ ædificatione &
 religionis propagatione constituuntur, non cessatum cum
 exteris legatis agi. Dissidium, quod Regi cum Rostochiensibus
 & Vismariensibus huc usque fuerat, primum intercessionem Bo-
 russi compositum. Hi conjunxerant se Lubecensibus in op-
 pugnanda Dania; nec tamen fœdere inclusi, cum pax illis
 daretur, quod vetiti ab *Alberto* Duce, vindictam spirante &
 regnum sibi sperante, amicitiam Danicam inire. Res au-
 tem jam ita transacta, "ut exoluta in compensationem
 „damni dati certa pecunia Rex iis ignosceret. De cetero
 „Daniæ regno haud incommodarent, nec hostes Regis fo-
 „verent, aut portubus suis naves armaque parare contra
 „Daniam paterentur: Sed officia Regi grata præstarent, ac
 „commercia in suis ditionibus libera Danis facerent.

Postquam ita restitutæ in gratiam Regis hæc duæ respu-
 blicæ, reliquarum civitatum Vandalicarum communis cau-
 sa acta, ut confirmarentur jura & immunitates, a superiori-
 bus Regibus concessa. Legati hoc nomine a Lubecensibus,
 Sundensibus, Lunæburgensibus & Gedanensibus missi, quum
 intenta cura negotium apud Regem & Senatum orassent,
 impetrandi spem præceperant. Sed responsum tulere,

„CX-

„exhibenda immunitatum & privilegiorum exempla, ut An.
 „constare posset, quam late ea pateant. Nam æquum cen- 1537.
 „fere Regem, super quibus fidem obligaturus esset, palam
 „cognoscendicopiam fieri. Alioquin si hoc beneficium re-
 „cens petatur, merito in potestate Regis, ei modum imponere.
 Inde seorsum cum legato Gedanensi acta, causa spoliatorum,
 ac potestas ei a Rege data cum civibus istius reipublicæ pa-
 cificendi, de damnis, quæ a regiis belli tempore acceperant.
 Erenim iis satisfactum Rex voluit, utpote nulla sua noxa
 læsis; ne haberent, quod iusta querela ipsi impingerent.
 Sed & arbiter delectus a Sveco & Lubecensibus inter lega-
 tos utrorumque, qui comitiis etiam intererant, inducias ad
 quinquennium esse iussit. Eorum enim inimicitia, ante
 bellum Danicum coeptæ, adeo nondum desierant, ut. ultro
 citroque contumeliis ingestis & damnis datis indies animi
 exacerbarentur.

Iisdem legatis Sveticis erant cum Rege sua quædam ac
 diversa negotia: De quibusdam hic transactum, de reliquis
 placuit senos utrinque consiliarios Halmstadium convenire,
 qui ea cognoscerent & iudicarent. Qvod quum utrinque
 statutum, a *Christiano* indicata vicissim quædam, quibus ius
 regium a Svecis lædi, & vicinitatis officia violari viderentur,
 „Nam exigi a Danis & Norvagis Lodesiæ novum & insoli-
 „tum vectigal. Svecos præternavigantes Balusium vesti-
 „galis solutionem detrectare. Nec non commercia cum
 „finitimis Varbergensibus & Halmstadianis aliisque a Sveco
 „interdicta. Denique neque Danos percipere fructus, ve-
 „tante Rege, ex fundis, quos in Svecia sine controversia
 „possideant. Ad quæ legatis non erant mandata, quæ re-
 sponderent; Ideoque referenda ad Regem scripto petenti-
 bus tradita sunt.

Ceterum, comitiis regiis jam finitis, in paucis post
 diebus accessit missus a Scoto legatus, *Johannes Bartinus*.
 Is gratulatus Regi de superiorum annorum victoriis, horta-
 tur magnopere, amicitiam Gallicam, ut qua nulla majori
 emolumento & honori esse queat, amplectatur, promit-
 tens

An. tens a Rege suo omnem in ea re operam & auxilium. Tum
1537. vero quandoquidem bello defunctus Rex sit, rogare Scotum,
 navem cum tormentis & aliis necessariis instructam auxilio
 sibi mitti, reddituro vicissim quaecunque desiderari possint
 officia. Ad hæc postulata dum legatus *Bartunus* Flavinæ
 responsum præstolatur, allatum est, novam nuptam Scoti
 in fata concessisse. Id mutuam gratulationem Regis, quæ
 conjugio non ita pridem inito debebatur, in consolationis offi-
 cium vertit. Igitur huc accommodato responso, litteris ad
 Scotum datis, initio luctum eximere aliquatenus conatur,
 propositis verborum delinimentis, quorum meditatio maxi-
 me efficax contra dolores existimabatur. Tum de amicitia
 Gallica, sedulo commendata, eandem suam sententiam esse
 ostendit. Paratumque eam quovis arcto fœdere firmare.
 „Sed requiri, ut conveniatur utrinque de certo mutui auxi-
 „lii modo, ne tum demum, quum res opem repente po-
 „stulet, super ea ferenda longa disceptatione temporis oppor-
 „tunitas extrahatur. Misurum imprimis, qui cum Gallo
 „de his pertractent, facturumque ex officio Scotum, si suos
 „per idem tempus adesse velit. Inde Dania status prolixè
 indicatus, cui triennale bellum parum pristinæ potentia
 viriumque reliquum fecerit. „Nam non solum annonam
 „admodum coarctatam, ut, quæ suppeditare exteris hætenus
 „multa potuerit, Dania vix alendo incolas sufficiat. Sed
 „& evacuatos thesauros regio, privatorumque opes exhau-
 „stas in externum militem, qui stipendio meruerat. Pe-
 „titiis se in his angustiis auxilia a vicinis & confœderatis
 „Principibus, sed solum Gallum spem ostentasse, & ultro
 „opem obtulisse. A quo tamen, quod bellum cum Cæsare
 „incidisset, nihil hætenus præstitum. Eo elapsam e manibus
 „tum hostem ulciscendi, tum aliarum rerum bene geren-
 „darum occasionem, ut ad inducias triennes cum Bur-
 „gundis venire necesse fuerit. De nave & tormentis postre-
 „mo, quod mitti non possent, excusatio allata ab itinere
 Norvagico, quod instaret. „Eo se cum classe ad pacandum
 „istud regnum; & accipiendam solennem inaugura-
 „tionem brevi navigaturum. Itaque navem vel tormenta
 „sibi demere non posse. At compositis utrinque, tum in
 Da-

„Dania tum Norvegia, rebus, si auxilii indigeat, compotem An.
 „voti futurum. 1537:

Scoto ita dimisso, in proclinctu erant legati Danici, primo in Angliam navigaturi, inde in Galliam trajecturi. Sed pausquam portu solverent, *Georgius Lucchius*, quartum jam a Gallo ad *Christianum* missus, legatus advenit. Is indicans a Gallo etiamnum expectari, quibuscum Regis nomine de foedere transigatur, monet & instat, ut eos, quantum fieri potest, appropere. De Anglo autem ostendit mutatum Gallo consilium, nec illum jam in quatuor Regum foedus adscisci velle; qui & Imperatorem submissa pecunia juverit, & cum genero Scoto inimicitias susceperit. Itaque neque ullum ex Dania in Angliam mittendum, sed quacunque alia via legatis in Galliam eundum, qui avidissime expectentur, ut foedus sine mora utriusque bono percutiatur. Rex, intellecta propensa voluntate Galli, *Lucchium* dimissum insequi per vestigia *Suavenium* iussit, atque aliqua per Germaniam iter facere, quandoquidem ita fieri Gallus mallet.

Mox, uti cum legatis Svecicis in comitiis convenerat, arbitri seni utrinque delecti Halmstadium adeunt. Ibi disceptatae quidem prolixae controversiae nobilium, qui fundos in alterutro regno haberent: exhibitae coram arbitris sententiae antea prolatae, nec non diplomata regia & variae obligationum tabulae ac monumenta. Sed quia Sveci reos in jus vocando, Dani absentiam suam excusando, quae partium legitima erant, non implevere, pronunciari de summa litium non poterat. Inter arbitros autem constitutum, ut „denuo conventus ageretur, vel Malmogiae, vel Coronae, „vel Halmstadii, vel Varbergae, ad diem festivitatis pentecostes solennem, modo ita utrique Regi videretur, quibus etiam liberum esset, quos tum vellent arbitros adhuc negotia delegare. Ac tum ferendam sine dilatione sententiam „secundum tabulas, ab eo, qui iudicio se sifteret, productas, „jure & legibus ejus regni, ubi fundi & possessiones controversae sitae sint. Indultum autem eo ab arbitris, ut in „Dania cognoscerentur causae, quod leges haud sinant extra regni fines quenquam in jus trahi.

An.
1537.

Hæc de Halmstadiano conventu ubi *Christiano* nunciata, quum expectationi Sveci, rebus non aliter finitis; vix satisfactum iri existimaretur, nolletque Rex intervenire amicitiae aliquam offensam, *Accius Brabens* confectim legatus in Sveciam mittitur. Actæ gratiæ *Gostavo* de auxilio prestito, & de solutione pecuniæ mutuo datæ ipsius arbitrio permissum, siue eam certis pensionibus solvi, seu mallet fœnore annuo, quod ex redditibus oppigneratorum castellorum penderetur, in credito manere. Simul ei indicatum de pœna, quam per litteras fœderi recens inito inferi petisset eam Regis sententiam, ut statuatur tanta in fœderis transgressorem, quantam eam Svecus velit, modo tamen utrinque æqualis sit. Denique ostensum, cum Principibus Germaniæ Protestantibus Regi constitutum diem, quo Brunsvici de fœdere jungendo agendum. Invitatusque Svecus, si in ejus communionem venire velit. Hic super illis quidem transactum, de isto autem tempus deliberandi *Gostavus* sumfit, quoad de legibus fœderis certior fieret. At de quærelis, per legatos Svecicis ex comitiis scripto transmissis, prolixius à Sveco responsum: "Vectigalia & portoria solvi ab omnibus, extraneis & civibus, qui suas ædes in regno non habeant, nec inquisitione facta compertum, a Danis ampliora quam aliis hucusque soluta. An vero solito sint majora, ignotum esse. Jussum tamen gubernatorem non nisi consveta posthac Danos exigere. Lodesianos veteris oppidi cives, quibus necesse erat navigare, juxta castellum Bahusianum, merito ibi vectigalibus obnoxios fuisse. At jam oppido in alium locum translato, quum navigatio illac fere nulla, aliud juris esse, atque existimare immunes esse oportere. Quod rariora sint commercia Svecorum cum Varbergensibus & Halmstadianis, non eo fieri, quia vetitum hoc edicto aliquo, sed quia belli tempore atrocitatis, cædibus, aliisque injuriis & contumeliis multimodis læsi a Varbergensibus Sveci. Nec posse hos cogi in certum aliquem locum merces venum mittere, qui ipsi per se gnari absque monitu Regis, ubi rem facere possint. Nec tamen obstare yelle, si de commerciis legitime exercendis inter eos convenire possit. Passurum etiam lubenter, ut Dani

„Dani suarum possessionum fructus percipiant, et si qve- An.
 „rantur Sveci nihil conventu Halmstadiano impetratum. 1537.
 „Nam desiderare, ut quivis Danorum suo jure in Svecia uta-
 „tur, fruatur, idemque ut Svecis in Dania contingat, a
 „Christiano pro horum regnorum conjunctione expectare.
 „Hæc cum *Brabeo* ista legatione in Svecia acta.

At *Scavenius* emensus Germaniam, qua Geldri ditio-
 nes patent, Galli desiderio jussus illac iter suum capessere,
 ubi ad Galliæ fines penetravit, Gallum, in Pedemontana
 regione bellum gerentem, longis itineribus assecutus est.
 Ibi inprimis, cur legati ad Gallum non missi sint, rationes
 reddit. „Nam non solum incidisse solennia inaugurationis
 „Regiæ, sed multa negotia cum diversis Principibus vicinis
 „exorta. Deinde Regem in constituendo adhuc discepto
 „& multis partibus convulso regno occupari: quam ad
 „rem consilio & auctoritate eorum opus sit, qui legationis
 „istius munus obirent. Quumque nihilominus aliquos
 „mittere constitutum esset, nunciatum per *Lucchium*, non
 „placere per Angliam ire; idque difficultatem aliquam mit-
 „tendi legationem destinatam importasse, gnaro Rege,
 „quanto cum periculo sit conjunctum, per Germaniam, ubi
 „tam amici Imperatoris, quam inimici multi sint, legatum
 „ad hostem ejus, quicum bellum modo habeat, permeare.
 „In Angliam autem ex Dania expeditam esse navigationem,
 „quo cur legatos Danicos venire noluerit, velle Regem lu-
 „culentius edoceri: simulque patefieri, quem jam quartum
 „Principem, excluso Anglo, in fœdus commune venire pla-
 „ceat. Pactum quidem Regem cum Burgundis triennii
 „inducias, sed non spe tutæ amicitiae, magisque necessitate
 „adigente, quod reipublicæ Danicæ vires, ex tenui aptæ,
 „bello ferendo non essent. Amicitiam autem Gallicam
 „omnium merito anteferri, ut quæ ultro oblata eo potissi-
 „mum tempore, quo promptius beneficium flagitare,
 „quam officium præstare erat. Tantum desiderari, ut sum-
 „matim fœdus concipiatur, unde constet, quid hinc illius
 „auxilii sperandum sit, utque locus & tempus designentur,
 „quo legati utrinque mittendi convenient.

An.
1537.

Exposita legatione, promissum *Scavenio* in castris responsum, quo iussus Gallum comitari. Quo ubi ventum, missus ad *Scavenium* Comes *Fürstenburgicus*, qui tum in iis castris contra Imperatorem militabat, ut de variis rebus cum eo secreto & familiariter conferret. Indicatum a Comite, "inducias pro Italia in tres menses Imperatori petenti", datas, quibus durantibus venturos Narbonam ex Hispania legatos, qui de pace agant, missurumque eo Gallum ex suis magnum Magistrum & Lotharingæ Cardinalem. "Constare autem certo, pacem ideo maxime Imperatorem expetere, quod, ea facta, expectet a Gallo contra Protestantes auxilium, quos exscindere & pessundare in animo habeat. Ejus consilii rationem hanc ab Imperatore institutam, ut utrinque ab ipso & Gallo cogantur ingentes equitum peditumque copiae, prae-textu belli Turcici, quibus deinde Protestantes improvise opprimantur. Sed Gallum ita sententiam suam patefecisse, ut tantum absit Protestantes oppugnatum eat, ut malit perpetuum sibi bellum cum Imperatore esse. Qui etiam, utut regnum Delphino filio legitimo heredi desponderi & a Deo promitti videat, cui prae Aurelianensi minore filio idcirco fa-veat; tamen ipsius mortem praepotere potius, quam eo animo sit, ut Protestantibus se hostem ferat, aut contra Germanos Principes bellum inceptet. Quæ quum Regis sit sententia, quumque tanto studio Germanos amplectatur, existimabat Comes, e re communi fore, Protestantes cum Gallo arctiore aliquo foedere conjungi: idque suo nomine Landgravio Hassiæ, si illac transeundum esset, nunciari rogavit: Auctorem se Gallo futurum, ut æquas conditiones non sit aspernaturus.", *Scavenius* tria obitare posse amicitiae ostendebat, quibus quomodo occurratur dispiciendum. "Protestantes sacramento Imperatori obstrictos, itaque non posse cum hoste ejus foedus percuti. Gallum etiam evangelii persecutionem in suo regno incepisse, ideo Protestantes ab eo non expectare posse pro ejus doctrinæ propagatione auxilium. Simul evulgatum passim per Germaniam, cum Turca Gallum junxisse amicitiam, ut idcirco nomen Gallicum in magna invidia sit.", At Comes

mes nullam harum existimabat satis idoneam causam, cur
 foedus non sit expetendum. „Nam tarnetsi sacramento
 „Imperatori obstricti Principes, tamen potiozem Dei coele-
 „stis, quam domini terrestris causam. Nec Gallum hostem
 „Impcrii, sed Imperatoris, iis de causis, quæ Imperium non
 „concernunt. Ac si foedus percuti sacramenti religio vetet,
 „saltim sibi stipulentur a Gallo auxilium certum, si quan-
 „do usus veniat. Deinde nec religioni evangelicæ Gallum
 „hostem, qui tantum abest, ut ceremonias pontificias om-
 „nes probe, ut multas erroris arguat, quas nullatenus ad
 „salutem facere profiteatur. Missas tamen, haud male de
 „religione alias informatum, audire, & abusus multos to-
 „lerare, ne se iis opponens de regno periclitetur. Persecu-
 „tionem autem magis institui contra eos, qui Anabaptista-
 „rum nomine condemnentur, quam contra Evangelicos,
 „inter quos tamen fatendum, multos eo nomine foeda
 „facinora velare. Foedus cum Turca Gallo intercedere
 „non sine injuria dictitari. Nam nec legato Turcico mul-
 „tum honoris in Gallia habitum, nec ita responsum, ut ad
 „amicitiam via patefacta sit. Nam legato dictum, bellum
 „quidem cum Imperatore susceptum, sed naturalem con-
 „junctionem se non exuisse, qui, cum Rex Christianissimus
 „audiat, nec possit hostem nominis Christiani pro fratre
 „& confœderato habere. Sed si illi causa belli contra Im-
 „peratorem, eam per se bello persequendam. Atque ad
 „hunc etiam modum satisfactum militibus Germanis, quum
 „turbati fama foederis Turcici, a Gallo missionem flagita-
 „sent. „Hoc inter eos ultro citroque habito sermone,
 „omnia ad Regem relata. Qui dimissurus *Swavenium*, Land-
 „gravio nunciari a se petiit, „haud timendum Protestantibus,
 „quod contra eos quidquam inceptare velit, multo minus
 „quod cum Imperatore in eorum perniciem amicitiam sit
 „unquam initurus, aut firmaturus. Sed expetere potius
 „cum Protestantibus amicitiam, a quibus si pro ea mittan-
 „tur legati, conditiones propositurum & oblaturum, quæ
 „haud graves ipsis futuræ. „Regi autem jussus renunciare
 „*Swavenius*, „non sibi improbari, quod de induciis cum
 „Imperatore ipsi convenerit, quandoquidem ita res postu-
 „lavit,

An. „lavit, sed congratulari potius pro sua erga eum amore de
 1537. „pace & tranquillitate parta. Ad reliqua autem responderi
 „jam commode non posse, per negotia bellica, quæ extra
 „regnum traxerint. Simulac vero regno restituitur, curæ
 „futurum, ut de omnibus satisfiat.”

Et *Svavenius* quidem in Germaniam reversus, instituto per Hassiam itinere, cum fide ad Landgravium, quæ a Gallo jussus erat, pertulit. Mox in Holfatiam veniens, ibi Regem offendit. Cui exposita quæ cum Gallo acta fuerant, & quantopere amicitia tum Regis, tum protestantium Principium Germaniæ expetatur. Eam pluris a Gallo fieri quam ipsius Imperatoris; tametsi inter utrosque de pace agatur. Nam suspectam Imperatoris potentiam, ut totius Europæ imperium affectantis, & omnia sub suam ditionem redigere conantis. Hæc aliaque omnia cum Gallo acta ubi *Christianus* accepit, non solum ipse in amicitiam ejus tanto magis quam antea inclinabat, sed & fidei consortes ad eam amplectendam adhortabatur. Et quoniam dies dictus erat, quo Brunsvigam convenirent cum Rege Principes Germaniæ protestantes, monet eos per litteras, ut super hac re cum aliis præmeditanti deliberationem adferant, dispiciantque, quæ ad Gallicam amicitiam pertinere possint. Dux autem Brunsvicensis & Landgravius, Rege hic agente, rogatu Metropolitani Bremensis, decidendæ controversiæ, quæ inter hunc & Regem etiamnum pendebat, super dicecæsi Roschildensi, per litteras suas flagitant diem statui. Sed res prolata, quia extra regnum, nondum consultis Daniæ proceribus, ad quos ea res pertinebat, minus opportunum Regi super negotio isto agere.

An. Principes Protestantes, quum relatu *Svavenii* intellexis-
 1538. sent periculum, quod a Cæsare imminerebat, invitati ad amicitiam Gallicam, pro se quisque missa legatione eam avidè expetebant. Legati eorum juncti Gallum simul Mulini convenerunt. Qui tum recens in regnum reversus, quum non posset eis operam dare, jussit Principes in paucis diebus Nancæji in Lotharinga expectare, de rebus propositis acturos.
 Nihil

Nihilominus denuo voluit commonitos periculi, cujus indicium antea per *Seavenium* allatum. A Dano itidem litteræ rex Holsatiae per *Georgium Luccinum* ad Gallum missæ, quibus redditæ causæ, quo minus legati confestim mitti potuerint: Indicatumque de Conventu Brunsvicensi, a quo venturos legatos ad foedus percutiendum, quique simul quid ibi actum renuncient. Rogans interim, "si pax cum Cæsare conveniret, ne se Gallus exclusum velit, quin particeps pacis simul foedere comprehenderetur. Additæ alteræ litteræ ad *Monnuorantium*, recens Connestabilem creatum, quibus ei quoque amicitia Danica commendata.

An.

1538.

Eo ipso tempore veniunt ad Regem, in Holsatia versantem, legati a Rostochiensibus & Vismarianis missi, qui soluta pecunia (ccccc florenorum auri Rhennani) multæ nomine promissa, petunt, has duas civitates in foedus, cum focis Lubecensibus Hamburgi iunctum, recipi. Quibus mox ex fide bona confirmata omnia, Lubecensibus tum indulta, ut nihilo pejore quam illi loco essent, iisdem legibus foederi inferendi, ac si pariter cum iis initio comprehensi fuissent.

Ad subditos autem Hamburgenses, quia nondum fidem *Christiano* pro more obstrinxerant, missus *Caspar Fuchs* petiit ab eis delegatos Neomonastrum mitti, quibus cum de hac re tota transigeretur: "Nam de modo & forma, aliquid decernendum esse, simulque statuendum, quo tempore quantisque copiis ingressum ejus in urbem expectare, velint. Ac si quid in controversia sit, velle hoc etiam Neomonastrum amoveri, priusquam ad istam solennitatem veniatur. Collegio sacerdotum Hamburgensium litteræ per eundem scriptæ, quibus Rex petit litem contra civitatem susceptam ad se devolvi. Nam curiæ Imperialis sententia lis decisa erat, nondum causa coram Rege disceptata, qui iudicem immediatum utriusque partis se ferebat. Et cum civitate illa quidem, ubi missi Neomonastrum ad diem, arbitrio Regis dictum, fuerant delegati, facile concordatum. Controversia cum collegio, quæstis subterfugiis in longius tempus, spe auxilii a Pontifice Romano ferendi, producta.

Gg

Mox

An.
1538.

Mox ubi instabat dies conventus Brunsvicensis, misso legato, provinciæ regni *Gostaco* per absentiam Regis commendatæ. Quod adeo libi faciendum Rex existimavit, quia fama emanarat, *Gostacum* clam bellum adornare. Itaque ne diffidentia culpæ consciûm argueret, spem benevolentia potius quam belli metum præ se tulit. Sed *Gostacus* nullo dato responso in quartum mensem legatum detinuit. Ubi vero lubitum ei respondere, nil aliud rescriptum, quam arma jam aliquanto tempore induisse metu Danorum, a quibus nihil tutum habuisset. Sed hæc Regi post de alienatione *Gostavi* patefacta sunt, antea ipsi haud expectata aut credita. Interim vero iter ingressus est. Brunsvigam, sicut inter se Principes pacti fuerant, Rex venit, comitatus non ita magno equitum numero. Quem deductum per suas ditiones ad fines Brunsvicentium, secutus mox uterque *Lunæburgensium* Dux *Franciscus* & *Ernestus*, neque ipsi admodum multis stipati, quia his ut & Regi *Henricus* Brunsvicensis per suas ditiones commeandi potestatem publica fide fecerat. At *Johannes Fridericus* Saxoniae Elector, & *Philippus* Hassiæ Landgravius, quod per absentiam Principis consilarii Brunsvicenses commeatum dare inconsulto domino recusassent, copiis majoribus se instruxerant. Accessere huc præter eos alii protestantium Comites, Barones, nec non legati Principum & civitatum confœderatarum. Eratque inter alios in comitatu Electoris, *Mauritius Henrici* Ducis filius, quem a patre in religione reformata edocum, Saxo ad filii instar diligebat. Nec non complures docti viri, Theologi & alii, adeoque ipse *Philippus Melanchthon*.

Placuit initio Principibus litteras Nancejum, ad eos, quos Gallus ibi affuturos sponderat, mitti, quibus nunciaretur, "peracto conventu Brunsvicensi, Gemundam simul Regis Daniæ suosque venturos legatos, qui de communibus negotiis agerent. Nam jam mitti aliquos non potuisse, quod existimassent cum Dano potestatem agendi a Gallo ejus rei inscio nullam datam." Hi Nancejo Brunsvigam, dum adhuc conventus agitur, redeunt, referentes visum Gallicis, potius recta ad Regem legatos mittentes.

An.
1538.

tendos quam ut Gemundam accederent, quandoquidem legatio jam dilata. Mox de fœdere inter Principes actum, cuius potissimum causa conventus iste habebatur, : in quod *Christianus* ascitus est, titulo Ducis Holsatiæ, non Regis Daniæ. Extendebat id fœdus se potissimum ad religionem, „cui contra hostes propugnandæ auxilia utrinque promissa, „seu numerata pecunia, seu milite commodius esset subve- „nire. Inprimis autem cautum, ne quis sociorum in con- „cilium, Mantuæ a Pontifice & Cæsare indictum, consentiret „reliquis in consultis. Duraturum hoc in novem annos. Quod absentium sociorum nomine, qui præsto erant confirmarunt. Verumtamen ne regnum Dania in causis a religione alienis auxilii expers esset, additum fœderi, pridem cum *Friderico* Rege inito, „in quibusvis causis, & contra „quoscunque hostes regni, heredibus aut regni gubernato- „ribus tantundem auxilii expectandum. In quam rem sponsores facti Principes, Comites, Civitates & universi Ordines fœdere isto, simul comprehensi : Ut ita Regi amicitia tot sociorum multum ad pristinas vires contra hostes accesserit. Petiit autem Sveci nomine societatem fœderis *Christianus* : Et *Johannes* Marchio Brandenburgicus, *Jacobini* Electoris frater, per Saxonem eam quoque ambiebat : Quorum utrique certæ conditiones dictæ, quibus reciperentur. Borussia Princeps *Albertus* enixe idem flagitavit : Sed subiecto pœnæ proscriptionis, a curia Imperiali irrogatæ, integrum fœderis jus tribuere fas non erat, ne simul auctoritas curiæ convelleretur. Promissa nihilominus benevolentia & favor, si periculum aliquod ei ingruerët. Qvesti in hoc conventu Principum multis fuerant Goslarienses de *Henrico* Brunsvicensi, eorum jura & libertates minuentem : quorum causa a *Christiano*, & aliis quibusdam intercedentibus, Brunsvicensi commendata. Tum vero decretum est, legationem simul ad Gallum mittendam, ut coram fœdus invicem sanciretur, & firmaretur. Tandem his aliisque actis, multis pietatis, modestiæ & liberalitatis exemplis a *Christiano* Brunsvigæ editis, quibus tum Principibus, tum viris doctis majorem in modum heroicam animi virtutem probavit, domum ex conventu Brunsvicensi se confert.

.nA
1538.

In reditu autem Hamburgum ingressus, magno gaudio & solennitate a civibus, in armis occurrentibus, excipitur. Ei fidem Senatus & delecti civium in curiam hoc nomine vocati obligant, ad eum modum, quo pridem avo ejus *Christierno*, patruo *Johanni* & patri *Friderico* obstrinxerant. Ipsis vicissim jura & immunitates pristinae indultae & confirmatae. Secundum ea aliquot diebus festiva convivia agitata, & solennes ludi in honorem Regis exhibiti: quibus omnibus intererat ipsa Regina, & soror *Elizabetba*, cum *Francisco* Lunæburgensi, nec non proceres *Slievigia* & *Holfatiae* plerique, qui Regi tum a consiliis.

At legati Regis *Aeschylus Billeus*, & *Petrus Scavenius*, cum reliquis Principum protestantium in Galliam destinatis, ubi eo venerunt, in Lingonibus praesidem Tolosanum obviam habent, cui potestas erat expediendi legationis negotia, quae ab ipsis adferebantur. Illi autem jussi a dominis suis se sistere, & coram legationem peragere, quum subodorati essent, non acturum praesidem nisi cum Germanis, ostendunt foedere communi cum Gallo jungi velle Danum & Principes Germanos; proinde ad Regem ipsum duci se petunt. Erat tum Rex Nicæ cum Pontifice Romano, ubi, ejus auctoritate induciis inter Caesarem & ipsum constitutis, veneratus cum Gallus osculo pedum; recusantibus id facere *Virtembergico*, *Furstenbergio*, *Marchallo Marchiano*, & *Georgio Luccbio* Dano. Hic quum Regi nunciatus adventus legatorum, jussu ejus Lugdunum a praeside adducti, atque inde Avenionem, ubi triduo morati sunt. Postea Masiliam arcessiti, quum octiduo Regem Nicæ adventantem frustra expectassent, vento adverso obsistente, quoniam navigio accederet, uti constituerat, tandem vero eo venit. Ad quem introducti per Connestabilem, cujus benevolentiam sibi prius conciliarant, benigne auditi sunt. At Rex quum intellexisset summam negotiorum, non expectato fine, oratinem legatorum interrumpens, ait "se memorem fuisse promissorum, ac comprehensos pace, cum Imperatore inita, simul Danum & Principes protestantes: nec voluisse in concilium consentire, quod instantes a pontifice

An.
1538.

„ce petium, proposito præmio Ducatu Mediolanensi, im-
 „mo nec posthac quidem unquam concilium tale appro-
 „baturum; idque *fide nobilis* (hæc enim ei solennis jurisju-
 „randi formula.) „Ac tametsi cum Imperatore pax conve-
 „nerit, foedus tamen cum Dano & Principibus facere para-
 „tum. Illi modo leges foederis ederent, ac auctoritatem
 „litteris testatam legendam exhiberent. „Quod ubi factum
 de plerisque capitibus facile utrinque assensum; sed de pe-
 cunia aliquo in loco Germaniæ deponenda, in eventum
 necessitatis bello ingruente, amplius deliberandum Gallus
 censuit, iussis legatis Tarasconem comitari, donec mature
 super hac re consilio habito responderi posset. Eo dum
 appellant, Rex conspicatus legatos navigio egredientes,
 mittit *Lucebium* eorum adventui gratulatum: Ibi ille cum
 legatis familiariter collocutus, a se indicavit, Gallum certio-
 rem de appulso Cæsaris factum, (nam triremi una atque
 altera ex Hispania tum demum ad ostium Rhodani accesser-
 rat, nec Nicææ simul cum Pontifice & Gallo præsto fuerat,
 detentus vento contrario) in diem sequentem cum tota
 aula obviam ei ad Aquas mortuas, quas olim Fossas Marianas
 indigitarant, occursurum. Quæ res anxios legatos habuit,
 metuentes, ne quid adversi sperato foederi interveniret; ut
 idcirco expeditionem eo magis urgerent, *Lucebium* rogan-
 tes, responsi promissi Regem commonefaceret. Eo facto
 legati in aulam vocati, ubi tamen nihil effectum. Igitur
Boyartum Regi tum a secretis compellantes, ab eo jubentur
 in hospitium cum bona spe redire: quippe qui a prandio
 eis renunciaturus, quæ a Rege iussus erat. Mox legatos
 adiens, dilationem responsi excusat, quam adventus Cæsa-
 ris importarit, jubens nihilominus de re bene sperare. „Re-
 „gem in omnia postulata consensisse, præterquam quod in
 „postremo perplexitatis & difficultatis aliquid collocaret.
 Sed non exempta tamen legatis sollicitudo, quin formidarent,
 ex colloquio Cæsaris cum Gallo aliquid foederi impediendo
 accessurum. Itaque tum Arausione *Furstenbergium* adeun-
 tes, tum Connestabilem per litteras compellantes, rogant
 utrunque, opera atque auctoritate sua subveniant, ne qua
 foederi jam fere affecto Cæsar officiat. Connestabilis per

Hh

Fur-

An. 1538. *Firſtenbergium* reſpondens, jubet eos bono animo eſſe, nihil ei rei fore periculi. "Non agendum inter Cæſarem & „Gallos niſi de induciis, quæ Nicææ pactæ. Reliquum „tempus convivii & gaudiis dicatum, quæ pro more in „congreſſu Principum agitentur. Quin ſperandum potius „legatis, ut omnia ex animi ſententia cedant, ac finem „initio lætiorem ſint habitura. Tandem Rex fruſtra aliquot diebus expectatus, dimiſſo Cæſare, Lugdunum adiit, poſtridie Molinum verſus iturus. Quod ubi legatis reſciturum, *Firſtenbergius* denuo ad Regem miſſus, cum vultus triſtitia & inſolita taciturnitate inde rediens, ſpem prius conceptam perimit. At Rege Molinum proſecto, Præſes Pariſienſis legatis ſententiam ejus de capitibus fœderis exhibitis patefecit. „Non placere ei, quod de concilio recuſando poſtuletur. Eſſe hanc rem juris ſacri, quæ in partum civile, ſeu fœdus politicum non cadat. Absque quo „Gallum, utpote Chriſtianiſſimum, fateri ſe obligatum, „ne in concilium unquam niſi legitimum & generale conſentiat; ſecus ſi faceret, minus laudabile apud Reges & „Principes fore. At ſi totus orbis in concilium conſentiret, „vix fieri poſſe, ut adverſari aut id, recuſare poſſet. Flagitante enixe Regem Angliæ, ne qua ſibi perſuaderi concilium pateretur, ampliſſima ſpe propoſita. Deſideraſſe „contra Pontificem Romanum, ut concilium probaret, & „jam Cæſarem pollicitum in cauſa religionis vim Gallo non „facturum. Idem inſtanter rogaffe, ſed neutrum obtinuiſſe. „Spondere conſtanter Regem nunquam in concilium, niſi „legitimum & generale, ſe conſenſurum. Ac petere, hiſce „verbis fidem tribui, haud ſecus ac ſi in ſcriptum vel fœdus „relata ſint: cui inferi talem obligationem natura concilii „non ferat. Nec de poſtremo exhibiti fœderis articulo, „videlicet de pecunia repræſentanda & aliquo loco Germaniæ deponenda, Regi æquum videri quod petitur, niſi ad „æqualitatem aliquam redigatur. Itaque ſi ingens pecuniæ „vis a Rege deponenda ſit, videndum, quomodo aut pecunia, aut milite pro ea ſatiſ fiat, ut par pari reponatur. Sed „utrumque horum a fœdere alienum & inſolens. Si igitur „deſiſtere ab horum petitione placeret, poteſtatem habere
de

„de alijs haud iniquis conditionibus agendi. Ac si stareť **An.**
 „sententia, qvod hac omnino a Rege praestari vellent, ip- **1538.**
 „sum Molini conveniendum.” Legati contra, de concilio
 „putasse se rem confectam, qvandoqvđem Rex sententiam
 „suam coram edidisset, & per Conneſtabilem & *Boyardum*
 „ad eundem modum responsum esset. Qvi si verbis pro-
 „mittere non dubitaret, qvod de concilio peteretur, nihil
 „vetare idem scripto vel foederi inferi. Nam obligationem
 „ſtipulatione & promissione conſiſtere, etiam absqve ſcriptu-
 „ra, cujus non ea vis, ut per se qvenqvam obſtringat, ſed tabulaſ
 „ſcriptas fidei & probationis ſaltem loco eſſe. Neqve foedera
 „huiusmodi ſtricti eſſe iuris, ſed bonafidei & ex aequo bonoqve
 „omnia conſtituenda. Qvapropter probroſum aut alienum
 „haud eſſe talia peti; qvandoqvđem non pudeat Principes
 „proteſtantes concilii, modo liberum ſit & verbo Dei conſen-
 „tancum, absqve qvo haud rem ſacram eſſe. Deniqve ſuper
 „hoc ſpe pridem facta, perſcriptum in Germaniam de concilio
 „recuſando Regem conſenſiſſe; ideo fidei & honori legato-
 „rum ut conſulatur cupeſe. At poſtremum articulum de pe-
 „cunia, non a Principib꿯 adinventum, ſed a *Langæo* in
 „conventu Smalcaldico propoſitum. In qvo par ratio eſſe
 „neqveat, qvia nec pares utrinqve facultates & opes. Ve-
 „runtamen viciffim pro pecunia praestandum a Principib꿯,
 „ut aliquot millia peditum ſuo ſtipendio Regi ad fines Gal-
 „liae, qvum peteretur, transmitterent. Qvod tamen non
 „aliter promiſſum velle, qvam ſi ratum Principes habeant.
 „Hæc locuti cum praefide legati, qvum, eo mandata excu-
 „ſante, ſere nihil ad ſummam rei proficeretur, coacti ſunt
 „Molinum ad Regem iter facere. Ubi convento Conneſta-
 „bili, ſpes facta decennio concilium nullum futurum. Sed
 „de pecunia nihil impetratum; ni par ſumma viciffim apud
 „mercatores in Gallia deponeretur. Qvumqve petítum eſſet,
 „ut Rex capita foederis, prout ipſi placeret, conciperet, ne ſic
 „qvđem aliquid obtinere. Tandem vero Rege iter Bleſas
 „parante, legati ad eum adducti humaniſſime cum hoc re-
 „ſponſo dimittuntur: „Certum deliberatumqve, cum Prin-
 „cipib꿯 Germaniae priſtinam amicitiam ſervare, nec con-
 „cilium probare niſi legitimum & generale; ideo Principes

An. 1538. „pactione induciarum comprehensos, quatenus ipsi velint, „Ac paratum ipsis omnia officia præstare, eademque ab „ipsis expectare.„ Ita varie circumducti legati, his amplius a Rege nihil impetrare potuerunt. In ipso discessu pro miseris hominibus, qui Gratianopoli ob confessionem evangelii in carcerem coniecti fuerant, deprecati, ne hoc quidem obtinuerunt; sed ambiguo duntaxat responso preces eorum elusæ. A Gallo nihilominus ad *Christianum* per legatos litteræ datæ humanitatis & officii plenæ, quibus se paratum foedus renovare ostendit, ideoque foedere Cæsaris comprehensum eum voluisse: cuius missum exemplum, unde id luculentius posset cognosci. Et de hoc quidem postea seorsim a *Christiano* gratiæ Gallo actæ, missio ad eum *Petro Brochenbusio*: per quem petiit etiam periculi commonefieri, si quid Cæsarem struere in perniciem suam constaret.

Etenim parta apud Gallum pace, res novas Cæsarem moliri multorum indiciiis & constante fama jam vulgabatur, unde nova denuo sollicitudo Regi incescit. Sed quamvis Cæsar hoc agebat; tamen obtentui bellum Turcicum sumptum. Eaque specie fraude testæ, naves quorumcumque passim, quæ in totum Belgium adnavigarant, detentæ. Quarum complures ad tantum conatum minus idoneæ, navigationem intermittere coactæ, haud parvo publico privatoque damno, & insigni cum Cæsaris obtrectatione & invidia. Deficientibus enim necessariis ad oppugnandam Daniam, classe validam, corrumpébantur nequicquam naves, & sumptus ingentes de nihilo fiebant.

Nec aliud fama dignum gestum est classe, quæ parabatur, nisi quod unus aut alter pirata, ex Dania profugi, mare aliquousque pererrantes lustrabant, si qua in Danorum solas naves inermes incidere possent. *Christophorus Trudsonius* eo usque evectus, ut ad insulam, Helliglandiam nuncupatam, quasi *terram sanctam* dicas, appulerit; ubi escensione in terram facta, septem ejus nautæ longius ad prædam progressi capti sunt, ipse refugio ad navem evasit. Nautæ po-

postea ad Regem missi, cum quæstionibus subicerentur, An.
1538.
confessi sunt, *Mariæ* gubernatricis auspicio Færis Selandiæ se enavigasse, sed non alios quam Antverpienses & Amsterdamenses hucusque spoliasse. Quibus etiam Rex iustitiam administrare, de noxiis supplicium fuicendo, paratus erat, uti per litteras obtulit. Alter *Otto Stigotius*, postquam ex portu Embdeni cum aliquot navibus solverat, litora Norvegiæ clam subiit, nullo insigni detrimento aut damno alicubi dato. Neuter in Daniæ navigare ausus, quia jam divulgatum classem a Rege paratam, ejusque rogatu Borussum naves aliquot instruxisse. At quia Frisia semper eis pateret, per litteras cum Comite *Ennonæ* exposulatum, quod receptum piratis, malum Daniæ machinantibus, præberet, contra quam aut Rex paterne meritis, aut jus vicinitatis requireret.

Interim terra quoque ad fines Holsatiæ a pristino hoste Oldenburgico insidiæ regiis subditis paratæ, quamvis hostis conatus eo hic retusus. Conduxerat ille hinc inde milites, quos indies confluentes propius ad Regis provincias admovebat, ignaris omnibus, quæ iter instrueret. Ea res primum Holsatis suspecta. Mox metus incessit, ad expilandum Holsatiam irruriturum. Quod ibi Regi minime obscuris indiciis persvasum, haud cunctatus, quas per tumultum poterat copias, ad fines contra Oldenburgicum educit. Sed is intellecto Regis adventu, metune an consulto retrovertit, ac recta diœcesin Monasteriensem petit. Ibi populatus opida & agros, expugnatoque uno atque altero castello, nec non extorta ab aliquibus pecunia, in urbem Monasteriensem Antistitem ipsum fugavit, quia resistendi facultas ab exercitu adhuc imparato non erat. Qui tamen post collectis copiis, auxilioque aliquo a Rege suppeditato, sua eo facilius recuperavit, quominus amissa adversus vim armatam valida erant. Et Rex quidem hac ratione periculo defunctus, nondum tamen metu liberatus fuit. Quia Oldenburgicus finibus imminabat, & multi hostes in utroque exercitu militabant. Itaque callido usus consilio, subornabat, qui bello sopito partem militum in stipendium Regis

An. 1538. adficerent, reliquos terrore implerent, vel spe inani lactarent, dum moræ tædio sponte dilaberentur.

Porro autem uti ab Oldenburgico terra turbatum, ita nec mari a Megalopolitano altero hoste pridem reconciliato sincere pax servata. Etenim ascitum in ministerium *Remlingrodium* quendam Metropolitanus protectione sua contra Belgas armabat, litteris potestate data, ut vindicaret injuriam, quæ a Belgis accepta memorabatur, aliis tamen haud violandis. Hac enim specie invidiam obtegi voluit, cui propositum mare Balthicum latrociniiis infestum reddere, ut quoquo modo Dania turbis involveretur. At clam inter eos convenisse ferēbatur, connivendo passurum Megalopolitanum, quibuscunque tandem mari captis accessum *Remlingrodio* in suos portus esse. Cui rei post res ipsa fidem fecit. Nam neque a Danis neque ab Anglis vim abstinuit. Sed spoliantem ita quosvis, mari Balthico, quod Danici juris est, non toleravit diu *Christiani* virtus, quin contra naves instrueret. Qvas pirata metuens in portum mature se receperat, ratus se præda parta ibi in tuto fruiturum. Sed naves Danicæ eodem perumpentes, dum piratæ in præda distribuenda occupantur, inopinantes invadunt. Quibus fuga clapsis reliquæ piraticæ naves crematæ, Anglica quædam recens capta in Daniam salva abducta. Quæ postea ad intercessionem *Henrici* Regis domino restituta est, nullo soluto pretio. Quippe cœpta jam inter utrumque Regem ea amicitia, ut nullum gratificandi invicem studium deinceps omitterent. Anglus per se ultro eam ambierat admiratione *Christiani*, cujus virtus in omnium ore jam versabatur. Cui ille, utut hætenus hostis, etiam favens adeo *Christiani* laudes litteris suis extulerat, ut infra eas longe ipsius modestia se demitteret. *Christianus* quoque tanto lubentius in amicitiam venit, quia Anglo jam religione concors, priores offensas amplius non imputaret, sed tranquillitati publicæ injurias omnes sponte condonabat. Ita igitur dum Anglus *Christiani* virtuti lingua animoque favet, atque is vicissim benevolentiam re erga subditos Anglos declararet, via ad conjunctionem & necessitudinem, quæ post secuta, aperitur.

Jun-

An.
1538.

Iuncta etiam amicitia cum Polono, Borussi arbitrio foedere stabilito, quæ multis modis eo rerum statu apud hostes quoque profuit. At alia parte novi hostes Regi exorti nulla lacesiti injuria Pomeraniæ Duces erant, qui in Rugia insula bona ecclesiæ Roschildensis occuparant: nec antegressa cognitione, nec Rege præmonito; quod ægre quidem erat ipsi ab amicis & necessitudine iunctis profectum. Sed arma tamen contra vim haud sumpta. Quinimo indicato die reditus in regnum, rogati Duces per litteras, interim abstinerent bonis istis, ne regios possessione turbarent. Ipsum quod jus æquumque esset haud recusaturum. Verum Pomerani nihil a priore violentia remittere, tantumque quæsitæ dilatio, dum possessionis commodis fruerentur. Quapropter Rex vicissim naves civium Sundensium, Gripsvaldensium & Anclamensium in freto Oritano detineri iussit. Quæ nexu detentionis haud aliter relaxatæ, quam ut satisfactionem tres istæ civitates sponderent pro annuis proventibus omnibus præceptis una cum usura semisse, simulque promitterent fore, ut A. D. Calendas Octobris mitterentur in Daniam, qui causam ipsam cum regis delegatis cognoscerent & deciderent. His tum conditionibus naves dimissæ: *Antonio Lecovio* civitatum legato spondente ratam fore transactionem. Et legati quidem ad comitiorum tempus in Dania præsto fuere, sed nulla potestate rem controversam disceptandi: Id modo postulatum, ut in verum tempus nihil moveretur aut novaretur.

Deinde cum *Fuggaris* Augustanis pariter inimiciatæ incidere, quod eorum quoque naves fraudis compertæ in freto detentæ fuissent. Etenim *Fuggari* non contenti, quod *Fridericus* Rex monopolium cupri ad certum definitumque modum indulserat, solutione vestigalis quod inter eos convenit, & modum cupri exportandi exceßerant, & vestigali suo Regem fraudarant. Ac dolus quidem patuit: Sed Cæsaris protectione confisi, ferocius & pervicacius, quam in noxa manifeste deprehensos deceret, agebant. Post tamen hæc controversia Principum quorundam intercessionem composita.

An.
1538. Comititia regni serius hoc anno habita, quibus gravissimarum rerum instituta est deliberatio. Contendebat Senatus a Rege, ut *Friderici* designationem totus populus solenni sacramento praestito ratam haberet & confirmaret. De modo gubernationis, si ipse ante legitimam filii Principis aetatem diem novissimum impletet, res in suspenso per silentium relicta. At proceres *Sliaevigiae* & *Holfatiae* contranitebantur, ut gubernatio constitueretur, in cujus partem se admitti petiere. Nolle enim Ducem a regno alienum, nec denominationem istarum provinciarum extra eas collocari, utut jus electionis regno integrum salvumque maneat. Acta res utrinque pari ambitione, etsi jure dispari. Sed quia Dani abdicatam a regno voluere omnem *Holfatorum* potestatem, nihil statui hic poterat. Res autem in aliud tempus prolata, si fortean interim in mentem veniret, quo utrisque satisfaceret. Deinde super *Borussi* desiderio consultatum, qui mortuo *Gothlandiae* praeside, eam insulam a Rege petierat. *Henricum Rossecrantium* enim, qui insulae praefuerat, eqvo excussum, quum viscera vehementiore ad terram lapsu concussisset, praepropere fatum eripuerat. Rex sciscitatus antea sententiam *Holfatorum*, quamvis res ad ipsos non pertineret, jam de eodem ad Senatum referri voluit. Sed *Holfatis* haud curae, quod insula a regno divelleretur, eam potius tradi sibi pignori flagitarunt, pro pecunia credita, quam *Borussis* concedi. Dani intentius reipublicae utilitatem spectantes, membrum regni *Gothiam* esse disseruere, nec inde abstrahi posse, sine certissima utriusque pernicie. Quam sententiam Rex secutus, *Borussis* modeste negatam petitionem excusavit. Censuit etiam hisce comitiis Senatus arcem *Malmoglanam* reaedificandam: coeptumque mox opus magno molimine, non sine tacita plebis indignatione, cui exstructio oneri. Mortuus exul in Belgio *Olaus*, quondam metropolitanus *Nidrosiensis*. Bona quidem ab eo relicta, Rex sibi vindicavit jure ecclesiae *Nidrosiensis*, cui crepta pleraque fuerant, atque a *Maria*, referri commentariis consignata petiit, sed frustra fuit. *Georgius Frisius*, antistes, dum res tulere, *Viburgensis*, libertati restitutus, quum Regi assiduos fidejussores dedisset, nihil

nihil se moturum, sed rata omnia de religionis reformatione & reipublicæ innovatione decreta habiturum.

Cœptam inter Anglum & *Christianum* amicitiam mutuis officiis exercere & colere utrique Regi deinde curæ erat: atque ab hoc initio pridem facto, ille vicissim ad benevolentiam paulatim magis magisque accendebatur. Non prætermisit itaque, intellecto quid animi Cæsari adversus *Christianum* esset, quin rem ad incolumitatem regni Danici pertinentem, per legatum, eam ipsam ob causam missum, patefaceret. *Robertus Barns* erat, qui exorsus publice amicam salutationem, gratulatus Regi, secreto colloquio expectito reliqua legationis hoc modo pertexuit: „Fuisse in Hispania eodem tempore Cardinalem Anglum, qui a fide Regis defecerat, Pontificis Romani missu, & legatum ipsius Regis. Quorum ille quum gravior & familiarior, indignatum Regium legatum monuisse Cæsarem, non ex amicitia esse publicum hostem Regis sui, quem majestatis reum loco proditoris haberet, tanta gratia & humanitate prosequi. Ibi Cæsarem respondisse: dandum honori Pontificis, ut tametsi proditor Regis audiat, tamen ad orandam apud se causam sanctissimi patris admittatur, nec eum colloquio, cum res postulet, arceri decorum. At legato perurgente & gravissimis rationibus instante, ne Cardinali proditori tantum gratiæ tribueretur, ut in conspectum Cæsaris ad dicendum prodiret, a Cæsare commotiore exprobratum, legatos *Christiani*, qui se Regem Daniæ falso ferret, occupato per vim regno, & religionem invisam haberet, apud Anglum aliquoties benigne & humaniter habitos, tametsi haud ignarus Anglus, Cæsari cum *Christiano* capitales inimicitias, ob fratrem captivum, ab eo detentum, intercedere. Jam Anglum existimasse, in hæc adversus Danum tam contumeliosa & invidiosa verba Cæsarem haud erupturum, ni implacabili odio incensus, *Christiani* perniciem meditaretur. Itaque committere non potuisse, quin suo judicio cavendum ab tanto hoste mature præmoneret. Id flagitasse mutuam amicitiam, quam si Rex solenni fœdere per æquas leges seu con-

An.
1539.

An. „ditiones firmari vellet, expectaturum ejus super hoc lega-
 1539. „tos. Qui si veniant, nunciatum quæ visa ad pacem &
 „tranquillitatem publicam, nec non ad propagationem
 „sinceræ religionis quoquo modo facere posse, non solum
 „summo studio ea Anglum persecuturum, sed & legatos
 „ipso longè fore acceptissimos. „

Hæc cum fatus esset legatus, in paucis diebus respon-
 sum ad ea, quæ potissimum agebantur, accepit: „Cæsaris
 „odium non ignotum aut obscurum, ut qui variis modis
 „perniciem Dano struxerit. Causas autem veras longè
 „diversas esse ab iis, quæ obtentui sumantur, aut in publi-
 „cum evulgentur. De iis edoctum legatum Anglicum,
 „Episcopum Herfordensem, conventu Smalcaldico, & lit-
 „teris rem Anglo sæpiusculè repetendo patefactam, ut ob-
 „scura amplius esse nequeat. Nam aliud Cæsari proposi-
 „tum, quam quæ fortean præ se ferat, quem si desiderii com-
 „potem fieri contingat, gravem haud dubie pluribus Prin-
 „cipibus ejus dominationem futuram, ac consilia multis
 „exitia. Sed *Christianum* innoxium inimicitias Cæsaris
 „perpeti, nec profuisse ad quosvis æquos arbitros provoca-
 „tionem, quibus causæ suæ cognitionem non dubitet ad-
 „huc committere. At vim nihilominus intentari, & arma
 „contra religionis fœdere junctos simul parari; nullo habito
 „respectu, quod doctrinæ reformationem scripturæ sacræ
 „auctoritate tueri confidant. Quod non esse Imperatoris,
 „ex officio in pacem orbis invigilantis, quæ maxime Prin-
 „cipum concordia innixa: sed hominis, rem, dignitatem-
 „que privatam quovis jure aut injuria amplificantis, eoque
 „cuncta trahentis. Amicitiam autem Danicam expeti ab
 „Anglo perquam gratum esse, eamque ad publicæ tran-
 „quillitatis defensionem & religionis propagationem pluri-
 „mum commodare posse, haud ambigendum. Sed quia re-
 „ligionis causa maxime agatur, consentaneum, ut cum iis,
 „qui sacri fœderis Principes sunt, Saxone & Landgravio su-
 „per hoc communicetur. Etenim e re communi esse, in
 „societatem fœderis invitari, qui sinceram religionem pro-
 „fessi, vitæ ac fortunarum periculo eam redemerint, ac
 ad-

„adhuc propugnare haud recusat. Tum si iis commo-
 „dum erit, mittendos postea in locum, ubi tuto consulta-
 „re liceat, qui seu in Anglia, sive alibi commodior requiri
 „possit, communi consilio expendendum. At si Principes
 „Germaniæ interpellentur aliis negotiis, quo minus de iis
 „tractare queant, nihilominus Regem suos missurum, ac
 „quod tum convenerit, constanter præstiturum. Non
 „enim metiri religionem vulgi iudicio, qui dissensionibus
 „& turbis veritatem ejus labefactari autumat, sed persua-
 „sum habere doctrinam nostrarum ecclesiarum, quæ Con-
 „fessione Augustana comprehenditur, verbo divinitus tra-
 „dito esse consentaneam. Rogare Anglum, idem sentire ac
 „judicare velit, id quod ad salutem fuerit.,

An.
1539.

Cum hoc responso legatus Anglicus ex comitiis Othi-
 nianis dimissus est, cui adjunctus tabellarius in eum usum,
 ut referret ad Regem, si quæ ab *Henrico* rescriberentur.
 Interim *Uttenbovius* & *Fuchsius* ad Saxonem & Landgra-
 vium missi, quid cum Anglo actum esset, nuntiaturi,
 simulque sciscitaturi eorum de fœdere Anglico sententiam.
 Illi cum *Henrico* amicitiam jungere haud equidem recusa-
 runt. Sed nec opportunum esse in Angliam legatos mitte-
 re mari longe distantem: nec periculo carere, omnia, quæ
 agenda essent, litteris comprehendi existimarunt. At si
 Hamburgum vel Bremam mittere placeret, affuturos ibi,
 qui æquis conditionibus cum legatis ejus paciscerentur. Quæ
 Rex quum perscribere ad Anglum meditaretur, intervenire
 litteræ per tabellarium allatæ, quibus nihil aliud quam lega-
 tos Danicos se expectare ostendit. Itaque de amicitia ejus
 & Principum Germaniæ protestantium, res prolata. Ad
 conventum autem Protestantium, quum Francofurti age-
 retur, missi a Rege fuerant legati, ut, si pax religionis inter
 ordines Germaniæ conveniret, *Christianus* simul ea com-
 prehenderetur, aut si de reconciliatione Imperatoris Palati-
 niqve cum eo aliquid tentaretur, præsto essent, qui ei mo-
 dum dicerent. Sed *Vasius*, quondam metropolitanus
 Lundenis, qui legatum Cæsaris nomine agebat, de rebus
 Danicis nihil in mandatis habuit. Itaque legati clam se

An. 1539. continuerunt, cum Saxone solo & Landgravio mandatis communicatis. Actum quidem hic inter alia de Boruffo in foedus adfciscendo, & spes ejus aliqua facta; sed quia cautum utrinque inter ordines fuerat, ne quis ad certum praefinitumque tempus praeter jam confederatos adsumeretur, res irrita fuit.

Tantum autem aberat, ut vel Rex Caesari & Palatino reconciliaretur, vel Boruffus pace Imperii aut foedere Protestantium includeretur, ut utrique jam variis modis doli struerentur, tum ab ipsis, tum ab aliis, quos sibi recens adjunxerant, ac praecipue Regi: Svecus enim haecenus *Christiano* amicus & necessarius, jam eo deserto, cum Burgundis amicitiam fecerat, & cum Palatino foedus inierat. Legati Caesaris hoc nomine Amsterodamo in Sveciam navigarunt, ut de damno Regi dando inter eos componeretur. Ac paratae copiae a *Gostavo* in Svecia, cum aliis Germania advectis, haud longe a finibus regni Danici habebantur, ut cuncta ad invadendum in promptu essent, nullo dum externo hoste, nec bello *Christiano* denunciato. Verum *Christianus* ubi multis haud fallacibus indiciis comperit, alium quam pridem *Gostavi* animum, defensionem non negligendam ratus, in eventum belli militem etiam conduxit, & domi conscripsit. Sed prius tamen, quam vel ille arma inferret, vel iste ad arcendam vim exercitum colligeret, missi Upsaliam Sveciae ad *Gostacum* legati. Qui ubi pro amicitia utriusque Regis familiariter indicarunt, quid conventu Brunsvicensi actum, ac quo pacto cum *Bernardo Mileno* lis terminata, obruti quodammodo sunt querelis, quae in *Christianum* congeriebantur. Sed quia, Rege nihil tale expectante, mandatum super his respondendi nullum legati habuerunt, exhibitae sunt scripto querimoniae omnes, ad eum referendae. Ac de conventu Calmariensi cum *Gostavo* actum, quo de his omnibus ei satisficeret, in quem utrinque assensum. Itaque eo post legati missi primarii viri, *Accius Brabens*, *Oligerus Vistandius*, *Canutus Guldensfernus*, *Birgerus Trollius*, & *Caspar Brochmannus*, luculentum attulere ad singula objecta a Rege responsum, & *Christiani* sententiam

tiam oratione brevi executi sunt. „Mirari cum antiqua An.
 „adco ad memoriam ingratam revocare, præsertim cum I539
 „recentibus foederibus per silentium sint quodammodo
 „abolita. Haud dubie impulsum animum *Gostavi* ad de-
 „teriore partem ab improbis ministris & pravis consulto-
 „ribus, qui pacem horum regnorum turbatam velint. Non
 „defuisse etiam *Christiano* causas, cur aliquid moveretur, sed
 „noluisse occasionem minimam inimicitis suppeditare.
 „Rogare idem animi *Gostavo* sit, nec suspicionibus indul-
 „geat: Sed a criminationibus hujusmodi in *Christiano* &
 „subditos porro absteineat. Quod si qua se læsum putet,
 „aut ulla injuria affectum, paratum arbitrio delectorum
 „utrinque procerum rem committere, qui querelas mutuas
 „disceptent, ac controversiam omnem vel dijudicent, vel
 „componant. In quæ omnia, svadentibus Sveciæ proce-
 „ribus, tandem *Gostavus* consensit, quum polliciti Sveci omnem
 „operam se duros, ne amicitia aut vicinitas aliqua offensa
 „violaretur. Nam his officiis importunitatem belli tegebant,
 „quod alias & turbæ domesticæ a *Jona Andree & Nicolao*
Daccio excitatæ interpellabant, & geri aliqua cum dexteri-
 „tate invaletudo ejus, quæ, Deo ita res gubernante, incide-
 „rat, non sinebat. Ita cessatum *Gostavo* ab armis, Burgundis
 „nequicquam tunc temporis adversum Daniam vim Sveti-
 „cam instigantibus.

At Cæsar ipse nihilominus ingentem contra Regem
 apparatus molitus, classi undique instruendæ & augen-
 dæ operam dedit. Quo non solum retentæ naves, quæ in
 Belgium appulerant, sed Belgicæ omnes, quæcunque alio
 navigarant commerciorum causa, sub gravissimæ pœnæ
 comminatione domum revocatæ, præsertim ex partibus
 orientalibus. Nec cunctatus Palatinus, qui exercitum in
 finibus Holsatiæ habuit triginta sex vexillorum & trium
 millium peditum. Instructæque ei quatuor naves, si res
 ita ferret, ut mare esset trajiciendum. Dux Palatino Ol-
 denburgicus erat, idemque omnium consiliorum modera-
 tor, co majoris apud ipsum fidei, quo infestius odium *Chri-*
stiani profitebatur. Alibi in Germania aliæ peditum copiæ
 L1 pa-

An. 1539. parabantur auspiciis Moguntini & Brunsvicensis, quibus inimicitiae cum Landgravio Hassiae inciderant. Iis in Borussia ducendis, si forte dissidium Moguntini & Brunsvicensis cum Landgravio componeretur, ut sperabatur, *Conradus Hartstennius* Eques auratus, stipendio reipublicae Francofurtensis obstrictus, praeficiendus erat. Adjungendi his equites mille quingenti, qui in dicecesi Coloniensi & Monasteriensi, suppeditaturo pecuniam Magistro Ordinis Livonici, conducendi. His copiis petebatur Rex & Borussia Dux, uterque Imperatori & Burgundis reliquisque ejus factionis ex aequo pro hoste, nulla alia fere culpa nisi religionis reformatae professione, habitus. Palatinus recta primum Holsatiam, inde Daniam invadere satagebat, & jam fere in finibus oppidum ditionis Lunæburgensis vi ceperat. *Hartstennius* cum suis, qua parte ad Germaniae fines Borussia vergit, adoriturus Ducem erat; altera parte Magister Ordinis Livonici obruere inexpectato ditionem ejus decreverat. Burgundis favebat Megalopolitanus, odio Regis, diversus ab iis religione, qui navem farina aliisque onustam, centum, (ut vulgo vocant) lastarum per mare Balthicum in comineatum misit. Et metuebantur Pomerani, ne transitum per suas ditiones in Borussia copiis hostilibus eo facilius praerent, quod Regi per affinem & necessarium incommodari posse existimarent.

Sed provisu & indefessa vigilantia Regis ac Borussi, omnes isti conatus, & consilia, utut callide & occulte instituta, inania sperati eventus fuere. Uterque enim, Rex & Borussus, navibus Belgicis, quae edicto Caesaris domum revocabantur, reditum impediabant, quum passim ipsorum rogatu vetitum per civitates orientales quicquam exportari, quo vel annona ibi aggravari, vel naves instrui possent. Vulgatus etiam consulto rumor, Regem naves quorumcunque in freto Oritano sistere. Quocirca quodam metu nonnullae sponte, ne vacuae redirent, aliae aliis de causis coactae in portibus istis consistentes, a navigando cessarunt. Regi interim cum Borussio haud neglectum suas quoque instruere classes, ut impervium fretum Oritanum hosti facerent.

Qvin-

Qvinetiam Hamburgenses suis in Albi navibus trajectum An. hostibus prohibuerunt, ne qua copiae in Holsatiam transve- 1539. hi possent. Præterea jam in finibus justus exercitus habebatur, ut non dubitaret Rex, si res ferret, cum hoste confligere. Quumque captum oppidum esset sub ditione Lunæburgensi, conjunctis suis quibusdam cum Ducis equitibus, eos ulturus, qui misere homines ejus oppidi multarant, facile cunctos fugavit in diocesin Bremensem, unde venerant. Ubi tum *Bernardus Milenus* erat, nomine protestantium advigilans, ut adversariorum consilia destrueret, si quid contra foederatos inceptaretur. Qui tribunos & centuriones hostium, ignaros quo ducerentur, eo svasionibus suis perduxit, ut se litteris obligarent, contra Protestantem aut Regem Daniæ nemini militaturos: sed Protestantium aut Regis stipendio merere velle, si intra quindecim dies de eo certi redderentur. Ratus enim ita *Milenus* aut milite isto Protestantem pro se usuros, aut se copias distraheret. Sed ubi res, quæ in plurium conscientia diu latere non potuit, ad reliquos evulgata, tribuni & centuriones in obligatione nominatim inserti, ab exercitu profugere coacti sunt. Qui autem sub istis signis militabant, quorum quina simul erant, detractis vexillis in reliquam multitudinem sunt distributi. Ita denuo universi sacramento adacti sunt, promisso menstruo stipendio, cujus aureus unus repræsentabatur, haud tacito amplius, Holsatiam & Daniam irrumpendam, ubi se præda miles explere posset. Verum frustratus tametsi spe *Milenus* erat, tamen, quum exercitus odio & inertia eodem loco torperet, nec reliqua stipendii exsolverentur, aut alia necessaria suppeterent, nec vulgo nomen ederetur, ut constare posset, cui militaretur, tandem, an sponte, an adigente penuria, in ditione Oldenburgica non sine minis & indignatione dilapsi & dissipati. Quorum quidam in Frisiam Orientalem, alii alio, ubi cuique spes aut stipendii merendi, aut aliter vitæ tolerandæ erat.

Intercesserat autem, durantibus hæc turbis, Polonus, instinctu Borussi, apud *Ferdinandum* Romanorum Regem, ut reconciliationi Regis cum Palatino, pro ea qua polleret

An. 1539. apud ipsum auctoritate, operam daret. Qvod jam eo facilius, qvod aduersa Palatinus fortuna usus, impetrabatur, & spem Polono fecerat *Ferdinandus*, ita futurum. Sed qvum *Christianus* nihil sibi negotii cum Palatino esse ad Polonum perscriberet, gratum alioqvin habens ejus studium & benevolentiam, languidius ea cura ab ipso suscepta. Nec admodum de hac re a *Ferdinando* laboratum, succensente, qvod *Christianus*, spreto hoste Palatino, & expeditione ista temere gesta cluso, minus ei deferret.

Ceterum ubi & tanto ausu conatuqve ita turpiter Palatinus excidit, & destitutus auxilio Imperatoris, cui vix sumptus belli contra Turcam, finibus Germaniæ magno fremitu & terrore imminentem, suppeditabant, nedum ut in aliis pecuniam erogaret, ad Anglum opem petitum venit, Oldenburgicum secum in comitatu trahens. Ubi quidem Rex cum benigne exceptum qua decuit humanitate & honore profectus est, adeo ut jactatione maris ob insolentiam nauseabundum & invalidum lectica in aulam gestari jussit: Omnisque alius favor & benevolentia ei impendebatur, quæ in tantum Imperii Principem cumulari poterat; præsertim nuptiis cum Germana, Clivensis filia, jam pactis. Sed qvum Palatinus auxilium contra Regem Daniæ flagigaret, cujus petendi gratia venerat, ibi nihil tanto favore & benevolentia dignum ab Anglo præstitum. Qvin pro responso redditum, Palatinum non ejusdem secum religionis esse, nec cum Dano, Saxone ac Landgravio, qui amicitia & necessitudine conjuncti. At si obtineri ab eo posset, ut eandem religionem amplecteretur, velletqve in idem foedus cum protestantibus coire, in facili fore, moderatoribus pacis Anglo, Saxone & Landgravio, controversiam, quæ cum Dano intercedat, amice componi: nihilque reliquum studii & modestiæ facturos, ut ita fiat. Sed Palatinus auxilium Anglicum tanti sibi haud redimendum existimavit, ut a religione pontificia descisceret, cujus constans professio cum gratia Imperatoris conjuncta fuit. Ita frustratus spe, quam initio tantis cumulatus honoribus præceperat, voti inanis rediit.

Jam

Jam naves trium civitatum Pomeranicarum liberius An.
 commercia per mare Danicum exercebant, ac fretum Ori- 1539.
 tanum tutius permeabant. Legati enim Ducum in Dania,
 ex pacto, declinante vere, affuerant, ibique de controversia
 transactum, tamen difficultate & perplexitate res non
 caruit, priusquam eo veniretur. Nam quum Rex inprimis
 de possessione contenderet, ut unde vi dejectus esset, resti-
 tueretur, suæque potestatis assereret, pastorem & verbi di-
 vini ministrum in Rugia, ex auctoritate ecclesiæ Roschilden-
 sis, quem idoneum fore compertum esset, designare, legati
 totius causæ cognitionem ad judices compromissarios, utrin-
 que ex consiliariis delectos, devolvi petierunt: aut, si magis
 placeret, jurisconsultis Academia Vitebergensis controversiæ
 dijudicationem delegare, eorumque sententia stare judices
 velle. Verum utrisque magis idoneos fore arbitros com-
 munes amicos, Protestantium ordines; modo Rex patere-
 tur apud eos causam disceptari, quorum æquitate & pru-
 dentia seu res componeretur, seu judicio decideretur, haud
 invite Duces parituros. Sed Regi haud visum compromisso
 probando in dubium jus suum vocare, de quo nunquam
 fuisset tempore Episcoporum Roschildensium controver-
 sum. Pomerani contra, "si inconsulto Cæsare (cum nove-
 runt *Christiano* infensum) paterentur aliquid juri suo dece-
 dere, rationem Imperio reddendam. Cæsarem jam pridem
 professione evangelii erga ipsos exacerbatum: Si jam nova
 offensa, alienatione vel abdicatione juris sui, accederet, ma-
 gnum malum eis creatum iri. Itaque occupatos a Ducibus
 fundos Rugianos & reliqua, de quibus contenditur, bono Re-
 gis, cui alias metuendum fuit, ne Cæsar sibi possessionem vin-
 dicaret. Ad quæ responsum, "eodem loco rem fore, idem-
 que periculum eos manere, sive ab arbitris utrinque de-
 lectis, seu a Ictis Witebergensibus, sive etiam a Protestan-
 tibus ordinibus causa cognosceretur, (quæ omnia ipsis
 antea probata) modo injussu Cæsaris, aut eo infcio, res
 decideretur: Addito, requirendum etiam Marchionis
 Brandenburgici consensum, propter fœdera hereditaria,
 quæ cum Pomeranis intercedunt, si quid juris cuiquam
 extra Regem Daniæ competeret. Sed nolle Regem jus
 suum

Mm

suum

An. 1539. „suum controversum facere, nec causas Imperii cum iis,
 „quæ sunt regni Danici, confundi aut admisceri, præviden-
 „tem multa gravissima certamina & inextricabiles conten-
 „tiones inde existere posse. Ac si bona Rugiana eo fine
 „occupata, ut memoretur, certe emolumenti perceptio-
 „nem nullam ad Regem vel regnum rediisse, eoqve minus
 „jam restitutionem negandam. Cui si adversentur Duces,
 „multis modis injurios Regi ac regno esse, secus quam lit-
 „teris suis polliciti. Regem collegii Roschildensis, quod
 „regni haud ignobile membrum, protectorem & dominum
 „esse; ideo ut abstrahantur, aut quoquo modo discerpan-
 „tur, seu injuste lacerentur, quæ istius collegii sunt, conni-
 „vendo aut negligendo pati, ei fas non esse. Nec in animo
 „ipsi esse, ut commissurus sit quicquam ejus juri adimi, ut-
 „cunque difficilem & gravem Duces ei hanc causam red-
 „dant, quantum quidem pro viribus adnitendo asserere,
 „quæ regni sunt, queat. Tandem legati videntes, nihil
 „istis modis differendi profici, nullamque viam aliam pate-
 „scere amicitiae, restituta possessione, cessare Regi jus emolu-
 „menta & redditus omnes percipiendi: sed dominium excep-
 „ptum, quod suis Principibus cum protestatione reservatum
 „voluere. Ac mox rogatu legatorum bona ista commenda-
 „ta *Martino Berneccovio* & filio, quos a fide & industria cog-
 „nitos, pridem antistes Roschildensis eis præfecerat: data
 „potestate, „ut possessionem nomine Regis adirent, ac dein-
 „ceps administrarent, cum diligentia fideqve, quæ procura-
 „tores deceret, ratione reddituum Regi soli, nec cuiquam
 „alii præterea, reddenda. Fore Regem ipsis auctorem, ne
 „qua fides & diligentia, eo modo præstita, fraudi sit futura.
 „Sed hæc sine solenni Regio diplomate, quod requirebatur,
 „exequi jussi sunt: quia neque ipsi adhuc sacramento fidei
 „Regi obstricti. Controversiam postea de dominio in tem-
 „pus verum Rex produci passus est, petente id Landgravio,
 „modo ne in possessione & fructuum perceptione turba-
 „retur.

Cum *Fuggaris* etiam Hafniæ transactum, qui misso
 legato & procuratore suo *Silvestro Rædio*, cui adjunxerat
 hanc

hanc ipsam ob causam legatos suos Borussus, expiarunt offensam, ejus intercessione, & redemerunt aliquanta pecunia, quæ in fraudem Regis commissæ fuerant. Ac scripserat hac de re etiam *Maria*, quæ causam istam quodammodo ad se traxit, tanquam ad publicum commerciorum usum cum Belgis pertinentem: sed plus a Rege in gratiam Borussi factum. Sponsores facti *Fuggarorum* nomine illi ipsi, qui legati fuerant, Borussi, & conventionis tabulæ conscriptæ, quas ratas habuit *Antonius Fuggarus*, suo ac filiorum fratris nomine.

An.
1539.

Eodem fere tempore *Ottonem Stigotium*, hucusque Regi juratum hostem, Saxoniam inferiorem temere ingressum, inter Hamburgum & Lubecam a *Magno* Duce capi contigit. Is inter ceteros cum Oldenburgico Dania excesserat, obligata Regi fide, ne quid contra regnum deinceps moliretur. Sed nihilominus Palatino & aliis Regiis hostibus stipendio obnoxius, varias technas contra Daniam struxerat: quapropter Rex eum captum aut in Daniam transmitti, aut ibi quæstionibus subjici desiderabat, missam ob causam cum mandatis *Johanne Rantzovio* ad ducem *Magnum*, litteris simul commonitum, quanti sua interesset, eum custodia haud liberari. Sed Duci rogato a variis Principibus, ne innoxium attineret, simulque quia initio fidem dederat, absque periculo vitæ fore, ægre erat, *Stigotium Christiani* generi permissu & bona cum gratia solvi non posse. Metuebatque tum Megalopolitani vicini, tum magis Palatini inimicitias, haud ignarus quantum ejus apud Cæsarem & in toto Imperio polleret auctoritas. Tandem vero, quum *Stigotius* se ad causæ dictionem offerret, aut, si in gratiam reciperetur, quoad vita suppeteret, Regi fidum ministrum fore, victa Regis ira est postulatum æquitatem. Mox *Caspari Fuchsio* negotium datum, ut eum publica fide in Daniam adduceret. Qui impetrata venia delictorum, ascitus in ministerium Regis, haud ingratam operam Regi deinceps præstitit: præsertim expeditione quadam in Islandiam, ubi annis aliquot abhinc continuus tumultus, religionis potissimum causa, excitatus.

An.
1539.

Quidam enim in Islandia seditiosi eo usque audaciæ progredi, ut præfidis Regi ministros aliquot ludibrio habitos, & perquam crudeliter mulctatos ac pulsatos trucidarint. Antistitis Schallholtensis *Augmundi*, an aliorum impulsu id factum, haud pro certo constitit: illi tamen culpa facinoris omnis impingebatur. Cui cum *Mauritio* præfide eo minus conveniebat, quod religionem reformatam propagare conanti infesto odio antistes adversabatur. Sed *Augmundus* vindictam antevertit, qui abdicato munere antistitis, privatam vitam elegit. In reliquos post ex legibus Norvagicis animadversum.

In Norvegia tum aliquantum tumultuatum, tum audita multorum querelæ, quod jus ita redderetur, ut nullæ certis legibus poenæ sancitæ essent; sed judicium ac præsidium arbitrio multæ pecuniariæ noxiis irrogarentur. Huic malo ita subventum, ut missi eo ad dijudicandas causas, quæ provocatione ad Regis tribunal devolvebantur, *Trugotus Ulfstadius* & *Claudius Billeus*, mandatum acceperint emendandi & supplendi, quæ juri Norvagico hac in parte deerant. A quibus conditæ leges, Danicis quodammodo conformes, quatenus jura & consuetudines istius regni patiebantur: quæ confirmatæ post a Rege, inibi adhuc obtinent. At tumultus a *Claudio Billeo*, Bahusiano, & *Petro Johannis* filio, Aggerhusiano præfide, sedatus, quem hac occasione excitari contigit: Cæptum erat superiore anno, in Tilemachia provincia Norvegiæ, e visceribus terræ, argenti, cupri & plumbi metalla eruere, ac probata materia Electori Saxonie aliisque ejus rei peritis, ad quem super hoc aliquoties scriptum, magna spe arcessitæ ex Misnia operæ, mandata cura & inspectio primum *Stigoto Baggoni*, inde *Antonio Bruscbio*, moderatore operarum *Johanne Glassone*. Ac immunitates indultæ, prout in fodinis Misnicis, tum jura condita, quibus operæ regerentur. Nihilo minus tamen illæ rusticis abutentes, insolentius agebant. Eo magis dolebat miseris, quod præter solitum onera imponerentur, nullo emolumento: simul quia res erat cum hominibus, quibus cum nullo lingvæ commercio tam brevi familiari-

tas

tas intercedere potuit, alienati magis animi. Itaque coierunt aliquot parocciarum rustici, ut operantes aut affligerent, aut iis locis expellerent. Sed petulantia eorum a praesidiis, quos dixi, refrenata. At pauci quidam post, mandato Regis, extremo supplicio affecti, reliquis alia multa irrogata, prout quisque culpae affinis, aut a noxa immunis reperiabatur, quum de scelere auctoribus est inquisitum.

An.
1539.

Verum quum initia fodinarum lata fuerint, operae pretium diu tamen non admodum factum: Nam in paucis annis Rex fatigatus sumptibus, illi inexhaustis laboribus, inceptum destruere. Causa ferebatur, quod emanavit tantum aquae e cavernis terrae, ut penetrari, quo necesse esset, sine submergendi periculo non potuerit. Cujus affluxus & scaturigo, seu natura loci ita ferente, seu divinitus in poenam excitata, mihi edisserere haud lubet. Id pro certo compertum, quum dona Numinis invidiae sunt, non ferentibus, qui rebus praesunt, ad quosvis fructum eorum redundare, quae in totius generis humani usum, ut initio condita, & postea in tempore patebant, quin sibi omnia vindicent, vel certe supra modum vestigalibus & exactionibus onerent, irato Deo saepius ea aut penitus exolevisse, aut alio traducta. Quod in religione & vero Numinis cultu itidem usu venisse, inde usque ab initio animadversum, ut pro veritatis luce ingratis tenebrae superstitionum sint obortae. Qua in parte tamen a *Christiano* ita laboratum, ut ministerii curam, & promptam in propaganda religione voluntatem sollicito Deo probare, etiam in mediis turbis & fummis rerum angustiis non omiserit. Eo voluit, propagata jam late per utrumque regnum evangelii doctrina, quum decissent passim idonei ministri, Academiam seu scholam publicam, quae Hafniae est, per belli tempora collapsam instaurari, ut inde peti posset, sicubi ecclesia ministro indigeret. Aucto itaque doctorum collegio, aliquibus professorum praeter priores institutiones attribuit, unde proventus & salaria, prout illa tempora ferebant, large & munifice cunctis inferrentur. Atque aliquot post annis praestantissimi quique, hi atque illi ex Germania viri, ad docendi munus in Aca-

Nn


mia

An. 1539. mia eximiis præmiis sunt invitati. Eandem paulatim solitudinem ad alias scholas toto regno extendit, nec non ad ecclesias, docentibus ita prospiciens, ut nihil ad vitæ necessitudinem deesset: adiecturus plura & uberiora, ni animum, huc satis per se proclivem, abstraxissent, quibus quicquid ministris verbi tribuitur, semper nimium esse videtur. Cui indicio est, quod factam potestatem Superintendentibus voluerit petendi pro ministris, si quid desideraretur, & coram libero accessu monendi atque judicandi, si quid ad religionem requireretur, aut uspiam ministerio vis fieret. Nec pauperum nulla habita ratio, quibus alendis concessa passim per cuncta oppida regni monachorum & virginum monasteria, adjectis ex proventibus, quantum necesse. Et ubi proventibus nullis vel tenuibus fuerant mendicantium cœnobîa, largitus de suis & iis, quæ regni erant, ut vix ullum sit regni oppidum, ubi non aliquod pietatis vestigium ab eo sit relictum.

Quæ beneficia, simul hic a me memorata, ad extremum vitæ halitum passim erga quosvis ita præstita. Nec unquam pietatis *Christianum* tædebat, aut bene de singulis merendo fatigabatur: Hoc omnium confessione in præcipua laude ejus posito, eum haud passum verbi ministrum, munere recte fungentem, sine consolatione a se dimitti. Ratus nimirum his pietatis officiis expiato Numine, tum aliam multiplicem felicitatem divinitus datam impetratum iri, tum pacem externam regno obventuram. Pro qua magnopere jam sollicitus fuit, tot insidiis inopinato petitus, ac porro metuens Imperatorem, quod in proximum ver, induciarum pactarum finis triennio elapso instabat. Ne tamen in bellum erumperent, ab Hamburgensibus, qui priorum induciarum auctores fuerant, denuo ad *Mariam* de iis prorogandis scriptum. Quibus responsum, „nihil „antiquius esse nec Cæsari gratius, quam ut *Christiano* cum „Palatino recte conveniat. Velle Cæsaris nomine ac per „se totis viribus in id incumbere. Ac si mittantur a Dano „legati, nihil reliquum facturam eorum, quæ ad pacem, „quietem subditorum, benevolamque invicem communi-
catio-

„cationem facere queant.„ Ita Reginam ad pacem inclin-
 natam ubi *Christianus* cognovit ex litteris, non distulit ad
 eam legatos cum mandatis & amplissima potestate mittere.
 Erant illi *Avo Vincentius Longus*, *Gossicbius Rantzovius*,
Scavenius & *Fuchsius*, qui Reginam Gandavi adierunt.
 Sed quum latæ essent conditiones Regi graves, de quibus
 nullum mandatum habuerunt, re infecta discessum
 est. Polliciti tamen legati, se ad Regem relatu-
 ros, qui denuo aliis missis, sententiam suam super iis quæ deside-
 rabantur brevi esset declaraturus.

An.
1539.





NICOLAI CRAGII ANNALIUM LIBER V.

An. **V**enerat Cæsar Gandavum, peragrata Gallia, ubi omni
1540. honore affectus est, quem mortali tribui fas. Com-
moratus illic sp̄e diutius, quia Cardinalis *Farnesius*,
Pontificis legatus, varia ad illum simul & Gallum
mandata attulerat. Qui hic inter alia etiam de *Christiano*
egit, Cæsari exprobrans eum in foedus protestantium venisse.
Tandem vero Cæsar ab iisdem filiis Regis, a quibus ad fines
Hispaniæ exceptus fuerat, post ingentem lætitiā & festiva
gaudia deducitur Valentianæ Hannoniæ oppidum. Inde
igitur ubi se in Flandriam contulerat, accessere eum prote-
stantium legati, nec non *Christiani* Regis: non quidem
communicato consilio missi, utrique tamen de negotio
haud dissimili, illi securitatem religioni, hi pacem Daniæ
petituri. Nam haud procul erat, quum induciæ triennales
pridem pactæ expirarent, uti memoravimus. Quum ad
rem ventum esset, legatis Danicis *Eschylo Billeo*, *Scavenio*
& *Fuchso*, ea maxima difficultas objecta, quod dignitas
Regis titulo tenus asserenda erat, sicut *Christianus* manda-
rat. Nam Cæsarei, inter quos *Scepperus*, Regem Daniæ
eum non appellabant, sed solummodo *electum* aut *designa-
tum* nominarunt. Jusserat enim ita Cæsar, ratus alias præ-
judiciū Palatino, de regni jure contendenti, fieri, si is pro
Rege agnosceretur. Regii contra tendebant nihil *Christiano*
detractum velle: „Eum legitime ad regni fastigium a Deo
„& hominibus, quibus potestas, erectum, solenniter etiam
„inauguratum, & unctione consecratum, sicut in *Christia-
„nitate* moris sit. Audire Regem apud omnes, pro eoq̄e
„ha-

„haberi & agnosci, neque de jure regni ulli quicquam con-
cedere, aut fateri cuiquam vel minimum aliquid juris
„competere.“ Verum quum regii hæc & alia pro jure
Regis differendo nihil proficerent, reservata ejus dignitate
integra, cum contestatione, ad ea, quæ legationis istius
propria erant, accessere. Ac imprimis transactum de solu-
tione promissa Transilulani, quam denuo recepere Regii
futuram Hamburgi tribus annuis pensionibus, quibus refun-
deretur pretium mercium ante Calendas Februarii distracta-
rum, quemadmodum pacto priorum induciarum convenie-
rat. Pro reliquis autem solutio fieret, quum pax in uni-
versum constitueretur: aut si ea ultra annum possetur,
cum legatis, qui postea mittendi, super ea re concordan-
dum. Nam pax jam convenire prorsus non poterat, nec
obtineri, ut induciæ prorogarentur, nisi in diem anniversa-
rium a Calendis Maij. Cæsar enim ita prorsus voluit, quod
existimaret, induciis in aliquot annos prolatis utrinque ad
pacis curam capeßendam lentiores minusque intentos fore.
Cujus studium ne torperet, placuit conventum in aliqua ex
quinque urbibus nominatis agendum, incipiente autumno
ad diem, qui memoriæ beati Bartholomæi Apostoli dicitur.
Eo arcessendus Palatinus, ut de omnibus transigi posset,
nihilque reliquum esset, quod pacem ulterius distineret.

An.

1540.

Quum hæc in Flandria agerentur, per idem fere tem-
pus Landgravius litteris ad Regem datis ei auctor fuit, ut qua-
que ratione se a Palatino liberaret, ac jus dotis, quæ pete-
retur, quovis pretio redimeret. „Nam Palatinum pro ac-
„cipitre esse, Cæsarem instar aucupis, illo ad instituta, quæ
„cogitatione multo majora, abutentis. Si pateretur itaque
„Saxonis & suo arbitrio litem componi, ei rei operam li-
„benter daturus.“ Ac simul invitatus *Christianus* in arctius
foedus cum protestantibus, quo non solum religioni, sed
etiam ejus dignitati ac regno consuleretur, Cliveni eodem
foedere una comprehendendo. Sed is controversia, quam
Palatinus pridem faciebat, tollenda vel componenda arbi-
trium ipsorum non defugiebat. At novum foedus inire
nolebat, ignarus quid in Flandria actum, legatis iis nondum

Oo

rever-

An. reverfis. Itidem ad Palatinum scripserant Saxo & Landgra-
 1540. vius, qui & ipse eosdem arbitros haud detrectabat.

Itaque quum de causis religionis Smalcaldiam conven-
 tum esset, missus eo Regis nomine *Utenbocius*, ita instructus,
 ut nullam æquam conditionem esset aspernaturus. Sed
 Palatino præ regni cupiditate nihil, quod offerebatur a Saxo-
 ne & Landgravio, satisfaciebat. Id omni jure sibi vindica-
 bat, adducto inter alia ad petitionem suam stabiliendam,
 „quod utriusque sexus liberos ex *Isabella* nascituros in pactis
 „dotalibus, ab iis, qui conjugem *Christierno* petitem ad
 „Imperatorem venerant, promissum fuerat, nomine totius
 „Senatus regni Danici, successionem certo & indubitato
 „mansuram. Hac obligatione Senatum regni adstrictum,
 „successionem in alium non potuisse transferre, sed jus illud
 „*Christierni* liberis competere.„ Rogatus autem Palatinus,
 ut iis missis, quæ nec liquido probari, nec tum ab *Utenbo-*
cio, ad respondendum huic exceptioni imparato, refutari
 poterant, nullam aliam pacis rationem iniri aut admitti
 passus est, quam quæ cessionem regni includeret, ni prius
 coram cum *Christierno* esset communicatum. „Itaque si
 „Rex faceret colloquendi potestatem, accepta fide publica
 „venturum ad *Christiernum*, ac tum demum quid fieri aliis
 „pacis legibus queat, patefacturum.„ Horum neutrum
 promittere *Utenbocius* poterat, nulla a Rege facta potestate.
 Ergo alia via Palatinus urgere *Christianum* coepit, petens
 focerum captum custodia liberari. Ac multa questus de
 iniquitate eorum, qui pellectum fraude & subdolis promissis
 in potestatem redegiscent, in integrum restitui flagitabat,
 dicturum causam, si quis alicujus sceleris reum posset argue-
 re. Sed *Utenbocio* non in mandatis erat, quod de hoc po-
 stulato sponderet, qui ratus neque hac de re oportune agi
 posse, nisi ubi ipse *Christiernus* præto esset. „Eum autem
 „carcere exemptum aliquo loci sistere, in potestate solius
 „Regis *Christiani* non esse, sed rem plures attingere, qui jus
 „hostis captivi suis armis domiti aliquod vindicent. Non
 „spem esse illos passuros *Christiernum* longius a regno avehi,
 „ne vis metuenda sit.„ Hac aliaque in eandem senten-
 tiam

tiam quum probabiliter legatus differuisset, ex sententia An.
Saxonis & Landgravii inter partes constitutum, "ut *Cbri-* 1540.
sternus Lubecam veheretur, quo venturi Saxo & Land-
gravius, ipseque adeo Palatinus cum utraque *Christierni*
filia." Ita quum utrinque acceptum, ut ad hunc conven-
tum redeundum esset, nihil amplius ad pacem & concor-
diam obtineri hic poterat.

Reverso autem in Daniam *Utenbovio*, deliberatum cum
Senatu de Palatini postulatis. Aliis alia sententia sedit.
Erant, qui Palatinum nequaquam ad *Christierni* colloquium
admittendum existimarent, quippe animum atrocem &
vindictam spirantem magis induratum iri, aut certe cupidi-
tatem Palatini plus *Christiernum* inflammaturum. Alii, ad-
hibitis aliquibus regni Senatoribus arbitris haud arcendum
foceri colloquio familiari Palatinum censuere. Possè eum
infecti precibus *Christierni*, quem jam carceris ita taderet,
ut credi par sit, quavis conditione potius transactum velle,
quam diutius in isto squallore hære. Aut, si nollet Pala-
tinus regni Senatores auditioni colloqvii interesse, saltim
haud ægre laturum a Saxone & Landgravio aliquot dele-
gatos adhiberi. Cum itaque hæc sententia cunctis proba-
ta esset, decretum, ut legati ad conventum proximum ituri,
hactenus spem colloqvii Palatino facerent, aut etiam, si ita
facto opus esset, ut omnino & sine conditione venturum
Palatinum coram ad focerum conveniendum promitterent.
Præterea vero quum Palatinus jus suum eo asseruisset, quod
a legatis totius Senatus nomine de successionem liberorum,
ex conjugio *Christierni* cum *Isabella* susceptorum, cautum
pactis dotalibus fuisse ferebatur; interrogati sunt jam quo-
que testimonia Senatores, quotquot eorum superstites erant,
quid super ea re veri haberent. Qui omnes fassi nihil tale
in mandatis fuisse, nec tale aliquid tabulis pactorum dota-
lium insertum proferri posse. Horum confessio ut
majoris esset fidei & ponderis, si quando ejus usus apud ex-
teros esset, placuit Regi eos coram Magno Duce Saxonie
fisti, atque, adhibitis notariis publicis testibusque ad eam
rem idoneis, solenniter audiri & examinari, ut monumen-
tum

An. tum deinde legitime confici & perferri posset. Quod Rex
1540. ut propere fieret a Duce contendit, quia plerique ea aetate
erant, ut dies fatalis haud longe abfuturus videretur.

Jam vero quum dies conventui dictus instaret, missus
a *Maria*, qui *Christiano* indicaret, destinatum Caesari Colo-
niae, legatis Danicis & Palatini praesentibus, dissidia cogno-
scenda componere, & quoquo modo dirimere. Itaque de-
signati erant legati, ut Coloniae conventum cum obirent,
Andreas Billeus, *Gossichius Rantzovius*, *Wolfgangus Utenbo-
vius*, *Johannes Forsterus*, *Seavenius* ac *Fuchsus*. Sed quum
jam mandata sua acceperant, & in procinctu essent, Regi
mutatum hoc consilium. Id sive aliorum monitu, seu
quod mutatum etiam Palatinum compererat, incertum.
Constat tamen communicatum cum Borussia, qui graviter
offensus, quod induciis annuis comprehensum simul Caesar
noluisset. Qui nec iram dissimulans occulte habuit, sed
hostem Caesaris vicissim professus, naves Belgarum passim
detentas e suae ditionis oppidis, enavigare trimestri temporis
spatio vetuerat. Sed & Palatinus alium animum induerat,
coactus a *Maria* ad disceptandam hoc ipso Colonien-
si conventu, quam cum Belgicis habebat, controversiam. Itaque
quum statuisset Coloniam suos mittere, frivola simulatione
temporis brevitatem obtendens, (quod idem utrique con-
ventui erat) Saxonem & Landgravium arbitros modeste
recusavit. Nam plus favoris suae causae apud Caesareos spe-
rabat quam apud Saxonem & Landgravium, utpote *Chri-
stiano* amicitia conjunctissimos. Quum igitur Regi litteris
Landgravii Ilenaco scriptis indicatum esset, hoc animi Pala-
tino esse, Colonien-
si conventui voluit obnunti-
atum. Quo
nomine missus itidem ad *Mariam Fuchsus* cum litteris,
quibus aliae in speciem redditae rationes, cur ad conventum
Coloniensem legati mitti non potuerint. „Nam serius de
„loco indicatum, quam ut commode expediri legati potue-
„rint. Deinde cautum nuper Gandavi fuisse, controversia
„Smalcaldiae cum Palatino composita, aut in aliud tempus
„disceptatione ejus prorogata, irritum fore, quod de isto
„conventu fuisset decretum. Quandoquidem ergo id
Smal-

„Smalcaldiae actum, ut consensu utriusque partis causae An.
 „cum Palatino intercedentis cognitio sit in aliud tempus 1540.
 „dilata, rogare conventum Coloniensem patiatur protelari.
 Sed tum *Maria*, tum inprimis *Cæsari* agere erat, conven-
 tum non obitum, praesertim quia a diversae religionis ho-
 minibus hæc agebantur, quibus laudem compositæ huius
 diuturnæ & gravissimæ litis nollet accedere. Nec Palatinus
 nihil succensuit, qui missis Coloniam legatis suis, ipso in-
 terim quid fieret apud Cæsarem expectaturo, spe frustratus,
 ac fremens petierat, nihilominus contra *Christianum*, quasi
 fidei desertorem & Cæsaris contemptorem, gravius aliquid
 statui ac decerni. Mox litteræ ab utroque, *Maria* & Cæ-
 sare, ad *Christianum* missæ, indignationis haud obscurum
 indicium præ se ferebant. Evocabatur iis Rex ad comitia
 Imperii quæ proxime instarent. „Nam tametsi doleat Pa-
 „latino, ad conventum Coloniensem neminem Regis no-
 „mine venisse; tamen studio pacis & concordiae, perivassum
 „a Cæsare & *Maria*, haud recusasse causam illic tractari.
 „Monere igitur ne cunctetur legatos mittere, promissio Cæ-
 „saris favore a *Maria*, si quod æquum est, haud aspera-
 „retur. „ Sed nec locus litteris designatus, nec tempus ex-
 pressum, ut sciri posset, quo mittendi legati, aut quando
 futurum comitiorum initium. De his igitur *Christianus*
 rescribens petiit se certiores fieri, simul, quia annuarum in-
 duciarum dies interim forte exiret, ne quid periculi legatis
 esset, litteris publicæ fidei securos reddi, atque itidem quid
 interea ipsi expectandum, bellumne an pax, indicari deside-
 rat. Ac missus nuncius qui acceptum responsum prope-
 reportaret. Per quem a Cæsare litteris responsum, „comi-
 „tia Ratisbonæ fore, quæ inceptura quidem A. D. viii. Idus
 „Januarii, sed ob varia quæ haud dubie inciderent negotia,
 „in mensem unum atque alterum duratura, ut satis mature
 „mitti legati queant. Quibus securitatem fore publicæ fide
 „promissum, ita ut per totum Imperium usque ad reditum
 „periculi immunes sint futuri, haud obstant, si vel induciæ
 „interim finirentur. Tum cum legatis de prorogandis in
 „mensum unum aut alterum induciis Ratisbonæ agi
 „posse, donec pax constitueretur, nec interim quicquam
 „Regi metuendum. „ Pp Et

An.
1540

Et Cæsar quidem severius litteris agens, operta offensus
farum haud textit. At *Maria* magis iram dissimulans, fa-
miliarius ad Regem scripserat. Nam blandius & benignius
Rex ab ea compellendus fuit; quia aliis litteris intercedendo
pro *Fuggaris* gratiam aliquam sibi apponi postulavit. Ete-
nim *Fuggari Christiano* pecuniam mutuo sub fœnore ad
certam summam promiserant, quum inter eos transigere-
tur, monitiqve jam fuerant, ut promissis satisfaciendo Ham-
burgi eam repræsentarent. Quod si vè subiratis molestum;
si vè a pecunia imparatis grave, ne fides eorum traduceretur;
ad *Mariam* confugientes, rogatu ejus obligationis liberatio-
nem impetratum iri sperabant. Atqve illa causam eorum
haud langvide agebat, increpito nonnihil Rege; quod dona-
tus ab eis aliquot millibus, ad mutuum hoc promittendum
absqve ullo jure adegisset. Nam quod prætextui sum-
ptum, Palatinum ab eis pecunia adjutum, atqve in eorum
divertisse ædes, ad tuendam facti rationem haud quaquam
sufficere. Non enim pecuniam ullam a *Fuggaris* submi-
nistratam. Jus autem hospitii a multis annis Palatini ma-
joribus cum eis intercessisse, quod adhuc coli, ideoqve
etiannum cum pristino hospitio uti, crimini haud ver-
tendum. Absqve quibus esset, tum *Fuggaros* communi
mercatorum jure, inter quos principem locum tenent;
tum pacto induciarum tutos esse oportuisse. Sperare igitur,
ne *Christianus* hæc memorari indignis ferat. Quæ
seu falsa sint, uti sibi persuadeat, e re tamen fore; rumo-
ris de se sparsi haud ignarum esse: Sive illa vera, posse
rumorem facile aboleri, si aut *Fuggaris* promissi gratiam
faciat, aut a postulando pecuniam tantisper superfedeat;
donec de tota controversia conveniret, quod haud dubie
brevis futurum. At *Christianus* brevibus ad objecta respon-
dens; ostendebat *Fuggaros* nihil iniqui in Dania passos;
eos permisso Regis patris quasi monopolio usos, cupri
exportandi modum fraudulentè excessisse, atqve ita ve-
tigalia regia intervertisse. Deprehensos igitur in noxa,
quam commissam negari non poterat, pecunia luisse, ac
in poenæ parte hanc mutui obligationem esse. Nec pa-
cto induciarum hac ratione quicquam detractum, quæ

„anno post firmatae. Atque extare etiamnum inibi contra-
 „tus tabulas, indices, quomodo tum utrinque convenerit, An.
1540.
 „quibus fidei mentorem stare paratum, ac vicissim haud
 „dubitare, *Fuggaros* promissa servaturos. „ Sed non eo
 destitit *Fuggari*, quod nihil hic impetratum: nam quan-
 tum poterant, suam causam Caesaris ac Palatini rebus in-
 feruere, ut communem hanc quodammodo controversiam
 ii ad se traherent. Itaque de his tum proximo anno Ratis-
 bonæ, tum aliis deinceps conventibus sapiuscule actum,
 uti loco memorabimus.

Sed dum per inducias a Caesare & Palatino pax est,
 imminet finibus Suecus, adducto Ludovico & Elsbürgum
 milite, quo etiam tormenta convehenda, ut promptum ei
 esset, utrum vellet regnorum, Daniæ, aut Norvegiæ,
 adoriri. *Christianus* itaque, metu undique, amicorum solici-
 tis indicibus incusso, & re ipsa periculi commonefaciente, ex-
 ploraturus, quid animi *Gostavo* esset, per litteras ab eo pe-
 tiit, diem dici, quo legatos utriusque regni convenire place-
 ret, ad tollenda, quæ indies magis magisque gliscebant dissidia.
 Sed qui has attulit nuncius, quum moram diutius in Suecia
 faceret, quam necesse videbatur, fluctuabat animo *Christia-
 nus*, suspicans ob hoc ipsum retardatum, ut interim *Gostav-
 us* se pararet, nihil postea æqui per eum responsurus. Ita-
 que quum nec amicitiae satis certus, nec bellum facturum
 Suecum, injuria nullâ affectum, potissimum sine denuncia-
 tione, *Christianus* sibi persuaderet, armis sumptis terrorem
 ostentare ad invidiam Sveci pertinere existimabat. Eo
 consilio copias arcescendi nondum tempus esse rebatur. Ne
 tamen oppida & castella per socordiam & neglectum inva-
 sioni hostium paterent, mediocria præsidia eis imposita, ut
 moventem hostilia aliquatenus inde saltem repellerent.
 Tandem verò reversus nuncius Regius, responsum ab eo
 adfert: „Legatos Calmariam circa medium autumni mit-
 „tendos, ibi Svecicos etiam affuturos. Eo ubi venere *Ac-
 cius Brabens*, *Oligerus Ulfstadius*, *Canutus Guldensternius*,
Birgerus Trollius, & *Caspar Brochmannus*, multa negotio-
 rum variorum eos deprehendit perplexitas. Frisnebat

An. 1540. *Gostavus*, & indignabatur pecuniam mutuo datam non esse solutam, & fidem *Christiani* per contumeliam & superbiam proterve incusabat. Nec contentus tantis pignoribus, unde plus emolumenti, quam ex fœnore redundare posset, armis solutionem æris sui repetitum minabatur. Legati diem præfigi petierunt, ad quam representari pecuniam vellet, *Christianum* solutioni moram ulterius non facturum. Ita convenit, ut ad diem certum vere proximo Ludosizæ pecunia numerata, *Christianus* obligatione æris istius se liberaret. Sed non una difficultas negotio a Sveco injecta: qui *Christianum* ad certam monetam alstringi voluit, atque insuper confessionem a legatis extorqueri, labefactata pridem fide, castella pignori obligata recte potuisse occupare; nec non ipsos legatos pro pecunia solvenda fidejussores fieri, sub gravissima pœna, si non esset satisfactum. Quæ omnia eo pertinebant, ut patientia & lenitas *Christiani* contumelia irritaretur, aut, si ea minus commoveri contingeret, ut haberet *Gostavus*, quo se tueretur, si bellum facere vel castella oppignorata invadere luberet. Prorsus enim, multa exulcerati animi & malum intimis sensibus abstrusum meditantis, indicia eruperunt, Sveco non solum fidem *Christiani* per contemptum elevante, sed etiam minaciter incusante, „passim in Borussia *Johannem* Ducem dictitari juniores Sveciæ Regem. Præterea Borussia ipsum per se „multis modis injurium.„ De quibus omnibus quum legati quanta poterant modestia *Christianum* excusassent, & de pecunia ad voluntatem cavissent, tandem *Gostavus*, ut aliquatenus placati animi fidem faceret, expetit Regis colloquium certo expresso die, ut coram dissidia omnia componantur.

Ceterum reverfis legatis, quum intellectum esset, quanta superbia, fastu & inhumanitate egisset Svecus, prima cura *Christiano* fuit, quomodo pecunia ante diem solvenda pararetur. Ac colloquium expetitum, tametsi minus rebus suis opportunum, nec multum emolumenti allaturum animadvertit, tamen ineundum existimavit. Sed dies alius præfixus, quam *Gostavo* antea placuerat, de quo nullo nuncio

cio certior factus, indicato simul loco, quantisque cum An.
copiis Varbergam (hic locus erat,) esset venturus. Sed 1540.
Gostavus, quod *Christiano* non placuisset dies ab ipso dictus,
ne quid ei concederet, prolato colloqvii tempore, rursus
alium diem per ministrum, Danico nuncio adjunctum, con-
stituit. Quem ille etiam expectans, pedites priora ad castra
longius a finibus remisit, ipse Elsburgi cum una atque al-
tera equitum turma commoratus. Quum autem copia
Christiano facta esset cognoscendi controversias & querelas,
quas Svecus ei movebat, rogatus Borussus ad eum conven-
tum etiam suos ablegare, capitibus causarum, de quibus a
Sveco accusabatur, scripto ad respondendum missis: simul
etiam monitus, si de *Johanne* Regulo fama jactaretur, quod
Svecus exprobrarat, operam daret, quoad fieri posset, ut ex
ore atque animis hominum ea opinio evelleretur. Sed &
oblata Regis opera Dantis canis ad componendam contro-
versiam ipsis cum Sveco intercedentem, quod simul per
Borussum eis indicari voluit, ut toto hoc mari Balthico
belli metus expelleretur.

Verum dum *Christianus* ita Sveco pacem omni ex
parte parare studet, interim hic novos hostes Danis excitare
laborat. Eo corrupti pecunia perditum quidam homines in
civitatibus cum protestantibus foedere junctis, quos Svecus,
Livonius, Brunsvicensis & metropolitani Bremensis ad ex-
citandam seditionem conduxerant. Consilii hujus quoque
nonnulli in civitatibus magistratus, qui dissidentes clam a
religione, easdem partes sectabantur. Unde ingenti terrore
Christianus, pacis cupidus, perculsus metu mali, quod,
dissoluto protestantium vinculo, religionem reformatam
maneret. Res communicata *Christiano*, cui conspiratio
primum innotuit, cum amicis Saxone, Landgravio & Bo-
russis, nec eis visa carere periculo. Itaque conjuncto consi-
lio vicissim clam subornati, qui insidiis detectis obviam
irent, & subita factionum sub initia opprimerent. Ea ra-
tione factum, ut seditio paucorum conscientia imbecillis ex-
pirarit fere, simul ac emanarit, nihilque incommodi in civi-
tatibus senserit religio reformata.

Qq

Sicut

An.
1540.

Sicut nec in Islandia tumultus, superiore anno excitatus, eo validus erat, ut cursum purioris Evangelii ibi impediret. Quod tamen magis Dei benignitate quam hominum adjutantium alacri studio effectum. Quorum pauci erant in tam longe distitis locis, qui aut auctoritate plebem pacandi pollerent, aut voluntatem religionem propagandi haberent. Tametsi non defuit officio *Christianus*, qui in utramque curam, quantum res sinebat, incubuit, nec impensis parcens, nec molestiam defugiens. Sed vix in Dania hactenus potentiorum aliquis erat, qui tam longinquum iter maritimum exiguo emolumento suscipere vellet, priusquam *Christophorus Hvittfeldius*, qui ut Deo & Regi suo gratam operam præstaret, hanc provinciam haud detrectavit. Is ergo acceptis a *Christiano* duabus onerariis, cum aliqua militum manu, in Islandiam secundo vento usus navigavit. Ubi castigatam leniter plebem, quæ rebellionem conciverat, denuo cunctos in verba *Christiani*, sacramento adegit, jure regni Norvagici. Mox Superintendentem eis commendans, in Schallholtensem diocesin introducit, quem Rex pridem designarat, *Gislerum Emericum*, bonarum litterarum & sacra scripturæ cognitione Witebergæ imbutum, cujus opera scholæ & ecclesiæ inibi reformarentur. A quo primum publice religionis cœpta emendatio, iis auspiciis, ut deinceps brevi tempore superstitio omnis ex oculis amoveretur. Sed ex animis tamen eo difficilius cultus idolorum, & in ritibus externis devotio exempta, quod in simplicitate ista hominum, consuetis nihil melius vel sincerius reperiri posse judicabatur. Unde etiam quum prælecta plebi ordinatio, ad quam tum Danicæ tum Norvagicæ & Islandicæ ecclesiæ conformandæ, abdicatis ritibus impiis & superstitiosis, minus eis grata fuit, quin conturbati animis, quod ordinatio Regis nomine propter auctoritatem inscriberetur, rescribendo ad *Christianum* sententiam suam, judicio rudi patefacere non dubitarunt: „Exhibitam quidem novam de religione „ordinationem eo missam; Sed existimare non Regis esse, „sed Romanæ ecclesiæ, cultum ac ceremonias in religione „præscribere. Haud dubie ab antistite ita edocti, a quo pro ecclesia Romana dimicatum, quod spes erat incolumem
ejus

ejus statum fore. Sed urgentibus fatis ejus ruinam, con-
 cesserat tempori, abdicato antistitis munere, ut diximus. An.
 Qvi jam reduci *Hvitfeldio*, in vergente ista sua ætate in Da- 1540.
 niam quasi captivus vehebatur, ut, si pacata essent consilia,
 præstito sacramento acciperet, unde privatus in otio dege-
 ret; sin aliter esset animatus, & turbas cieret, aut religioni
 se opponeret, in custodiam dederetur.

Dum hæc in istis partibus geruntur, Pomerani haud
 contenti, quod legati superiore anno possessionem bono-
 rum Rugianorum *Christiano* cesserant, inhibuerant per
 mandatum *Martinum Berneccovium*, ne quæ Roschildensis
 antistitis erant auferret, rati in certamine dominii, quando
 res ad arbitrium Principum delectorum veniret, se superio-
 res fore. Itaque velle reditus omnes in Rugia manere, quod
 promptius esset præsentibus potiri, quam in Daniam avecta
 repetere. Inde adeo factum, ut *Johannes Berneccovius*
 filius, cui, patre mortuo, hoc anno Rugiana omnia com-
 missa, neque ipse ausus sit contra interdictum præstare,
 quæ debebantur. Quod quum Regi molestum, denuo
 moniti Pomerani, ut possessione abstinerent, nec fructus ac
 emolumenta percipiendi potestatem adimerent. Nam Ro-
 schildensis antistitis a multis annis sine controversia fuisse,
 ut nullo jure ea sibi vindicare queant. Illi, quum frustra ad
 arbitrium Principum rem integram referri petissent, existi-
 mante *Christiano*, nisi possessioni restitueretur, in causâ non
 esse qua fuit, tandem ejus voluntati obsequuntur, con-
 troversia tamen dominii arbitrio Electoris & Landgravii re-
 servata, ad quos pridem utriusque partis consensu fuerat
 devoluta. A quibus etiam ad indictum Naumburgi prote-
 stantium conventum, *Christianus* serius hoc anno invitatur,
 qui nihilominus hac aliisque de causis, in Holfatiam pro-
 fecturus erat, ut ad fines Germaniæ præsto esset si forte
 communicato opus. Sed ad mare Balthicum progressus,
 ubi trajiciendum fuit, adverso vento detinebatur. Ubi
 quum complures dies constitisset, demum aliqua tranqvil-
 litatis spe affulgente, quadraginta scaphis in adversum litus
 remigare instituit. Sed vix in altum pervenerant, quum

An. subita orta tempestas tenebris & caligine cunctas involvit,
 1540. ut undecim a reliquis avulsæ & dissipatæ retro actæ sint, *Christianus* cum reliquis, haud sine periculo incolumis, ad terram appulerit. Inde ergo quum serius in Holsatiam accessisset, nec expediri legati tam brevi possent, ad *Utenbovium*, qui tum iis partibus erat, mandata missa, ut is legati vice fungeretur: itaque ab eodem, quæ tum incidere, peracta sunt.

Hujus anni æstate sol insolito fervore segetes & fructus adurebat, quum in vere vehementissima tempestate mare usque adeo fuerit commotum, ut in ipso freto Oritano ducentæ naves fluctibus obrutæ, aut invicem collisæ perierint. Utraque hæc clades terra marique accepta, an ad factum *Magni Ducis*, qui *Christiano* filius secundus vii. Idus Septembris hoc anno natus est, haud dixerim. Constat tamen varie cum sorte in vita jactatum fuisse, ut vim suam & in extollendo & deiciendo homine satis fortuna ejus exemplo ostendisse videatur. Tametsi in eo nihil magnopere erat, quod vituperari posset, si donandi & profunden-di modum, quæ fors facultatum dederat, fecisset; de quo erit, quum loco plura reddemus.

An. Cæptis Ratisbonæ Imperii comitiis haud multo post
 1541. advenere eo ex Dania legati, *Andreas Billeus* Eques, *Wolfgangus Utenbovius* Cancellarius, *Scavenius* & *Fuchsius*. Cæsar autem tardius accessit. Eapropter cum consiliariis interim agendo, reddita eis causa adventus, ac per eos *Christiani* nomine Cæsar salutatus, ei que de prosperitate gratulatum: addito, simulac placeret indicare, unde initium agendi fieri velint, moram haud facturos, quin sententiam Regis sui enunciarent. Mox vero in paucis diebus Cæsar urbem ingressus est. Tandemque legati A. D. iii. Nonas Maij ad ipsum accersiti, mandata peregerunt, ut cum amplissima spe benigne sint dimissi. Datum inde negotium *Pratensi*, *Granvellano*, & *Navesio* dissidiorum rationes cum legatis reddendi & accipiendi, cujus rei biduo abinde initium factum. Quumque auctoritatem suam & agendi potestatem

tem Regiis litteris legati adstruxissent, iussi a Caesareis exor-
 diri, quæ vellent, pro eis *Utenbovius* paucis verba fecit. Ac
 repetitum inprimis, "quod superioribus aliquot legationi-
 bus semper jus in regna & provincias *Christiani* sibi Palati-
 nus asseruisset, quia *Christierni*, quondam Regis, filiam ma-
 trimonio sibi junxisset. Verum actionem isto nomine
 nullam ei competere? Non enim foeminis in feuda, mul-
 to minus in regna, quæ per electionem liberam conferun-
 tur, succedendi aliquod jus esse. *Christianum*, legitimis
 procerum suffragiis electum & inauguratum, sexus quo-
 que ratione filias captivi Regis excludere. Itaque haud
 concedere cuiquam de jure regni sui, quod tantum abest,
 in dubium vocari velit, ut ne verbo disceptari de eo man-
 darit. At si aliud quippiam peteretur, paratos esse ad
 æqua postulata Palatini audienda. Ad ea *Navesius*: "Re-
 gna & provincias Palatinum non postulare, cui nulla de
 iis sit actio, vivente etiamnum *Christierno*; Sed velle soc-
 rum suum libertati restitutum videre, quem inique contra
 datam fidem captum existimet. Hoc ex officio pietatis
 flagitanti probro haud dandum, qui conjugali amoris id
 debeat. Idem filias *Christierni*, utrumque avunculum
 profusis lacrymis obtestantes, flagrantissime contendere.
 Idque Caesarem a Rege præstitum velle, si pacem sit habi-
 turus. Responsum ab *Utenbovio*, "de liberatione *Chri-
 stierni* hic agi non posse, quod pridem indicatum *Mariae*
 Belgii Gubernatrici, sed in propinquo aliquo loco, uti Lu-
 becae, Hamburgi, aut Lunæburgi, ubi ipse præsto esse
 possit, id postulatam inferendum. Nam cum interesse
 prorsus necesse, ad consensum requirendum, qui alias vix
 ratum gratumque habiturus, quod a Palatino fiat, quippe
 qui præ impotentia animi sæpe in has voces eruperit, non
 fecisse potestatem Palatino pro se agendi, superesse suis re-
 bus posse, ut procuratore non sit opus. Nec si maxime
 velit *Christianus* cum custodia relaxari, penes ipsum solum
 hoc situm, sed plurium simul hostium captivum esse, qui-
 bus obligatus litteris, qui arci Sunderburgensi præest.
 Hujus autem rei binis litteris nec minimam mentionem
 a Caesare factam, ut idcirco præscius Rex, quid agendum
 Rr hic

An.

1541

An. „hic foret, haud mandarit. Itaque neque esse, quod de
 1541. „*Christierni* liberatione multis disceptetur, cujus spem in-
 „jussu domini sui facere nequeant.”

Ita Cæsarei periclitati hac quasi prima velitatione, quid animi legatis esset, ad Imperatoris & procerum concilium super his referendum censuerunt. Interim legati cum Landgravio collocuti, quid apud Cæsarem & consiliarios actum sit, exponunt. „Judicium facere ex præteritis, vix fore, ut „ad pacem aliquid impetretur. Adeo instanter flagitare „*Christierni* liberationem, quam Palatinus salvo suo honore „negligi non posse existimet. Itaque si forte conveniat, „ut Lubecæ, Hamburgi, aut Lunæburgi de eo liberando „agendum sit, rogatus Landgravius, ut Regi suam præsen- „tiam velit accommodare.” Ibi ille instigatus ab Imperatore, quod haud dissimulavit re altius repetita, acrioribus quodammodo Cæsaris verbis legatos premere cœpit: „*Christiernum* contra fidem datam captum, sed & multis con- „fictis criminibus argui, quorum reus convinci nunquam „possit. Intercessisse etiam cum *Friderico* pacta conventa, „quibus ille fidem *Christierno* obstrinxerit; ejus immemo- „rem *Fridericum* hostem se professum. Promissa a Gallo „& Anglo eatenus Cæsari auxilia, ut *Christiernus* liberetur, „quæ tanquam in communi Principum causa non defutu- „ra.” Viduam Ducis Mediolanensis Lotharingo nuptui „jam brevi datum iri, ita cum quoque in societatem ventu- „rum. Et præterea ab aliis opem expectari, ut ea spe Pa- „latinus vix pecunia sibi satisfactum velit. Aliam igitur „videri viam ineundam, ut offeratur ei regnum Norvegiæ, „aut etiam Jutia, aut saltim Scania. Quod ni fiat, quidvis „potius Palatinum facturum, quam ut jus suum amittat. „Nam aut permutatione Cæsari pro Luxenburgensi provin- „cia regna ista cessurum, aut aliam quamvis terram ejus „loco accepturum. Metuendum etiam Regi, ne Holfatia, „cujus necdum investitura (uti vocant) *Friderici* filiis legi- „timis & consuetis solennitatibus collata sit, Imperio tan- „quam in commissum ceciderit, vindicetur. Itaque cum „*Christiernus*, utut res habeat, haud dubie deceptus sit secu- „rita-

An.
1541.

„ritate ab iis promissa, qui summæ rerum præerant, dispi-
 „ciendum, quomodo fidei Regis consulatur, nec Palatinum
 „catenus irritandum, ut desperans, quod æquum est, extre-
 „ma moliri in animum inducat.„ Ad quæ *Utenhovius*
 „precatus respondendi veniam, ita excepit: *Christiernum*
 „haud inique captum videri, qui multis modis leges reg-
 „nandi sacramento solenni sanctitas violarit, ut idcirco ex
 „iisdem legibus soluti obligatione fidei & obedientiæ subje-
 „cti. Neque illum fide Regis deceptum, sed acceptis litte-
 „ris publicæ securitatis a *Guldensternio*, non sigillo Regis,
 „quod tamen in ejus potestate, sed privato obliignatis, in
 „potestatem *Guldensternii* se tradidisse. Itaque si cum, te-
 „mere confisum antistiti, decipi contigit, esse quod sibi ipsi
 „hoc imputet. Contra quem tamen si competere sibi jure
 „aliquam actionem arbitretur, non defuturos æquos mini-
 „neque suspectos judices, coram quibus jussu Regis *Gul-*
 „*densternius* sistatur. Pacta conventa inter *Fridericum* &
 „*Christiernum* alia esse nulla, præter litteras quibus Trittoa
 „pignori pro debitis *Christierni* Lubecensibus obligata, quod
 „pignus *Fridericum* ipsum luisset, nondum refuso pretio, cer-
 „tum. Frustra etiam a Cæsare, nedum a Gallo, Anglo,
 „& Lotharingo ipsi expectanda auxilia. Nam Cæsari vix
 „suppetere, ut sua contra hostes tucatur, cui tamen si quid
 „superfit, fratri, quem Turca graviter premat, indigo au-
 „xilii ante omnia subveniendum, priusquam aliena oppu-
 „gnatum eat. Gallo jam quomodo cum Cæsare conve-
 „niat, haud obscurum; quandoquidem legati ejus, ad Tur-
 „cam ituri, ad Padum fluvium in Italia sunt trucidati, a quo
 „tanto minus Regi metuendum, quia jam recens cum eo
 „foedus ictum. Dissidere Anglum religione a Palatino,
 „utut vacillet fides ejus; ideo vix futurum, ut alias pecu-
 „niæ haud prodigus, in gratiam Palatini temere sua pro-
 „fundat. Lotharingo offensum connubio viduæ Mediola-
 „nensis Gallum, absque quo haud ejus vires Dania magno-
 „pere formidabiles. Itaque cum spem alieno auxilio super-
 „struentem debili & imbecillo tibicine sustineri. Non igitur
 „opus illi Norvegiam cedere, regnum haud parum opulen-
 „tius & naturæ donis abundantius, quam existimetur, nul-

Rr 2

„la-

An. „laque alia causa obscurum & spretum, nisi quod sedes re-
 1541. „gia & aula inde in Daniam translata. Nec a regno Daniae
 „separari posse nobilissimas provincias, Jutiam aut Sca-
 „niam, praesertim pro Jutia Holsatis & Sliavicensibus pu-
 „gnaturis, immo ne quidem Anglum aliquando ignobilem
 „freti Oritani insulam Hvenam, quamvis immensum pre-
 „tium offerentem, consequi venalem potuisse: ita mutuo
 „inter se apta vinculo necessitatis & cohaerentia Daniae
 „membra. At si peteretur fortean Lalandia, insula, quae
 „olim *Christophoro Bavaro* provinciae Ducalis nomine col-
 „lata, cujus etiam armis, titulo & redditibus in Constantiensi
 „concilio usus, spes aliqua esse posset, non passurum repul-
 „sam. Nam Caesarem, permutatione Luxemburgicae provin-
 „ciae vel alterius, quam pacate possideat, Daniam sibi ad-
 „versantem accipere velle, esset incertam spem certo pretio
 „redimere, & eventum rei dubiae in sua potestate nimis
 „confidenter statuere. Feudum autem Holsatiae, Romano
 „Imperio subiectum, quod a Caesare acceptum non sit, ta-
 „men ab Antistite Lubecensi, si non solenniter, at certe lit-
 „teris ejus collatum. Cui ea potestas a *Sigismundo* Caesare
 „tributa, extante super hac re diplomate Imperii aureo sigil-
 „lo obsignato; quapropter non esse, quod istis de causis
 „regna aut provinciae metu Palatini aut sociorum tradan-
 „tur, frustra quae cum talia sperare. Verum de dote uxoris
 „agenti, Regem quod aequum est non recusaturum. „ Hic
 „Landgravius de antistitis Lubecensis auctoritate subdubitans:
 „At vos (inquit,) antistites omnes abdicastis, quomodo
 „igitur jus huius antistitis propugnatis? Tum *Utenbovius*;
 „Antistites in Dania ita munere ecclesiastico abusus, ut sal-
 „va Regi dignitas sua & subiectorum obedientia esse non
 „potuisset, nisi ipsorum auctoritas fuisset convulsa. Itaque
 „ni (inquit) pridem eversus fuisset ecclesiasticorum status,
 „etiamnum necessario huc veniendum foret. Tandem
 „Landgravius quum spem facere non posset, venturum quo
 „petebatur, quia filia ducenda in Saxoniam ad sponsum *Mau-
 ritium*, & alia insuper essent negotia; promittit tamen, quae
 „Regis causa praestari queant sedulo facturum.

Dein-

Deinde mox in paucis diebus aliquoties legati cum An.
Cæsareis collocuti sunt, sed ab his nihil aliud quam *Cbri-* 1541.
stieni liberatio semper proposita, quam Palatinus honoris
sui causa omnibus aliis rebus anteponebat. „Eum existi-
„mare non ita excludi a regno Daniæ foeminas, uti dictite-
„tur, immo filias & neptes nec non viduas regnasse. Sed
„Palatini sententiam scripto comprehensam esse, quod lega-
„tis exhibitum velit. Simul prolatum scriptum, ad quod
respondere legati iussi sunt, additis minis, „adhuc non col-
„latum feudum Holsatiæ. Itaque dispicerent quid agendum,
„ne *Christianus* de eo periclitetur. Post aliquot diebus,
quam perfectum scriptum Palatini, denuo cum Cæsareis
convenitur, ibi legatis acerbior & vehementior ejus scri-
pto offensis, haud dissimulatum, quid de isto sentirent.
„Non videri dignum Principe tale scriptum, & *Christianum*
„prorsus ejusmodi contumeliis indignum. Ita mordaciter
„enim & insolenter compositum, ut pro famoso libello ha-
„beri possit, quo nihil minus quam jura causæ legitimis
„rationibus & argumentis disceptentur, nec se ex mandato
„responsuros, veritate omnibus manifesta : „Quia tamen
non usquequaque honoris Regii legatis ejus obliviscendum,
haud commissuros, quin pro re pauca dicantur. Ac primo
ad ea responsum, quæ pro *Christieni* defensione & scelerum
extenuatione adducebantur : atque ostensum, multis modis
regnandi jura, sacramento firmata, superbe violata, pro-
latis ipsis legibus juratis, quas irritas fecerat. Additum-
que de Holsatia, quam ab Imperio avulsam juribus &
immunitatibus exuerit, subductis furtim instrumentis,
quæ in arce Segebergensi custodiebantur. Non igitur
posse subditos incusari, si transgredienti jura fidem-
que violanti, fides non sit servata, quandoquidem mu-
tua obligatione regnum ejus & obedientia subditorum stete-
rit. Tum memorata, quæ ab eo regnante patrata facinora,
quo tempore crudelissime cædibus, contumeliis, & exila-
tionibus in cujusvis generis homines, Danos, Svecos &
alios sævitum. Deinde super jure successionis in Regnum
disputatum. „Non successisse unquam filias vel neptes, ut
„existimet Palatinus, multo minus viduas. Nam *Christo-*
phori

An. „*phori Bavari* viduam *Dorotheam* non per successionem,
 1541. „sed per mariti electionem in Dania remansisse. Etenim si
 „succedendi jus esset, oportuisse Bavaros deinceps a morte
 „*Christophori* ad regnum venisse. Et Scotiae Regem, Mar-
 „chionemque Brandenburgicum, si per matrem regni jus
 „aliquod transmitteretur, potuisse etiam hereditatem Daniae
 „sibi asserere. Quod neque ab his neque ab illis factum.
 „Nec deceptum fide publica *Christiernum* fuisse, demonstra-
 „tum, sed inopia pressum ultro pacisci cum *Guldensternio*
 „expetuisse. A quo si promissa non integre servata esse exi-
 „stimet, in eum dari actionem. *Fridericum* Regem prae-
 „monuisse, ne *Christiernus* in Daniam veniret, spe amicitiae
 „aut ullius benignitatis fretus. Nunc quum *Christianus* re-
 „gnum illud, quasi ex faucibus dirorum inimicorum ere-
 „ptum, & ab hostium immanium crudelissima oppressione,
 „caedibus, incendiis, latrocinis, furtis, adulteriis, stupris,
 „rapinis liberatum, crexerit & stabilierit, haud æquum esse
 „eum deturbatum velle. Etenim constituisse *Christiano*
 „illud periculo vitae & impendio fortunarum omnium,
 „erogatis in sumptus belli plusquam quadragies centenis
 „millibus nummorum uncialium seu dalerorum. Eam
 „prius pecuniam a Palatino *Christiano* offerendam & re-
 „fundendam, si regnum desideret. Tum ipsum de æqvita-
 „te postulati deliberaturum. Absque quo non modo glo-
 „riam alieno labore partam inique eum in se transferre, ve-
 „rum etiam regnum, alterius periculo & impendio acquisi-
 „tum, perperam frustra affectare.” Postremo cum in
 „legatos ipsos invehens etiam scripto suo esset Palatinus, hic
 „modeste pro contumelia ei repositum: ”agnoscere legatos
 „ipsum Imperii Principem, dignitate & potentia eminens-
 „tem, cui multis ipsi deposita persona concedant. Nec
 „tamen idcirco quod viles & humilioris conditionis ei vi-
 „deantur, magnopere laborare, modo Regi suo placere
 „queant, eique fidem & industriam suam probare. Nam
 „criminis sperare se innoxios, aut si haberet Palatinus, de
 „quo recte legati insimulari possent, paratos coram suo legi-
 „timo iudice causam dicere, & rationem dictorum facto-
 „rumque reddere. Nec feudi jus neglectum, quin præsti-
 „tum

An.
1541.

"tum sit; qvod litteris Cæsaris *Sigismundi*, postea a *Fride-*
rico Imperatore confirmatis, requiritur, ut id ab Antistite
 "Lubecensi accipiatur. Qva ratione etiam collatum *Jo-*
banni & *Friderico* Regibus, qvibus nulla eam ob causam
 "controversia facta." Hæc, & præterea pleraque apud Land-
 gravium exposita, qvum contra Palatini scriptum adducta
 essent, jus *Christiani* sicut prius assertum. "Regnum ei
 "legitimis ordinum suffragiis collatum, qvod vulgo notum
 "est, in libera Senatus populiqve Danici potestate semper
 "situm fuisse. Nec voluisse antehac ipsum Cæsarem, alium
 "Regem in Dania fieri, quam aliquem filiorum *Friderici*,
 "qvod *Maria* soror verbis ejus per litteras testificata, ut mi-
 "rum sit regnum a *Christiano* jam avocatum velle. Ac ta-
 "met si electionis libera potestas ad regnandi auctoritatem
 "sufficiat: tamen *Christianum* eo justius & meliore titulo
 "regnum usurpare, qvod ab hostibus violenter occupatum
 "in libertatem armis asseruerit: Qvod Cæsari faciendum
 "fuisset, si Daniam filiabus *Christiæni* traditam voluisset,
 "aut Palatino, ut ipse jus suum armis propugnaret." Qvum
 per hujusmodi disceptationes, minas, scripta ac responsa
 omnibus tentatis nihil ad summam rei profici appareret,
 a cæsareis coeptum est de induciis prorogandis agi. *Nauesius*
 ostendit Cæsaris sententiam esse, causas Belgarum cum Pa-
 latini actione nihil commune habere, itaqve nolle negotia
 in suspensio relinqui, ne subditi utrinque mari committantur.
 Ac familiariter suis verbis fatetur, "*Christiænum* ita adversus
 "Cæsarem in Belgio se gessisse, ut vix futurum arbitretur, qvod
 "ejus causam sit suam facturum. Cumqve eo vivente, Palatino
 "nulla competat de regnis actio, tanto minus Cæsarem pro
 "ipso laboraturum. De rebus igitur cum Belgis controversis de-
 "cidendum esse, tum induciarum pactionem constituendam.

Mox Transilulanorum civitatum legati adveniunt, so-
 lutionem pecuniæ promissæ flagitantes: Qvibuscum qvia
 convenire non poterat, recusantibus in Daniam venire, ut
 rationes ibi putarentur, missò a Cæsare *Boyfoto*, tum hæc
 Transilulanorum petitio, tum *Fuggarorum* causa, nec non
 de metropolitani Nidrosiensis relictis bonis aliquot diebus

An. 1541. controversiæ agitatz. Et legati vicissim, quas *Christiannus* adversus Cæsarem & provincias Belgicas habebat, contrarias actiones intentabant. Tandem re cum Transilulani composita, reliquæ mutuæ actiones quum disceptatz ultro citroque, nec elidi nec componi possent, prolata in alium conventum, qui cum *Maria* intra finem induciarum habendus esset. Qvod ita utrinque acceptum, modo de induciis concordaretur. Eæ vtro haud parva obscuritate involutz ad incertum initium referebantur. Nam a fine comitiorum inchoando, inde in tres menses voluerunt Cæsarei eas extendi, nullo certo die præfinito, quando comitia exspirarent. Quæ ambiguitas, periculi plena, impulit legatos, ut peterent, omiſſa comitiorum mentione, diserte initium & finem exprimi. Sed hoc non nisi post multas ambages & reculationes demum impetratum, quando legati perseverabant nolle aliquid dubium vel ambiguum induciis, præter superiora, inferi. Atque ita tandem statutum utrinque, ut incipientibus induciis a Quinto Nonas Maij, finirentur A. D. Calend. Novembris, ut totus induciarum circuitus quinque esset mensium plus minus.

Sed legati Danici, tametsi hæc ægre pro se impetrarunt, tamen ab aliis auxilium Ratisbonæ rogati sunt. Episcopus enim Hildesienſis *Valentinus*, qui in controversia cum Ducibus Brunsvicensibus a curia Romana ad iudicium Cæsaris retractus erat, causam suam eorum auctoritate commendatam Imperii ordinibus voluit, ac favorem præstitum, si inter eos Holsatiæ nomine considerent. Cui allata excusatione consilium communicatum, ne dubitaret a quibusvis, præsertim protestantibus, auxilium petere, utpote habirurus eos ad opem ferendam procliviores, quam pontificios. Atque a *Christiano* quoque spes benevolentiae facta, si eo confugeretur. „Favor autem apud ordines præstari non poterat, quia ob Danica missi, haud fas ducebant injussu Regis Imperii negotiis se immiscere. Cujus hanc sententiam fuisse haud ignari erant, quum Saxo & Landgravius pridem desiderarent, legatis Ratisbonam mittendis defensionem religionis cum protestantibus suscipiendam mandari.

Nam

Index

<i>Jobannes Dux Hoffstæde</i> , Friderici I. Regis filius, dat ad Senatorem Daniæ literas	2
- - in eum Senatorum regni studium	ibid.
- - ab Episcopis Rex postulatur	7. 9
- - ejus educatio	16
- - Sunderburgum elabatur	50
- - degit apud sororium, Albertum Borussia Ducem	252
<i>Jobannis (Melch.)</i> Ordinationi Eccles. subscribit	171
<i>Jonæ (Trugotus)</i> a Belgis spoliatur	324
<i>Islandi</i> homagium Regi præstant	349
<i>Islandica</i> seditio	311. seq.
<i>Islandici</i> tumultus alii	203. seqv. 345. seqv.
<i>Islandici</i> motus Aræfonii nece sedati	349
<i>Islandorum</i> sacra purgantur	218
- - sententia de ordinatione Ecclesiastica	ibid.
<i>Ivari (Petr.)</i> Ordinationi Eccles. subscribit	170
<i>Julius (Accius)</i> in Sveciam missus	23
- - in Islandiam mittitur	345
<i>Julius (Job.)</i> copiis Juticis præest	60
<i>Julius (Ivarus)</i> in prælio Clementino occumbit	65
<i>Julius (Ivo)</i> in Sveciam missus	82
<i>Jutici Senatores</i> ad Malmogienses literas dant	44
- - item ad Norvegos	49. 82
- - Christianum eligi Regem volunt	53. 54
<i>Lalandia</i> rebellat	51
<i>Landskrona</i> vid. <i>Coronea</i>	
<i>Langius (Mattb.)</i> Superintendens Arhusiensis consecratur	169
- - Ordinationi Eccles. scribit	171
<i>Lascius (Job.)</i> exulum ex Anglia princeps	362
- - non sincerus scriptor	363
<i>Laurentii (Petrus)</i> Ordinationi Eccles. subscribit	170
<i>Leges Norvegicæ</i> emendantur	204
<i>Leges sumptuaria</i> promulgata	381
<i>Libri</i> , quorum lectione Christianus III. delectabatur	429
<i>Lindesius (Dav.)</i> ex Scotia in Dania legatus venit	313
- - naufragium patitur	314
<i>Liponi</i> externorum Principum auxilia contra Russos implorant	364
<i>Longus (Avo Vincentius)</i> ad Christianum III. arcessendum mittitur	54
- - in Sveciam missus	82
- - Christiano III. subvenit	95
- - Christiani III. in restauranda Republ. Consiliarius	148
- - mittitur in Belgium legatus	207
<i>Longus (Herm.)</i> Traneburgum oppugnat	51
- - Callunburgo præficitur	88
- - Callunburgum regis tradit	114
	Longus

Index.

<i>Longus (Nic. Vincenzius)</i> in Sveciam missus	23
- inter nobiles captivos	141
- gratiam Regis impetrat	117
- regni Daniæ Senator	392
<i>Longus (Vincenzius)</i> Præses Vardhusianus	49
- Senator regni Norvegiæ	82
- a Christiano III. Nidrosiam mittitur	118
- a furente plebe confoditur	159
<i>Lonnoburgum</i> castellum in Iutia, crematur	64
<i>Lubeca</i> a Duce Christiano obsidione premitur	36
<i>Lubecum</i> indicitur conventus	211
<i>Lubecenses</i> mittunt legatos ad comitia Hafniensia	4
- implorant auxilium regni Daniæ	13
- omnem irarum molem in Danos vertunt	26
- legatos mittunt ad conventum Hamburgensem	27
- Daniæ regnum Anglo promittunt	28
- Christophorum Comitem literis arcessunt	29
- pacis conditiones non admittunt	61
- cum Christiano III. pacem faciunt	66
- Christophoro in Daniam auxilium mittunt	67
- novas in Daniam copias mittere instituunt	88
- cum Christiano III. pacem ineunt	116, seqv.
- nuncium ad Megapolitarum & Oldenburgicum in	
- Daniam mittunt	118
- Gustavo Regi Sveciæ conciliantur	218
- de auctu vectigalium in freto Oritano qveruntur	256
<i>Lubecensis</i> responsum redditum	360
<i>Lubecensis Episcopus</i> in custodia moritur	323
<i>Lubecensis navis</i> a Scramio capitur	97
<i>Lubecensium</i> legati in Sveciam missi	15
- in Danos ira	22
- machinationes in Gustavum Regem Sveciæ	25
- cum Svecis inimicitie	ibid.
- cum Comite Christophoro conventio	34
- præsidia in Holsatia profligata	35
- classis Hafniam appellit	ibid.
- milites Helsingburgi cæduntur	77
- naves ad urbem Hafniensem penetrant	109
- milites dimittuntur	129
- legati opem rebus afflictis postulant	316
- diæterium	ibid.
<i>Lucinius (Georg.)</i> Nob. Dan. ex Gallia in Daniam mittitur	111, 164, 175
- pedes Pontificis Romani osculari recusat	184
- ad Christianum III. cum Ordine Equestri Gal-	
- lico mittitur	231
- Daniam patriam revisit	239
	<i>Lucinius</i>

Index.

<i>Lucebius</i> (Georg.) regni Daniæ Senator	392
<i>Lucebius</i> (Nic.) regni Norvegiæ Senator	22. 84
- a furente plebe obruncatur	159
<i>Lucebius</i> (Petr.) arcis Alburgensis Præfectus	62
<i>Lundenfis conventus</i>	48. 102
<i>Lundinus</i> regia exurit	66
<i>Lundius</i> (Job.) ob prodicionem rotis imponitur	95
<i>Luporum saltus</i> , campus in medio Selandiæ	40
<i>Lutherani</i> Christianum Ducem desiderant Regem	7. 8
<i>Lusbert</i> de Antistitum captivitate & bonis ecclesiasticis consilium	116
- cum Magno Goyeo literarum commercium	273
- obitus	283
<i>Lyngius</i> (Andr.) Ordinationi Eccles. subscribit	171
<i>Matthæus</i> (Job.) <i>Witeberga</i> vocatur in Daniam	251
- refutationem doctrinæ Osiandri Regi offert	355
- moritur	383. 423
- ejus opera in Academia Hafniensi restauranda	399
	422. 473
<i>Magni</i> (Sever.) Ordinationi Eccles. subscribit	171
<i>Magnus Dux</i> , Christiani III. filius, nascitur	220
<i>Magnus Saxonie Dux</i> interponit se causæ Svecorum ac Lubecensium	26
<i>Magnus Episcopus Hamerensis</i>	82
- capitur	159
- auctor seditionis Norvegiæ	160
<i>Magnus Scarenfis Antistes</i> dat ad Smalandos literas	253
<i>Malmogia</i> circa adventum Lubecensium præsidio nudata	35
- obsidione premitur	79
- obfessa arctius premitur	102
- Friderico II. Principi conceditur	366
<i>Malmogia</i> sex cives suspecti ad supplicium rapti	108
<i>Malmogiana arx</i> reædificatur	192
<i>Malmogianam rempublicam</i> ad motum civitatum Vandalicarum conformatam quidam volunt	45
<i>Malmogiani Castellii Præses</i> capitur	45
<i>Malmogiani</i> præmia a Christophoro Comite accipiunt	49
- cum Rege Christiano III. de pace agunt	107. 123
- in Regis potestatem se dedunt	126
- fidem subjectionis juramento præstant	11
- eorum cum Mansfeldico Comite acta	297
<i>Margareta</i> , Christiani I. Regis filia, Regi Svecorum elocata	312
<i>Maria Belgii Gubernatrix</i> cum Danis & Christiano Duce foedus init	22. 23
- mittit legatos ad conventum Hambugensem	27
- mittit nuncium ad Christianum Ducem	37
	112
	Maria

Index.

<i>Maria Belgii Gubernatrix</i> promittit per literas Christiano III. auxilia	38
- - nihil in Daniam auxilii mittit	58
- - Christophoro Comiti auxilium promittit	127
- - in gratiam Danorum Hamburgensibus responder	206
- - mittit ad Christianum III. legatum, & literas	212. 1q.
<i>Martinus (M. Andreas)</i> Christianum III. moribundum consolatur	433
- -	461
<i>Matthias f. (Ericus)</i> inter nobiles captivos	145
<i>Mauritius Saxonie Dux</i> in prælio occumbit	359
<i>Mayerus (Marcus)</i> præfectus classis Lubecensium	12. 441
- - in Anglia captivus, spei facit Henrico Regi	
de Danie regno	22
- - dignitate Equestri in Anglia auctus	ibid.
- - Stureo auxilia Lubecensium pollicetur	26
- - legatus Lubecensium ad conventum Hamburgensem	27
- - Dux militum Lubecensium	35. 67
- - Helsingburgi capitur	77
- - Vardbergam perfidia occupat	78
- - supplicio afficitur	422. 472
<i>Megapolensis Dux</i> vid. <i>Albertus & Job. Albertus</i>	
<i>Megapolitani Ducis</i> machinationes in Daniam	196
<i>Megapolitanus (Job.)</i> Alholmiam accipit	54
<i>Mæius (Ambrosius)</i> Orator Lubecensium in Daniam missus	360
<i>Meinhardus (Andr.)</i> Lubecæ custodia tenetur	261
<i>Melanchthon (Phil.)</i> ad conventum Brunsvicenssem venit	182
- - statum Ecclesiarum Danicarum prædicat	452
<i>Metalla</i> in Tilemarchia eriuuntur	204
<i>Michaelis (Christoph.)</i> Pastor in Fionia hæresi imbutus	360
<i>Micronius (Marz.)</i> inter exules protestantes ex Anglia	362
<i>Milenus (Bernb.)</i> a Lubecanis in Daniam mittitur	118
- - partibus Protestantium & Regis Danie favet	199
<i>Moguntini</i> ad Christianum III. literæ remittuntur	243
<i>Mollerus (Herm.)</i> conjurationis in Gustavum Sveciæ R. auctor	21
<i>Monachi mendicantes</i> in Dania abolentur	172
<i>Monasteriensis Episcopus</i> , ad eum legatio Regis	301
<i>Morsiani (Christ.)</i> opera in Academia instauranda	399. 422
<i>Morus (Alex.)</i> a Scoto in Daniam mittitur	113
<i>Moschorum Magnus Dux</i> vid. <i>Job. Basilides</i>	
<i>Moschorum ingens exercitus</i> Livoniam invadit	385
<i>Mölnichbausen (Christoph. a)</i> Revaliam occupat	387
<i>Munccius (Ivarus)</i> Episcopus Ripensis, captivitatem evasit	150
<i>Munccius (Magnus)</i> mittitur ad pacem inter Christianum III. & Lubecenses faciendam	16
<i>Munccius (Olaus)</i> electus Episcopus Ripensis, ad Christianum III. arcessendum mittitur	54
- - capitur	150
- -	<i>Munccius</i>

Index.

<i>Muncellus (Olaus)</i> ei, ut uxorem ducat, imponitur	167
- regni Daniæ Senator	392
<i>Munchbolsenſis Inſula</i>	160
<i>Muſſerus (Georg.)</i> cum coplis in Friſiam mittitur	136
<i>Navale prælium</i> ſub Boringholmia inſula	96
<i>Navarra Regina</i> a legatis Danicis ſalutatur	233
<i>Naumburgum</i> conventus indicitur	219
<i>Noburgum</i> noctu Comiti Chriſtophoro proditur	61
- regiis traditur	25
<i>Nicolaius (Jac.)</i> Malmogia ad Chriſtianum III. mittitur	125
<i>Nicopiana regia</i> in Falſſia invaditur	50
- milite regio circumdatur	102
- regiis deditur	114
<i>Nidroſia</i> comitia habentur	158
<i>Nidroſienſis Archiepiſcopus</i> literas ad Chriſtianum III. dat	160. 161
- navibus Hollandiam perit	163
<i>Nobiles Daniæ</i> conventui Ringſtadienſi ſe ſubtrahunt	43
- Comiti Chriſtophoro ſe dedunt	44
- multi in prælio Clementino occumbunt	65
- a rebellibus capti liberantur	69
- captivi patriæ reſtituuntur	145
- aliquot in Polonia caſi	118
<i>Nobilitas Scanica & Selandica</i> magnam pecuniam Chriſtophoro pollicentur	71
<i>Nobilitati</i> tributa irrogantur	249. 251
<i>Norvegi</i> in eundem, quem Daniæ Proceres, Regem conſentire ſtatuerant	39
- Daniæ calamitatis ſpectatores	49
- Cismontani Chriſtianum III. ſibi Regem deſtinant	84
- Ultramontani rebellionem inſtituunt	159
- Cismontani tumultum excitant	160
- in electionem Chriſtiani III. conſentiunt	161
- Friderico Principi ſucceſſionem confirmant	106
- materiam evehere prohibentur	307
<i>Norvegia regni</i> comitia ab Archiepiſcopo indicuntur	83
- leges emendantur & ſupplentur	204
- negotia a Chriſtiano III. procurantur	239
<i>Norvegiæ tumultus</i>	204. 205. 282
<i>Noviomagus (Paul.)</i> Conclonator aulicus	362. 392. 428. 431. 458
<i>Olai (Job.)</i> Ordinationi Eccleſ. ſubſcribit	179
<i>Olai (Sever.)</i> Ordinationi Eccleſ. ſubſcribit	ibid.
<i>Olaus Archiepiſcopus Nidroſienſis</i> in Chriſtianum III. propenſus	83
- Chriſtierno captivo favet	84
- ejus bona Rex ſibi vindicat	191
	<i>Olaus</i>

Index.

<i>Olaus Archiepiscopus Nidrosiensis</i> in Belgio moritur	192
<i>Oldenburgicus Comes (Christophorus)</i> vid. supra in <i>Christophorus</i>	
<i>Oldenburgicus Comes (Antonius)</i> infestum in Daniam animum fovet	247
- in Christiani III. gratiam redit	248
- ad Christianum III. legatum mittit	308
<i>Orcades</i> a Nexu pignoris repetuntur	314. 315. seqv.
- earum restitutio promittitur	327. seqv.
- Norvegiæ Regibus subditæ	331
- Scotorum Regi permittæ	332
- simul cum Hethlandia oppignoratæ	ibid.
<i>Orcella</i> arx exurit	19
<i>Ordinatio Ecclesiarum Danicarum</i> publicatur	170. seqv. 444
<i>Ordinis Teutonici Magister</i> restitutionem arcis Revaliensis flagitat	387
<i>Orizantium Castellum</i> (hodie <i>Coronaburgum</i>) oppugnatur	119
<i>Orianum fretum</i>	27
- a Lubecensibus infestum & clausum	90
<i>Osculdus Seapongriensis Antistes</i> Christianum III. Regem agnoscit	161
<i>Osiandri</i> de justificatione doctrina	115
<i>Ostia</i> Christiano III. permittit	387
<i>Ostbia</i> militi regio diripienda datur	60
- ab hoste direpta	91
- tertium spoliatur	94
<i>Ostbia</i> conventus habetur	22. 289
- celebrantur comitia	192. seqv.
<i>Ostiniensis tumultus</i>	19
<i>Ostboniensis Episcopus</i> cum novis hæreticis controversiam habet	360. sq.
- Regem de novo hæresi certiore facit	361
<i>Oxo (Petrus)</i> a Rege in jus vocatur	389
- in Belgium concedit	ibid.
- in patria revocatur	ibid.
<i>Oxonius (Job.)</i> a rebellibus in Lalandia oppugnatur	51
<i>Palatini Comitis (Friderici)</i> de Dania invadenda consilium	166
- adversus Daniam & Holfatiam expeditiones	197
- postulata in conventu Smalcaldico	219
- scriptum a legatis Danicis perstringitur	221. sq.
- machinationes in Sveciam	244
- ira in Daniam & Sveciam exardescit	252
- obitus	380
<i>Palatinus Comes</i> ab Anglo petit auxilium, sed frustra	200
- cum Gallo de rebus Danicis agit	229
- mittit in Sveciam literas	253
- cum sociis finibus Holfatiæ imminet	289
<i>Palladius (Petrus)</i> Superintendens Selandiæ consecratur	169
- accipit a Duce Pomeraniæ literas	342
<i>Palladius</i>	

Index.

<i>Palladius (Petrus)</i> Duci Pomeraniæ respondet	343
- - Antistitem Rugianum ordinat	352
- - a Rege in consilium adhibetur	355
- - Academiæ restaurandæ operam collocat	399. 422. 473
<i>Palladius (Nic.)</i> Wormordo in Episcopatu Scanix succedit	354
<i>Parbergius (Wernerus)</i> arcis Wardbergensis Præses	376
<i>Pentzius (Ulricus)</i>	120. 121
<i>Perenius (Job.)</i> navium Borussicarum Præfectus	95
<i>Perlebergensis (Job.)</i> libellus supplex	314
<i>Petræ (Christierni)</i> mors & encomium	369
<i>Petri (canus)</i> inter nobiles captivos	145
<i>Petri (Paulus)</i> Ordinationi Eccles. subscribit	471
<i>Philippus Dux Pomeraniæ</i> Reginam viduam Senatui Daniæ com- mendat	23
- - Gripvaldiam transferre Rugianum Episcopa- tum conatur	342
<i>Philippus Hassia Landgravius</i> inter Christianum III. & Ducem Me- gapol. arbiur	144
- - ejus ad Christianum III. literæ	209
- - plura vid. in <i>Protestantes Principes</i>	
<i>Pijcis Prodigiosus</i> capitur	316
<i>Podebuschius (Claus.)</i> Malmogiæ asservatur	45
<i>Polonia Rex</i> pacem inter Christianum III. & Cæsarem compo- nere studet	244
- - cum Christiano III. fœdera renovat	359
- - ejus legato honoratior locus tributus	371
<i>Polonia Regni</i> initium	372
<i>Pomerani</i> bona Rugiana Episcopo Roëskildensi adimunt	219
- - cum Christiano III. reconcilantur	260
<i>Pomerania</i> Duces Christiani III. hostes se gerunt	191
- - naves in freto Oritano detentæ	ibid.
- - civitates legatos in Daniam mittunt	ibid.
- - legati in Dania adsunt	201
- - Dux in gratiam Cæsaris redit	301
- - Ducum cum Rege Daniæ transactio	312
<i>Pomeranus (Job. Bugenbadius)</i> inaugurationem Christiani III. peragit	168
- - Superintendentes Daniæ consecrat	169
- - Johannem Tausanum ordinat	251
- - ejus opera in Academia Hafniensi instauranda	399
<i>Porfil (Sigoti)</i> obitus	422
<i>Povissius (Franc.)</i> a Clementinis captus	381
<i>Povissius (Wolffg.)</i> legatus Christiani Ducis ad Senatum Daniæ	61
<i>Prodigia crebra</i>	11
<i>Protestantes Principes</i> amicitiam Gallicam expetunt	161
	189

Index.

<i>Protestantes Principes</i> mittunt Nancejum literas	182
- - - - - fœdus Brunsvici ineunt	183
- - - - - legatos in Galliam mittunt	184
- - - - - ad eos legatio Regis Christiani III.	191
- - - - - Christianum III. deferunt	217
- - - - - cupiunt Gustavum Sveciæ Regem in fœdus invitari	246
- - - - - auxilium a Christiano III. adversus Cæsarem flagitant	294
<i>Pfalzi</i> , quibus Christianus III. moribundus delectabatur	432. 400
<i>Quitzovii (Georg.)</i> mandata ad Selandos & Scanos	47
<i>Randrosia</i> a Clementinis oppugnatur	66
<i>Randrosiam</i> plures ex nobilitate conveniunt	61
<i>Ransbergius (Christoph.)</i> Ordinationi Eccles. subscribit	170
<i>Rantzovius (Balthasar)</i> Episcopus Lubecensis capitur	260
- - - - - in carcere diem obit	336
<i>Rantzovius (Breido)</i> cum copiis in Frisiam mittitur	136
- - - - - legatus Christiani III. ad Cæsarem	297
<i>Rantzovius (Gossichius)</i> Lubecam mittitur	139
- - - - - mittitur in Belgium legatus	297
- - - - - destinatur Coloniam legatus	212
- - - - - ad Lubecenses legatus mittitur	254
- - - - - Lubecam mittitur	261
<i>Rantzovius (Jac.)</i> a Bovisio captus abducitur	271
<i>Rantzovius (Job.)</i> nomine Ducis Christiani Urinum recuperat	35
- - - - - exercitum regium in Fioniam ducit	60
- - - - - nomine Regis a Fionis Sacramentum fidei accipit	ibid.
- - - - - regium exercitum Alburgum ducit	68
- - - - - Hermannum Clementis socium necat	69
- - - - - regiarum in Fionia copiarum Dux	91. 92
- - - - - equitum Christiani III. Magister	99
- - - - - Antistites Jutiæ adoritur	150
- - - - - ad Ducem Magnum mittitur	203
- - - - - ad conventum Bremensem mittitur	241
- - - - - mittitur ad Lubecenses legatus	254
- - - - - ad conventum Campensem legatus mittitur	ibid.
- - - - - ad comitia Spirensia mittitur	262
- - - - - ad Christiernum II. mittitur	287
<i>Rantzovius (Melch.)</i> legatus Christiani Ducis ad Senatum Daniæ	11
- - - - - ad Mariam Belgicam mittitur	38
- - - - - ad conventum Smalcaldicum mittitur	112
- - - - - Regis nomine nuncios Malmogianos audit	125
- - - - - Torbernum Billeum Archiepisc. Lundensem capit	149
	<i>Rantzov.</i>

Index.

<i>Rantzovius (Nr.)</i> ad comitia Augustana legatus mittitur	299
<i>Rantzovius (Scacco)</i> Nicopianum Castellum deditione accipit	114
- Verdam mittitur	248
<i>Ratisbonensis</i> comitia	212, 220
<i>Ratlovius (Diel.)</i> Comitem Hoyensem confodit	93
<i>Recessus Christiani III.</i> in tabulas publicas redigitur	151
- novis articulis illustratur	192
<i>Religionis</i> reformatæ in Dania progressus	169. seq.
- capita disputatione publica tractantur	272
<i>Remlingroffius (Godsebalcus)</i> Colchii Praefectus	341
<i>Rendsburgum</i> conventus a Christiano Duce indictus	23
<i>Redius (Theodor.)</i> Lubecensium Episcopus moritur	179
<i>Revaliensium legati</i> in Daniam	387
<i>Revæus (Johannes)</i> Episc. Asloënsis a Christiano III. Nidrosiam mittitur	118. seqv.
- Antistitis officio se abdicat	164
- liberationem impetrat	167
<i>Reventlovius (Diel.)</i> missus ad pacem inter Christianum III. & Lubecenses faciendam	61
<i>Reventlovius (Ivo)</i> mittitur ad Regem legatus	303
<i>Reventlovius (Sward.)</i> de tribunali a rusticis turbatur	111
<i>Richerius (Christoph.)</i> legatus Gallicus in Daniam	231
<i>Riemannus (Gasp.)</i> Clementem Nauclerum capit	69
<i>Rigenfis Archiepiscopus</i> flagitat a Christiano III. auxilium	259
- ejus gravamina adversus Rigenfes	269. seqv.
- admonet Regem imminentis periculi	112
<i>Ringstadum</i> conventus Ordinum indicitur	43
<i>Ripas</i> conventus Nobilitatis indicitur	12
<i>Ripenses articuli</i> de rebus Ecclesiasticis probantur	211
<i>Rönnovius</i> quidam juvenis in Polonia interficitur	119
<i>Rönnovius (Eric.)</i> Regni Daniae Senator	192
<i>Rönnovius (Hilar.)</i> inter nobiles captivos	141
- gratiam Regis impetrat	117
- cædis cognati sui vindex	159
<i>Rönnovius (Jacob.)</i> Episcopus Roskildensis	
- ei adjudicantur templa Hafniæ & alia jura Ecclesiastica	18
- ejus accusationes in Joh. Tausanum	ibid.
- in Tausanum gratus ob sedatum plebis furorem	20
- in Reformatos mitior	ibid.

Index.

<i>Rönnovius</i> (<i>Jac.</i>) clam se Hafnia subducit	-	-	40	
-	-	-	44	
-	-	-	ibid.	
-	-	-	10	
-	-	-	86	
-	-	-	110	
-	-	-	149	
-	-	-	168, 272	
<i>Rosacrantzia</i> (<i>Anna</i>) a plebe Selandiæ trucidatur	-	-	80	
-	-	-	148	
<i>Rosacrantius</i> (<i>Henr.</i>) Præfes Gothlandicus	-	-	91	
-	-	-	192	
<i>Rosacrantius</i> (<i>Olaus</i>) educationi Johannis Ducis præficitur	-	-	16	
-	-	-	10	
-	-	-	61	
-	-	-	148	
-	-	-	150	
<i>Rosacrantius</i> (<i>Oliger.</i>) contra Clementem & rebelles ducit	-	-	64	
-	-	-	65	
<i>Rosacrantius</i> (<i>Oligerus</i>) Dux exercitus in Sveciam missi	-	-	245	
-	-	-	307	
-	-	-	371	
-	-	-	392	
<i>Roskildia</i> Comiti Christophoro deditur	-	-	39	
<i>Rorskildensis Ecclesia</i> bona & jura in Rugia	191, 219, 239,	200		
<i>Rostochienfes</i> se Lubecensibus adjungunt	-	-	28	
-	-	-	120	
-	-	-	172	
-	-	-	181	
<i>Rothesii</i> Comitis oratio	-	-	334	
<i>Rudius</i> (<i>Cunutus</i>) ad conventum Bremensem mittitur	-	-	241	
-	-	-	369	
<i>Ruffus</i> (<i>Theodorus</i>) curiæ Episc. Nidros. præficitur	-	-	164	
<i>Rugiana</i> negotia apud Regem Daniæ tractantur	201. seqv.	239		
-	-	-	260	
<i>Rusorum</i> in Livonia irruptio	-	-	351	
<i>Rusticis</i> (<i>Nicol. de</i>) ex Gallia in Daniam missus	-	-	16	
-	-	-	ibid.	
-	-	-	ibid.	
<i>Sadolinus</i> (<i>Georg.</i>) vid. <i>Vibergius</i>	-	-		
<i>Samfingius</i> (<i>Georg.</i>) Ordinationi Eccles. subscribit	-	-	179	
<i>Sartor</i> , rebellionis Othinianæ auctor, capite multatur	-	-	91	
<i>Saxonis Electoris</i> responsum legatis Cæsaris datum	1	135		
-	-	-	359	
-	-	-	vid. plura in <i>Protestantes Principes</i>	

Scani

Scani.

Index.

<i>Scani</i> pacem a Comite Christophoro exposcunt	48
- Comiti Christophoro fidem renunciant	75
- Christianum III. Regem designant	102
<i>Scanica Nobilitas</i> jussu Comitis Christophori Hafniæ adest	70
<i>Scantici & Selandici Senatus</i> ad Norvegos literæ	49
<i>Scanici</i> equites cum Svecis se jungunt	25
- Procures ad Christianum III. scribunt	90
- Senatores Regem ab itinere Svecico dehortantur	102
<i>Scanningius</i> (Jas.) Superintendens Viburgensis consecratur	169
- Ordinationi Eccles. subscribit	170
<i>Scopperus</i> , cum Cæsareis, Christiano III. Regis titulum denegat	208
<i>Schougaardius</i> (Andr.) Ordinationi Eccles. subscribit	170
<i>Scoti</i> in Daniam legatos mittunt	113. 173. 264. 328. 333
<i>Scotici legati</i> Regi se excusant	351
- de piratica Danorum conqueruntur	ibid.
<i>Scotorum</i> in Danos sævitia	351. seq.
<i>Scramius</i> (Christ.) in prælio Clementino occumbit	65
<i>Scramius</i> (Parr.) summus classis regis Præfectus	95. 96. 97. 250
- sauciatur	109
<i>Scriba</i> (Christ.) Procurator regius in Islandia	348. seqv.
<i>Scroccius</i> (Christ.) ordinationi Eccles. subscribit	171
<i>Segebergum</i> oblidione fatigatur	33
<i>Selandi</i> Christophoro Comiti sacramentum fidei præstant	41
<i>Selandia</i> Ordines Ringstadum convenire jubentur	43
- Nobiles jussu Comitis Christoph. Hafniam veniunt	72
- Procures in custodiam traduntur	81
<i>Senatus consultum</i> in gratiam Ecclesiasticorum	6
<i>Senatus consultum alterum</i> in comitis Hafniensibus	10
<i>Seningius</i> (Job.) disputationi Hafniensi præest	272
- ejus opera in Academia instauranda	399. 422
- moritur	304
<i>Sesledius</i> (Bened.) ad comitia Augustana mittitur	299
- mittitur ad Regem legatus	303
<i>Sicimundus Poloniae Rex</i> pacis Livon. transactioni intercedit	380
<i>Sigonius</i> (Laur.) dux exercitus Svecici	72
- a Scanicis nobilibus in Sveciam mittitur	75
<i>Slesvicensis</i> Regi controversiam movent	338
<i>Slesvicensis Episcopi</i> Archiepiscopo Lundensi subjecti	339
<i>Slesvicensis</i> Collegii privilegia confirmantur	326
- Ducatus Danie conjunctus	339
- Episcopus censum Turcicum detrectat	382
- Diœcesis juri Danico cessit	ibid.
- Rerum ad Præsidentem curiam Immediatæ Gæth.	

Index.

<i>Slevertinus (Gerardus)</i> Ordinationi Eccles. subscribit	171
<i>Smalcaldicus conventus</i> , ad eum Rex Daniæ legationem mittit	210
<i>Sparraus (Cannus)</i> gratiam Regis impetrat	152
<i>Spiram</i> comitia indicuntur	202
<i>Spirensis pacificatio</i> , inter Daniæ Regem & Cæsarem	262, seqv.
<i>Stampenus (Severin.)</i> Traneburgum oppugnat	11
<i>Stecana arx dolo</i> capta diruitur	10
<i>Stedinus (Wilhelmus)</i>	210
<i>Stenbergius (Henricus)</i> in Fionia occubuit	24
<i>Stigotus (Job.)</i> interfectus	10
<i>Stigotius (Otto)</i> castellum Neoburgicum regis tradit	24
- Norvegiæ litora clam subit	189
- in gratiam Christiani III. recipitur	203
- in Islandiam mittitur	345
<i>Stigotius (Stigotus)</i> facinus audax aggreditur	98, 99.
- ad castra regia sæpe audax penetrat	101
<i>Stormius (Petrus)</i> Ordinationi Eccles. subscribit	171
<i>Strigelius (Victor.)</i> in Daniam vocatur	423
<i>Stugius (Job.)</i> castellum Silkeburgicum defendit	110
<i>Stureo (Svantoni)</i> regnum Sveciæ a Lubecensibus defertur	26
<i>Stureus (Thomas)</i> Malmogiam ad Regem mittitur	123.
<i>Suavenius (Petrus)</i> Johannis Ducis Informator	16
- in Belgium, Angliam & Scotiam mittitur	81
- Legatos Imperatoris audire jubetur	129
- Lubecam mittitur	130, 254, 261
- in Galliam mittitur legatus	175, 184, 231.
- cum Rege Galliæ agit	177, seqv. 189
- mittitur in Belgium legatus	207
- legatus Danicus Cæsarem accedit	208
- destinatur Coloniam legatus	212
- mittitur Ratisbonam legatus	229
- ad conventum Campensem legatus	214
- ad comitia Spirensia mittitur	202
- Vormatiam mittitur	273
- mittitur Francofurtum legatus	284
- ad Cæsarem legatus mittitur	295, 344
- ad comitia Augustana mittitur	299
- ex vita discedit	354
<i>Svecia regnum</i> Svantoni Stureo a Lubecensibus delatum	26
<i>Svecica rebellio</i> vires refumit	213
<i>Sveci</i> induciarum pactione exclusi	27
<i>Sveci & Dani</i> reconciliati	341
<i>Svecici arbitri</i> Halmstadium adeunt	175
<i>Svecici legati</i> fœdus cum Rege Daniæ ineunt	117
- cum Christiano III. de variis negotiis tractant	173

Svecici

Index.

<i>Svecici legati</i> cum Danis colloquuntur	-	-	236
- in Daniam missi	-	-	378. 383
<i>Svecicus miles</i> parum prospere in Hallandia pugnat	-	-	72
<i>Svecici Proceres</i> ad conventum Grisebecensem missi	-	-	367
<i>Svecorum</i> cum Lubecensibus inimicitiae	-	-	25
- in Danos molitiones	-	-	339
- acerbæ in Bildium querelæ	-	-	340
- querelæ adversus Danos	-	-	375. seqv.
<i>Sveciæ Rex</i> finibus Danicis imminet	-	-	215
- ad fœdus Gallicum invitatur	-	-	233
- Lubecensibus iratus	-	-	291
- vid. plura in <i>Gustavus</i>	-	-	
<i>Svenopolis</i> (<i>Svenoburgum</i>) militi regio diripienda datur	-	-	60
- iterum a regis diripitur	-	-	94
<i>Svenopolitani</i> defectionis Fionicæ principes	-	-	59
<i>Svigius</i> (<i>Melior</i>) ad oppugnandum Callunburgum mittitur	-	-	114
<i>Sundenfes</i> se Lubecensibus adjungunt	-	-	28
- pacis Danicæ participes fiunt	-	-	120
<i>Tachius</i> , Svecicæ rebellionis auctor, occumbit	-	-	245
<i>Tastius</i> (<i>Herman.</i>) Ordinationi Eccles. subscribit	-	-	171
<i>Tausanus</i> (<i>Job.</i>) in jus trahitur	-	-	17
- respondet ad objectiones Antistitum	-	-	18
- in eum sententia judicum	-	-	ibid.
- ejus supplicium intercessione mitigatur	-	-	19
- plebi restituitur	-	-	ibid.
- Ecclesiæ D. Nicolai restitutus	-	-	20
- Ordinationi Eccles. subscribit	-	-	170
- fit Episcopus Ripensis	-	-	251
<i>Tœcelburgicus Comes</i> copiarum Lubecensium Dux	-	-	91
- globo ictus in Fionia concidit	-	-	93. 442
- ejus sepultura	-	-	94
<i>Teutenburgius Baro</i> , copiarum Belgicarum Dux	-	-	136
<i>Textor</i> (<i>Georg.</i>) princeps legationis Lubicanæ	-	-	12
- ejus oratio in Danos invectiva	-	-	ibid.
- conjurationem molitur	-	-	15
- Christiano Duci regnum Daniæ offert	-	-	16
- Lubecensibus in Danos & Hollandos accendit	-	-	22
- Stureo auxilia Lubecensium pollicetur	-	-	26
- legatus Lubecensium ad conventum Hamburgens.	-	-	27
- classis Lubecanæ præfectus	-	-	35

Index.

<i>Thennerus</i> (<i>Hier.</i>) ad Moschos mittitur	101
<i>Thomas</i> (<i>Joan.</i>) Præsidibus curiæ Jutiæ in judicio assignatur	57
<i>Thomas</i> (<i>Petr.</i>) Superintendens Alburgensis consecratur	169
Ordinationi Eccles. subscribit	179
<i>Tilemarchie</i> fodinæ minerales	204
<i>Tonitrua & fulmina</i> prodigiosa	173
<i>Tott</i> (<i>Togo</i>) Elfsburgum mittitur	66
<i>Traneburgum</i> in deditionem venit	51
<i>Transitoanus</i> (<i>Maximilian.</i>) legatus Burgundicus ad conventum Hamburgensem	27
<i>Trebavins</i> Christiano Duci a Secretis	16
<i>Tridentinum</i> Concilium	284
<i>Trollius</i> (<i>Birgerus</i>) legatus Calmariam mittitur	196, 215
Elfsburgum mittitur	367
regni Daniæ Senator	392
<i>Trollius</i> (<i>Gustavus</i>) sedi Roskildensi a Christophoro Comite præficitur	39
Episcopatu Roskildensi se abdicat	44
captus, Gottorpiæ vitam finit	54
<i>Trolle</i> (<i>Hertius</i>) regni Daniæ Senator	392
<i>Trondanius</i> (<i>Christophorus</i>) inter præfectos classi Daniæ	277
<i>Trudsonius</i> (<i>Christoph.</i>) ad Helliglandiam appellit	158
<i>Trugotius</i> (<i>Christoph.</i>) classi Daniæ Præfectus	275
<i>Trundonis</i> (<i>Christoph.</i>) in Islandiam mittitur	345
<i>Tumulus</i> in interregno ob varias Antistitum machinationes	16
<i>Turonius</i> (<i>Joab.</i>) Dux exercitus Svecici	72
mittitur a Scanis Nobilibus ad Svecos	75
<i>Ubelacherus</i> prodicionis Neoburgensis Dux	61
<i>Ugeropius</i> (<i>Accius</i>) mittitur a Scanis ad Comitem Christophorum	48
Malmogiam obsidet	79
<i>Ugeropius</i> (<i>Ericus</i>) Christiano III. fidem dat	159
<i>Uldarici</i> Ducis Megalburgensis nuptiæ	380
<i>Ulfandius</i> (<i>Olig.</i>) mittitur a Scanis ad Comitem Christophorum	48
Coroneam obsidet	79
ei deditur Coronea	108
ad Regem Sveciæ mittitur	122
Christiani III. in restauranda republica Consiliarius	148
Calmariam legatus mittitur	196, 215
<i>Ulfandius</i> (<i>Trugotus</i>) mittitur a Christiano Duce ad Senatum Daniæ	1
in Sveciam mittitur	23
Malmogiæ asservatur	45
agit de Vardbergæ deditione	72
<i>Ulfon.</i>	

Index.

<i>Ulfandius</i> (<i>Trugotus</i>) Castelli Vardbergensis Præses	77
- - oppidum Vardbergam recuperat	105
- - Christiani III. in restauranda republica Consiliarius	148
- - Dux copiarum in Norvegiam	162
- - Leges Norvegicas emendat	204
<i>Urna</i> (<i>Job.</i>) arcis Hafniensis Præses	41
- - inter nobiles captivos	141
<i>Urna</i> (<i>Justus</i>) nobilis Fionius	51
<i>Urne</i> (<i>Claud.</i>) Elfsburgum mittitur	367
- - ad Moschos mittitur	388
<i>Usura</i> illicita interdicta	366
<i>Usenbovius</i> (<i>Carol.</i>) inter exules Protestantes ex Anglia	362
<i>Usenbovius</i> mittitur a Maria Belgica ad Christianum III.	38
<i>Usenbovius</i> (<i>Wolffg.</i>) mittitur ad pacem inter Christianum III. & Lubecenses faciendam	61
- - legatos Imperatoris audire jubetur	128
- - in Saxoniam & Hassiam mittitur	195
- - mittitur Smalcaldiam legatus	210
- - destinatur Coloniam legatus	212
- - ad conventum Naumburgicum mittitur	220
- - mittitur Ratisbonam legatus	220, 221
<i>Usinum</i> a Christophoro Comite capitur	32
<i>Uscelius</i> (<i>Conr.</i>) in Saxoniam irrupit	381
<i>Vasius f. Vexilius</i> (<i>Job.</i>) Metropolitanus quondam Lundensis	195
- - Lubecenses contra Christianum III. exstimulat	238
- - Daniæ infestus, moritur	313
<i>Walchendorphius</i> (<i>Eric.</i>) Christiani III. Cubicularius	394
<i>Waldemarus I.</i> Rex Daniæ Christianismum in Rugiam introducitur	447
<i>Waldensfeldius</i> (<i>Mart.</i>) Antistitem Lubecensem capit	260, 317
- - accusatur	274
- - ejus causa in comitiis Augustanis agitur	299
- - in causam ejus iterum inquiritur	322, seqv.
<i>Valdus</i> (<i>Baymarus</i>) Præses Coronensis	79
<i>Vandalica</i> civitates mittunt ad Christianum III. legatos	172
<i>Vandalicarum civitatum</i> quærelæ	373
<i>Vandalus</i> (<i>Job.</i>) Superintendens Ripensis consecratur	169
- - Ordinationi Eccles. subscribit	171
- - moritur	251, 439
- - Religionis in Ducatu Slesvicensi reformandæ adiutor	439
<i>Vardberga</i> a Svecis obsidione premittitur	72

Index.

<i>Weydensche (Eberb.)</i> religionis in Ducatu Slesvic. reformandæ adjutor	432. 468
<i>Vibergius Sadolinus (Georg.)</i> Superintendens Fionix consecratur	169
- - ordinationi Eccles. subscribit	171
- - ejus cum Hæreticis controversia	361
<i>Vibifferus (Vobislaus)</i> ad Moschos mittitur	388
<i>Viburgensis</i> conventus	250
<i>Wilhelmus</i> Metropolitanus Rigensis, in vincula abductus	380
<i>Wilstricus</i> tumultus	310
<i>Vinterus (Georg.)</i> Ordinationi Eccles. subscribit	171
<i>Viscius (Georgius)</i>	51
<i>Wismarienses</i> se Lubecenfibz adjungunt	28
- - pacem Danicam repudiant	120
- - fœdus cum Christiano III. faciunt	172
- - fœderi Lubecensi includuntur	181
<i>Vobisus (Vobisius)</i> ad Comitum Oldenburgicum legatus mittitur	301
<i>Vordinus (Erasim.)</i> Ordinationi Eccles. subscribit	171
<i>Wormatiensis</i> conventus	273
<i>Wormordus (Franc.)</i> superintendens Scania consecratur	169
- - Ordinationi Eccles. subscribit	170
- - diem obit supremum	353
<i>Zar Sigalejur</i> , dux exercitus Moscovitici	386

F I N I S.

H A F N I Æ,
ex Officina Typographica ERNESTI HENRICI BERLINGII,
Anno MDCCXXXVII,

